

# ማዢንቲ ማፃኣፔ ዓይያ ካር

ማዢንቲ ማፃኣፕ ሳዖንታ ጫሪንጮንታኮ ማዢንቲ ዛላ፥ ዓሲ ዜርሢኮ ሙኪሢ ዛላ፥ ጎሜና ዋኣዮ ናንጊኮ ዓይያና ያኦሲ ዓሲ ዜርሢኒና ዋላ ዓኣ ካኣሚያ ዛሎ ኬኤዛኔ፤ ማዢንቲ ማፃኣፕ ላምዖ ጴጌፕ ጴጌፕ ቤሲ ፓቂንታኔ።

1. ዓይሢ 1—11 ሄላንዳኣና፡- ሳዖና ጫሪንጮናኮ ማዢንቲና ዓሲ ዜርሢኮ ቤርታኣ ሃይሶዋ ኬኤዛኔ፤ ዓዳኣሚና ሂዋኣኖናኮ፥ ቃኣዔኤሌና ዓኣቤኤሌናኮ፥ ኖሃና ባይሲንቶ ዋኣዖናኮ፤ ዴያጉዲ ሃሣ ባብሎኔ ጌይንታ ቤዛ ማዢንቲ ጴጌፕ ሹጮ ኬኤሎናኮ ሃይሳ ጴዳሢ ዩኖ ቤዘይዳኬ።

2. ዓይሢ 12ፕ ዴንዲ 50 ሄላንዳኣና፡- ዩና ቤዛ ዒሰራዔኤሌ ዓሳኮ ቤርታኣ ዓዳንሢ ሃይሶ ኬኤዛኔ፤ ዔያቶ ባኣካፕ ቤርታዲ ያኦሲ ጉሙርቂያና ያኦሲሞ ዓኣ ዓይሢንቲያና ዔርቲያ ማዔሢ ዓብራሃሜኬ፤ ዩካፕ ዒዛኮ ናኣዚ ዪሳኣቂንታ ናኣዚ ናዖ ማዔሢ ያይቆኦቤንታ ታጶ ላምዖ ያይቆኦቤ ናኣቶ ሃይሳ ሄሊ ኬኤዚንቲኔ፤ ዩንሢያ ታጶ ላምዖ ያይቆኦቤ ናኣቶንሢ፤ ታጶ ላምዖ ዒሰራዔኤሌ ያጶኮ ቤርታሳዘንሢኬ፤ ዩንሢ ታጶ ላምዖ ዒሰራዔኤሌ ናኣቶ ባኣኮይዳፕ ዲማና ዮሴፔ ዛሎ፤ ዩያጉዲ ሃሣ ያይቆኦቤ ዛላና ዒዛኮ ናኣታ ማኣር ዓሶና ዋላ ጊብፄ ዓጮ ዔኪ ሙኬ ባኮ ዛሎ ኮሺ ኬኤዛኔ።

ሃና ማፃኣፕ ዴሬ ሃይሴ ዛላ ባኣዚ ኬኤዛያ ማዔቲያ ቢያፕ ዑሣ ኬኤዛሢ ያኦሲ ማዳ ማዳ ዛሎኬ፤ ያኦሲ ሳዖና ጫሪንጮና ማዢ ሃይሶ ኬኤዚሢ ዓርቂያ ያኦሲ ዴርሞ ማሊያ ሃሹዋኣሢ ዔርዛያ ማዔ ሃጊ ማዓንዳ ዋዘ ፔጋሲሢኒ ኩንሢኔ፤ ማፃኣፔሎኮ ካራፕ ዴንዲ ጋፕ ሄላንዳኣና ዓኣ ፑኤፕ ሃይሶ ዓዴ፥ ዳቢንታ ዓሶ ዑይይዳ ጎሪንታሢና ዋጋሢ፥ ዴር ዔኪ ዓኣዳሢና ማኣዳሢ፤ ሃሣ ዔያታ ናንጋ ናንጎ ሃይሶ ዔያቶኮ ጊኢጊሻሢ ፔ ቶኣኪና ያኦሲኬ። ሃይ ሚርጌ ዋዴኮ ቤርታ ዓኣ ማፃኣፕ ያኣፒንቲሢ ዴርኮ ያኦሲ ጉሙርቂያ ኬኤዛኒና ዩያ ጉሙርቂያና ናንጊና ባይቂዋያ ማዒ ናንጋንዳጉዲ ማሃኒኬ።

### ማፃኣፔላ ዲማ ዲማ ዓርቂ ባኮ

ሳዖና ጫሪንጮና ሃሣ ዓሲኮዋ ማዢንቲ (1:1—2:25)

ጎሜና ሜቶናኮ ዓይያ (3:1-24)

ዓዳኣሚይዳፕ ዴንዲ ኖሃ ሄላንዳኣና ዓኣ ሃይሶ (4:1-5:32)

- ኖሃና ባይሲንቶ ዋኦ ዛሎ ሃይሶ (6:1-10:32)
- ባብሎኔ ሹጮ ኬኤሎ ዛሎ (11:1-9)
- ኖሃ ናኣዚ ሴኤሜይዳፓ ዳንዲ ዓብራሃሜ ሄላንዳኣና ዓኣ ሃይሶ (11:10-32)
- ቤርታኣ ዓድንሢ ዓብራሃሜንታ ዪሳክቄንታ ያይቆኦቤንታ ዛሎ (12:1—35:29)
- ያይቆኦቤ ናኣዚ ዔኤሳዎ ዜርዎ ሾይንቶ (36:1-43)
- ዮሴፔና ዒዛኮ ጌርሲንሢና ዛሎ (37:1—45:28)
- ዒሰራዔኤሌ ዓሶኮ ጊብፄ ዓጮይዳ ናንጊዎ (46:1—50:26)

ሳዓኮ ማዢናጥ ጎይሢ

1 ቤርታዲ ያኦሲ ጫሪንቸና ሳዓና ዔኤቢ ባኣያይዳፓ ማዢኔ።  
2 ዬኖ ዎድና ሳዎኮ ሃማኬ ጌዒ ዔርታ ባኣዚ ባኣያ፤ ሃሣ ፔቲታዎ  
ዒዞይዳ ዓኣ ባኣዚያ ባኣያኮ። ሚርጌና ዔቲ ማዔ ዴኤፖ ዒጊቻ  
ዋኦ ዑዎይዳ ሻኔ ዲሚ ዓኣኔ፤ ያኦሲኮዎ ዓያና ዋኦ ዑዎይዳ ሴካ  
ሃንጋ ጋዒ።

3 ዬካፓ ያኦሲ «ፖዒ ፖዎንጎ» ጌዒ ዓይሣዛ ፖዔ። 4 ያኦሲ ፖዒ  
ዛጋዎ ዒ ማዢ ባኮና ዎዛዴኔ፤ ዬካፓ ያኦሲ ፖዒ ዲሚፓ ዲማሲ።  
5 ፖዎ «ሮኦሪ» ጌዒ፣ ሃሣ ዲሞዎ «ዋንቲ» ጌዔ። ሳዓ ዓሚ ካሬኔ፤  
ዬና ፔታሳ ቤርታሲ ኬሊ ማዔ።

6 ዬካፓ ያኦሲ «ዋኦ ዎኦይዳፓ ፓቂ ቃዛያ ሳዎኮ ዑዎይዳ ሌካ  
ዴጌ ቤሲ ማዎንጎ» ጌዒ ዓይሣዛ ማዔ፤ 7 ያኦሲ ዬያይዲ ሌካ  
ዴጌ ዎኦዎኮ ሳዛ ጉሪ ቤሲ ማዢኔ፤ ዬካፓ ያኦሲ «ዬኖ ጉሮ ቤዘኮ  
ዴማ ዓኣ ዎኦዎና ዑፃ ዓኣሢና ፓቂንቶንጎ» ጌዔ፤ ዒዚ ጌዔሢጉዴያ  
ማዔ። 8 ያኦሲ ዬኖ ሳዎኮ ዑፃ ዴጊ ጌዔ ጉሮ ቤዘ «ጫሪንቸ»  
ጌዔ። ሳዓ ዓሚ ካሬኔ፤ ላምዓሳ ኬሊ ማዔ።

9 ዬካፓ ያኦሲ ፃኣዲ ዓጨ ፔጋዲ ጴዳንዳጉዲ ጫሪንጮኮ ዴማ  
ዓኣ ዎኦ «ፔቲ ቤሰካ ዴዎም» ጌዔ፤ ዒዚ ጌዔሢጉዴያ ማዔ።  
10 ያኦሲ ፃኣዲ ዓጮ «ሳዓ» ጌዒ፣ ሃሣ ፔቲ ቤዛ ዴዒ ዓኣ ዎኦ  
«ዴኤፒ ባዚ» ጌዔ፤ ያኦሲ ዬያ ዛጋዎ ማዢ ባኮና ዎዛዴኔ። 11 ዬካፓ  
ያኦሲ «ሳዓ ቲኮ ሚሢንታ ሃኣኮ ዜርሢ ጉቤ፤ ሃሣ ዓኣፒ ዓኣፓ ሚሢ  
ዲማ ዲማ ባቃልሶንጎ» ጌዒ ዓይሣዛ፣ ዒዚ ጌዔሢጎይዎ ማዔ።  
12 ዬያ ጎይዎና ሳዓ ቢያ ባኮ ባቃልሶም፣ ያኦሲ ዬያ ዛጋዎ ማዢ ባኮና  
ዎዛዴኔ። 13 ሳዓ ዓሚ ካሬኔ፤ ሃይሣሳ ኬሊ ማዔ።

14 ዩካፓ ያኦሲ «ሮኦሮ ዋንታፓ ዲማሳኒ ዲማ ዲማ ፖሲ ጨሪንጮይዳ ማፖንጎ፤ ዲማ ዲማ ኬሎንታ፡ ሌፖንታ ሌፖይዳ ዓኣ ዲማ ዲማ ዋደኣ ዓርቃ ዋደ ዲማሲ ዔርዘ ማላታ ማፖንጎ፤ 15 ሳፖም ፖሲ ጨሪንጮ ማሲ ፖፖንጎ» ጌሲ ዓይሣዛ ማዔኔ። 16 ዩያይዲ ያኦሲ ላምፖ ደኤፔ ፖሲ ዔኤቢ ባኣያይዳፓ ማዢኔ፤ ፑኡፔ ፖሲ ፖሳ ዓቢ ሮኦሪ ፖሳንዳፐዲ፡ ሃሣ ገንሣ ደካ ፖሲ ፖሳ ዓገኒ ዋንታ ፖሳንዳፐዲ ማሃፖ ዩያፐዲ ሃሣ ዡኦጎዋ ማዢኔ፤ 17 ዩንሣ ፖፖንሣ ጨሪንጮ ደዓንዳፐዲ ጌሣኔ፤ ዩያ ዓሲ ማደሣ ሳፖም ፖሲ ፖሳንዳፐዲ፡ 18 ሮኦሪና ዲሚናይዳ ፖሳንዳፐዲና ዲሚ ፖሲዳፓ ዲማሳንዳፐዳያኬ። ያኦሲ ዩያ ዛጋፖ ማዢ ባኩና ዋዛደኔ። 19 ሳዓ ዓሚ ካሬኔ፤ ፖይዳሳ ኬሊ ማዔኔ።

20 ዩካፓ ያኦሲ «ዋኣሢዳ ዲማ ዲማ ሸምፖና ዓኣ ማዢናጥ ዲቢ ዓኣያ ማፖንጎ፤ ካፒያ ሳፖኮ ዑፃ ጨሪንጮይዳ ባራኖንጎ» ጌዔኔ። 21 ዩያይዲ ያኦሲ ፑኡፔ ፑኡፔ ባዚ ቦፖንታ ማሌ ዋኣያይዳ ናንጋያና ዓገፃ ዲማ ዲማ ማዢናጥ፤ ሃሣ ዲማ ዲማ ካፖዋ ዔኤቢ ባኣያይዳፓ ማዢኔ። ያኦሲ ዩያ ዛጋፖ ማዢ ባኩና ዋዛደኔ። 22 ያኦሲ ዔያቶ «ሾይ ሚርፐዋቴ፤ ዜርፃ ዒንሢኮ ባዞ ዋኣፖ ኩሞንጎ፤ ካፓኣ ሳፖይዳ ሚርጎንጎ» ጌሲ ዓንጃኔ። 23 ሳዓ ዓሚ ካሬኔ፤ ዶንጎሳ ኬሊ ማዔኔ።

24 ዩካፓ ያኦሲ፡- «ሳዓ ዲማ ዲማ ማዔ ሸምፓ ዓኣ ማዢናጥ ጌይፃ ዲማ ዲማ ቆሎንታ፡ ደካንታ ደኤፔንታ ማዔ ካይዚ ቦፖ ማዢናጥ ደዲሶንጎ» ጌሲ ዓይሣዛ ማዔኔ። 25 ያኦሲ ዩያይዲ ሸምፓ ዓኣ ማዢናጥ ቢያ ማዢኔ፤ ዒዚ ዩያ ዛጋፖ ማዢ ባኩና ዋዛደኔ።

26 ዩካፓ ያኦሲ፡- «ዓሲ ኑኡኒ ኑ ማሎና፡ ኑና ማላያ ዔኤቢ ባኣያይዳፓ ማዡም፤ ዩንሣ ዓሶንሢኮ ባዞይዳ ናንጋ ሞላሢ ዑፃ፡ ጨሪንጮ ካፖ ዑፃ፡ ቆሎንታ ካኖ ቦፖ ደኮንታ ደኤፔንታ ዑፃ፤ ሃሣ ዩያፐዲ ሳፖ ቢያይዳ ቢታንቶ ዓኣያ ማፖንጎ» ጌዔኔ።

27 ያኦሲ ዩያይዲ ዓሲ ማዢኔ፤

ፔ ማሎና ፔና ማላያ፡  
ዓቲንቄና ላኣሊና ማሂ ማዢኔ።

28 ያኦሲያ ዓሲ «ሾይ ሚርፐዋቴ፡ ፃጰ ዒንሢኮ ሳፖ ኩሞንጎ፤ ሳዓኣ ዒንሢ ቢታንቶኮ ደማ ማፖንጎ፤ ባዞይዳ ናንጋ ሞላሢ ዑፃ፡ ጨሪንጮ ባራና ካፖና ሳፖይዳ ዓገፂ ሃንታ ሸምፖና ዓኣ ባኮ ቢያ ዑፃ ዒንሢኮ ቢታንቶ ዓኣያ ማፖንጎ» ጌሲ ዓንጃኔ። 29 ያኦሲ ዔያቶም

ከኤዛዎ፡- «ሙኡዚ ዒንሢሞ ማዓንዳጉዲ ሳይዳ ጴዳ ሃኣኮንታ ዓኣፒ ዓኣፓ ሚሢንታ ታኣኒ ዒንሢሞ ዒንጌኔ። 30 ሃሣ ዪያጉዲ ቆሎንታ ካዮ ቦዎንታም፡ ጫሪንጫ ባራና ካፖንታ ሳይዳ ዓጊፃ ሽምፓ ዓኣ ማዢናጥንታ ዑኡሲ ዔካ ሽምፔና ዓኣ ማዢናጥም ቢያ ሙኡዚ ማዓንዳጉዲ ዓኣዔ ማኣቲና ዒላሸና ታኣኒ ዒንጌኔ» ጌዔኔ፤ ዪይያ ዒዚ ጌዔ ጎይያ ማዔኔ። 31 ያኡሲ ማዢና ባኮ ቢያ ዛጋዎ፡ ዑሣ ዓኣጴ ዎዛጴኔ። ሳዓ ዓሚ ካሬኔ፤ ላሃሳ ከሌ ማዔኔ።

## 2

1 ጫሪንጫና ሳዎና፤ ሃሣ ዔያቶይዳ ዓኣ ባኮኮ ቢያ ማዢናጥ ያዒዲ ጋፔኔ።  
2 ያኡሲ ላሃሳ ከሎና ማዶ ቢያ ጋፒሲ ላንካሳ ከሎ ማዶ ሃሽኔ።  
3 ያኡሲ ማዢና ማዶ ቢያ ሃሽ ከላ ዒማና ማዔሢሮ ላንካሳ ከሎ ዓንጂ ዲማሴኔ። 4 ዪያሮ ጫሪንጫና ሳዎና ዔኤቢ ባኣያይዳፓ ማዢናጥ ዎዶና ማዢናጥ ሃይሳ ያዲከ።

### ያኡሲ ዓቲንቁና ላኣሊና ማዢና

ናንገና ናንጋ ጎዳ ማዔ ያኡሲ ጫሪንጫና ሳዎና ማዢና ዎዶና፡-  
5 ሳይዳ ዒርዚ ዋርቁሲባኣያ ማዔም፤ ሃሣ ሳዎ ያሸካ ዓሲ ባኣሢሮ ሳይዳ ፔቲታዎ ባቃሊ ዓኣ ባኣዚ ባኣሴ፤ 6 ያዒ ማዔቶዎ ሳይዳፓ ቱሮ ዓልቃ ዎኣሢ ፃኣዶ ሳዎ ቢያ ዑሻኔ።  
7 ዪካፓ ናንገና ናንጋ ጎዳ ማዔ ያኡሲ ሳዎ ዓጮይዳፓ ዔከ ዓሲ ዓጪና ማዢና፤ ሲኢዶና ናንገ ዒንጋ ዑኡሲ ዑኡዜኔ፤ ዓሲያ ሽምፖና ናንጋ ማዢናጥ ማዔኔ።  
8 ናንገና ናንጋ ጎዳ ማዔ ያኡሲ ዓቦኮ ከዘ ዛሎና ዔዴኔ ጌይንታ ኮሺ ቤሲ፡ ዲማ ዲማ ባቃላ ሚሢ ዓኣ ቤሲ ማሃ ኮሺኔ፤ ዒዚ ማዢና ዓሢያ ዒኢካ ጌሣኔ። 9 ዪኖ ቤዜሎይዳ ዛጋዛ ዎዛሳያና ዓሲም ሙኡዚ ማዓንዳ ዲማ ዲማ ሚሢ ባቃላንዳጉዲ ማሃኔ፤ ጊንሣ ዪያ ዲማ ዲማ ባቃሌ ሚያኮ ባኣኮይዳ ናንገ ዒንጋ ሚሢ ዓኣኔ፤ ዪያጉዲያ ሃሣ ኮዢ ፑርታይዳፓ ዲማሳንዳጉዲ ማሃ፡ ዔራቶ ዒንጋ ሚሌ ሚሢያ ዒኢካ ዓኣኔ።  
10 ዪኖ ዲማ ዲማ ሚያ ባቃሌ ቤዜሎ ዑሻ ጴኤፒ ዓልቃ ዋርዚ ዔዴኔ ጌይንታ ቤዛፓ ዎታኔ፤ ዪይ ዎራሢ ዔዴኔይዳፓ ከሰካዎ ያይዶ ማዒ ፓቁንታኔ። 11 ቤርታሳ ዎራሢ ፒሽኔ ጌይንታኔ፤ ዪይያ ዋርቁ ጴዳያ፡ ሃዋላ ጌይንታ ዓጮ ቢያ ሺሪ ዴንዳኔ፤ 12 ዪኖ ዓጮ ዋርቃ

2:2 2:2 ዔብ. 4:4፤ 10። 2:3 2:3 ከሲ. ማፃ 20:11። 2:7 2:7 1ቆር. 15:45። 2:9 2:9 ዮሃ. ያፔዳ 2:7፤ 22:2፤ 14።

ጌኤሺኬ፤ ሃሃ ሲዛ ሳጮይዳ ሜሌ ቤሰካ ጴዳዎ ሳውቃ ሚሢ ማኣሢንታ ሚርጌ ሚዛጲ ማዔ ዲማ ዲማ ባኣዚ ማይሌ ኮሽም ማዓ ሹቹያ ዒኢካ ዓኣኔ። 13 ለምዓሳ ዎራሢ ጊዮኔ ጌይንታኔ፤ ዬይያ ዒቶጲያ ሳጮኮ ዙሎና ሺሪ ዓኣዳኔ። 14 ሃይሣሳ ዎራሢ ጭገርሴ ጌይንታኔ፤ ዬይያ ዓሰኣሪ ጌይንታ ሳጮኮ ዓባ ኬሰካ ዛሎና ዓኣዳኔ፤ ያይዳሳ ዎራሢያ ዔፒራዲሴ ጌይንታያኬ።

15 ዬካፓ ናንጊና ናንጋ ጎዳ ማዔ ያኦሲ ዓሲ ዔዴኔይዳ ጌሣኔ፤ ዬያ ዒዚ ማዳሢ ዓሲ ዬኖ ዲማ ዲማ ሚፃ ባቃላ ቤዜሎ ጎሽኪ ሚፆዎ ሚዛጲሲ ካፓንዳጉዲኬ። 16 ናንጊና ናንጋ ጎዳ ማዔ ያኦሲ፡- «ዲማ ዲማ ሚፃ ባቃላ ቤዘይዳ ዓኣ ሚፆኮ ዓኣፖ ኔኤኒ ሙዒኒ ዳንዳዓኔ፤ 17 ጋዓንቴ ኮዦ ፑርታፓ ዲማሳንዳጉዲ ማሃ ዔራቶ ዒንጋ ሚፆሎ ዓኣፖይዳፓ ሙዒፖ፤ ዓይጎር ጌዔቶ ዬኖ ሚፆሎ ዓኣፖይዳፓ ኔኤኒ ሙዔ ዎደና ሃይቃንዳሢ ኔና ዔሬ» ጌዒ ዓሢም ኬኤዜኔ።

18 ሄሊሳዎ ናንጊና ናንጋ ጎዳ ማዔ ያኦሲ፡- «ዓሢ ፔኤር ናንጋሢ ኮሽቱዋሴ፤ ዬያር ዒዛና ጊኢጋያ፡ ሃሃ ሲዛ ማኣዳንዳያ ላጌ ታኣኒ ማዣንዳኔ» ጌዔኔ።

19 ናንጊና ናንጋ ጎዳ ማዔ ያኦሲ ሳዎ ሳጮይዳፓ ዔኪ ካዮ ቦዮንታ፡ ቆሎንታ፡ ካፖንታ ቢያ ማዢኔ፤ ዎዚ ጋዓ ሱንሢ ዒዚ ዔያቶም ጌሣንዳቴያ ዛጋኒ ዓሢ ኮራ ዔኪ ዬዔኔ፤ ዓሢ ቶኣካ ቶኣካ ሽምፖና ዓኣ ማዢንቶም ጌሣ ሱንፃ ፔቴ ፔቴሢም ዔኤሊንቶያ ማዔኔ። 20 ዬያይዲ ዓሢ ቆሎንታ ካፖንታ ቦዮንታም ቢያ ሱንሢ ጌሣኔ። ዓሢም ጋዓንቴ ዒማና ጊኢጋያና ላጌ ማዒ ዒዛ ማኣዳያ ሃጊ ጴዳባኣሴ።

21 ናንጊና ናንጋ ጎዳ ማዔ ያኦሲ ዓሢ \* ሃሃይቁጉዲ ጊንዒሽኔ፤ ዬካፓ ዒዚ ጊንዒ ዓኣንቴ ጎኦቦ ባራንፃፓ ፔቴ ሜጌሢ ዔኪ ቤዛ ዓሽኪና ኩንሢ ፓዲሴኔ፤ 22 ናንጊና ናንጋ ጎዳ ማዔ ያኦሲ ዓሢኮ ጎኦባፓ ዔኪ ባራንፃ ሜጌፆሎ ላኣሊ ማሢ ማዢ፡ ዓሢ ኮራ ዔኪ ሙኬኔ። 23 ዓሢ ዒማና፡-

«ሃይሽ ጋፒንፆይዳ ታኣኒ ታና ማላያ ዴንቄኔ፤  
ዒዛ ታኣኮ ማጌፃፓ ጴዳ ማጌሢኬ፤  
ታኣኮ ዓሽኮይዳፓ ጴዳ ዓሽኪኬ፤

ዓቲንቁፓ ጴዳያ ዒዛ ማዔሢር <ላኣሊ> † ጌይንቶንጎ» ጌዔኔ።

\* 2:21 2:21 ዓሢ ጌይፃ ዔብሬ ዓሶ ሙኡቹና «ዓዳኣሜ» ጌይሢኬ። † 2:23 2:23 ላኣሊዔብሬ ዓሶ ሙኡቹና «ዒሽ» ጌይሢ ዓቲንቁጌይሢ ማዓዛ፡ «ዒሽ» ጌይፃ ላኣሊኬ።

24 ዓቲንቄ ዓደና ዒንደና ሃሺ ማቸና ዋላ ማዓሢ ዬያርኬ፤ ለምዎንሢያ ፔቲ ማዓኔ።

25 ዓሢና ማቸና ዔያቶኮ ዑፃ ካሎታንቴ ዋሊ ሴልቂ ዒጊጨዋሴ።

### 3

#### ዓሲኮ ዓይሢንቴሢ ዒፃሢ

1 ናንጊና ናንጋ ጎዳ ማዔ ያኦሲ ማዘፍ ሰዖ ቢያይዳፓ ሾኦሺ ሚርጌ ጨንጫ፤ ሃሢ ጌሻያታሢሮ፡- «ዲማ ዲማ ሚፃ ባቃሊ ዓኣ ቤዜሎይዳ ዓኣ ሚያኮ ዓኣፓ ዒንሢ ሙዑዋጉዲ ያኦሲ ዒንሢ ጎኔ ላኣጊያ?» ጌዒ ላኣሌሎ ያኦጩኔ።

2 ላኣሌላ ማሃዖ፡- «ዲማ ዲማ ባቃሊ ሚፃ ዓኣ ቤዜይዳ ዓኣ ሚያ ዓኣፓይዳፓ ኑ ሙዒኒ ዳንዳዒ፤ 3 ጋዓንቴ ያኦሲ «ዲማ ዲማ ባቃሊ ሚያኮ ባኣኮይዳ ዓኣ ሚፃሢ ዓኣፓ ሙዒፖቴ፤ ኩጮናኣ ካኣሚፖቴ፤ ዬያ ዒንሢ ማዳቶ ሃይቃንዳኔ» ሂዚ ጌዒ ኑም ላቴኔ» ጌዒ።

4 ሾኦዣሢ፡- «ፔቲታዖ ዒንሢ ሃይቃዓኔ፤ 5 ያኦሲ ዬያ ዒንሢ ዓይሢሢ ዬያ ሚያኮ ዓኣፓ ዒንሢ ሙዒ ዋደና ያኦሲጉዲ ዒንሢ ማዓንዳሢና ኮዣ ፑርቶይዳፓ ዲማሲ ዒንሢ ዔራንዳሢ ቤርታዲ ዔራሢሮኬ» ዒዘም ጌዒ።

6 ላኣሌላ ሚፃሢ ኮሺ፣ ዓኣፓ ሙዒኒያ ናሻያና ዔራ ማሃኒ ዳንዳዒያ ማዔሢ ዛጋዖ ዓኣፓይዳፓ ዔኪ ሙዒ ዒዘና ዋላ ዓኣ ዒኒማኣ ዒንጌኔ፤ ዒዚያ ሙዒ። 7 ዬካፓ ለምዎንሢ ቤዘማና ጳቂሥሢ ዔራቶ ዴንቄሢሮ፣ ካሎ ዔያታ ማዔሢ ዔራሬ፤ ዬያር ቤሌሴ ጌይንታ ሚሢኮ ዒላዣ ዋላ ካንሢ ሲካዖ ጊልዲማ ማሃ ዔያቶኮ ካሎም ዓኣቼ።

8 ዬኖ ከሎ ዋንቶና ናንጊና ናንጋ ጎዳ ማዔ ያኦሲ ዲማ ዲማ ሚፃ ባቃሊ ዓኣ ቤዜሎይዳ ሃንታንቴ ዑኡዘ ዋይዜሢሮ፣ ዓሢና ማቸና ናንጊና ናንጋ ጎዳ ማዔ ያኦሲ ዔያቶ ዴንቄዋጉዲ ጌዒ ሚያ ባኣካ ዓኣሺንቴ። 9 ጋዓንቴ ናንጊና ናንጋ ጎዳ ማዔ ያኦሲ ዓሢ ዔኤላዖ፡- «ኔኤኒ ዋካ ዓኣይ?» ጌዒ ያኦጩኔ።

10 ዓሢ፡- «ዲማ ዲማ ሚፃ ባቃሊ ዓኣ ቤዜይዳ ኔኤኮ ዑኡዘ ታ ዋይዘዖ፣ ካሎ ታኣኒ ማዔሢሮ ኔና ታ ዒጊጨ ዓኣሺንቴ» ጌዒ።

11 ያኦሲያ ዓሢ ኮራ፡- «ኔኤኒ ካሎ ማዔሢ ያ ኔኤም ከኤዜይ? ታ ኔና «ሙዒፖ» ጌዒ ሚያ ዓኣፓ ዔኪ ኔኤኒ ሙዒያ?» ጌዒ ያኦጩኔ።

2:24 2:24 ማተ. 19:5፤ ማር. 10:7-8፤ 1ቆሮ. 6:16፤ ዓፕ. 5:31። 3:1 3:1 ዮሃ. ያፕዳ 12:9፤ 20:2።

12 ዓሢ፡- «ሃና፣ ታኣና ዋላ ናንጋንዳጉዲ ኔ ዒንጌ ላኣሌላ ሚያ ዓኣፖ ዔኪ ታኣሞ ዒዛ ዒንጋዛ ታ ሙዔኔ» ጌዔኔ።

13 ናንጊና ናንጋ ጎዳ ማዔ ያኦሲ ላኣሌሎ፡- «ዓይጎር ኔኤኒ ዬያይዳይ?» ጌዒ ያኦጩኔ።

ላኣሌላ ማሃዎ፡- «ሾኦሺ ታና ጌሻዛ ታ ሙዔኔ» ጌዔኔ።

**ያኦሲኮ ዋጊያ**

14 ዬካፓ ናንጊና ናንጋ ጎዳ ማዔ ያኦሲ ሾኦኸሃሚሞ ሂዚ ጌዔኔ፡-

«ዬያ ኔኤኒ ማዳሢር ቆልሞና ቦያ ቢያይዳፓ ዲማዲ ጋዳንቁንቴያ ማዔ፤

ሃናኣፓ ዓርቃዎ ዳዲና፣ ሳዓና ጎቹንቴ ሃንቴ፤

ቢያ ዋዴ ዓጪ ሙዒ ናንጌ፤

15 ኔኤና ላኣሌሎና ዋሊኮ ሞርኬ ታኣኒ ማሃንዳኔ፤

ዒዛ ዜርዖና ኔ ዜርዖና ቢያ ዋዴ፣ ኮሜ ዓሲ ማዒ ናንጋንዳኔ፤

ላኣሌሎ ዜርዖ ኔኤኮ ቶኦኮ ዳኣፃንዳኔ፤

ኔኤኒ ዒዛ ዜርዖኮ ዲንጊርዢ ዳዒንዳኔ።»

16 ላኣሌሎማኣ፡-

«ኔኤኒ ጎጳዴ ዋድና ሜታሢ ታ ኔኤኮ

ኔ ሾዓ ዋድናኣ ቆፂ ሜታሲያ ታ ሚርጊሻንዳኔ፤

ጋዓንቴ ኔ ዓኒ ኔ ሱኡካዳንዳኔ፤

ሃሃ ኔ ዓኒማ ኔኤኒ ዓይሢንታያ ማዒንዳኔ» ጌዔኔ።

17 ዓሢማኣ ሂዚ ጌዔኔ፡-

«ኔ ማቾ ጌኤዞ ኔኤኒ ዋይዚ ኔና ታ <ሙዒፖ> ጌዔ ሚያ ዓኣፖ ኔ ዔኪ ሙዔሢር

ኔ ማዴ ፑርቶ ማዴ ዛሎና ሳዔላ ጋዳንቁንቴያ ማዎሞ፤

ሳዓ ኔኤሞ ኮይሳ ሙኡዚ ዒንጋንዳጉዲ

ኔ ናንጎ ዋድ ቢያይዳ ሚርጌ ኔኤኒ ላቢንቴ ማዴ።

18 ሳዓ ኔኤሞ ዓንገሢና ጋሙዲና ባቃልሶሞ፤

ኔኤኒያ ሳያይዳፓ ባቃሌ ባኮ ሙዔ።

19 ኔኤኒ ዓጪታሢር

ኔ ኬሰኬ ዓጮ ባንሢ ማዒ ኔ ጌላንዳያ ሃላንዳኣና

ሙኡዚ ዴንቃኒ ሚርጌ ጩጋቴ ኔኤኒ ማዳንዳኔ።»

20 ዓሢያ ዒዛኮ ማቻ ሼሞፓ ዓኣ፣ ዓሲ ማዢንቴኮ ቢያ ዒንደ ማዔሢር «ሂዋኣኖ» ጋዓ ሱንሢ ዒዛሞ ጌሣኔ። 21 ናንጊና ናንጋ ጎዳ ማዔ ያኦሲ ዓዳኣሜና ማቾናሞ ዒልዒ ዓፒላ ማሃ ኮሺ ማይሴኔ።

3:13 3:13 2ቆሮ. 11:3፤ 1ፃሞ. 2:14።      3:15 3:15 ዮሃ. ያፔዳ 12:17።  
3:18 3:18 ዔ.ብ. 6:8።

ዓዳላሚና ማቾ ሂዎአኖናኮ ጌኔቴ ጌይንታ ኮዢ ቤዛፓ ኬዛ

22 ዩካፓ ናንጊና ናንጋ ጎዳ ማዔ ያኦሲ ኬኤዛዎ፡- «ዓካሪ ዓሲ ኮዢ ፑርቶይዳፓ ዲማሲ ዔርዛ ዔራቶ ዔራሂረ ክጊዳፓ ፔቴሂጉዲ ማዔኔ፤ ሃይፓ ሴካ ፔ ኩጮና ሸምፖ ዒንጋ ሚያይዳፓ ዔኪ ሙዒ ናንጊና ናንጉዋጉዲ ዒዛ ታ ላኣጌ» ጌዔኔ። 23 ዩያር ናንጊና ናንጋ ጎዳ ማዔ ያኦሲ ዔዴኔ ጌይንታ ዲማ ዲማ ሚፃ ባቃሊ ዓኣ ቤዛፓ ዓሂ ማዢንቴ ሳዖ ጎሽኪ ናንጋንዳጉዲ ዒዛ ኬሴኔ። 24 ያኦሲ ዓሲ ዔዴኔይዳፓ ኬሴሂኮ ጊንፃ ዩኖ ቤዜሎኮ ዓባ ኬሰካ ዛሎና ዴኤፕ ዒጊቻ፡ ዒዛኮ ኪኢታንቾና ቢያ ዛሎ ሺሪ ሺሪ ታሚጉዲ ዔዔኤታ ጩንቻ ዓፓርና ጌህኔ፤ ዩያ ዒ ማዴሂ ያኦኒያ ናንጎ ሚፃሂ ባንሂ ዑኩዋጉዲ ጌዒኬ።

4

ዓዳላሚኮ ናኣቶ ቃኣዔኤሌና ዓኣቤኤሌና

1 ዩካፓ ዓሂ ዒዛኮ ማቾ፡ ሂዎአኖና ላሂም ዒዛ ጎዳዳዖ ዓቲንቄ ናይ ሾዔኔ፤ ዒዛ፡- «ናንጊና ናንጋ ጎዳ ታና ማኣዳዛ ዓቲንቄ ናይ ታ ዴንቄ» ጋዓዖ ሱንዖ ዒዛኮ «ቃኣዔኤሌ» \* ጌዒ ጌህኔ። 2 ለሚ ሃሃ ቃኣዔኤሌኮ ጌኤዚ ዓኣቤኤሌ ሾዔኔ፤ ዓኣቤኤሌ ዒማና ማራይ ሄንቃያ ማዓዛ፡ ቃኣዔኤሌ ጋዓንቴ ጎሽ ጎሽካያኬ። 3 ሚርጌ ኬሊኮ ጊንፃፓ ቃኣዔኤሌ ጎሽኬ ሃኣኮይዳፓ ዔኪ ናንጊና ናንጋ ጎዳም ዒንጎ ዒንጊሂ ሸኢሹኔ። 4 ዓኣቤኤሌያ ማራቶ ባኣካፓ ቤርታ ሾይንቴ ፔቴ ማራናይ ዔኪ ሙኪ ሹካዖ ማሎና ኮዢ ኮዢ ዓሽኮ ቢያ ናንጊና ናንጋ ጎዳም ታሚና ሚቹ ዒንጎ ዒንጊሂ ማሂ ሸኢሻዛ ናንጊና ናንጋ ጎዳ ዓኣቤኤሌንታ ዒዚ ዒንጌ ዒንጊያዋ ዛጊ ዋዛዴ። 5 ቃኣዔኤሌንታ ዒዚ ዒንጌ ዒንጊያዋ ዛጊ ናንጊና ናንጋ ጎዳ ዋዛዲባኣሂር ቃኣዔኤሌ ዓኣፖ ካር ቱኪ ሚርጌና ዳጋዴ። 6 ዒማና ናንጊና ናንጋ ጎዳ ቃኣዔኤሌ ኮራ ሂዚ ጌዔኔ፡- «ኔኤኒ ዳጋዲ ዓኣፖ ካር ቱኬሂ ዓይጎርዳይ? 7 ኮሺ ኔ ማዴያታቴ ዓኣፖ ካራ ኔኤኮ ጌኤሽ ማዓንዳንቴ ሃሂ ኔ ማዴ ባካ ፑርታ ማዔሂረ ጎማ ኔና ካርይዳ ካቲ፡ ፔ ዴማ ኔና ማሃኒ ኮዓኔ፤ ጋዓንቴ ኔኤኒ ዩያ ባሻንዳያ ኮይሳኔ።»

3:22 3:22 ዮሃ. ያፕዳ 22:14። \* 4:1 4:1 ቃኣዔኤሌ ጊንሃ ሃሃ «ቃኣዔኔ» ጌይሂኬ።



8 ይካገ ቃእዔኤሌ ፔኤኮ ጌኤዚ ዓኣቤኤሌ፡- «ሃኒ ዩዔ፡ ኑ ዋላ ቦኦሎ ዓኣደዎ» ጌዒ ቦኦሎ ዔከ ዴንዲ ዒኣካ ዓኣዖ ጌኔ ማሊሢና ፔ ጌኤዚ ዓኣቤኤሌ ዋደኔ።

9 ናንጊና ናንጋ ጎዳ ቃእዔኤሌ ኮራ፡- «ኔ ጌኤዚ ዓኣቤኤሌ ዓንካዳይ?» ጌዒ ዖኦጫዛ፡ ቃእዔኤሌ ዖኦሲዎ፡- «ዒዚ ዓንካ ዓኣቲያ ታ ዒዛ ዔሩዋቤ፤ ታኣኒ ታ ጌኤዚ ሂንቃያዳ?» ጌዒ ማሂኔ።

10 ናንጊና ናንጋ ጎዳሢ ቃእዔኤሌም ሂዚ ጌዔኔ፡- «ሃይ ኔ ማደ ዓካ ዓይጌንዴዳይ! ላኣሊንቴ፡ ኔ ጌኤዚኮ ሱጉፃ ሳዓገ ታ ባንሢ ኔጊዳ ፑርታና ዋጊሳኒ ዒላታሢ፡ 11 ኔኤኒ ጋዳንቁንቴያ ማዔ፤ ኔ ጌኤዚ ኔኤኒ ዋዳኣና ሱጉሢ 0-ሸካኒ ሻማታ ቦጉዲ ማዔ ሳዔሎይዳ ኔኤኒ ዲቃቲ ሃንታያ ማዔ። 12 ሳዖ ኔኤኒ ጎሽኬ ዋድና ሃኣካ ኔኤም ካፆ፤ ሳዖይዳ ዳከንቴ ቤሲባኣ ዓሲ ማዔ።»

13 ቃእዔኤሌ ናንጊና ናንጋ ጎዳ ኮራ፡- «ሃይ ታ ጎዋሮ ዓጊንቴ ጋዳማ ታኣኒ ኬዳኒ ዳንዳዓሢኮ 0-ሣኬ፤ 14 ዓካሪ ኔኤኒ ታና ሳዓገ ዳዎሴሢ፡ ኤ ቤርታገ ታኣኒ ዓኣሸንቴ ሳዖይዳ ዳከንቴያና ሜታዳያና ማዓንዳኔ፤ ዖኦኒያ ታና ዴንቁ ዓሲ ዋዋዳንዳይ» ጌዔኔ።

15 ናንጊና ናንጋ ጎዳሢ ጋዓንቴ፡- «ዖኦኒያ ኔና ካኣማዓኬ፤ ጋዓንቴ ዓሲ ኔና ዋደቶ ኔና ሂሌ ጋዳሞይዳገ ላንካይ ጸንጨ፡ ማዓ ባሽ ጋዳማ ዩያ ሂላንዳይ» ጌዔኔ። ዩያሮ ናንጊና ናንጋ ጎዳ ቃእዔኤሌ ዖኦኒያ ዴንቁቴ ዋደጉዲ ዔርዛ ዴማ ማላታ ዒዛም ጌሢኔ። 16 ይካገ ቃእዔኤሌ ጎዳ ቤርታገ ሃኪ ዴንዳዖ፡ ዔዴኔኮ ዓባ ኬሰካ ዛላ ሴካ ሃንጋ ጌዒ ሜታዲ ሃንቴሢ ቤሲ † ጎዖ ዓጫ ናንጌኔ።

**ቃእዔኤሌ ዜርዖ**

17 ቃእዔኤሌ ፔ ማቾና ላሃዛ፡ ዒዛ ጎጳዳዖ ዓቲንቁ ናይ ሾዔኔ፤ ሱንገዋ ዒዛኮ ዔያታ «ሂኖኬ» ጌዒ ጌሢኔ፤ ቃእዔኤሌ ዩሮ ዋድና ካታማ ማዢያታዖ ማዢ ጋፒሴሢኮ ጊንፃ ካታሜሎኮ ሱንገ «ሂኖኬ» ጌይ ጌሢኔ። 18 ሂኖኬ ዒራዴ ሾዔኔ፤ ዒራዴ ሚሁያዔኤሌ፡ ሚሁያዔኤሌ ሜቱሻዔኤሌ ሜቱሻዔኤሌያ ላሚኬ ሾዔኔ፤ 19 ላሚኬ ዓድና ዒላና ጌይንታ ላምዖ ላኣሊ ዔካዛ፡ 20 ዓዳ ጎዖ ላኣሌላ ያቤሌ ጎዖ ናይ ሾዔኔ፤ ያቤሌ ጎዖሢ ቆልሞ ሂንቁ ሂንቁ ቦኦላ ዓፒላና ማዢ ማኣሪዳ ናንጋ ዓሶኮ ዓድኬ። 21 ዒዛኮ ጌኤዚ ዩባሌ ጎዖሢ ጎኦላና ሹሉንጎና ዋርቃ ዓሶኮ ዓድኬ። 22 ዒላ ጎዖ ላኣሌላ «ቱባልቃይኔ» ጎዖያ ዓቲንቁ ናይ ሾዔኔ፤ ዒዚያ ዴማ ዴማ ዓንጊ ዴዓያኬ፤ ቱባልቃይኔኮ ናዒማ ጌይንታ ጌራ ዓኣኔ።

4:8 4:8 ማጥ. 23:35፤ ሉቃ. 11:51፤ 1ዮሃ. 3:12፤ 4:10፤ ዔ.ቤ. 12:24። † 4:16 4:16 ሜታዲ ሃንቴሢ ቤሲ ጋዓዛ፡ ዔ.ብሬ ዓሶ ሙኡቾና፡ «ኖኦዴ» ጌይንታኔ።

- 23 ለሜኬ ፔኤኮ ማቸንሢ ዓዳና ሂለና ዔኤላዎ፡-  
«ለሜኬ ላኣላ ሂንዳ ዋይዙዋቴ፤ ፔቴ ዳጌ ታና ጳርቁሢሮ ታ  
ዒዛ ዋዴ፤»
- 24 ቃኣዔኤሌ ዋዳሢ ለንካይ ጳንጨ፡ ጋዳማ ሄላንዳኔ ጌይንቴቶ  
ታና ዋዳያም ለንካይታሚ ለንካይ ጳንጨ፡ ጋዳማ ዒዛ  
ሄላንዳኔ» ጌዔ።

**ሴኤቴና ሄኖሴ ጎሮሢና**

25 ዓዳኣሜኮ ማቸ ሃሢ ለሚ ጎጳዳዎ ዓቲንቁ ናይ ሾዔ፤ ዒዛኣ፡-  
«ቃኣዔኤሌ ዋዳ፡ ዓኣቤኤሌ ቤዛ ያኦሲ ታኣም ዓቲንቁ ናይ ዒንጌ።»  
ጋዓዎ ዒዛኮ ሱንዎ «ሴኤቴ»፤ ጌዒ ጌሣ። 26 ሴኤቴያ «ሄኖሴ»፤  
ጌይንታ ዓቲንቁ ናይ ሾዔ፤ ዬኖ ዋድናኬ ዓሳ ናንጊና ናንጋ ጎዳ  
ካሸከሢ ዓርቁሢ።

**5**

**ዓዳኣሜ ዜርዎ**

1 ዓዳኣሜ ዜርዎኮ ሱንዎ ሃይፓ ዳማ ፓይዲንታሢ ጉዳያኬ፤ ያኦሲ  
ዓሲ ማዢ ዋድና ፔ ማሎና ማዢ። 2 ዓቲንቁና ላኣላና ማሂ ማዢዎ  
ዓንጃ፤ «ዓሲ» ጌዒያ ሱንሢ ዔያቶም ጌሣ። 3 ዓዳኣሜኮ ሌዓ  
ጃኤታና ሃይሢታሚና ሌዔ ማዔ ዋድና ዒዛ ማላያ ዓቲቁ ናይ ሾዓዎ፡-  
ሱንዎ «ሴኤቴ» ጌዒ ጌሣ። 4 ዬካፓ ዓዳኣሜ ሳሊ ጃኤታ ሌዔ ናንጋዎ  
ሃሢ ዓቲንቁና ዉዲሮ ናይና ሾዔ፤ 5 ሌዓ ዒዛኮ ዋሊ ዑፃ ታዘጳ  
ጃኤታና ሃይሢታሚ ሌዔ ማዓዛ ሃይቁ።

6 ሴኤቴ ጃኤታና ዶንጎ ሌዔና ማዓዛ ሄኖሴ ጎሮሢ ሾዔ፤ 7 ዬካፓ  
ሴኤቴ ሳሊ ጃኤታና ላንካይ ሌዔና ናንጊ ሜሌ ዓቲንቁና ዉዲሮ ናይና  
ሾዔ፤ 8 ዋሊ ዑፃ ዒዛኮ ሌዓ ታዘጳ ጃኤታና ታጳ ላምዎ ሌዔና ማዓዛ  
ሃይቁ።

9 ሴኤቴ ናኣዚ ሄኖሴኮ ሌዓ ታዘጳታሚ ማዓዛ ቃይናኔ ጎሮሢ  
ሾዓዎ፡ 10 ዬካፓ ሳሊ ጃኤታና ታጳ ዶንጎ ሌዔና ናንጊ ሜሌ ዓቲንቁና  
ዉዲሮ ናይና ሾዔ፤ 11 ዋሊ ዑፃ ዒዛኮ ሌዓ ታዘጳ ጃኤታና ዶንጎ  
ሌዔና ማዓዛ ሃይቁ።

12 ሄኖሴ ናኣዚ ቃይናኔኮ ሌዓ ላንካይታሚ ማዓዛ ሜላሊዔኤሌ  
ጎሮሢ ሾዔ፤ 13 ዬካፓ ሳሊ ጃኤታና ያይዲታሚ ሌዔ ናንጊ ሜሌ

---

4:24 4:24 ማጥ. 18:22። † 4:25 4:25ሴኤቴ ጌይዎ፡ ዔብሬ ዓሶ ሙኤቸና  
«ዓንጌ» ጌይሢ። § 4:26 4:26 ሄኖሴ ጌይዎ፡ ዔብሬ ዓሶ ሙኤቸና «ዓሲ»  
ጌይሢ። 5:1 5:1 ማዢ. ማፃ 1:27-28። 5:2 5:2 ማጥ. 19:4፤ ማር.  
10:6።

ዓቲንቄና ወዲሮ ናይና ሾዒ፥ 14 ዋሊ ዑፃ ሌዓ ዒዛኮ ታዞጳ ጃኤታና ታጳ ሌዒና ማዓዛ ሃይቄኔ።

15 ቃይናና ናኣዚ ሜላሊዒኤሌኮ ሌዓ ላሂታሚ ደንጎ ማዓዛ ያሬዴ ጎፃሂ ሾዒኔ፤ 16 ዩካፓ ሳሊ ጃኤታና ሃይሂታሚ ሌዒ ናንጊ ሜሌ ዓቲንቄና ወዲሮ ናይና ሾዒኔ፤ 17 ሌዓ ዒዛኮ ዋሊ ዑፃ ሳሊ ጃኤታና ታዞጳታሚ ደንጎ ማዓዛ ሃይቄኔ።

18 ያሬዴኮ ሌዓ ጃኤታና ላሂታሚ ላምዖ ማዓዛ ሄኖኬ ጎፃሂ ሾዒኔ፤ 19 ዩካፓ ሳሊ ጃኤታ ሌዒ ናንጊ ሜሌ ዓቲንቄና ወዲሮ ናይና ሾዒኔ፤ 20 ሌዓ ዒዛኮ ዋሊ ዑፃ ታዞጳ ጃኤታና ላሂታሚ ላምዖ ማዓዛ ሃይቄኔ።

21 ሄኖኬኮ ሌዓ ላሂታሚ ደንጎ ማዓዛ ማቶሳላ ጎፃሂ ሾዒኔ፤ 22 ዩካፓ ሄኖኬ ዖኦሲና ጊኢጊ ሃንቲሂና ሃይሂ ጃኤታ ሌዒ ናንጊ ሜሌ ዓቲንቄና ወዲሮ ናይና ሾዒኔ፤ 23 ሄኖኬኮ ሌዓ ሃይሂ ጃኤታና ላሂታሚ ደንጎ ማዓንዳያ ሄላንዳኣና ናንጊኔ፤ 24 ዩያጉዴ ሌዒ ዒዚ ናንጊሂ ዖኦሲና ጊኢጊ ሃንቲሂናኬ፤ ዩካፓ ዖኦሲ ዒዛ ዔኬሂር ሃይቄዎፖ ጉሪ ዒ ባባይቄኔ።

25 ሄኖኬ ናኣዚ ማኣቶሳላኮ ሌዓ ጃኤታና ሳሊታሚ ላንካይ ማዓዛ ላሜኬ ጎፃሂ ሾዒኔ፤ 26 ዩካፓ ላንካይ ጃኤታና ሳሊታሚ ላምዖ ሌዒ ናንጊ ሜሌ ዓቲንቄና ወዲሮ ናይና ሾዒኔ፤ 27 ሌዓ ዒዛኮ ዋሊ ዑፃ ታዞጳ ጃኤታና ላሂታሚ ታዞጳ ማዓዛ ዒ ሃይቄኔ።

28 ላሜኬኮ ሌዓ ጃኤታና ሳሊታሚ ላምዖ ማዓዛ ዓቲንቄ ናይ ሾዒኔ፤ 29 «ዩይ ናዓሂ ናንጊና ናንጋ ጎዳ ጋዳንቄ ሳዒሎይዳ ፑኡፖ፣ ደደ ማዳፓ ኑና ሃውሺሳንዳኔ» ጋዓዖ፣ ሱንዖ ዒዛኮ «ኖሄ» \* ጌዒ ጌሄኔ። 30 ዩካፓ ላሜኬ ደንጎ ጃኤታና ታዞጳታሚ ደንጎ ሌዒ ናንጊ፣ ሜሌ ዓቲንቄና ወዲሮ ናይና ሾዒኔ፤ 31 ሌዓ ዒዛኮ ዋሊ ዑፃ ላንካይ ጃኤታና ላንካይታሚ ላንካይ ማዓዛ ሃይቄኔ።

32 ኖሂኮ ሌዓ ደንጎ ጃኤታ ማዕስካፓ ሃይሂ ዓቲንቄ ናይ ሾዒኔ፤ ዒያቶኮ ሱንዖ ሴኤሜ፣ ካኣሜ፣ ያኣፔቴ ጌይንታያኬ።

# 6

## ዓሲኮ ዋሊዖ

5:24 5:24 ዒ.ብ. 11:5፤ ዪ.ሁ. 14። \* 5:29 5:29 ኖሄ ጌይ፣- ዒ.ብሬ ዓሳ ሙኤቸና «ሃውሺሂ» ጌይሂኬ።

1 ዓሲኮ ዜርፃ ሳይይዳ ሚርገ ሚርገ ዓኣጳ ዎድና ሚርገ ወዲሮ ናይ ሾይንቴኔ፤ 2 ዬኖ ዎድና ያኦሲ ዓቲንቆ ናኣቶ \* ማዕዘንህ ዬያቶ ወዲሮ ናኣቶኮ ሚዛጸሞ ዘገፆ ዔያቶም ማዓንዳያ ዶኦሪ ላኣሊ ዔኬኔ። 3 ናንገና ናንገ ጎዳህ፡- «ዓሲም ሾምፖ ዒንገ ታኣኮ ዓያና ዓሲና ዎላ ናንገና ማይ ናንገንዲሞሴ፤ ዓይጎር ጌዔቶ ዓሲ ሃይቃያ ማዕሚር ሃካፓ ሴካ ጄኤታና ላማታሚ ለዔናፓ ዑህ ዓኣጳ ናንገዓኬ» ጌዔኔ። 4 ዬኖ ዎድና ዔርቲ ዓሶ ወዲሮ ናኣቶና ዬንህ ያኦሲ ዓቲንቆ ናኣቶ ማዕዘንህፓ ዎልቁና ጳኤፕ ሚርገ ዓሲ ሾይንቴኔ፤ ዔያታ ሚናኣ ዎድና ዒጊቻያ ማዕ፡ ዔርቲ ዎልቁ ዓሲኬ። 5 ጉቤ ዎድና ሳይይዳ ዓኣ ዓሳ ቢያ ዓይህንቴዎያና ማሊፃኣ ፑርቲሞ ሌሊ ማዕሚር ናንገና ናንገ ጎዳ ዘገፆ፡ 6 ዓሲ ማክሮ ሳይይዳ ናንገንዳጉዲ ማህያና «ዓይጎርዎ ታ ማክፎይ» ጌዒ ሚርገና ያዬኔ። 7 ዬያፓ ዔቁያና ያኦሲ፡- «ዓሲ ታኣኒ ዓይገ ማክፎይ» ጌዒ ዒና ታኣኮ ያዬኔ፤ ዬያሮ ዬያ ታ ማክፎ ዓሶንታ ቦያ ዳኮንታ ጳኤፖንታ፡ ቆሎንታ፤ ሃህ ካፖዎ ዓይሱዎ ሳይይዳፓ ታ ባይዘንዳኔ» ጌዔኔ። 8 ጋዓንቴ ዒማና ፔቴ ኖሄ ጌይንታ ናንገና ናንገ ጎዳ ዎዛሳ ናንገ ናንገ ዓሲ ዓኣኔ።

**ኖሄ ሃይሶ**

9 ኖሃኮ ሃይሳ ያዲኬ፤ ኖሄ ፔ ናንጎ ሌዎ ቢያይዳ ፒዜ ማዕያና ያኦሲና ገኢገ ሃንታ ኮሺ ዓሲኬ፤ 10 ኖሄ፡- ሴኤሜ፡ ካኣሜና ያኣፔቴ ጌይንታ ሃይህ ዓቲንቁ ናይ ሾዔኔ። 11 ዬኖ ዎድና ሳይይዳ ዓኣ ዓሳ ቢያ ያኦሲ ቤርታ ፑርታ ዎቦ ማዕሚር ጌኔ ማዶ ዓጮ ቢያይዳ ማዲንታኔ። 12 ያኦሲ ሳዎ ቢያ ዘገዛ ፑርቲያ ማዕሚርና ዒኣካ ናንገ ዓሳ ቢያ ዎቦታህ ዴንቁኔ።

13 ዬያሮ ያኦሲ ኖሄሞ፡- «ዓሲኮ ዜርፃ ሳይይዳፓ ቢያ ታኣኒ ባይዘኒ ማሌኔ፤ ዓይጎር ጌዔቶ ሳዓ ዓሶኮ ጌና ማዶና ኩሜህር ዓሲ ጋዓ ባኣዚ ሳይይዳፓ ታኣኒ ባይዘንዳኔ፤ 14 ኔኤም ጋዓንቴ ቃራ ሚህዳፓ ዎኣህ ካኣሚሌ ማክፎ፤ ጋራ ሚርገ ቆልዓና ዓኣያ ማህ ማክፎፓ ጋርና ዙሎና ሺዲና ሺዴ። 15 ያዶሱማ ሃይህ ጄኤታ ዎዳ፡ ጋር ዳልጉማ ደንገታሚ ዎዳ፡ ቲሮ ዔጳ ሃይህታሚ ዎዳ ማዕያ ኮሺ፤ 16 ዎኣያ ካኣሚሎኮ ቶኦካ ማኣሪ ማክፎ፤ ኮጮና ሳኮና ካኣማ ካርኮ ፔቴ ዎዳ ኩሙዎ ቤሲ ሃሺ፤ ዎኣያ ካኣሚሎኮ ዎሊ ዑፃ

---

6:1 6:1 ዓ.ዮ. 1:6፤ 2:1። \* 6:2 6:2 ያኦሲ ዓቲንቆ ናኣቶ ጋዓዙ፡ ዒብሪ ዓሶ ሙኤጮ ማፃአፓይዳ ማሊዎ ዘጎዛ ያኦሲ ከኢታንቸ፤ ገንህ ሃህ ዬኖ ዎድና ዓኣ ካኣቶ ናኣቶ ማዓኒ ዳንዳዓያኬ። 6:4 6:4 ፓይ. ማፃ 13:33። 6:5 6:5 ማቴ. 24:37፤ ሉቃ. 17:26፤ 1ጴፂ. 3:20። 6:9 6:9 2ጴፂ. 2:5።

ዑፃ ሃይሠ ኩባ ዓኣያ ማሂ ማዢያ ካሮ ጎኑቦ ዛሎና ማሂ ማዢ፤  
17 ሳይይዳገ ሽምገ ዓኣ ባኣዚ ባይዛኒ ባይሲንታ ዋኣሂ ታ ኬሳዛ፤  
ሳይይዳ ሽምገ ዓኣ ማዢንታ ቢያ ኩዳንዳኔ። 18 ኔና ታ ባይዚንዳዎያ  
ማዕሚ ታኣኒ ኔኤም ጫኣቃንዳኔ፤ ኔኤና ኔ ማቸና ኔ ናኣቸና ዔያቶኮ  
ላኣሎና ዋኣፃ ካኣሚሎ ጋሮ ጌሉዋቴ።

19 «ኔኤና ዎላ ናንጊ ዓታንዳጉዲ ሽምገ ዓኣ ማዢንቶኮ ዜርፃገገ  
ዜርፃገገ ላምዎ ላምዎ ዓዴና ዒንዴና ዔኪ ዔኪ ዋኣፃ ካኣሚሎ  
ጋሮ ጌልዜ፤ 20 ባይሲንታገገ ዓታንዳጉዲ ዲማ ዲማ ካፖ ዜርፃገገ፤  
ቆልሞይዳገ፤ ካዮ ቦዖ ዳኮንታ ዴኤፖንታይዳገ ላምዎ ላምዎ ማዒ  
ኔ ኮራ ሙኮንጎ። 21 ዩካገ ኔናንታ ዩንሂ ማዢንቶም ቢያ ጊዳንዳ  
ዲማ ዲማ ሙኡዚ ዋኣፃ ካኣሚሎ ጋሮ ቡኩሴ» ጌዒ ኬኤዜኔ።  
22 ኖሄያ ያኣሲ ዒዛ ዓይሄሂ ቢያ ማዴኔ።

# 7

## ባይሲንቶ ዋኣፃ

1 ናንጊና ናንጋ ጎዳ ኖሄም ጋዓዖ፡- «ሃኖ ዎዶ ሸይንቶ ባኣካ  
ኮሺ ዓሲ ኔና ሌሊ ማዕሚሮ ኔኤኒ ኔ ማኣሮ ዓሶና ዋኣፃ  
ካኣሚሎ ጋሮ ጌሌ። 2 ያኣሲም ዒንጊንታኒና ሙዒንታኒ ዳንዳዓ  
ቆልሞና ቦናይዳገ ቢያ ላንካይ ላንካይ ዓዴና ዒንዴና ኔኤና ዎላ  
ዋኣፃ ካኣሚሎይዳ ጌልዜ፤ ያኣሲም ዒንጊንታኑዋያና ሙዒንቱዋ  
ቆልሞይዳገ ቢያ ፔቴ ፔቴ ዓዴና ዒንዴና ሌሊ ጌልዜ። 3 ፔቴ ፔቴ  
ካፖ ዜርፃገገ ላንካይ ላንካይ ዓዴና ዒንዴና ጌልዜ፤ ዩያ ኔ ማዳንዳሂ  
ፔቴ ፔቴ ቆልሞንታ ካዮ ቦዖንታ ካፖንታ ሳዛና ናንጋንዳጉዲና  
ሳይይዳ ዜርሂ ዓታንዳጉዲኬ። 4 ታኣኒ ማዢ ሽምገ ዓኣ ማዢንቶ  
ቢያ ሳዖ ቢያይዳገ ባይዛኒ ላንካይ ኬሊኮ ጊንፃገገ ያይዳታሚ ኬሊ  
ሮኣሪና ዋንቴና ቢያ ጋፑዋ ዒርዚ ታ ዋርቁሳንዳኔ» ጌዔኔ። 5 ኖሄያ  
ናንጊና ናንጋ ጎዳ ዒዛ ዓይሄሂ ባኮ ቢያ ማዴኔ።

6 ባይሲንቶ ዋኣፃ ሳዓ ማዕ ዎዶና ኖሄኮ ለዓ ላሆ ጻኤታኬ።  
7 ኖሄ፡ ማቸ፡ ናኣቶንታ ዔያቶኮ ላኣላኣ ባይሲንቶ ዋኣፃይዳገ ዓታኒ  
ዋኣፃ ካኣሚሎይዳ ጌሌኔ። 8 ሙኡዚም ማዓያና ማዑዋ ፔቴ  
ፔቴ ቆሎንታ ካዮ ቦዖንታ፤ ሃሃ ካፖንታይዳገ፤ 9 ላምዎ ዓዴና  
ዒንዴና ማዒ ማዒ ኖሄ ኮራ ሙኤኔ፤ ያኣሲ ዓይሄሂ ጎይፃና ዋኣፃ  
ካኣሚሎይዳ ኖሄ ጌልዛዛ፤ 10 ላንካይ ኬሊኮ ጊንፃገገ ባይሲንቶ  
ዋኣፃ ሙኤኔ።

6:22 6:22 ዔ.ብ. 11:7። 7:7 7:7 ማቴ. 24:38-39፤ ሉቃ. 17:27።

11 ኖሄኮ ሌዓ ላሆ ዪኤታ ማዔ ዎደና ለምዓሳ ዓገሮኮ ታጳ ለንካሳ ኬሎ ሳዎኮ ዴማ ዓኣ ፑኡፖ ዋኣዎኮ ዓልቃ ካራ ቢያ ዔርቱዋንቲ ዳርዓዛ፣ ጨሪንጮይዳ ዓኣ ዋኣዎኮ ካራ ቢያ ቡለንቲኔ። 12 ዒራ ያይዲታሚ ሮኦሪና ያይዲታሚ ዋንቲና ሃሹዋዎ ሳዎይዳ ዋርቄ። 13 ዒራ ዋርቄዎ ዓርቄ ኬሎ ኖሄ፣ ማቻ፤ ዔያቶኮ ናኣታ ሴኤማ፣ ካኣማ፣ ያኣፔቲያ ዔያቶኮ ሃይሣ ላኣሎንሢና ዎላ ዋኣዎ ካኣሚሎይዳ ጌሌ። 14 ቆልሞይዳ፣ ካዮ ቦዎ ዳኮንታ ዴኤፖንታይዳ፣ ሃሣ ጨሪንጮ ባራና ካፖናይዳ፣ ፔቲ ፔቲ ፔኤኮ ዜርዎፕዴያ ዔያቶና ዎላ ዋኣዎ ካኣሚላ ጌሌ። 15 ያዒዲ ፔቲ ፔቲ ሹምፓ ዓኣ ማዢንታ፣ ለምዎ ለምዎ ማዒ ኖሄና ዎላ ዋኣዎ ካኣሚላ ጌሌ። 16 ማዢንታ ቢያ ዓዴና ዒንዴና ማዒ ዋኣዎ ካኣሚላ ጌሌሢ ያኣዛሢ ሳይሢ ሳይዎ ፕዴያናኬ፤ ዬካፓ ናንገና ናንጋ ጎዳ ኖሄኮ ዙሎና ዋኣዎ ካኣሚሎኮ ካር ዎዴ።

17 ባይሲንቶ ዋኣዎ ያይዲታሚ ኬሊ ሄላንዳኣና ኩሚ ኩሚ ዓኣዴ፤ ዋኣዎ ቃሲንቲ ቃሲንቲ ዓኣዴሢር ዋኣዎ ካኣሚሎ ሳዎይዳ፣ ዑፃ ዴግ ዴገዴ። 18 ዋኣዎኮ ሳዎይዳ፣ ዴጉማ ቃሲንቲ ዎደና ዋኣዎ ካኣሚላ ዋኣዎ ዑፃ ሴካ ሃንጋ ጌዒ ሃንቲሢ ሳርቄ። 19 ዋኣዎ ጨሪንጮኮ ዴማ ዓኣ ፑኡፖ ዴኮ ባይዛንዳያ ሄላንዳኣና ዴጌ። 20 ዋኣዎ ዴኮኮ ዑሣ ዓኣዲ ታጳ ደንጎ ዋዳ ዴገ ጌዔ። 21 ካ፣ ቆልማ፣ ካዮ ቦዎ ዳኮንታ ዴኤፖንታ ዓሶንታ ቢያ ዓቲዎዎ ሃይቃዛ ሳዓ ዓኣ ሹምፓ ዓኣ ማዢንታ ቢያ ባይቄ። 22 ሳዎ ዑፃ ናንጋ ሹምፓ ዓኣ ባኣዚ ቢያ ጋፔ። 23 ናንገና ናንጋ ጎዳ ሳዎ ዑፃ ሹምፓ ዓኣ ማዢንቶ ቢያ፣ ዓሶንታ ቆልሞንታ ካፖንታ ካዮ ቦዎ ዳኮንታ ዴኤፖንታ ዓይሱዎዎ ቢያ ባይዛዛ ሃይባ፣ ዓቲዛንሢ ኖሄና ዒዛና ዎላ ዋኣዎ ካኣሚሎ ጋራ ዓኣ ባኮንሢ ሌሊኬ። 24 ባይሲንቶ ዋኣዎ ዪኤታና ደንገታሚ ኬሊ ሄላንዳኣና ሚጩዎዎ ዴዔ።

# 8

## ባይሲንቶ ዋኣዎኮ ጋፒንዎ

1 ያኣሲ ኖሄና ዒዛና ዎላ ዋኣዎ ካኣሚሎ ጋራ ዓኣ ካዮ ቦዎንታ ቆልሞንታም ቢያ ማላዎ ሳዎይዳ ዢባሬ ዢባርሺሳዛ ዋኣዎ ኬዲሢ ሳርቄ። 2 ሳዎኮ ዴማ፣ ፔር ዋኣዎ ዓልቃ ካርና ጨሪንጮ ዓኣ ዋኣዎኣ ኬዳ ካራ ዎዴንቲኔ፤ ጨሪንጮ፣ ዋርቃ ዒራኣ ዔቄ። 3 ዋኣዎ ዳካ ዳካ ሳዓ፣ ኬዲሢ ሳርቃዎ ዪኤታና ደንገታሚ ኬሊ ሄላንዳኣና ሚጩ ሚጩ ዳኬ። 4 ባይሲንቶ ዋኣዎ ኩሚዎ ሳርቄሢዳ፣ ላንካሳ

7:11 7:11 2ጴ. 3:6።

ዓገሮኮ ታጳ ለንካሳ ኬሎ ዋኦ ካኣሚላ ዓራራቴ ጌይንታ ደኮኮ ፔቴያ ቶኦካ ሄሊ ዔቄኔ። 5 ዋኦ ታጳሳ ዓገሮኮ ዓይይይዳ ታሢ ታሢ ኬዳዛ ደኮኮ ቶኦካ ጴዴኔ።

6 ሪይዲታሚ ኬሊኮ ገንፃፓ ሮሄ ዋኦ ካኣሚሎኮ ፑልቶ ካራፓ ፔቴማ ቡላዖ፣ 7 ቁራኬ ኬሲ ዳካዛ ቁራካሢያ ዋኦ ሚጨንዳያ ሄላንዳኣና ሴካ ሃንጋ ጌሲ ጌሲ ባራኒ ሌሊ ባራኔ። 8 ዩካፓ ሮሄ ሃሣ ዋኦ ዓኣ ቤዛፓ ኬዴቶ ዔራኒ ዶኦሌ ዳኬ። 9 ጋዓንቴ ዋኦ ሃጊ ሳዖ ባይዚ ዓኣሢሮ ዶኦሌላ ዴፃንዶ ቤሲ ዴንቃኒ ዳንዳሲባኣሢሮ ሮሄ ባንሢ ማዒ ሙካዛ ሮሄ ኩጮ ዋኦ ካኣሚላፓ ኬሲ ዶኦሌሎ ፔ ባንሢ ዓርቁ ዔኬ። 10 ለንካይ ኬሊ ዴዔሰካፓ ዶኦሌሎ ገንሣ ማሄ ዳኬ። 11 ዶኦሌላ ዓባ ጌላኣና ዓኣዔ ሪሚቲኮ ዒላሺ ዳንጋ ዔኪ ሮሄ ባንሢ ሙኬሢሮ ሮሄያ ዋኦ ዓኣ ቤዛፓ ኬዴሢ ዔራኔ። 12 ሃሣ ለንካይ ኬሊኮ ገንፃፓ ሮሄ ዶኦሌሎ ኬሲ ዳካዛ ዩማፓ ዶኦሌላ ማዒ ሙኪባኣሴ።

13 ሮሄኮ ላሆ ዴኤታና ፔቴ ሌዔና ማዓዛ ቤርታሳ ዓገሮኮ ቤርታሳ ኬሎና ዋኦ ሳዓፓ ሚጨኔ፤ ሮሄያ ዋኦ ካኣሚሎኮ ዑያ ቡላዖ ኮይሎ ቢያ ዛጊ ዋኦ ሚጨ ሳዓ ፃኣዴሢ ዴንቄ። 14 ዋኦ ሚጨ ዓርቁሰካፓ ላምዓሳ ዓገሮኮ ላማታሚ ለንካሳ ኬሎና ሳዓ ጋፒንሢ ፃኣዲ ሚሌ።

15 ያኦሲ ሮሄም፡- 16 «ኔኤና ኔ ማቾና ኔ ናኣቶና ዔያቶኮ ላኣሎና ዋላ ዋኦ ካኣሚላፓ ኬሰኬ፤ 17 ዳልጊ ሚርጊ ሳዖ ቢያ ዔያታ ኩማንዳጉዲ ኔኤና ዋላ ዓኣ ሽምፓ ዓኣ ማዢንቶ ቢያ ካፖንታ ቆልሞንታ ሃንጎ ሃሣ ካዮ ቦዖ ዳኮንታ ዴኤፖንታ ቢያ ዔኪ ኬሰኬ» ጌዔ። 18 ዩካፓ ሮሄና ማቾና ዒዛኮ ናኣቶንታ ናኣዚ ማቾንሢንታ ዋላ፣ 19 ሃሣ ቆልሞንታ ካፖንታ ካዮ ቦዖ ዳኮንታ ዴኤፖንታ ቢያ ፔኤኮ ፔኤኮ ዜርፃ ዋሊ ገንፃ ማዒ ዋኦ ካኣሚላፓ ኬሰኬ።

**ሮሄ ያኦሲም ዒንጎ ባኮ ሸኢሽሢ**

20 ሮሄ ናንጊና ናንጋ ጎዳም ዒንጎ ባኮ ዒንጊ ካኣሽካኒ ሹቹና ቤዛ ኮሻዖ፡ ሙኡዚም ማዓ ቆልሞና ካፖናይዳፓ ፔቴ ፔቴ ዔኪ ናንጊና ናንጋ ጎዳም ዒንጎ ዒንጊሢ ማዓንዳጉዲ ቢያሢ ዒዚ ኮሽ ቤዛይዳ ሚቹ ዒንጌ። 21 ዩካፓ ሚቹ ዒንጎና ባኮኮ ሳዖ ናንጊና ናንጋ ጎዳሢ ዋዛሴሢሮ ናንጊና ናንጋ ጎዳ ፔ ማሊያና ሂዚ ጌዔ፡- «ዓሲ ፑርቲሳ ዳቢንቶር ቢያ ሃይካፓ ሴካ ታኣኒ ሳዖ ጋዳንቃዓኬ፤ ዓይጎር ጌዔቶ ዓሲ ሃጊ ናይ ዓኣላ ዓኣፃ ፑርቲም ማዶ ኮዓያ ማዔሢሮ ሃሢ ታኣኒ ማዴሢጉዲ ሽምፓ ዓኣ ማዢንቶ ቢያ ሃይፓ ሴካ ታ ባይዛዓኬ።»

22 ናንጊና ናንጋ ጎዳ ሃሣ ቃሳዖ፡-

«ሳዓ ዓሓ ጎይሣ ዓሓንቴ ጎሺ ጎሽኪሣ፣ ሃኣኮ ቡኩሲሣ፣ ጨኢሺ፣  
ጾይዲሣ፣  
ጾጎሣንታ ባርጊንታ፣ ርኡሪንታ ዋንቴንታ ቢያ ዎዴ ዓኣያ ማዒ  
ናንጋንዳኔ» ጌዔኔ።

### 9

**ጾኦሲ ኖሄና ዎላ ጫኣቄ ጫኣቄዎ**

1 ጾኦሲ ኖሄና ናኣቶና ዓንጃጾ፡- «ሚርጉዎቴ፤ ዳልጉዎቴ፤ ሳዎዎ  
ኩሙዎቴ፤ 2 ቆልሞንታ ካፖንታ ካዮ ቦዎ ዳኮንታ ዴኤፖንታ፤  
ሃሣ ዎኣፃ ናንጋ ሞላሣ ቢያ ዒንሣ ዒጊጨሣና ናንጎንጎ፤ ቢያሣያ  
ዒንሣ ቢታንቶ ዴማ ዎርቆንጎ። 3 ሃያኮ ቤርታ ዴማ ዴማ ቱኮ  
ሚዎ ሙኡዚ ማሂ ታ ዒንሣሞ ዒንጌሣጉዲ ሃሣ ሃያ ሸምፓ  
ዓኣ ማዢንቶ ቢያ ሙኡዚ ዒንሣሞ ማዓንዳጉዲ ታ ዒንጌኔ።  
4 ጋዓንቴ ሱጉዎ ላኣሉዎጾ ዓሸኮ ሙዒፖቴ፤ ዓይጎር ጌዔቶ ሸምፓሣ  
ሱጉዎይዳ ዓኣያ ማዔሣረኬ \* ጌዔኔ። 5 ዓሲ ዎዳሣ ሃይቃንዳጉዲ  
ዎጊንታንዳኔ፤ ካይዚ ቦዎ ማዔቴያ ቆልሞታዎ ዓሲ ዎዳቶ ዬያኣ ታ  
ሃይቃንዳጉዲ ማሃንዳኔ።

6 «ዓሲ ማዢንቴሣ ጾኦሲ ማሎናታሣረ ዓሲ ዎዳ ዓሲ ቢያ ዓሲ  
ኩሽካ ሃይቃንዳኔ። 7 ዒንሣ ሚርጉዎቴ፤ ዳልጉዎቴ፤ ዒንሣኪ ዜርፃ  
ሳዎ ኩሞንጎ» ጌዔኔ።

8 ዬካፓ ጾኦሲ ኖሄና ዒዛኮ ናኣቶናም ሂዚ ጌዔኔ፡- 9-10 «ዓካሪ  
ዒንሣና ዒንሣኪ ዜርፃና ሸምፓ ዓኣ ማዢንታ ቢያ ጌይፃ ካፓ፣  
ቆልማ፣ ካዮ ቦዓ፤ ዬያጉዲ ኔኤና ዎላ ዎኣፃ ካኣሚላፓ ኬሰኬ  
ማዢንቶንታ ሃሣ ሳዎይዳ ሃጊ ሸይንታንዳ ዜርፃማኣ ቢያም ታ  
ጫኣቃንዳኔ፤ 11 ዬያ ታ ጫኣቄ ጫኣቄዎ ዛሎና ሃካፓ ሴካ ሸምፓ  
ዓኣ ማዢንታ ቢያ ባይሲንታ ዎኣሣና ባይቃዓኬ። 12 ዒንሣንታ ሸምፓ  
ዓኣ ማዢንቶ ቢያሣንታ ዎላ ታኣኒ ጫኣቃ፣ ሃያ ናንጊና ናንጋ  
ጫኣቄሞኮ ማላታ ማዓንዳጉዲ፣ 13 ታኣኮ ዠኡላሣ ጫሪንጮ  
ሻኣሮይዳ ታኣኒ ዔቂሳንዳኔ፤ ዬይ ዠኡላሣ ታኣኒ ሳዎ ባይዛዓ ጌዒ  
ጫኣቄ ጫኣቄሞኮ ማላታ ማዒ ናንጋንዳኔ። 14 ሻኣሮና ጫሪንጮ  
ታ ካንቃኣና፣ ሃሣ ዠኡላሣ ሻኣሮይዳ ዔቂ ጴዳ ዎዶና ቢያ።

---

9:1 9:1 ማዢ. ማፃ 1:28። \* 9:4 9:4 ሸምፓሣ ሱጉዎይዳ ዓኣሣረኬ ጌይጌቴሣ፡-  
ዔብሬ ዓሳ ሸምፐ ሱጉሣዳ ዓኣኔ ጌዒ ጉሙርቃሣረኬ። 9:4 9:4 ለዊ. ዓኬ  
7:26-27፤ 17:1-16፤ 19:26፤ ላሚ. ዎማ 12:16፤ 23፤ 15:23። 9:6 9:6 ማዢ.  
ማፃ 1:26፤ ኬሲ. ማፃ 20:13። 9:7 9:7 ማዢ. ማፃ 1:28።



15 ዓካሪ ሃይካፓ ሴካ ሳይሲንታ ዋአሢ፣ ሾምፓ ዓአ ማዢንቶ ቢያ ባይዛባኬ» ታኣኒ ጌዒ ዒንሢና ሜሌ ሾምፓ ዓአ ማዢንቶና ዋላ ጌሌ ጫአቁሞ ታ ጳቂሣንዳኔ። 16 ዡኡላሢ ሻኦሮይዳ ዔቁ ጴዳ ዎዶና ቢያ ታኣና ሳይይዳ ሾምፓ ዓአ ማዢንቶና ባኣካ ዓአ ናንገና ናንጋ ጫአቁሞ ታ ጳቂሣንዳኔ። 17 ዬይ ዡኡላሢ ሾምፓ ዓአ ማዢንቶና ዋላ ታኣኒ ጫአቁ ጫአቁሞ ዔርዛ ማላታኬ።»

**ኖሄና ዒዛኮ ናአቶና**

18 ዋአፆ ካአሚሎይዳፓ ኬሰኬ ኖሄኮ ናአታ ሴኤሜ፣ ካአሜ፣ ያአፔቴ ጎዎዞንሢ ማዓዛ፣ ካአሜ ጊንፃፓ ካኣናኔ ጎዎ ናይ ሾዔኔ፤ 19 ሃኖ ሄላንዳኣና ሳዎ ቢያይዳ ዓአ ዓሳ ቢያ ሾይንቲሢ ዬንሢ ሃይሃ ኖሄኮ ናአቶንሢዳፓኬ። 20 ኖሄ ጎሺ ጎሽካያ ማዓዎ ዎይኔ ጌይንታ ባልገ ካፃ ሚሢ ቤርታዲ ቱኪሢ ዓርቄኔ፤

21 ኖሄ ፔቴ ኬሊ ዒ ቱኬ ዎይኖ ዓአፖ ጩኡጲ ኮሾና ዑሺ ዑሽኪ ማሢንታዎ ዓፒላ ዑፃ ባኣያ፣ ካሎ ፔ ማኦሮይዳ ላሂኔ። 22 ካኣናኔኮ ዓዴ፣ ካአሜ ዒዛኮ ዓዴ ያኣዴ ካሎ ላሂሢ ዛጌ ዎዶና ካር ኬሰካዎ ላምዎ ፔኤኮ ጌርሲንሢም ኬኤዜኔ። 23 ዬካፓ ጌርሲንሢ ሴኤሜንታ ያአፔቴንታ ጋኣቤ ዓፒላ ፔኤኮ ጌኤታ ዓርቄ ዓዶኮ ካሎም ዛጋዓ ጌዒ ዓዴ ላሂ ዓአ ኬኤዎ፣ ጊንሢና ሃንቲ ጌሊ ዓዶኮ ካሎም ዓኣቼኔ፤ 24 ኖሄኮ ማሢፃ ዓኣዳዛ ዒዚ ዔቃዎ ናአቶይዳፓ ዳኮ ጌኤዛሢ ማዴ ባኮ ዔሪጋፓ፣ 25 ሂዚ ጌዔኔ፡-

«ካኣናኔ ጋዳንቁንቲያ ማዎንጎ!

ጌርሲንሢም ዓይሌ ማዒ ማዳያ ማዎንጎ፤

26 ሴኤሜኮ ናንገና ናንጋ ጎዳ ማዔ ያኡዛሢ ጋላቲንቲያ ማዎም፣

ካኣናኔያ ሴኤሜም ዓይሌ ማዒ ማዳያ ማዎንጎ፤

27 ያኡሲ ያአፔቴኮ ዓጮ ዳልገሾንጎ፣

ያአፔቴ ዜርፃ ሴኤሜ ዜርፃና ዋላ ናንጎንጎ፤

ካኣናኔ ያአፔቴኮ ዓይሌ ማዒ ማዳያ ማዎንጎ።»

28 ባይሲንቶ ዋኣዎኮ ጊንፃፓ ኖሄ ሃይሃ ጭኤታና ዶንጊታሚ ሌዔና ናንጋዎ፣ 29 ዒዛኮ ሌዓ ዋሊ ዑይይዳ ታዞጳ ጭኤታና ዶንጊታሚ ማዓዛ ሃይቄኔ።

# 10

**ኖሄ ናአቶ ዜርፃ**  
(1ዎኦሲ. ዓሃኬ 1:5-23)

1 ሮሄ ናኣቶ ሴኤሜና ካኣሜና ያኣፔቴና ዜርፃ ሃይማፓ ዴማ ፓይዲንታዞንሢ ማዓዛ፡ ዩንሢ ሃይሦንሢ ሳይሲንቶ ዋኣፃኮ ጊንፃፓ ናይ ሾዔኔ፤

**ያኣፔቴ ዜርፃ**

2 ያኣፔቴ ናኣታ፡- ጎሜሬ፥ ማጎጌ፥ ማዲያ፥ ያዋኔ፥ ቱባሌ፥ ሜሼኬና፥ ቲራሴ ጌይንታዞንሢ። 3 ያኣፔቴ ናኣዚ ጎሜሬ ናኣታ ሃሣ ሳሽኬናዜ፥ ሪፓቲና ቶጋርማ ጎዎዞንሢ። 4 ያዋኔ ናኣታ፡- ዔኤሊሻ፥ ቲርሴሴ \*፥ ኪቲሚና † ርዳኒሜ ‡ ጎዎዞንሢ።

5 ዩንሢ ጉቤ ባዞ ዓጮና ዋኣፃ ሳዛ ዓኣ ሳዎናይዳ ናንጋ ያኣፔቴ ዜርፃኮ ሚና ማዢንቶ ማዎንሢ። ዔያታኣ ፔኤኮ ዓጮና ቶኦኮ ቶኦኮና ፓቂንቲ ናንጋ ዴሬኬ፤ ፔቴ ፔቴ ቶኦካ ጌሰታያ ዔያቶኮ ማዔ ሃንጎ ሳሶ ዳንጋፓ ዲማዲ ጌሰቲንታ ሙኡቺ ዓኣያኬ።

**ካኣሜ ዜርፃ**

6 ካኣሜ ናኣታ፡- ኩሼ፥ ሚዲራይሜ ስ፥ ፑዲንታ \* ካኣናኔንታኬ። 7 ኩሼ ናኣታ ሃሣ ሳኣባ፥ ሃዊላ፥ ሳቢታ፥ ራሚማና ሳቢቲካ ጎዎዞንሢ ማዓዛ ራማ ናኣታ ሳኣባና ዴዳኔናኬ።

8 ኩሼ ሃሣ ቤርታዲ ዓጮይዳ ፑኡፖ ያሎና ዔርቲሢ፥ ናሞሩዴ ሾዔኔ። 9 ናሞሩዴ ፑኡፒ ኬሞ ዓሲ ማዒ ያኦሲ ቤርታ ዔርቲሢሮ ዓሳ «ኔና ናሞሩዴጉዲ ፑኡፒ ኬማያ ማሆንጎ» ጋዓሢ ዩያርኬ።

10 ቤርታዲ ናሞሩዴ ካኣቱማ ሴናዎሬ ጌይንታ ዓጮይዳ ዓኣ ሃይሦ ካታሞንሢ ጌይፃ፡- ባብሎኔ፥ ዔሬኬኔና ዓካዲኔ ጌይንታ ካታሞ ሳርቃያኬ። 11 ዩካፓ ዒዚ ዓሶኦሬ ጌይንታ ቤዞ ዓኣዳዎ ኔኔዌ፥ ራቦቲንታ ካላሂ ጌይንታ ካታሞ ማዢኔ፤ 12 ዩያጉዲ ሃሣ ኔኔዌና ካላሂ ጌይንታ ካታሞንሢ ሳዛ ሬሴኔ ጌይንታ ኮሺ ዴኤፖ ካታሞንሢ ዒ ማዢኔ።

13 ሚዲራይሜ ጌይንታሢ ካኣሜ ናኣዚ ዜርፃ፡- ሉዴ፥ ዓናሜ፥ ሌሃቤ፥ ናፕቱሄ፥ 14 ፔቲርሴ፥ ፒሊሰጻኤሜ ጌይንታ ዜርፃ ኬሰኬ ካፕቶሬና ካሰሉሄ ጌይንታ ዴርንታኬ።

15 ካኣናኔ ናኣቶኮ ቶይዳሢ ጁዶኔ፥ ሄሌሢ ሄቲ ጌይንታያኬ፤ 16 ሃንጎ ካኣናኔ ዜርፃ ዔቡሳ ዓሶ፥ ዓሜራ ዓሶ፥ ጌርጌሳ ዓሶ፥ 17 ሂዋዌ ዓሶ፥ ዓርቁ ዓሶ፥ ሴና ዓሶ፥ 18 ዓርዋዳ ዓሶ፥ ፃሚራ ዓሶ፥ ሃማቲ ዓሶ ጎዎዞንሢ፤ ሃሣ ጊንፃፓ ኔጌዎ ዲማዴ ካኣናኔ ዓሶ ዜርፃ

\* 10:4 10:4 ቲርሴሴ ጌይፃ፡- «ዒሰፔኔ» ጌይሢኬ። † 10:4 10:4 ኪቲሚ ጌይፃ፡- «ቆጵርሴ» ጌይሢኬ። ‡ 10:4 10:4 ርዳኒሜ ጌይፃ፡- «ሮዴ» ጌይሢኬ። § 10:6 10:6 ሚዲራይሜ ጌይፃ፡- «ጊብጻ» ጌይሢኬ። \* 10:6 10:6 ፑዲ ጌይፃ፡- «ሊቢያ» ጌይሢኬ።

ዲማ ዲማ ቤዘይዳ ላኣሊንቴኑ። 19 ዬያሮ ካኣናን ዓሶ ዓጮኮ ዛጳ ሲደና ጎዖ ዓጮፓ ዓርቃዖ ደኣሎ ዛሎና ጌሬሬ ዓጮ ኮይሊና ዴንዲ ጋኣዛ ዓጮ ሄላንዳኣና ዓባ ኬሰካ ዛሎና ዴንዲ ሶደሜ፣ ጋሞራ፣ ዓዳኣማና ባላሻዔ ኮይሊና ዴንዲ ፃቦዬ ጌይንታ ዓጮ ሄላያ ማዔኔ። 20 ዬንሢ ሲያ ካኣሜ ዜርዖንሢ ማዓዛ ዲማ ዲማ ቶኣኪና ዓጪና ፓቂንቲ ናንጋዖ ፔቴ ፔቴ ቶኣኮኮ ሃንጎዋቶይዳፓ ዲማዲ ጌሰቲንታ ሙኡቺ ዓኣያኩ።

**ሴኤሜ ዜርዖ**

21 ያኣፔቴኮ ዒሾ ሴኤሜ ጎዖሢ ዔቦሬ ጌይንታ ዜርዖኮ ማዢንቶ ማዓሢኩ።

22 ሴኤሜኮ ናኣታ፡- ዔላኣሜ፣ ዓሶኦሬ፣ ዓርፓክሳዴ፣ ሉዴና ዓራሜ ጎዖዞንሢኩ። 23 ዓራሜ ናኣታ፡- ዑፃ፣ ሁሌ፣ ጌቴራና ማሽኩናናኩ፤ 24 ዓርፓክሳዴ ጎዖሢ ሹላሂኔ ሾዔኔ፤ ሹላሂኔያ ዔቦሬ ሾዔኔ። 25 ዔቦሬ ጎዖሢያ ላምዖ ናይ ሾዔኔ፤ ፔቴሢ ሾይንቴ ዎዶና ዴራ ዎሊዳፓ ፓቂንቲሢሮ ዒዛኮ ሱንፃ ፔሌጌ † ጌይንቴኔ፤ ሃንጎሢ ሱንፃ ሃሃ ዮቅፃኔ ጌይንቴኔ። 26 ዮቅፃኔ ናኣታ፡- ዓልሞዳዴ፣ ሹልፒሃፂርማዊቴ፣ ዬራሃ፣ 27 ሃዶራሜ፣ ዑዛሌ፣ ዲቁላ፣ 28 ዖባሌ፣ ዓቢማዔኤሌ፣ ሳኣባ፣ 29 ዖፔሬ፣ ሃዊላና ዮባቤ ጌይንታዞንሢ ማዓዛ ዬያታ ሲያ ዮቅፃኔ ዜርዖኩ።

30 ዔያታ ናንጌ ቤዛ ዓባ ኬሰካ ዛሎና ዓኣ ጌሜራዲ ዓጮ ማሻ ጌይንታ ቤዛፓ ሴፔራይዴ ጌይንታ ቤዛ ሄላንዳኣናኩ። 31 ዬያታ ሲያ ሴኤሜ ዜርዖንሢ ማዓዛ፣ ዔያታ ዲማ ዲማ ቶኣኪና ዓጪናይዳ ፓቂንቲ ናንጋያኩ፤ ፔቴ ፔቴ ቶኣኮኮ ሃንጎዋቶይዳፓ ዲማዲ ጌሰቲንታ ሙኡቺ ዓኣያኩ።

32 ዬንሢ ሲያ ፔኤኮ ዜርዖና ዜርዖና ፓቂንቲ ዴር ኖሄ ዜርዖንሢኩ፤ ማዓዛ ባይሲንቶ ዋኣዖኮ ጊንፃፓ ዓጮ ዴራ ሲያ ሙኩሢ ዬንሢ ኖሄ ናኣቶንሢዳፓኩ።

# 11

**ባብሎን ካታሞይዳ ዓጮ ዲንቂ ማዢና ዴጌ ቤዘ**

1 ቤርታዲ ሳዖይዳ ዓኣ ዴሮኮ ጌሰቶ ሙኡጫ ፔቴ ሌሊኩ፤ 2 ዓባ ኬሰካ ባንዖ ዓሳ \* ዓኣዴ ዎዶና ባብሎን ዓጮይዳ ፔቴ ቦኣሊ ዴንቃዖ ዒኢካ ዴዔኔ። 3 ዬይ ዓሳ ዎሊ ኮራ፡- «ዔዛታ! ሃኒ ሙኩዎቴ፤

† 10:25 10:25 ፔሌጌ ጌይፃ፡- ዔብሬ ዓሶ ሙኡቺና «ፓቂንቲሢ» ጌይሢኩ።  
\* 11:2 11:2 ዓባ ኬሰካ ባንዖ ጋዓዛ፡- ዒሰራዔኤሌ ዓጫፓ ዓባ ኬሰካ ዛሎና ጌይሢኩ።

ኮጩ ደጊሲ ማዘናገጥ ዓጩ ደንቁ ደዳንዳጉዲ ታሚና ሚቸ ኑ ከላሶም» ጋዓ ማዘናገጥ ባኮዋ ገኢጊሺ ዋላ ዓይሣንዳ ሺዲ ጉዳ ባኣዚያኣ ደንቁ።<sup>4</sup> ዩካፓ ዔያታ፡- «ሃኒ ዩዑዋቴ፤ ፔቴ ካታማ ኑኡኒ ማዘናገጥ፤ ሃሣ ቶኣካ ጩሪንጩ ሄላንዳ ደጌ ቤሲ ደንቁንቴ ዓጩና ኑኡኒ ማዘናገጥ፤ ዩያይዲ ሳዖ ቢያይዳ ኑኡኒ ላኣሊንቴ ደንዲዋዖ ፔቴይዳ ደዖም፤ ሃሣ ሱንሢያ ኑ ዔኮም» ጌዔ።

<sup>5</sup> ዩካፓ ናንጊና ናንጋ ጎዳ ዓሳ ማዘፍ ካታሞንታ ደጌ ቤዘዋ ዛጋኒ ኬዳ፤ <sup>6</sup> ዒዚ ሂዚ ጌዔ፡- «ሃይሾ ሃይ ዳራ ፔቴ ፃጲኬ፤ ጌሶቶ ዳንጋኣ ዔያቶኮ ፔቴኬ፤ ሃያ ባኮ ዔያታ ማደያፓዓቴም ሃካፓ ሴካ ዔያታ ማሌ ባኣዚ ቢያ ማዳኒ ዔያቶ ባሹዋያኬ፤ <sup>7</sup> ዩያር ሃኒ ዩዑዋቴ፤ ኑኡኒ ኬዲ ዔያታ ዋሊና ቡኩዋጉዲ ሙኡጩ ዔቶኮ ኑ ሲኢርም።» <sup>8</sup> ዩካፓ ናንጊና ናንጋ ጎዳ ዓጩ ቢያይዳ ዔያቶ ዜርቁሢር ካታሜሎ ማዘናገጥ ዓሳ ሃሹ፤ <sup>9</sup> ካታሜሎኮዋ ሱንፃ «ባብሎኔ»<sup>†</sup> ጌይንቴ፤ ዓይጎር ጌዔቴ ዒኢካ ፆኦሲ ዳርኮ ሙኡጩ ሲኢራሢርና ዔያቶዋ ዓጩ ቢያይዳ ላኣሌሢርኬ።

**ሴኤሜይዳፓ ደንዲ ዓብራሃሜ ሄላንዳኣና**  
(1ፆኦሲ ዓሃኬ 1:24-27)

<sup>10</sup> ሴኤሜ ዜርፃ ሃይፓ ደማ ፓይዲንታዘንሢኬ፤ ሴኤሜ ባይሲንቶ ዋኣዖኮ ጊንፃ ላምዖ ሌዔ ደዓዖ ለዓ ዒዛኮ ጃኤታ ማዔንቴ ዓርፓክሳዳ ጌይንታ ናይ ሾዔ፤ <sup>11</sup> ዓርፓክሳዳ ሾዔሰካፓ ጊንፃ ሴኤሜ ደንጎ ጃኤታ ሌዔ ናንጋዖ ሜሌ ዓቲንቁና ዉዳር ናይና ሾዔ።

<sup>12</sup> ዓርፓክሳዳያ ሃይሢታሚ ደንጎ ሌዔ ኩማዘ፡ ሹላሂ ጎዖ ናይ ሾዔ፤ <sup>13</sup> ዩካፓ ዖይዶ ጃኤታና ሃይሣ ሌዔና ናንጊ ሜሌ ዓቲንቁና ዉዳር ናይና ሾዔ።

<sup>14</sup> ሹላሂ ሃይሢታሚ ሌዔ ማዓዛ ዔቦሬ ሾዔ፤ <sup>15</sup> ዩካፓ ዖይዶ ጃኤታና ሃይሣ ሌዔና ናንጊ ሜሌ ዓቲንቁና ዉዳር ናይና ሾዔ።

<sup>16</sup> ዔቦሬ ሃይሢታሚ ዖይዶ ሌዔ ማዓዛ ፔሌጌ ሾዔ፤ <sup>17</sup> ዩካፓ ዖይዶ ጃኤታና ሃይሢታሚ ሌዔና ናንጊ ሜሌ ዓቲንቁና ዉዳር ናይና ሾዔ።

<sup>18</sup> ፔሌጌ ሃይሢታሚ ሌዔ ማዓዛ ሬዑ ሾዔ፤ <sup>19</sup> ዩካፓ ላምዖ ጃኤታና ታዘጳ ሌዔና ናንጊ ሜሌ ዓቲንቁና ዉዳር ናይና ሾዔ።

<sup>20</sup> ሬዑ ሃይሢታሚ ላምዖ ሌዔ ማዓዛ ሴሩጌ ሾዔ፤ <sup>21</sup> ዩካፓ ላምዖ ጃኤታና ላንካይ ሌዔና ናንጊ ሜሌ ዓቲንቁና ዉዳር ናይና ሾዔ።

<sup>†</sup> **11:9** 11:9 ባብሎኔ ጌይፃ፡- ዔብራ ዓሶ ሙኡቸና ዑኡዛ ዋይዘንታ ዋዶና «ሲኢራሢ» ጌይሢ ማላያኬ።

22 ሴሩጌ ሃይሢታሚ ሌዔ ማዓዛ ናኮሬ ሾዔኔ፤ 23 ዩካፓ ላምዖ ያኤታ ሌዔ ናንጊ ሜሌ ዓቲንቄና ወዲሮ ናይና ሾዔኔ።

24 ናኮሬ ላምታሚ ታዘጳ ሌዔ ማዓዛ ታኣራ ሾዔኔ፤ 25 ዩካፓ ያኤታና ታጳ ታዘጳ ሌዔና ናንጊ ሜሌ ዓቲንቄና ወዲሮ ናይና ሾዔኔ።

26 ታኣራ ላንካይታሚ ሌዔ ማዔሰካፓ ጊንፃ ዓብራሜና ናኮሬና ሃራኔና ሾዔኔ።

**ታራ ዜርዖ**

27 ዓብራሜና ናኮሬና ሃራኔናኮ ዓዶ፣ ታኣራኮ ዜርዖ ሃይፓ ዴማ ፓይዲንታዘንሢከ፤ ሃራኔ ሎኦዳ ሾዔኔ፤ 28 ሃራኔ ዒዘኮ ዓዴ ታኣራ ሸምፖና ዓኣንቲ ዒ ሾይንቲ ካታሞ ዑኡሬይዳ ሃይቄኔ፤ ዑኡሬ ጌይንታ ካታማ ካላዳ ዓሶ ዓጫኪ። 29 ዓብራሜ ሶኦራ ጎዖ ላኣሌሎ ዒካዛ፣ ናኮሬ ሚልካ ጋዓዘ ዒኬኔ፤ ዒዛ ሂሰካኔ ጎዖሢ ሾዔ ሃራኔ ናዎኬ። 30 ሶኦራ ዘኣኮታሢሮ ናይ ሾዒባኣሴ።

31 ታኣራ ፔኤኮ ናኣዚ ዓብራሜንታ ሃራኔ ሾዔ ዒዘኮ ናኣዚ ናዖ ሎኦዳንታ ዓብራሜ ማኛ ሶኦራኣ ዒኪ ባብሎኔይዳ ዓኣ ዓካታሞ ዑኡሬ ሃሺ ካኣናኔ ዓጮ ዓኣዳኒ ዒቄኔ፤ ዒዚ ዴንዲ ካኣራኔ ጎዖ ዓጪ ጌሊ ዒኣካ ዴዓኔ። 32 ታኣራ ላምዖ ያኤታና ዶንጎ ሌዔና ማዓዛ ካኣራኔይዳ ሃይቄኔ።

# 12

**ዓብራሜኮ ዒኤሊንቲዖ**

1 ናንጊና ናንጋ ጎዳ ዓብራሜም፡- «ኔ ዓጮ ሃሺ፣ ኔኤኮ ዒጊኖና ዓዶ ማኣሮ ዓሶይዳፓኣ ዴማዲ ታ ኔና ዳዎ ዓጮ ዓኣዴ፤

2 ዜርዖ ታ ኔኤኮ ሚርጊሻንዳኔ፤ ዳልጊ ዴሬያ ማዓንዳኔ፤ ታ ኔና ዓንጃንዳኔ፤  
ሶንዖ ታ ኔኤኮ ዔርቲያ ማሃንዳኔ፤ ሜሌ ዓሶማኣ ዓንጃ ኔ ማዓንዳኔ።

3 ኔና ዓንጃሢ ታ ዓንጃንዳኔ፤  
ኔኤም ጋዳንቃዘንሢከም ታ ጋዳንቃንዳኔ፤  
ኔ ዘሎና ዴራ ቢያ ዓንጃንታንዳኔ» ጌዔኔ።

4 ዓብራሜም ናንጊና ናንጋ ጎዳ ኬኤዜሢሢጉዲ ካኣራኔ ዓጫፓ ዓኣዳኒ ዒ ኬሰካኣና ሌዓ ዒዘኮ ላንካይታሚ ዶንጎኬ፤ ዒዘና ዎላ ጌኤዚ ናኣዚ ሎኦዳ ዓኣዴኔ። 5 ዓብራሜ ፔኤኮ ማኛ ሶኦራንታ

12:1 12:1 ዳኪ ማዶ 7:2-3፤ ዒብ. 11:8። 12:3 12:3 ጋላ. 3:8።

ጌኤዚ ናኣዚ ሎኦጸንታ ካኣራኔይዳ ዓኣዖ ቆሌ ቆልሞንታ ዒዛሞ ማዳ ዓሶሞ ቢያ ዔኪ ዓኣዳኔ።

ዔያታ ካኣናኔ ዓጮ ሄለዎ፣ 6 ሴኬሜይዳ ዓኣ ጌኤዢ ቤዜሎ፣ ሞኦሪ ጌይንታ ካኣዢሞ ዲማዳ ሚፃሢ ዓኣ ቤዜሎ ሄላንዳኣና ዓኣዳኔ፤ ዬኖ ዎዶና ካኣናኔ ዓሳ ዬኖ ዓጮ ናንጋኔ። 7 ናንጊና ናንጋ ጎዳ ዓብራሜሞ ፔጋዲ ጴዲ፡- «ኔኤኮ ዜርዎሞ ታ ዒንጋንዳ ዓጮላ ሃኖኬ» ጌዔኔ፤ ዬካፓ ዓብራሜ ዒዛሞ ፔጋዲ ጴዳ ናንጊና ናንጋ ጎዳሢሞ ዒንጎ ባኣዚ ዒንጊ ካኣሽኮንዶ ቤሲ ሹቸና ኮሼኔ።

8 ሄለሳዎ ቤኤቴኤሌ ጌይንታ ዓጮኮ ዓባ ኬሰካ ዛሎና ዓኣ ጌሚራዳ ዓጮ ኬሰካዎ ቤኤቴኤሌ ዓባ ጌላ ዛላ፣ ዓዩ ጎዎዞ ዓባ ኬሰካ ዛላ ማሂ ዓፒላና ማዢ ማኣር ፔኤኮ ደቃዎ፣ ዒኣኣኮ ያኦሲሞ ዒንጊ ካኣሽኮ ቤዞ ሹጮና ኮሺ ናንጊና ናንጋ ጎዳኮ ሱንዎሞ ዔኤሌ ዚጊ ካሽኬኔ፤ 9 ቤዛፓ ሜሌ ቤሲ ዒዚ ሃንቲ ሃንቲ ኔጌቤ \* ጌይንታ ቤዞ ሙኬኔ።

**ዓብራሜ ጊብፃ ዓጮይዳ**

10 ካኣናኔ ዓጮይዳ ናይዚ ጌላዎ ናያ ዶዲ ዶዲ ዓኣዳሢር ዓብራሜ ዬያ ናኖ ዎዶ ዓኣሢኒ ዒዚ ናንጋ ዓጮኮ ሃኬ ደኦሎ ዛሎና ዓኣ ጊብፃ ዓጮ ዓኣዳኔ። 11 ዓብራሜ ጊብፃ ዓጮ ጌላኒ ዑካዎ ማቸ ሶኦራ ኮራ፡- «ኔኤኒ ሚርጌና ሚዛጲ ማዔሢ ታ ዔራሢር፣ 12 ጊብፃ ዓሳ ኔና ዛጌ ዎዶና ሃና ዒዛኮ ማቸኬ» ጌዒ ታና ዎዲ ኔና ሃሻንዳኔ። 13 ዬያሮ ታ ዒዛኮ ጌርኬ» ኔ ዔያቶሞ ጌዔቶ ኔጋይቲ ጌይ ታና ዔያታ ዎዲዎዎ ሃሺ ኮሺ ዓኣፒና ታና ዔያታ ዛጋንዳኔ» ጌዔኔ።

14 ጊብፃ ዓጮ ዔያታ ጌሌ ዎዶና ጎኔና ጊብፃ ዓሳ ዓብራሜኮ ማቸ ሚርጌ ሚዛጲ ታሢ ዛጌኔ። 15 ሃሃ ፔቲ ፔቲ ካኣቲኮ ዑኬ ማዒ ማዳ ዓሳኣ ዒዛኮ ሚዛጲሞ ካኣቲሞ ኬኤዜሢር ካኣቲ ማኣሪ ዒዛ ዔኤሊንቲ ዓኣዳኔ። 16 ዒዛ ጋይቲ ጌይ ካኣቲ ዓብራሜ ናሽካዎ፡- ማራይ፣ ዎኣሪ፣ ባይ፣ ሃሬ፣ ጋኣላ፣ ዒዛሞ ማዳ ማዳንዳ ዓቲንቁንታ ላኣሊንታ ዒንጌኔ።

17 ጋዓንቲ ዓብራሜኮ ማቸ ሶኦራ ካኣቲ ዔካኒ ማሊ ዔኤሌሊ ፔ ማኣሪ ዔኪ ዓኣዳሢር ናንጊና ናንጋ ጎዳ ካኣቲንታ ዒዛኮ ዑኬ ማዒ ማዳ ዓሶ ቢያሢዳ ፑርታ ሜታሳ ዶርዎ ዓጌኔ። 18 ዬካፓ ካኣቲ ዓብራሜ ዔኤሊሳዎ ሂዚ ጌዒ ዒዛ ያኦጮኔ፡- «ሃይ ኔ ታኣሞ ማዳ ባካ ዓይጎዳይ? ሶኦራ ኔኤኮ ማቸ ማዔሢ ኔ ታኣሞ

12:7 12:7 ዳኪ. ማዳ 7:5፤ ጋላ. 3:16። \* 12:9 12:9 ኔጌቤ ጌይዎ ካኣናኔ ዓጮኮ ደኦሎ ዛሎኬ። 12:13 12:13 ማዢ. ማፃ 20:2፤ 26:7።

ዓይጎር ከኤዚባኣይ? 19 ታኣኮ ጌሮኩ» ኔ ጌራ ታ ሲዞ ዔካኒ ዔኤሊሳጎዳጉዲ ዓይጎር ማሄይ? ሃኣዛጌ፡ ኔኤኮ ማቸ! ዔኪ ከሰከ!» ጌራኔ። 20 ዬያ ጌይ ካኣተ ዓይሄ ጎይያና ካኣተኮ ዑኩ ማሲ ማዳ ቢታጎታ ዓኣ ዓሳ ዓብራሜጎታ ማቸጎታ ሲዛኮ ዓኣ ቆሎ ቢያሂና ዎላ ዓጫፓ ኬሴኔ።

# 13

## ዓብራሜና ጌኤዚ ናኣዚ ሎኦጻናኮ ዲማዲያ

1 ዓብራሜ ማቸጎታ ሲዛኮ ዓኣ ቆሎዎ ቢያ ዔኪ ጊብጻ ዓጫፓ ኔጌቤ ዓጮ ዓኣዳኣና ሎኦጻያ ሲዛና ዎላ ዓኣዳኔ። 2 ዓብራሜ ሚርጌ ቆልሞ፡ ሚርጌ ሚኢሽና ዎርቁና ዓኣ ዎርጎቹ ዓሲኩ።

3 ኔጌቤይዳፓ ዔቃያ ቤዛፓ ሜሌ ቤሲ ሃጎቲ ሃጎቲ ቤኤቴኤሌ ጎያ ቤዞ ዓኣዲ ቤኤቴኤሌና ዓዪ ጎያ ዓጮናኮ ባኣካ ዓኣ ቤዞ ሄሌኔ፤ ዬና ቤዜላ ሃያኮ ቤርታ ሲዚ ዴዔ ቤሲ፤ 4 ጊንሣ ሃሣ ናጎጊና ናጎጎ ጎዳሞ ሲጎጎ ባኣዚ ሲጎጊ ካኣሽኮ ቤዞ ሹጮና ኮሽ ቤሲ ማዔሂር ዓኣካ ዓብራሜ ናጎጊና ናጎጎ ጎዳኮ ሱጎያ ዔኤሊ ካሽኩኔ።

5 ዓብራሜና ዎላ ዓኣዳ ጌኤዚ ናኣዚ ሎኦጻያ ፔ ዛሎና ሚርጌ ማሪይ፡ ዎኣሪና ባይና፤ ሃሣ ሚርጌ ማኣሪ ዓሲጎታ ሲዛኮ ማዳ ዓሲያኣ ዓኣያኩ። 6-7 ዬኖ ዎዶና ዬኖ ዓጮይዳ ናጎጎ ዓሳ ካኣናኔ ዓሶና ፔርዜ ዓሶናኩ፤ ሃሣ ዓብራሜና ሎኦጻናኮ ሚርጌ ቆልሞ ዓኣያታሂር ዎላ ዔያታ ናጎጎ ኣጎዳሲባኣሲ፤ ዓይጎር ጌራቶ ቆልማ ዎሊ ዑፃ ሄንቃ ቤሲ ባኣሂሮኩ፤ ዬያር ዓብራሜና ሎኦጻናኮ ቆልሞ ሄንቃ ዓሶ ባኣካ ዑራ ማዢጎቲኔ።

8 ዬካፓ ዓብራሜ ሎኦጻ ኮራ፡- «ኦኤኒ ዎሊ ማኣሪ ዓሲ ማዔሂር ታኣና ኔኤና፤ ሃሣ ኦኤኮ ቆልሞ ሄንቃ ዓሶ ባኣኮይዳኣ ማዎም ዑራ ዔቃኒ ኮይሱዎሴ፤ 9 ዬያር ኦኤኒ ፓቂጎቲ ዲማ ዲማ ናጎጌቶ ኮሽኩ፤ ዓጮኮ ኔ ናሽኩ ዛሎ ዓኣዳዛ ታኣኒያ ዓቲ ዛሎ ዓኣዳጎዳኔ» ጌራኔ።

10 ዬማፓ ሎኦጻ ዮርዳኖሴ ዎሮ ዓጫ ዓኣ ዶኦጮ ዓጮ ዴጎዲ ዞዓሬ ጎያዞ ሄላጎዳኣና ዛጋያ ናጎጊና ናጎጎ ጎዳ ኮሽ ቤዞና ጊብጻ ዓጮይዳ ዎኣፃ ኩሚ ዓኣ ቤዞ ጉዴያ ማዔሂ ዴጎቱ፤ ዬያ ሲ ዛጌሂ ናጎጊና ናጎጎ ጎዳ ሶዶሜና ጋሞራ ጌይጎታ ካታሞጎሂ ባይዙዎጎቲ ቤርታኩ። 11 ዬያር ሎኦጻ ዮርዳኖሴ ዎሮ ዓጫ ዓኣ ዶኦጮ ዓጮ ፔኤም ዔካያ ዓሳ ከሰካ ዛሎ ዓኣዳኔ፤ ያኣሲ ማዔሂር ላምዓሂ ዬያይዲ ዲማዳኔ፤ 12 ዓብራሜ ቤዛ፡ ካኣናኔይዳ ዓታዛ ሎኦጻ ጋዓጎቲ ሲ ዓኣዳ ቤዛ ዓኣ ካታሞጎሂኮ ባኣካ ሶዶሜኮ ዑኩ

ዓፒሎና ማኸ ማኣሮ ፔኤኮ ደቂ ዳዔኔ፤ 13 ዬኖ ዎድና ሰድሜ ዓሳ ሚርጌ ፑርታ፤ ሃሣ ናንጊና ናንጋ ጎዳ ዳጋሳያ፡ ጎሜ ማዳ ዓሲኬ።

**ዓብራሜኮ ኩብርኦኔ ዓኣዲዎ**

14 ሎኦኔ ዲማዲ ዓኣዲሰካፓ ናንጊና ናንጋ ጎዳ ዓብራሜም፡- «ኔ ዓኣ ቤዛ ዓኣዎ ዓጮ ጉቤ ሺሪ ዛጌ፤ 15 ሃያ ኔኤኒ ዛጋ ዓጮ ቢያ ኔኤና ኔ ዜርዎናም ታ ዒንጋንዳኔ፡ ናንጊና ዒንሢሮ ማዓንዳኔ፤ 16 ኔኤኮ ዜርዎ ሳዖይዳ ታ ማኣሻላጉዲ ሚርጊሻንዳኔ፤ ሳዖ ማኣሻላ ፓይዲንታኒ ዳንዳዒንቱዋኣሢጉዲ ኔኤኮ ዜርዎ ያዲ ፓይዲንቱዋዎ ማዓንዳኔ። 17 ዓካሪ ሃሢ ዓኣዲጋፓ ሳዖ ጉቤ ዛጌ፤ ዓይጎር ጌዔቶ ዬያ ቢያ ታ ኔኤም ዒንጋንዳኔ» ጌዔኔ።

18 ዬያሮ ዓብራሜ ዓፒሎና ማኸና ማኣሮ ፔኤኮ ቱጊ ኩብርኦኔይዳ ሜሚሬ ጌይንታ ቤዛ ካኣሽኮ ፑኤፖ ሻኣባ ዓኣ ቤዘይዳ ናንጋኒ ዓኣዲዎ ዒኣካ ናንጊና ናንጋ ጎዳም ዒንጎ ባኮ ዒንጊ ካኣሽኮ ቤዞ ሹቸና ኮሼኔ።

# 14

**ዓብራሜ ሎኦኔ ዲዒንቶይዳፓ ማሃሢ**

1 ዬኖ ዎድና ባብሎኔ ካኣቲ ዓምራፔሌ፡ ዔላሳኣሬ ካኣቲ ዓሪዮኬ፡ ዔላኣሜ ካኣቲ ኬድራላዎሜሬ፡ ጎይሜ ካኣቲ ቲዲዓሌኬ፤ ዬንሢ ያይዶ ካኣቶንሢ፤ 2 ሜሌ ዶንጎ ካኣቶ ያላኒ ዓኣዲኔ፤ ዔያታ ያላኒ ዓኣዲ ዶንጎ ካኣቶንሢያ ስድሜ ዓጮ ካኣቲ ቤራዔ፡ ጋምራ ካኣቲ ቢርሻዔ፡ ዓዳማ ካኣቲ ሺንዓቤ፡ ፃቦሜ ካኣቲ ሺምቤሬ ጎዎሢንታ ሱንፃ ዞዓሬ ጌይንታ ቤላዔ ዓጩሎኮ ካኣታሢንታኬ። 3 ዬንሢ ዶንጎ ካኣቶንሢ ፔቱ ማዒ ሶኦጌ ባዚ ጌዒ ዔኤሊንታ ሲዲሜ ዶኦይዳ ያሎር ቡኬኔ። 4 ዬንሢ ዶንጎ ካኣቶንሢ ታጾ ላምዎ ሌዔ ኬድራላዎሜሬ ጎዖ ዓጮ ካኣቲ ዴማ ባሺንቲ ናንጋዖ ታጾ ሃይሣሳ ሌዎና ጋዓንቱ ዬያ ካኣቲ ዑፃ ዒዲ ዳጋዲ ዔቄኔ።

5 ታጾ ያይዳሳ ሌዎና ኬድራላዎሜሬና ዒዛና ዎላ ፔቱ ማዒ ያላ ካኣቶሢ ዔያቶኮ ያላ ዓሶና ዎላ ሙካዖ ሬፓ ዓሶ ዓሽቲሮትቃራናይሜ ጌይንታ ቤዛ፡ ዙዛ ዓሶ ሃማ ጌይንታ ቤዛ፡ ዔማ ዓሶ ቤሽዌቂርያቲማ ጌይንታ ቤዛ፡ 6 ሆሬ ዓሶዋ ጌሜራዲ ዓጩሎ ስዒሬኮ ዓሲ ናንጉዎ ዳውሎ ኮይላ ዓኣ ዔልፓኣራኣኔ ሄላንዳኣና ያሊ ባሽኔ። 7 ዬካፓ ማዒ ቃዴሴ ጎዖ ዓጩ ሙኬኔ፤ ዬኖ ዎድና ዬኖ ቤዜሎኮ ሱንፃ ዔኒሚሽፓፃ ጌይንታኔ፤ ሃሃ ዓማሌቄ

13:15 13:15 ዳኪ. ማዶ 7:5።



ዓሶ ዓጮ ቢያ ዓርቃዎ ሃፃዎንታማሪ ጌይንታ ቤዛ ናንጋ ዓሞራ ዓጮ ዓሶዋ ዔያታ ያሊ ባሽኔ።

8 ዩካፓ ሶዶሜ፣ ጋሞራ፣ ዓዳማ፣ ፃቦዬሜና ቤላዔ ዓጮ ካኣታ ፔኤኮ ያላ ዓሶ ሲዲሜ ዶኤጮይዳ ቡኩሲ ያልቴኔ፤ 9 ዔያታ ያልቴህሂ ዔላኣሜ፣ ጎይሜ፣ ባብሎኔና ዔላሳሪ ዓጮ ካኣቶንህረኤ፤ ዶንጎ ካኣቶንህሂ ያይዶ ካኣቶንህረኤ ዋላ ያልቴህሂ ዩያይዲኤ። 10 ሲዲሜ ጌይንታ ዶኤጮይዳ ሺዶ ማላ ዓልቃ ባኮ ዔካኒ ዴኤፕ ቦኦኮና ማርጌ ዔቴ ዓኣንቴ ሶዶሜና ጋሞራና ካኣቶንህሂ ያሎይዳፓ ዓኣሺንቴ ቶሎሮ ጌዒ ጳሽካዎ ዩያ ዔቶይዳ ሎኦማዛ፣ ዓቴ ሃይሃ ካኣቶንህሂ ዲኮ ዓኣሺንቴ ከሰከኔ። 11 ያይዶ ካኣቶንህሂ ሶዶሜና ጋሞራና ካታሞይዳ ዴንቄ ባኮ ቢያ ሙኡዚያ ሃሹዋዎ ዔኪ ዓኣዴኔ። 12 ሎኦፃያ ሶዶሜይዳ ናንጋህረ ዒዛንታ ዒዛኮ ቆሎንታ ቢያ ዲዒ ዔኪ ዔያታ ዓኣዴኔ።

13 ዒማና ፔቴ ዓሲ ያላፓ ዓሺንቴ ቶሊ ሙካዎ ማዔ ባኮ ቢያ ዔብሪ ዓህሂ ዓብሪሚም ከኤኤኔ፤ ዩና ዋዶና ዓብሪሚ ናንጋህሂ ዓሞራ ዓህሂ ሚሚሬሮ ማዔ ካኣሽኮ ሻኣቦኮ ኮይላኤ፤ ዩያ ሚሚሬ ጎዎህረ ዒዛኮ ላምዎ ጌርሲንህሂ ማዔ ዓሽኮሌና ዓኔሬና ዓብሪሚኮ ያሎ ዋዶና ዋሊ ሃሻዓ ጌዒ ጫኣቄ ላጌኤ። 14 ዓብሪሚ ፔኤኮ ጌኤዚ ናኣዚ ሎኦፃ ዲዒንቴ ዔከንቴህሂ ዋይዛዎ ዒዛኮ ማኣራ ሸይንቴ ያላኒ ዶንዳዓ ሃይሃ ፃኤታና ታጶ ሳሊ ዓሲ ዓንጋምና ጊኢጊሺ ዩንህሂ ጌኤዚ ናኣዚ ዲዒ ዔኪ ዓኣዴያ ያይዶ ካኣቶንህሂ ጊንዎ ዳኣኔ ጎዎ ቤዛ ሃላንዳኣና ዴንዴኔ። 15 ዒኢካ ዒ ዔኪ ሙኤ ዓሶ ፓቂፓቂ ዩንህሂ ካኣቶንህረኤ ዲማ ያሎ ዓርቃዎ ዔያቶ ባሺ ዴማሰቆ ጎዎ ዓጮሎኮ ዓባ ከሰከ ጌላ ዛሎኮ ከዶ ዛሎና ዴንዲ ሆባ ጎዎ ቤዛ ሃላንዳኣና ዩያቶ ዳውሴኔ። 16 ዲዒንቴ ቤርታ ዔኪ ዓኣዲንቴ ባኮ ቢያ፤ ሃሃ ዒዛኮ ጌኤዚ ናኣዚ ሎኦፃና ዒዛኮ ቆልሞና ዋላ፣ ጌዳ ጊንህሂ ዔያቶና ዋላ ላኣሊንታ ማሌ ቱኡሲ ዓሲንታ ማሂ ዔኪ ሙኤኔ።

**ሚልኬ ፃዲቄ ጎዎህኮ ዓብሪሚ ዓንጂዎ**

17 ዓብሪሚ ዶርላዎሚሬና ዔያቶና ዋላ ዓኣ ካኣቶ ያሎና ባሺ ማዓዛ ሶዶሜ ዓጮ ካኣቴ «ካኣቴ ዶኦቹ» ጌይንቴ ዔኤሊንታ ሸዋሂ ጎዎ ዶኦጫ ዒዛ ጎይህረ ዔካኒ ከሰከኔ፤ 18 ዴኤፖ ያኣዛህም ማዳ ቄኤሴ ማዔያ ሳላሚ ዓጮ ካኣቴ ጌይንታ፣ ሚልኬ ፃዲቄ ዓብሪሚም ካሃና ዋይኔፓ ኮሸና ዑሸና ዓከ ሙካዎ፣ 19 ዓብሪሚ ሂዚ ጌዒ ዓንጂኔ፡-

«ጫሪንጮና ሳዎና ማዘፍ ዴኤፖ ያኣዛህ

ዓብሪሚ ዓንጂንጎ፤

20 ኔና ዒፃ ኔኤኮ ሞርኮ ዑይይዳ ባሺዎ ኔኤም ዒንጌ

ዴኤፖ ጾኦዛሢ ጋላቲጎቲያ ማፖጎጎ።»  
ዲማና ዓብራሜ ዲዒ ዔኪ ሙኬ ባኮ ቢያኮ ታጾይዳፓ ፔቲ  
ታጾይዳፓ ፔቲ ዔኪ ሜልኬ ፃዲቁም ዲጎጎኔ።

21 ሶዶሜ ካኣቲያ ዓብራሜም፡- «ኔ ዲዒ ዔኪ ባኮ ቢያ ኔኤሮ  
ዔካፖ ታ ዓሶ ታኣም ማሄ» ጌዔኔ።

22 ዓብራሜ ዲዛም ማሃ፡- «ጫሪጎጮና ሳፖና ማዠፎ ዴኤፖ  
ጾኦዛሢ ሱጎፖና ታ ኔኤም ጫኣቃኔ፤ 23 ኔኤኒ <ዓብራሜ ፖርጎቼሢ  
ታናኬ> ጎዑዋጉዲ ሜሌ ዓታዛ ፔቲ ሹኤሜታቶዋ ዲርዘ  
ቱኮሰካፓታቲያ ፔቲ ሱሲታፖ ታኣኒ ኔጊዳፓ ዔኪጎዲዋሴ። 24 ዬያሮ  
ታኣሮ ጌዒ ዓይጎ ባኣዚያ ታ ዔካዓኬ፤ ታ ዓሳ ሙዔዘጎሢፓ ዓታዛ  
ሜሌ ታኮዑዋሴ፤ ሃሣ ዬያጉዲ ታኣኮ ጾሎ ላጎጎሢ ዓኔሬ፡ ዓሽኮሌና  
ሚሚራና ዔያቶ ሄላዘጎሢ ሌሊ ዔያታ ዔኮጎጎ» ጌዔኔ።

# 15

## ጾኦሲ ዓብራሜም ጫኣቁ ጫኣቁም

1 ዬካፓ ዓብራሜ ጾኦሲ ዲዛ ፔጋሲ ዳዌ ባኣዚ ዛጎኔ፤ ናጎጊና  
ናጎጋ ጎዳ ዲዛ ኮይላ፡-  
«ዓብራሜ! ዲጊጪፖ፡ ታ ኔኤኮ ገቲማ ማዒ ፑርታ ባኣዚፓ ቢያ  
ካፓጎዳኔ፤

ሚርጌ ኮሺ ባኣዚ ታ ኔኤም ዲጎጋጎዳኔ»  
ጋዓጎቲ ዲዚ ዋይዜኔ።

2 ዓብራሜ ማሃ፡- «ቢያሢኮ ጎዳ ማዔ ታ ጎዳሢዮ! ናይ ታኣኮ  
ባኣሢሮ ኔ ታኣም ዲጎጋ ሚርጌ ኮዠ ባካ ዓይጎ ታኣም ማዳጎዳይ?  
ታና ዳካላጎዳሢ ዴማሰቆ ዓጮ ዓሢ ዔላዜሬ ሌሊኬ። 3 ፔቲታፖ  
ታኣም ኔኤኒ ናይ ዲጎጊባኣሢሮ ታና ዳካላጎዳሢ ዬያ ታኣኮ ማዳ ማዳ  
ዓሶይዳፓ ፔቲሢኬ» ጌዔኔ።

4 ዬካፓ ጊጎሢ ናጎጊና ናጎጋ ጎዳ ዓብራሜም፡- «ሃይ ዔላዜሬ፡  
ኔኤኮ ማዳሢ ኔና ዳካላዓኬ፤ ኔጊዳፓ ሹይጎታጎዳ ናዓሢ ኔና  
ዳካላጎዳኔ» ጌዒ ኬኤዘጎቲ ዒ ዋይዜኔ። 5 ዬካፓ ናጎጊና ናጎጋ  
ጎዳ ዓብራሜ ካሮ ባጎሢ ዔኤሊ ኬሳ፡- «ሂጎዳ ሌካ ጫሪጎጮ  
ዘጎ፤ ዠኦጎሢ ፓይዳኒ ኔ ዳጎዳዓቲ ሂጎዳ ፓይዳ፤ ዓካሪ ኔኤኮ ዜርፃ  
ዬያጉዲ ሚርጋጎዳኔ» ጌዔኔ።

6 ናጎጊና ናጎጋ ጎዳ ዲዛም ዬያ ማዳጎዳሢ ዓብራሜ ጉሙርቁኔ፤  
ጾኦሲያ ዲዛኮ ጉሙርቁፖና ዋዛዲ ዲዛ ፔ ዓሲ ማሄኔ።

---

14:20 14:20 ዔብ. 7:1-10። 15:5 15:5 ሮሜ 4:18፤ ዔብ. 11:12። 15:6  
15:6 ሮሜ 4:3፤ ጋላ. 3:6፤ ያይ. 2:23።

7 ዩካፓ ያኦሲ ዓብራሚያም፡- «ሃኖ ዓጩሎ ኔና ዳካልሳኒ ዑራ ጌይንታ ካለዳ ዓሶ ዓጩይዳፓ ኔና ዔኪ ኬሴ ናንጊና ናንጋ ጎዳሢ ታናኬ» ጌዔኔ።

8 ዓብራሚያ ጋዓንቴ ናንጊና ናንጋ ጎዳ ኮራ፡- «ቢያሢኮ ጎዳ ማዔ ታ ጎዳሢየ! ሃና ዓጩላ ታኣም ማዓንዳሢ ዎዲ ታ ዔራንዳይ?» ጌዒ ያኦጩኔ።

9 ናንጊና ናንጋ ጎዳሢያ ዒዛም፡- «ሃይሠ ሃይሠ ለዔ ማዔያ ፔቴ ማር፣ ፔቴ ዋኣሪ፣ ፔቴ ማራይና ሃሣ ኪራንታ ዶኦሎንታ ዔኪ ታኣም ሙኬ»\* ጌዔኔ። 10 ዓብራሚያ ያኦሲ ዒዛ ዓይሢሢ ቢያ ዔኪ ሙካዖ ቆልሞ ሹኪ ፓቂ ፓቂ ፓቂንቴሢያ ዎሊ ቤኤዚ ላምዖ ቤሰካ ጌሢኔ፤ ካፖንሢ ጋዓንቴ ቲቃዖ ፓቂባኣሴ። 11 ሃምፑራሢ ቲቂንቴ ዓሽኮ ሙዒሢ ሙካኣና ዓብራሚ ዳውሴኔ።

12 ዓባ ጌላኒ ዑካኣና ዓብራሚ ሃሃይቄጉዲ ጊንዔኔ፤ ሃሣ ሚርጌ ዒጊቹሞና ዲቃቲሢና ዒዛይዳ ጌሌኔ። 13 ናንጊና ናንጋ ጎዳ ዓብራሚያም፡- «ኔኤኮ ዜርፃ ዓሲ ዓጩዳ ቤቲ ሙኬ ዓሲ ማዓንዳኔ፤ ዒኣካ ዔያታ ካራሙሞና ሃሣ ሄርቂ ዎይሠ ዎይሥሢና ሜታዲ ያይዶ ጃኤታ ለዔ ናንጋንዳኔ፤ 14 ዔያቶ ካራሙሞና ዎይሣ ዓጩ ዓሶይዳ ፑርታ ዎጌ ታኣኒ ዎጋንዳኔ፤ ዩካፓ ኔኤኮ ዜርፃ ሚርጌ ቆሎ ዔኪ ዬኖ ዓጩፓ ኬሰካንዳኔ። 15 ኔኤኒ ጋዓንቴ ሚርጌ ለዔ ናንጊጋፓ ሜታ ባኣያ ሃይቂ ዲኡታንዳኔ። 16 ኔኤኮ ዜርፃ ሃኖ ዓጩ ማዒ ሙካንዳሢ ያይዶ ሸይንቲኮ † ጊንፃፓኬ፤ ዴንዲ ዬያ ሄላንዳኣና ዔያታ ናንጋንዳሢ ሃሢ ሃካ ዓኣ ዓሞራ ዓሶኮ ጎማ ኮሺ ሚርጌም ሜቶና ታ ዔያቶ ጳርቂ ኬሳንዳሢ ሄላንዳኣናኬ» ጌዔኔ።

17 ዓባ ጌሊ ሃባርታኣና ናኣቦይዳፓ ኬሰካ ጩቢና ዔኤታ ታሚ ሎሰታ ጴዲ፣ ቲቂ ፓቂ ፓቂ ጌሦና ዓሽኮኮ ባኣኪና ዓኣጴኔ። 18 ዬኖ ኬሎና ናንጊና ናንጋ ጎዳ ዓብራሚያም፡- «ጊብፃ ዓጩ ዛጳፓ ዴንዲ ዔፕራፂሴ ዎር ሄላንዳኣና ዓኣ ዓጩ ቢያ፣ 19 ዬያጉዲ ቄና ዓሶ ዓጩ፣ ቄኔዛ ዓሶ ዓጩ፣ ቃደሞኔ ዓሶ ዓጩ፣ 20 ሄታ ዓሶ ዓጩ፣ ፔርዛ ዓሶ ዓጩ፣ ሬፓ ዓሶ ዓጩ፣ 21 ዓሞራ ዓሶ ዓጩ፣ ካኣናኔ ዓሶ ዓጩ ጌርጌሳና ዒያቡሳና ዓሶ ዓጩ ቢያ ታ ኔ ዜርፃም ዒንጋንዳኔ» ሂዚ ጌዒ ጫኣቄኔ።

\* 15:9 15:9 ዬይ ዒንጎ ባካ ጫኣቄሞ ማላቶ ዒርዛያክ (ዔር. 34:8-22 ዛጌ)። 15:12 15:12 ዒ.ዮ. 4:13-14። 15:13 15:13 ኬሴ. ማፃ 1:1-14፤ ዳኪ. ማዶ 7:6። 15:14 15:14 ኬሴ. ማፃ 12:40-41፤ ዳኪ. ማዶ 7:7። † 15:16 15:16 ያይዶ ሸይንቲ ጌይዖ ዬኖ ዎዶና ፔቴ ሸይንቲ ናንጋሢ ጃኤታ ለዔታሢርኬ። 15:18 15:18 ዳኪ. ማዶ 7:5።

# 16

ዓጋኦና ሲዞኮ ናኣዚ ሲሲማዔኤሌና

1 ዓብራሜኮ ማቻ ሶኦራ ሃጊ ናይ ሸዒባኣያኮ፤ ዒማና ዒዞም ማዳያ ዓጋኦና ጌይነታ ጊብፄ ዓጪ ናይሰኬና ዓኣኔ፤ 2 ዬያር ዓብራሜኮ ማቻ ሶኦራ ዓብራሜ ኮይላ፡- «ሃኣዛጌ፥ ናንጊና ናንጋ ጎዳ ታና ናይ ሸዑዋጉዲ ላኣጌኔ፤ ኔኤኒ ሃሮ ታኣም ማዳዘና ላሂ፤ ታኣኒ ዒዞ ዛሎና ጎዳንቴ ናይ ዴንቃንዳያናንዳኔ» ጋዓዛ፥ ዓብራሜያ ማቻ ጌዔሢ ዋይዜኔ። 3 ዬያር ሶኦራ ዒዞኮ ማዳ ጊብፄ ዓጪ ናዔሎ ዓጋኦና ዓብራሜ ዔካንዳንጉዲ ዒንጌኔ። ዬይ ያዲ ማዔሢ ዓብራሜ ካኣናኔ ዓጮይዳ ታጾ ሌዔ ናንጌሰኬፓ ጊንፃኣኬ። 4 ዓብራሜ ዓጋኦና ዔካዛ ጎጳዴኔ፤ ዒዞ ፔኤኮ ጎጳ ዔሬ ዋደና ማኦር ዒንዶ ሶኦራ ዑፃ ያቶርቂ ዒዞ ቦሂኔ።

5 ዬያር ሶኦራ ዓብራሜ ኮራ፡- «ዓጋኦና ታና ቦሃንዳጉዲ ማዳሢ ኔናቴ፤ ኔኤም ዒዞ ዒንጌሢ ታናኬ፤ ዒዞ ጋዓንቴ ጎጳዴሢ ዳፓ ዓርቃዖ ታና ቦሃኔ፤ ሃሢ ታኣና ኔኤናናይዳፓ ፒዜማ ያናታቴያ ናንጊና ናንጋ ጎዳ ዋጎንጎ» ጌዔኔ።

6 ዓብራሜያ ማሃዖ፡- «ኮሺኬ፤ ዒዞ ኔኤም ማዳያ ኔ ዴማ ዓኣያ ማዔሢሮ፥ ኔ ኮዔ ባኣዚ ዒዞ ዑፃ ማዳ» ጌዔኔ። ዬካፓ ሶኦራ ዓጋኦና ሚርጌ ሜታሴሢሮ ዓጋኦና ማኦራፓ ቤቴ።

7 ናንጊና ናንጋ ጎዳኮ ኪኢታንቻ ዓጋኦና ዓሲ ናንጉዋ ዳውሎይዳ ፔቴ ዓልቃ ዋኣሢ ኮርካ ዓኣንቴ ዴንቄኔ፤ ዬና ዓልቃ ዋኣፄላ ሹሬ ጎዖ ዓጮ ባንሢ ዔኪ ዓኣዳ ጎይፆይዳኬ። 8 ናንጊና ናንጋ ጎዳኮ ኪኢታንቻሢ፡- «ሶኦራም ማዳ ማዳ ዓጋኦና! ዋካፓ ኔ ሙኩይ? ዋንም ኔ ዴንዳይ?» ጌዒ ያኦጩኔ።

ዒዞኣ ማሃዖ፡- «ማኦር ዒንዶ ሶኦራ ኮራፓ ታ ቤቴ ዴንዳኔ» ጌዔኔ።

9 ናንጊና ናንጋ ጎዳኮ ኪኢታንቻሢ፡- «ኔ ዒንዶ ኮራ ማዒ ዴንዲፓፓ ዒዞም ማዳ» ጌዔኔ። 10 ቃሳዖ ሃሢ፡- «ዖኦኒያ ፓይዳኒ ዳንዳዑዋያ ማሂ ዜርፆ ታ ኔኤኮ ሚርጊሻንዳኔ፤

11 ኔኤኒ ሃሢ ጎጳናኬ፤ ዓተንቄ ናይ ኔ ሸዓንዳኔ፤ ናንጊና ናንጋ ጎዳሢ ኔ ያዩ ዬኤኬሢ ዋይዜሢሮ

ሱንፆ ዒዞኮ ዒሲማዔኤሌ \* ጌዒ ጌሢ።

12 ጋዓንቴ ኪርሞሌጉዲ ማዒ ዒዚ ዓሲ ቢያ ዒፃንዳኔ፤

\* 16:11 16:11 ዒሲማዔኤሌ ጌይፃ፡- ዔብራ ዓሶ ሙኡቲና «ዖኦሲ ዋይዛኔ» ጌይሢኬ።

ዓሲያ ዒዛ ዒፃንዳኔ፤  
ዬያፓ ዔቁያና ዒዚ ፔኤኮ ዒጊሮ ዒዒ ደማዲ ናንጋንዳኔ»  
ጌዔኔ።

13 ዓጋእራአ፡- «ሳኔና ታና ዛጋ ጆኦሲ ታ ዛጊ ዎይቲ ሸምፔና  
ዓቲይ?» ጌዒ ዒዘና ጌሰቲ ናንጊና ናንጋ ጎዳሢኮ ሱንፆ «ዒልሮዒ»  
ጌዔኔ፤ ዬኖኮ ቡሊፃ «ታና ዛጋ ጆኦሲ ታ ዛጊኔ» ጌይሢከ። 14 ዬያሮ  
ዓሳ ቃዴሴና ባሬዴ ዓጮናኮ ሳዛ ዓአ ዔቶ ዎአፆ «ቢዔርላሃይሮዒ»  
ጌዒ ሱንሢ ጌሢኔ፤ ዬኖኮ ቡሊፃ «ሃይቁዎያ ማዒ ናንጊና ናንጋ ታና  
ዛጋ ታ ጎዳሢ ዔቲ ዎአሢ» ጌይሢከ።

15 ዓጋእራ ዓብራሜም ዓቲንቁ ናይ ሸዔኔ፤ ዒዛ ሸዔ ናዓሢኮ  
ሱንፆ ዓብራሜ «ዒሰማዔኤሌ» ጌዒ ጌሢኔ፤ 16 ዓብራሜኮ ዬኖ  
ዎዶና ሌዓ ሳሊታሚ ላሆከ።

# 17

ዓቲንቶ ቤርቶ ቲቂፃ ጆኦሲ ጫአቁ ጫአቁዎኮ ማላታ ማዒፃ

1 ዓብራሜኮ ሌዓ ታዘጲታሚ ታዘጲ ማዔ ዎዶና ናንጊና ናንጋ  
ጎዳ ዒዛና ካአማፆ «ታኣኒ ቢያ ባኣዚ ዳንዳዓ ጆኦሲከ፤ ኔኤኒ  
ታኣም ዓይሢንቲሢና ቢያ ዎዴ ፒዜ ማዔ ባኣዚ ማዴ፤ 2 ታ ኔኤና  
ዎላ ጫአቁም ጫአቃንዳኔ፤ ዜርፆዎ ታ ኔኤኮ ኮሺ ሚርጊሻንዳኔ»  
ጌዔኔ። 3 ዓብራሜ ባሊቶና ሳፆ ሃሊሲ ዚጊ ጆኦሲ ካኣሸካዛ ጆኦሲያ  
ዒዛም ሃዚ ጌዔኔ፡- 4 «ኔኤም ታ ጫአቃ ጫአቁማ ሃያከ፤ ሚርጌ  
ዴሬኮ ዓዶ ታ ኔና ማሃንዳኔ፤ 5 ሚርጌ ዴሬኮ ዓዶ ታ ኔና ማሃንዳሢሮ  
ሃይፓ ሴካ ሱንፆ ኔኤኮ ዓብራሜ ጌይንቲፃ ዓቲም ዓብራሃሜ \*  
ማዓንዳኔ። 6 ሚርጌ ዴሬ ማዓንዳፃ ሃላንዳኣና ዜርፆ ታ ኔኤኮ  
ሚርጊሻንዳኔ፤ ካኣቶ ማዓያኣ ዔያቶ ባኣካፓ ከሰካንዳኔ።

7 «ኔኤና ኔኤኮ ዜርፆና፡ ሃሃ ሙካ ሸይንቶና ዎላ ታኣኮ ጫአቁም  
ታ ናንጊና ደዲሻንዳኔ፤ ዬያይዲ ኔኤና ኔኤኮ ጊንፃ ሙካ ዜርፆናኮ  
ታኣኒ ጆኦሲ ማዓንዳኔ። 8 ሃሢ ኔ ሸኦቹዎና ናንጋ ሳዔሎ ኔኤና  
ኔ ዜርፆናም ታ ዒንጋንዳኔ፤ ካኣናኔ ዓጮ ናንጊና ዳካላንዳጉዲ ታ  
ኔኤኮ ዜርፆም ዒንጋንዳኔ፤ ታኣኒያ ዔያቶኮ ጆኦሲ ማዓንዳኔ።»

9 ላሚ ሃሃ ዓብራሃሜም ጆኦሲ ሃዚ ጌዔኔ፡- «ኔኤና ኔኤኮ ጊንፃ  
ሙካንዳ ዜርፆና ኔኤኒ ታኣና ዎላ ጫአቁ ጫአቁም ሸይንቲዳፓ  
ሜሌ ሸይንቲ ሃላንዳኣና ካፑዎቲ፤ 10 ኔናንታ ኔኤኮ ጊንፃ ሙካንዳ

---

16:15 16:15 ጋላ. 4:22። \* 17:5 17:5 ዓብራሃሜ ጌይፆ፡- ዓብሬ ዓሶ ሙኦቹና  
«ሚርጌ ዓሲኮ ዓዶ» ጌይሢከ። 17:5 17:5 ሮሜ 4:17። 17:7 17:7 ሉቃ.  
1:55። 17:8 17:8 ዳኪ. ማዶ 7:5።

ዜርዎንታ ዒንሢ ካገንዳ ጫአቁማ ሃያኬ፤ ዒንሢ ባአካ ዓአ ዓቲንቁ ቢያ ዓቲንቶ ቤርቶ ቲቁንታንዳያ ኮይሳኔ፤ 11 ዒንሢከዋ ዓቲንቶ ቤርቶ ቲቁዋቲ፤ ይይ ታአና ዒንሢናኮ ሳዛ ዓአ ጫአቁሞኮ ማላቶኬ፤ 12 ሙካ ሾይንቶይዳ ዓቲንቁ ናይኮ ቢያ ሾይንቲሰካገ ሳላሳ ኬሎና ዓቲንቶ ቤርታ ቲቁንቶንጎ፤ ይያጉዲ ማአራ ዒንሢኮ ሾይንቲሢንታ ዙላገ ሚኢሾና ሻንቁንቲ ሙኬ ካራማአ ዓቲዋዎ ቲቁንቶንጎ፡፡

13 «ታአኮ ጫአቁማ ናንጊና ዒንሢና ናንጋያ ማዓሢ ዔርዘኒ ዓሽኮይዳ ማላታ ማዓንዳጉዲ ፔቴ ፔቴ ዓቲንቃ ዓቲንቶ ቤርቶ ቲቁንቶንጎ፡፡ 14 ዓቲንቶ ቤርታ ቲቁንቲባአ ዓቲንቁ ናይ ቢያ ታአኮ ጫአቁሞ ቦንቸባአሢሮ ታአኮ ዴሮይዳገ ፔቴያ ማዒ ፓይዲንታዓኬ፡፡»

15 ያኦሲ ዓብራሃሚም ሂዚ ጌዔኔ፡- «ሃይገ ሴካ ማቾ ኔኤኮ ሶአራ ጌዒ ዔኤሊፖ፤ ሃናገ ዓርቃዎ ዒዘኮ ሱንጾ ሳአራ † ጌዒ ጌሤ፡፡ 16 ዒዘዋ ታአኒ ዓንጃንዳኔ፤ ዒዛ ኔኤም ዓቲንቁ ናይ ሾዓንዳኔ፤ ታ ዒዘ ዓንጃንዳሢሮ ሚርጌ ዴፊኮ ዒዛ ዒንዶ ማዓንዳኔ፤ ዒዘኮ ዜርዎይዳገ ካአቶ ማዓያ ኬሰካንዳኔ፡፡»

17 ዓብራሃሚ ባሊቶ ሳዎ ሄሊሲ ዘጊ ያኦሲ ካሸከኔ፤ ጋዓንቲ «ለዔ ያኤታ ማዔ ዓሲ ናይ ሾዓ ባአዚዳ? ሃሃ ታ ማቾ ሳአራኮዋ ለዓ ታዘጲታሚ ማዔሢሮ ሾዓኒ ማይ ዳንዳዓ?» ጌዒ ማሊ ሚኢጫዎ፡ 18 ያኦሲ ኮራ፡- «ዒሰማዔኤሌ ኔ ታአም ዓንጃቶ ታና ዳካላኒ ዳንደዐብዓዳ?» ጌዒ ያኦሪ፡፡

19 ያኦሲያ ዒዘም ማሃዎ፡- «ያዲ ማዓዓኬ፤ ማቻ ሳአራ ኔኤኮ ዓቲንቁ ናይ ሾዓንዳኔ፤ ሱንጾዋ ዒዘኮ ኔ ዪሳአቁ ‡ ጌይ ጌሣንዳኔ፤ ታአኮ ጫአቁሞ ዒዘና ዒዘኮ ዜርዎና ዋላ ናንጊና ታ ዶዲሻንዳኔ፤ 20 ዒሰማዔኤሌ ዛሎ ታና ኔ ሺኢቁሢ ታ ዋይኬኔ፤ ዒዘአ ታ ዓንጃንዳኔ፤ ሚርጌ ናይ ታ ዒዘም ዒንጋንዳኔ፤ ዜርዎዋ ታ ዒዘኮ ኮሺ ሚርጊሻንዳኔ፤ ዒዘይዳገ ታጾ ላምዎ ሱኤጌ ኬሰካንዳኔ፡፡

21 ጋዓንቲ ሙካ ለዓ ሃይማ ዎዶና ሳአራ ኔኤም ሾዓንዳ ናዓሢ፤ ዪሳአቁና ዋላ ታአኮ ጫአቁሞ ታ ዶዲሻንዳኔ። ጌዔኔ፡፡ 22 ይያይዲ ያኦሲ ዓብራሃሚና ዋላ ጌሰታዎ ዲማዲ ኬሰከኔ፡፡

23 ያኦሲ ዓይሣሢጉዲ ዓብራሃሚ ዬኖ ኬሎና ናዎ ዒሰማዔኤሌኮ፤ ሃሃ ማአሮይዳ ሾይንቲ ማዶ ማዳ ዓይሎ ቢያሢኮ፤ ይያጉዲ ዙላገ ሚኢሾና ሻንቆና ዓይላአ ዓቲዋንቲ ዒዘኮ

17:10 17:10 ዳኪ. ማዶ 7:8፤ ሮሜ 4:11፡፡ † 17:15 17:15 ሳአራ ጌይዎ፡- ዔብራ ዓሶ ሙኤቸና «ካአቲ ናዎ» ጌይሢኬ፡፡ ‡ 17:19 17:19 ዪሳአቁ ጌይዎ፡- ዔብራ ዓሶ ሙኤቸና «ሚኢጫኔ» ጌይሢኬ፡፡

ማኣራ ዓኣ ዓቲንቆ ቢያሢኮ ዓቲንቶ ቤርቶ ቲቁኔ፤<sup>24</sup> ዓብራሃሚያ ፔ ዓቲንቶ ቤርቶ ቲቁንታኣና ዒማና ሌዓ ዒዛኮ ታዞጲታሚ ታዞጲኬ።  
<sup>25</sup> ናኣዚ ዒሰማዔኤሌኮ ዓቲንቶ ቤርታ ቲቁንቲ ዎደና ታጾ ሃይሃ ሌዔ ናይ ማዓዛ፤<sup>26</sup> ለምዓሢ ቲቁንቲሢ ፔቲ ኬሊዲኬ።<sup>27</sup> ዩያጉዲ ዒዛኮ ማኣራ ሾይንቲ ዓይሌ ማዒ ማደ ዓቲንቆንታ ዙላፓ ሚኢሾና ሻንቆና ዓይሎ ማዔ ዓቲንቃኣ ቢያ ዒዛና ዎላ ቲቁንቲ።

# 18

## ዓብራሃሚያ ዓቲንቁ ናይ ሾዓንዲያ ማዒያ ኬኤዚንቲሢ

<sup>1</sup> ማሚሬ ጌይንታ ቤዘይዳ ካኣሽኮ ሻኣቦንሢ ዓጫ ናንጊና ናንጋ ጎዳ ዓብራሃሚያ ጸዴ ጎይፃ ዩያይዲኬ፤ ፔቲ ኬሊ ዓብራሃሚያ ዓቢ ዲኡሲ ዓፒላና ማዢናጥ፤ ዒዚ ናንጋ ማኣሮ ካራ ዴዒ ዓኣፃ፡  
<sup>2</sup> ዴጊ ጌዒ ዛጋንቲ ሃይሃ ዓሲ ዔቁ ዓኣያ ዒዛም ጸዴኔ፤ ዩካፓ ዑኩና ዔያቶና ጌሰታኒ ዔያቶ ባንሢ ጳሽካፃ ባሊታ ሳፃ ሄላንዳኣና ሂርኪ ጌዒ ዚጊ ቦንቾ ዔኤሊሢ ዔያቶ ዔኤሌኔ፤<sup>3</sup> ዒማና ዒዚ ዔያቶም፡- «ታ ጎዳቲዮቴ! ዒንሢ ታኣኮ ከይሌና ዓኣዲዎጉዲ ታ ዒንሢ ሸኢቃኔ፤ ሃይሾ ታኣኒ ዒንሢ ሾኦቲንሢ ጊኢጊንቲ ዓኣኔ።  
<sup>4</sup> ቶኮ ዒንሢ ማሰታንዳ ዎኣሢ ታኣኒ ዔኪ ሙካንዳኣና ዒንሢ ሃኖ ሚጻሎ ሸባ ሃውሹዎቲ፤<sup>5</sup> ታና ዒንሢኮ ዓይላሢ ኮራ ዒንሢ ሙኬሢ ታና ኮሺ ዎዘሴኔ፤ ዩያሮ ዒንሢ ሃንታ ዎደና ዎልቁ ዒንሢም ዒንጋንዳጉዲ ዳካ ሙኡዚ ዔኪ ሙኪ ታ ዒንሢም ዒንጋንዳኔ»  
 ጋዓዛ፡ ዔያታ «ኮሺኬ፤ ኔ ጌዔሢጉዴያ ማደ» ጌዔኔ።

<sup>6</sup> ዓብራሃሚያ ዓፒሎና ማዢና ፔኤኮ ማኣሮ ባንሢ ጳሽካፃ ሳኣራም፡- «ሩኡሪና ሃይሃ ሻንባ ዲኢሊ ዔኪጋፓ ላኣዳ ላኣዴ» ጌዔኔ።<sup>7</sup> ዩካፓ ዓብራሃሚያ ፔኤኮ ቆልሞ ባንሢ ዴንዲፃ ሃጊ ዔቃያ ቃራ ዎፓና ባኣቶ ባኣካፓ ደኦሪ ዔኪ ዒዛኮ ማደ ማደሢም ዒንጋዛ ዩይ ማደ ማደሢ ሩኡሪና ሹኪ ዓሸኮ ቲቁ ጊኢጊሼኔ፤<sup>8</sup> ዓብራሃሚያ ዩያ ዓሸኮንታ ዣሸንታ ዲኢቁ ማደያ ዔኪ ዓኣዲ ሾኦጮንሢም ሸኢሸ ዒንጌኔ፤ ዩያ ዔያታ ሙዮ ሙዓኣና ዓብራሃሚያ ሚያ ዴማ ዔያቶ ኮራ ዔቁ ዔያቶ ሾኦቲንሢ።

<sup>9</sup> ዔያታ ዒዛ ኮራ፡- «ኔ ማኣሮ ዒንዳ፡ ሳኣራ ዎካዳይ?» ጌዔኔ።  
 ዒዚያ ማሃፃ፡- «ሃካ ሶ ጋራኣኬ» ጌዔኔ።

---

18:2 18:2 ዔብ. 13:2።

10 ሃይህ ሾኑጮይዳፓ ፔቴይ ዓብራሃሜ ኮራ፡- «ሶ ሌዎኮ ሃይማ ዋይ ማዓእና ታኣኒ ማዒ ሙካንዳኔ፤ ዬኖ ዋዶና ኔኤኮ ማቻ ሳኣራ ዓቲንቁ ናይ ሾዓንዳኔ» ጌዔኔ።

ዬይ ዓሢ ሂዚ ጌዒ ኬኤዛኣና ሳኣራ ዓፒላፓ ማዠና ማኣሮ ጌሎ ካራ ዓሢኮ ጊንፆ ዛለና ዔቂ ዋዋይዛኔ፤ 11 ዓብራሃሜና ሳኣራና ሾውዋዎ ሚርጌ ለዔ ናንጊ ጊምፔያታሢሮ ሳኣራ ሾይቺ ዲጴያኬ።

12 ዬያሮ ሳኣራ፡- «ታኣኒ ማይ ሃያይዲ ጋርቺ ላቤሰካፓ ዓቲንቁና ሾዓንዳኖ? ሃሣ ታ ሳዳሢ ዓብራሃሜያ ሃያይዲ ጋርቺምዋ?» ጌዒ ማላዎ ሚኢጩኔ።

13 ናንጊና ናንጋ ሳዳ ዓብራሃሜ ኮራ፡- «ሃኣዒዲ ታ ጋርቺሰካፓ ናይ ሾዓኒ ዳንዳዓ?» ጌዒ ሳኣራ ዓይጎሮ ሚኢጩይ? 14 ናንጊና ናንጋ ሳዳሢ ባሻ ባኣዚ ናንጊዳ? ታኣኒ ኔኤም ኬኤዘሢህጉዴያ ሶ ሌዎ ሃይማ ዋይ ማዓእና ማዒ ታ ሙካንዳኔ፤ ዬኖ ዋዶና ሳኣራ ዓቲንቁ ናይ ሾዓንዳኔ» ጌዔኔ።

15 ሳኣራ ሚርጌና ዒጊጩያታሢሮ፡- «ታኣኒ ሚኢጩባኣሴ» ጌዔኔ። ዒዚ ጋዓንጥ «ኔ ሚኢጩሢ ሳኔኬ» ጌዔኔ።

ዓብራሃሜ ሶዶኦሚ ዓጮ ዛሎ ሺኢቁ ሺኢጲፆ

16 ዬካፓ ዓሶንሢ ዓኣዳኒ ዔቁኔ፤ ዴንዲቤቃ ሶዶኦሚ ዓጮ ለካ ዛጊንታ ፔቴ ቤሲ ሄሌኔ፤ ዬማ ሄላንዳኣና ዓብራሃሜ ዔያቶ ሳይህ ዓኣሢኒ ዋላ ዓኣዳኔ፤ 17 ናንጊና ናንጋ ሳዳ ፔ ማላሢና፡- «ታኣኒ ማዳንዳ ባኮ ዓብራሃሜም ዓኣቻዓኬ፤ 18 ዓብራሃሜኮ ዜርፆ ሚርጌ ዲቢ ዴሬ ማዓንዳኔ፤ ዒዛ ዛሎና ሳዎይዳ ዓኣ ዴራ ቢያ ዓንጂንታንዳኔ። 19 ጌኤሺ ማዒ ሃሣ ፒዙሞና ዋጊ ዋጊ ዒዛኮ ናኣቶና ማኣሮ ዓሶና ናንጊና ናንጋ ሳዳኮ ሳይፆ ካፓንዳጉዲ ዞሪ ዔኪ ዓኣዶም ጌዒ ታኣኒ ዒዛ ዶኦሬኔ፤ ናኣታ ዒዛኮ ዬያ ማዲ ኩንሢቶ ታኣኒ ዓብራሃሜም ማዳንዳኔ ጌዒ ጫኣቁ ጫኣቁሞኮ ሃጊ ማዓንዳ ዋዛ ቢያ ታ ኩንሢንዳኔ» ጌዔኔ።

20 ሄላሳዎ ናንጊና ናንጋ ሳዳ ዓብራሃሜም ሂዚ ጌዔኔ፡- «ሶዶኦሚና ጋምኦራና ዓጮ ዴራ ማዳ ፑርቶ ማዳ ታ ዋይዜኔ፤ ሳማኣ ዔያቶኮ ኮሺ ሚርጌኔ። 21 ዔያቶ ዛሎ ታኣኒ ዋይዜ ባካ ቢያ ሳኔ ማዒፆ ዔራኒ ዔያቶ ባንሢ ታ ዴንዳኔ።»

22 ዬካፓ ሃይህ ሾኑጮንሢዳፓ ላምዎንሢ ሶዶኦሚ ዓጮ ባንሢ ዓኣዲፆ ዔቃዛ ናንጊና ናንጋ ሳዳ ዓብራሃሜና ዋላ ዔቁ

---

18:10 18:10 ሮሜ 9:9። 18:12 18:12 1ጴ፪. 3:6። 18:14 18:14 ሉቃ. 1:37።



ዓኣንቲ፥ 23 ዓብራሃሜ ናንገና ናንጋ ጎዳ ባንሢ ዶጪ ሂዚ ጌዔ፡- «ጎኔና ፑርታ ማዲባኣ ኮዥ ዓሶ ጎሞ ዓሶና ዋላ ኔ ባባይዛንዳ? 24 ካታሜሎይዳ ደንጊታሚ ኮሺ ዓሲ ዓኣቶ ካታሜሎ ጉቤ ኔኤኒ ባይዛንዳ? ደንጊታሞ ኮዥ ዓሶ ዛሎሮ ጌዒ ካታሜሎ ባይዚያ ሃሻዓዳ? 25 ፑርቶ ማዲባኣ ኮዥ ዓሶ ጎሞ ዓሶና ዋላ ኔኤኒ ባይዛንዳ፤ ጌዒ ታ ማሎዋሴ፤ ያዒ ሃሃ ኔኤኒ ማዲንዲዋኣሢያ ታ ጉሙርቃ፤ ዬያ ኔ ማዴቶ ማይ ፑርታ ማዲባኣ ኮዥ ዓሶ ጎሞ ዓሶና ዋላ ፑርታና ዋጊንቲ፤ ጌይሢኬ፤ ዬይያ ማሊ ማዒንዲዋሴ! ዓጮ ቢያም ዋጋሢ ፒዜ ዋጋንዲያ ኮይሳያቱዋዓዳ?» ጌዔ፡፡

26 ናንገና ናንጋ ጎዳ ማሃዎ፡- «ሶዶኦሜ ካታሞይዳ ፑርታ ማዲባኣ ደንጊታሚ ኮሺ ዓሲ ታ ዴንቄቶ ዔያቶሮ ጌዒ ካታሜሎ ታ ጉቤ ባይዛንዳ» ጌዔ፡፡

27 ዓብራሃሜ ላሚ ጊንሣ ሃሃ፡- «ታኣኒ ሲላሊና ዲቢንሢናጉዲ ማዒ ፓሡዋ ዓሢ ናንገና ናንጋ ጎዳሢና ጫርቂ ጌሰታሢሮ ታኣም ዓቶንጎ ጌዔ፤ 28 ጎዎንቲ ኮዥ ዓሶኮ ፓይዳ ደንጊታሚ ማዒያይዳፓ ያይዲታሚ ደንጎ ማዔቶ፥ ደንጎ ዓሲ ፓጩሢሮ ካታሜሎ ጉቤ ኔ ባይዛንዳ?» ጋዓዛ፡ ናንገና ናንጋ ጎዳ «ያይዲታሚ ደንጎ ኮሺ ዓሲ ታ ዴንቄቶ ካታሜሎ ታኣኒ ባይዛዓ» ጌዔ፡፡

29 ዓብራሃሜ ጊንሣ ላሚ፡- «ያይዲታሚ ዓሲ ሌሊ ዒኣካ ጴዳቲሾ?» ጌዒ ያኦጩኔ፡፡

ናንገና ናንጋ ጎዳሢ ሃሃ፡- «ያይዲታሚ ዓሲ ጴዳቶ ዔያቶሮ ጌዒ ካታሜሎ ታ ባይዛዓ» ጌዔ፡፡

30 ዓብራሃሜ ናንገና ናንጋ ጎዳ ኮራ፡- «ታ ጎዳሢዮ! ሃዳራ ታና ጎሪፖ፤ ታ ኬኤዘም፤ ጎዎንቲ ሃይሢታሚ ዓሲ ሌሊ ጴዳቶሾ?» ጌዔ፡፡

ናንገና ናንጋ ጎዳሢ፡- «ሃይሢታሚ ዓሲ ጴዳቶ ዔያቶሮ ጌዒ ካታሜሎ ታኣኒ ባይዛዓ» ጌዔ፡፡

31 ዓብራሃሜ ጊንሣ፡- «ታ ጎዳሢዮ! ሃሃ ላሚ ታ ኬኤዘሢሮ ታኣም ዓቶም ጌዔ፤ ጎዎንቲ ላማታሚ ዓሲ ጴዳቶሾ?» ጌዔ፡፡

ናንገና ናንጋ ጎዳሢያ፡- «ላማታሚ ዓሲ ጴዳቶ ዔያቶሮ ጌዒ ካታሜሎ ታኣኒ ባይዛዓ» ጌዔ፡፡ 32 ዓብራሃሜ ጊንሣ ሃሃ፡- «ታ ጎዳሢዮ! ሃዳራ ታና ጎሪፖ፥ ፔቴና ታ ኬኤዘም፤ ታጶ ዓሲ ሌሊ ጴዳቶሾ?» ጌዔ፡፡

ናንገና ናንጋ ጎዳሢ፡- «ታጶ ዓሲ ጴዳቶ ዔያቶሮ ጌዒ ካታሜሎ ታኣኒ ባይዛዓ» ጌዔ፡፡ 33 ናንገና ናንጋ ጎዳ ዓብራሃሜና ዋላ ጌሰቲ ጋፓዎ ዬኖ ቤዜሎይዳፓ ዓኣዴ፤ ዓብራሃሜያ ፔ ማኣሪ ማዒ ዴንዳ፡፡

# 19

## ሶዶኦሚ ካታሞ ጎሞ

1 ዬኖ ዋንቴሎ ያኦሲኮ ላምዖ ኪታንቻ ሶዶኦሚ ካታሞ ሙካንቴ፡ ሎኦጻ ጎሞሂ ሶዶኦሚ ካታሞ ጌላ ካራ \* ዴሲ ዓኣኔ፤ ዲዚያ ዬንሂ ዴንቃዖ ዔያቶና ጌሰታኒ ዴዔ ቤዛፓ ዑኩና ዔቁ ዔያቶኮ ቤርታ ጉምዓቲ ቦንቾ ዔኤሊሂ ዔኤላዖ ሂዚ ጌዔኔ፡- 2 «ታ ጎዳቲዮቴ! ታ ዲንሂ ሸኦቹንሂኒ ጊኢጊንቴያኩ፤ ታ ማኣሪ ጌሊ፡ ቶኮሞ ዲንሂኮ ማሰቲ፡ ዲኢካ ዋርቂጋፓ ዚሮ ጉቴ ጎይዖ ዓኣዲዋቴ» ጌዔኔ።

ዔያታ ጋዓንቴ፡- «ዔይዔ! ኑኡኒ ሃካ ዘኦዛ ዋርቃንዳኔ» ጌዔኔ።

3 ሎኦጻ ዲዛ ማኣሪ ዔያታ ጌላንዳጉዲ ሺኢቁ ባሺሂሮ፡ ዲዛና ዋላ ማኣሪ ዔያታ ጌሌኔ፤ ዬካፓ ሎኦጻ ፔኤኮ ማዳ ዓሶም ካሂ ካሂ ቃራ ካዎ ጊኢጊሻንዳጉዲ ኬኤዜኔ፤ ካዎሂያ ጊኢጊንቴሰካፓ ሸኦጫ ሙዔኔ።

4 ሸኦጫንሂ ላሃንዳሂኮ ቤርታ ሶዶኦሚ ካታሞፓ ዴጌሂንታ ጋርቾ ዓቲንቆንታ ዓቲዋዖ ሙኪ ሎኦጻ ማኣሪ ማንጌኔ። 5 ዲማና ዬይ ዓሳ ሎኦጻ ዔኤላዖ፡- «ሃካ ኔ ኮራ ዋርቃኒ ጌሌ ዓሶንሂ ዋካ ዓኣይ? ዔያቶና ኑ ላሃኒ ኮዓሂሮ ኑ ባንሂ ዔያቶ ኬሱ!» ጌዔኔ።

6 ሎኦጻ ጋዓንቴ ዔያቶ ባንሂ ኬሰካዖ ካሮ ጊንሂና ፔኤኮ ዋዳዖ፡ 7 ሂዚ ዔያቶም ጌዔኔ፡- «ታ ላጎንሂዮቴ! ሃዳራቴ ሃያ ጉዳ ፑርታ ባኣዚ ማዲፖቴ! 8 ሃይሾ፡ ታኣኮ ላምዖ ለዒባኣ ዉዲሮ ናይሰኩንሂ ዓኣኔ፤ ዔያቶ ታ ዲንሂም ኬሰንዳኔ፤ ዲንሂ ኮዔ ባኣዚ ዔያቶ ማዲዋቴ፤ ሃንሂ ሸኦጫንሂ ጋዓንቴ ዓይጎዎ ማዲፖቴ፤ ዔያታ ታ ሸኦቹታሂሮ ዔያቶ ታ ካፓንዳያ ኮይሳኔ» ጌዔኔ።

9 ዓሳ ጋዓንቴ፡- «ሃይ ኔ ቤቲ ሙኬ ዓሂ ሃይ! ኑኡኒ ማዳንዳ ባኮ ኑኡም ኬኤዛኒ ኔ ዖናዳይ? ሰካ ሺኢኬ! ሃንጎ ዔያቶይዳ ኑ ማዳኒ ማሌ ባኮይዳፓ ባሺ ኔ ዑፃ ኑ ማዳንዳኔ» ጌዒ፡ ሎኦጻ ሂዓዖ ካሮ ሜንሂኒ ጊኢጊንቴኔ፤ 10 ዬማና ሎኦጻኮ ጋርይዳ ዓኣ ላምዖ ሸጮንሂ ኩጮ ፔኤኮ ዙሎ ኬሲ ሎኦጻ ጎቹ ዔኪ ጋር ጌልዛዖ ካሮ ማሂ ዋዳኔ፤ 11 ዬካፓ ዙላ ዓኣ ዓሳ ቢያ ካሮ ዴንቁዎጉዲ ዓኣፖ ዔያቶኮ ባይዜኔ።

## ሎኦጻኮ ሶዶኦሚ ካታሞ ሃሺ ኬዘ

\* 19:1 19:1 ካታሞ ጌላ ካራ ካታሞ ጌላ ካራ ዴዔ ዓሳ ካታሞ ዎይሂ ዔርቴ ዴኤፖ ዓሶኬ። 19:7 19:7 ሱኡጎ. ማፃ 19:22-24። 19:11 19:11 2ካኣቶ. ማ 6:18።

12 ለምን ሾኑህ ሎኦም:- «ሃይካ ካታዎይዳ ናንጋ ኔኤኮ ወዲር ናይንታ ዓቲንቁ ናይንታ ናኣቶኮዎ ያኦጪንቶ ዓሲንታ፤ ሃሃ ማሌ ዒሊኒ ኔኤኮ ዓኣቶ ዑኩና ኬሴ፤ 13 ዓይጎር ጌዔቶ ሃኖ ካታሚሎ ኑባይዛንዳኔ፤ ሃኖ ካታዎ ዓሶኮ ጎማ ኮሺ ሚርጌህ ናንገና ናንጋ ጎዳ ዋይዘህረ። ሶዶኦም ኑባይዛንዳጉዲ ኑና ዳኮኔ» ጌዔኔ።

14 ዩካፓ ሎኦም ዒዛኮ ናኣቶ ያኦጪ ዓሶ ኮራ ዓኣዳዎ:- «ዑኩና ሃይፓ ኬሰኩዋቲ! ናንገና ናንጋ ጎዳ ሃያ ቤዞ ባይዛኒኬ» ጋዓዛ። ዔያታ ዒዚ ዔያቶና ዓማሊ ጌጌሻኔ ጋዓዎ ዔኤቢ ማሂ ዔኪባኣሴ።

15 ዚር ጉቴሎ ዓማ ያኦሲኮ ኪኢታንቻ ሎኦም:- «ዑካዳ! ካታሚሎና ኔ ዋላ ባይቁዎጉዲ ኔኤኮ ማቾና ለምን ወዲር ናኣቶንህና ዔኪ ሃይፓ ኬሰኬ» ጌዒ ጌዒ ዒዛ ሩኡሪሴኔ። 16 ሎኦም ጋዓንቲ ዎይቶንዶይ ጌዒ ሂርጌኔ፤ ያዲ ማዔቶዎ ናንገና ናንጋ ጎዳ ዒዛና ዒዛኮ ማኣር ዓሶናም ሚጪንቲህረ ኪኢታንቻህ ሎኦምና ዒዛኮ ማቾና፤ ሃሃ ለምን ወዲር ናኣቶንህኮዎ ኩጮ ዓርቂ ካታማፓ ዔኪ ኬሴኔ። 17 ዔያቶ ኬሴህኮ ጊንፃ ኪኢታንቻንህሂፓ ፔቴህ:- «ዒንህ ሸምፖ ዓውሱዋቲ! ጊንህም ሸሪ ዛጊፖቲ! ሃሃ ዶኦጮይዳኣ ናጊፖቲ፤ ዒንህ ሃይቁዎጉዲ ዲኮ ባንህ ጳሽኩዋቲ» ጌዔኔ።

18 ሎኦም ጋዓንቲ ሂዚ ዔያቶም ጌዔኔ:- «ታ ጎዳንህሃዮ! ሃዳራቴ ዩካ ኑ ኬሰካንዳጉዲ ጌዒፖቲ፤ 19 ታና ኔኤም ዓይህንቲ ማዳ ዓይላህ ዛላ ማዒ ኮሺ ባኣዚ ኔ ማዳህረ። ታኣኮ ሸምፓህያ ኔ ዓይሳኒ ዴኤፕ ማኣዶ ታኣም ኔ ማዳኔ፤ ጋዓንቲ ሃይ ባይሲንታ ታና ሂሌም ታ ሃይቃንዳኔ ጌዒ ሂርጋህረ ዩያ ዲኮ ባንህ ጳሽካኒ ታ ዳንዳዑዋሴ። 20 ታኣኒ ዑኩና ጳሽኪ ቶላኒ ዳንዳዓ ዳካ ካታማሰኬማ ዓኣኔ፤ ዒዞ ባንህ ታኣኒ ሃዳራ ዓኣዳም ጌዔቴራ፤ ዒዞ ኔ ዛጋህጉዲ ዳካ ካታማኬ፤ ዒዞ ባንህ ታ ዳንዳቶ። ታኣኮ ሸምፓህሂ ባይሲንታፓ ዓታንዳኔ» ጌዔኔ።

21 ኪኢታንቻህ:- «ዔኤዔ፤ ኔ ጌዔህ ታ ዋይዘኔ፤ ዩማ ኔ ጋዓ ካታዎማ ታ ባይዛዓኬ፤ 22 ዩኖ ካታሚሎ ኔ ሃላንዳኣና ዓይጎ ባኣዚያ ታ ማዳኒ ዳንዳዑዋኣህረ ዑኩና ዒዞ ባንህ ጳሽኬ» ጌዔኔ። ሎኦም ዩኖ ካታሚሎ ዳካ ካታማ ጌዔህረ ሱንፃ ዒዞኮ ዞዓሬ † ጌይንቲኔ።

**ሶዶኦምና ጋዎኦር ካታዎናኮ ባይቂያ**

23 ሎኦም ዞዓሬ ካታሚሎ ሃላኣና ዓባ ሃጊ ያዖርቃኔ፤ 24 ናንገና ናንጋ ጎዳ ሶዶኦምና ጋዎኦርና ካታዎንህዳ ታሚና ታሚኮ ዓኢሊና

---

19:16 19:16 2ጴጪ. 2:7። † 19:22 19:22 ዞዓሬ ጌይፃ:- ዒብሬ ዓሶ ሙኣቹና «ዳካ» ጌይህኬ።

ፔ ኮሮ፣ ጨሪንጫፓ ኬይሴ። 25 ዬያይዲ ዩንሢ ካታሞንሢና ዒኢካ ዓኣ ዶኦጮ ቤዘ፤ ሃሣ ዒኢካ ናንጋ ዓሶንታ ሳይይዳ ባቃሌ ባኮንታ ቢያ ባይዜ። 26 ሎኦጫኮ ማቻ ዒማና ገንሢሞ ሺሪ ዛገሢሮ ፒዝ ገዒ ዔቁ፣ ዓሞሌ ሶኦጌ ማዒ ዓቴ።

27 ዓብራሃሜ ዚሮ ጉቴሎ ዔቃፆ ጉቴ ዓሚና ቤርታ ዒዚ ናንገና ናንጋ ጎዳና ዋላ ሰዶኦሚንታ ጋሞኦሪንታ ዛሎ ጌሰቴ ቤዜሎ ዴንዴ። 28 ዩካፓ ሊካ ሰዶኦሚና ጋሞኦሪና፤ ሃሣ ዒኢካ ዓኣ ዶኦጮ ባንሢ ዒ ዛጋንቴ ፑኡፒ ዓንሢ ታሚፓ ኬሰካ ጩቢጉዴያ ዴኡፒ ጩቢ ዒኢካ ጩባ። 29 ሎኦጫ ናንጋ ዶኦጮ ካታሞንሢ ያኦሲ ባይዛኒ ማሌ ዋዶና ዓብራሃሜሞ ማሊ፣ ዬያ ባይሲንታፓ ሎኦጫ ዳቃንዳ ቤሲ ባንሢ ኬሴ።

**ሞዓኣቤና ዓሞኦኔ ዓሶ ዜርፆናኮ ዓይፆ**

30 ሎኦጫ ዘዓሬ ካታሜሎይዳ ናንገጊፆ ዒጊጩሢሮ ዒዛና ዒዛኮ ላምፆ ዉዱሮ ናኣቶንሢና ሌካ ዴኮ ኬሰኪ ዒኢካ ዔቴይዳ ናንጌ። 31 ፔቴ ኬሊ ዒዛኮ ናዎ ቶይዴላ ጌኤዶም ሂዚ ጌዔ፡- «ኮ ዓዴ ጋርቺ ጋርቺ ዓኣ፤ ኮ ሾዓንዳጉዲ ኑና ዔካ ሜሌ ዓቴንቁ ኑ ኮራ ባኣሴ፤ 32 ዬያሮ ኑ ዓዶይዳፓ ኑ ናይ ሾዓኒ ዑሺ ኑ ዒዛ ማሢሶም» ጋዓፆ፣ 33 ዬሮ ዋንቴሎ ዓዳሢ ዑሺ ማሢሲ ዒዛኮ ቶይዴላ ዒዛና ላሂ። ዓዴ ሚርጌና ማሢንቴሢሮ ዒዛ ላሂ ገንሣ ዔቃኣናኣ ዒዚ ዔሪባኣሴ።

34 ዚሮ ጉቴሎ ሚሺላ ጌኤዶም፡- «ዋንቴ ታኣኒ ዓዶና ዋላ ላሂ፤ ሃሮ ዒባኒ ሃሣ ኑ ማሢሳዛ ኔኔኒ ዒዛና ዋላ ላሂ፤ ሂዲ ዒዛይዳፓ ላምዓሢ ናይ ሾዒ ዜርፆ ኑኡኮ ባይቁዋጉዲ ኑ ማዶም» ጌዔ። 35 ዬያ ጋዓፆ ዔያቶኮ ዓዳሢ ዔያታ ዑሺ ማሢሲ ጌኤዴላ ዒዛና ላሂ፤ ቤርታኣሲጉዲ ኮሺ ዓዴ ማሢንቴሢሮ ዒዛ ላሂ ገንሣ ዔቃኣና ዔሪባኣሴ። 36 ዬያይዲ ላምፆ ሎኦጫ ናኣታ ዓዶይዳፓ ጎጲ ዔኬ። 37 ቶይዴላ ዓቴንቁ ናይ ሾዓፆ ሱንፆ ሞዓኣቤ † ጌዔ፤ ዒዚያ ሞዓኣቤ ዓሶ ጌይንቴ ዔኤሊንታ ዓሶኮ ማዢንቶ ዓዳሢ። 38 ጌኤዴላኣ ዓቴንቁ ናይ ሾዓፆ ሱንፆ ቢኢኒዓኣሜ ስ ጌዔ፤ ዒዚያ ሃሮ ዓሞኦኔ ዓሶ ጌይንቴ ዔኤሊንታ ዓሶኮ ማዢንቶ ዓዳሢ።

---

**19:25** 19:25 ዓቃ. ማ 4:6፤ ማቴ. 10:15፤ 11:23-24፤ ሉቃ. 10:12፤ 17:29፤ 28፪. 2:6፤ ጴሀ. 7። **19:26** 19:26 ሉቃ. 17:32። † **19:37** 19:37 ሞዓኣቤ ጌይፆ፡- ዔብሪ ዓሶ ሙኡቺና «ታ ዓዶይዳፓ ሾይንቴያ» ጌይሢ። ስ **19:38** 19:38 ቢኢኒዓኣሜ ጌይፆ፡- ዔብሪ ዓሶ ሙኡቺና «ታ ማኣሪ ዓሲ ናይ» ጌይሢ።

# 20

## ዓብራሃምና ካኦት ዓቤሜሌኬና

1 ዓብራሃም ዋንዴ ናንጋ ማሚራ ጎዖ ቤዛፓ ቤቲ ኔጌቤ ጌይንታ ዓጮ ዓኣዳጋ ቃዴሴና ሹኡራ ጌይንታ ዓጮናኮ ባኣካ ዴዔኔ፤ ጌራራ ዓጮይዳኣ ሸኦቹምና ዒዚ ዴዔኔ። 2 ዒማና ዓብራሃም ፔኤኮ ማቾ ሳኦራ ታኣኮ ጌሮኬ ጌዔኔ፤ ዩያሮ ጌራራ ዓጮ ካኦት፣ ዓቤሜሌኬ ሳኦራ ዔኪ ሙካንዳጉዲ ዓሲ ዳኪ፣ ዔኪ ፔ ማኣሪ ዩይሴኔ። 3 ጋዓንጌቲ ዩካፓ ፔቲ ዋንጌና ያኦሲ ካኦት ዓቤሜሌኬም ዓውቲና፡- «ሃኖ ለኣሌሎኮ ዓኒ ዓኣሢሮ ዒዞ ኔ ዔካኒ ማሊ ኔ ማኣሪ ዔኪ ዩይያና ሃይቃንዳኔ» ጌዔኔ።

4 ጋዓንጌቲ ካኦት ዓቤሜሌኬ ሃጊ ዒዞና ለሃባኣሢሮ ሃዚ ጌዔኔ፡- «ናንጊና ናንጋ ጎዳሢየ! ታዓይጎዋ ፑርታ ባኣዚ ማዲባኣሴ፤ ታናንታ ታ ዴሮንታ ኔ ባባይዛንዳ? 5 ዒዞ ታኣኮ ጌሮኬ» ጌዔሢ ፔኤሮ ዓብራሃምኬ፤ ዒዞኣ ታኣኮ ዒዚ ጌሮሲኬ ታኣም ጌዒሢሮ፣ ታኣኒ ሃያ ማዲሢ ጂሎና ጌኤሺ ዒኔፓ ማዔሢሮ ፔቲታጋ ታ ዳቢንጌ ባኣዚ ባኣሴ» ጌዔኔ።

6 ያኦሲያ ዓውቲና ዒዞም ሃዚ ጌዔኔ፡- «ጌኤሺ ዒኔና ኔ ማዲሢ ታ ዔሬኔ፤ ዩያሮ ዒዞና ኔኤኒ ለሃ ጎሜ ማዲዋጉዲ ታ ኔና ለኣጌሢ ዩያሮኬ። 7 ሃሢ ጋዓንጌቲ ለኣሌሎ ዓኒም ማሃ ዒንጌ፤ ዒዚ ታ ማሊሢ ኬኤዛ ዓሲታሢሮ ኔ ሃይቁዋጉዲ ኔኤም ዒ ሺኢቃንዳኔ፤ ዒዞ ኔ ማሃ ዒዞም ዒንጊባኣቶ ኔ ሃይቃንዳሢ ኔና ዔሬ! ኔና ሌሊ ማዒባኣንጌ ኔኤኮ ዴራ ቢያ ኩዳንዳኔ።»

8 ዚሮ ጉቲሎ ጉቲ ዓሚና ካኦት ዓቤሜሌኬ ፔኤኮ ቡኬ ማዒ ማዲ ዓሶ ዔኤሊ ማዔ ባኮ ቢያ ዔያቶም ኬኤዜ ዋደና ዓሳ ዲቃቲኔ። 9 ዩካፓ ካኦት ዓቤሜሌኬ ዓብራሃም ዔኤላጋ፡- «ሃይ ኔ ኦኤም ዓይጎ ማዲ ማዲይ? ታኣና ታ ካኦቱምናይዳ ሃያጉዴ ባይሲንታ ኔ ዔኤሌሢ ታ ኔኤም ዓይጎ ዳቤምዳይ? ኔ ማዲ ባካ ዓሲ ማዲ ባኣዚያቱዋሴ፤ 10 ሂንዳ ዋይዜ፣ ሃያ ኔና ዓይጌ ማዲሺሴይ?» ጌዔኔ።

11 ዓብራሃም ማሃጋ፡- «ሃያ ዓጮይዳ ያኦሲ ዒጊጫ ዓሲ ባኣሴ» ጌዒ ማሊሢና ታኣኮ ማቾ ዔካኒ ኮዒ ታና ዋዲንዳኔ» ጌይ ታኣኒ ዒጊጫሢሮኬ፤ 12 ሃሢ ዒዞ ታኣኮ ዓደ ናይ ማዔሢሮ ጎኔ ታኣኮ ዒዞ ጌሮኬ፤ ጋዓንጌቲ ታ ዒንደ ናይ ዒዞ ማዒባኣሢሮ ታ ዒዞ ዔኬኔ። 13 ዩያሮ ያኦሲ፡- ታዓደ ማኣራፓ ታ ኬሰኪ ሜሌ ዓጪ ዓኣዳጎዳጉዲ ታና ዓይሢ ዋደና፣ ኦ ዴንዴ ቤዞ ቢያይዳ ታ ዒዞኮ ጌሮኬ ኔ

ጌዔቶ ኔኤኒ ታኣም ፑኡፒ ባኣዚ ማዳጉዲ ታ ፓይዳንዳኔ ታ ዒዛም ጌዔያኩ» ጌዔኔ።

14 ዩካፓ ካኣቲ ዓቤሜሌኬ ዒዛኮ ዓኒ ዓብራሃሜም ማሂ ሳኣራ ዒንጌኔ፤ ዩያጉዲ ሃሣ ማራይ፣ ባይንታ ማዳ ዓሲያ ዒንጌኔ።

15 ዓብራሃሜማኣ፡- «ሃይሾ ታኣኮ ዓጫ ኔኤኒ ዛጋሢጉዲኩ፤ ኔ ኮዔ ቤዛ ናንጌ» ጌዔኔ። 16 ሳኣራም ሃሣ፡- «ኔኤኒ ፔቴታ? ቦርሲሳ ባኣዚ ማዳብኣያ፣ ጌኤሺ ማዔሢ ዔርዛኒ ኔኤና ዋላ ዓኣ ዓሶም ማላታ ማዓንዳጉዲ ኔ ጌርሲ ዓብራሃሜም ፔቴ ሺያ ማዓ ሹቺ ቢራ ታ ዒንጌኔ» ጌዔኔ።

17-18 ዓብራሃሜ ማቾ፣ ሳኣራይዳ ማዳንቴ ባኮ ዛሎና ካኣቲ ዓቤሜሌኬ ማኣራ ናንጋ ላኣሎ ቢያ ናይ ሾዑዋጉዲ ያኦሲ ዔቁሴኔ፤ ዩያሮ ዓብራሃሜ ካኣቲ ዓቤሜሌኬ ዛሎ ሺኣቁም ያኦሲ ካኣቲ ዓቤሜሌኬና ዒዛኮ ማኣሮና ፓሤኔ፤ ዩካፓ ዒዛኮ ማቾና ዒዛኮ ማዳ ላኣላ ቢያ ናይ ሾዓኒ ዳንዳዔኔ።

# 21

## ዪሳኣቁኮ ሾይንቶ

1 ናንጊና ናንጋ ጎዳ ጌዔ ጎይዖ፣ ዒዚ ኬኤዜ ሃጊ ማዓንዳ ዋዙጉዴያና ሳኣራ ጋርቼዖ ናይ ሾዓንዳጉዲ ዓንጄኔ። 2 ዩያሮ ሳኣራ ጋርቼዖ ጎዳዲ ዓብራሃሜም ዓቲንቁ ናይ ሾዔኔ፤ ናዓሢ ሾይንቲሢያ «ሃይማ ዋዶና ሾይንታንዳኔ» ጌዒ ያኦሲ ኬኤዜ ዋዶማናኩ።

3 ዓብራሃሜ ዒዛኮ ማቾ፣ ሳኣራ ዒዛም ሾዔ ናዓሢኮ ሱንዖ «ዪሳኣቁ» ጌዒ ጌሤኔ፤ 4 ያኦሲ ዓብራሃሜ ዓይሢ ጎይዖ ናዓ ሾይንቲሢያኮ ሳላሳ ኬሎና ናዖኮ ዓቲንቶ ቤርቶ ዒዚ ቲቁኔ።

5 ዪሳኣቁ ሾይንታ ዋዶና ዓብራሃሜኮ ሌዓ ጃኤታኩ። 6 ሳኣራ፡- «ያኦሲ ታኣም ዋዛና ሚኢቹና ዒንጌኔ፤ ዩያሮ ሃያ ባኮ ዋይዜሢ ቢያ ታኣና ዋላ ሚኢጫንዳኔ» ጌዔኔ። 7 ሃሣ ዒዛ፡- «ሳኣራ ዓብራሃሜም ናይ ሾዒ ዳንሢሣንዳኔ» ጌዒ ማሌ ዓሲ ያናዳይ? ሃይሾ ዒዚ ጋርቼንቴ ዓቲንቁ ናይ ዒዛም ታ ሾዔኔ» ጌዔኔ።

8 ናዓሢ ጉኡጳኔ፤ ዒዚ ጉኡጳ ኬሎና ዓዴ፣ ዓብራሃሜ ሚርጌ ሙኡዚንታ ዑሺያ ጊኢጊሺ ዋዛዴኔ።

## ዓጋኣሮና ናኣዚ ዒሲማዔኤሌናኮ ዳውሲንቲዖ

9 ሳኦራም ማደ ማደ፡ ገብፄ ዓጮ ናዔላ፡ ዓጋኦራ ዓብራሃሜም ሾዔ ናዓሢ ዒሰማዔኤሌፍ ፔቴ ኬሊ ማኦር ዒንደ ሳኦራ ናኦዚ ዪሳኦቄና ዋላ ዓማላኔ፤ 10 ዒማና ናኦታ ዓማላሢ ሳኦራ ዛጋዖ ዓብራሃሜ ኮራ፡- «ሃኖ ታኦኮ ማደዜሎ፡ ናኦዚና ዋላ ኬሲ ዳኬ፤ ዒዞኮ ናኦዚ ታ ናኦዚ ዪሳኦቄና ዋላ ዳካላንዳያ ኮይሱዋሴ» ጌዔኔ።

11 ዒሰማዔኤሌና ዓብራሃሜኮ ናዖታሢሮ ዩይ ዒዛ ኮሺ ሜታሴኔ፤

12 ዖኦሲ ጋዓንቴ ዓብራሃሜም፡- «ኔኤኮ ናዖና ኔኤኮ ማደዜሎ ዓጋኦራ ዛሎናሮ ሜታዲፖ፤ ኔና ዳካላንዳ ዜርፃ ኬሰካንዳሢ ዪሳኦቄ ዛሎና ማዔሢሮ ሳኦራ ኔኤም ጋዓሢ ቢያ ማማደ፤ 13 ኔኤም ማደዜሎኮዋ ናኦዚ፡ ኔ ናይ ማዔሢሮ ዳኤፕ ዴሬ ማዓንዳያ ሄላንዳና ዜርፃ ታ ዒዞኮ ዳልገሻንዳኔ» ጌዔኔ።

14 ዚሮ ጉቴሎ ዓብራሃሜ ጉቴ ዓሚ ዔቃዖ፡ ዳካ ካሃና ዋኦሢያ ጎቻና ዓጋኦራም ዒንገ፡ ናዖ ዒሰማዔኤሌና ዙላ ባሲሲ ማኦራፓ ኬሳዛ፡ ዔዛ ዩካፓ ኬሰኪ ቤርሳቤ ጌይንታ፡ ዓሲ ናንጉዋ ዳውሎይዳ ሴካ ሃንጋ ጌዒ ሜታዲ ሃንቲሢ ዓርቄ።፤ 15 ጎቻና ዒዛ ዔኬ ዋኦፃ ኩዴ ዋደና ዒዛ ናዖ ፔቴ ቶሻ ዴንካ ላይሢ፡- 16 «ታኦኮ ናዓ ሃይቃሢ ታ ዛጋኒ ኮዑዋሴ» ጌዒ ናይይዳፓ ዓኦዛ ዱኮዛ ሃኪ ኬዳንዳ ቤሲጉዴያ ሃኪ ዴንዲ ዴዒ ዩኤኬኔ።

17 ናዓሢ ሚርጌና ዩኤካሢ ዖኦሲ ዋይዜኔ፤ ዖኦሲኮዋ ኪኢታንቻ ጫሪንጫፓ ዓጋኦራ ዔኤላዖ፡- «ዓጋኦራ! ዓይጎር ኔ ሜታዳይ? ዖኦሲ ናዓሢኮ ዩኤፖ ዋይዜሢሮ ዒጊጨፖ፤ 18 ዔቄ ዴንዲ ናዓሢ ጌሺ ዳዲሺ፤ ዒዞኮዋ ዜርፃ ታ ሚርጊሻንዳኔ፤ ዳኤፕ ዴሬያ ታ ማሃንዳኔ» ጌዔኔ። 19 ዒማና ዖኦሲ ዒዞኮ ዓኦፖ ቡላዛ ፔቴ ዴዒ ዓኦ ዔቴ ዋኦሢ ዴንቃዖ ዴንዲ ጉዜሎና ዴዒ ናዖ ዑሺኔ። 20 ናዓሢ ዲጫኦና ዖኦሲ ዒዞና ዋላ ዓኦኔ፤ ዒዚያ ፓኦራኔ ጌይንታ ዓሲ ናንጉዋ ዳውሎይዳ ናንገ ናንገ ዓኦዛ ዱፒና ዔርቴ ኬም ዓሲ ማዔኔ። 21 ዒንዳላ ዒዞም ፔቴ ገብፄ ዓጪ ናይሰኬኖ ዔካንዳጉዲ ማዘሲ ዒንጌኔ።

**ዓብራሃሜና ካኦቲ ዓቤሚሌኬና ዋላ ጫኦቄ ጫኦቄም**

22 ካኦቲ ዓቤሚሌኬ ዩኖ ዋደና ፔኤኮ ዖሎ ዖላ ዓሰ ዓይሢ ፒኮሌ ጎዖሢና ዋላ ዓኦዲ ዓብራሃሜ ኮራ፡- «ኔኤኒ ማደ ባኮና ቢያ ዖኦሲ ኔኤና ዋላኬ፤ 23 ታኦም ማዔቶዋ ታኦኮ ናኦቶም ሃሢ ታኦኮ ዜርፃም ኔኤኒ ፑርታ ባኦዚ ማዲንዲዋያ ማዒያ ሃይካ ሃሢ ታኦም ዖኦሲ ሱንሢና ጫኦቄ፤ ታ ኔኤም ፒዜ ማደ ማዳሢጉዲ ኔኤኒያ ታኦና ሃኖ ኔ

---

21:10 21:10 ጋላ. 4:29-30። 21:12 21:12 ሮሜ 9:7፤ ዔብ. 11:18።  
21:22 21:22 ማዘ. ማፃ 26:26።

ሾኦቹሞና ናጎጋ ዓጩሎናም ፒዙሞ ማዶ ማዳንዳኔ ጌዒ ጫአቄ»  
ጌዒኔ።

24 ዓብራሃሜ፡- «ዔኤዔ፣ ታ ጫአቃጎዳኔ» ጌዒኔ። 25 ዓብራሃሜ  
ካአቲ ዓቤሜሌኬም፡- «ኔኤኮ ማዶ ማዳ ዓሳ ታአኮ ዔኬ ዔቲ ዋአሢ  
ዓኣኔ» ጌይ ኬኤዘኔ። 26 ካአቲ ዓቤሜሌኬ፡- «ዩያ ማዳሢ ያናታቲያ  
ታ ዔሩዋሴ፤ ኔኤኒያ ዩያ ታአም ኬኤዚባአሴ፤ ሃያ ኔ ጋዓሢ ሃኖ ታ  
ዋይዛኔ» ጌዒኔ። 27 ዩካፓ ዓብራሃሜ ማራይና ባይና ዔኪ ካአቲ  
ዓቤሜሌኬም ዒጎጋዛ ዩኖ ኬሎና ላምዖንሢ «ዋሊ ኦ ፑርቲሳዓ»  
ጌዒ ፔቲ ማዒ ጫአቄኔ። 28 ዒማና ዓብራሃሜ ላንካይ ዑዞ  
ማራይ ቆልሞይዳፓ ደማሴኔ፤ 29 ካአቲ ዓቤሜሌኬ፡- «ሃንሢ ላንኮ  
ማራናአቶንሢ ደማሴ ኔ ዔቁሴሢ ዓይጎርዳይ?» ጌዒ ያኦጩኔ።

30 ዓብራሃሜ ማሃዖ፡- «ሃንሢ ላንኮ ማራቶ ዑዞንሢ ዔኬ፤ ሃንሢ  
ኔኤኒ ዔኬቶ ሃኖ ዔቶ ዋአዖ ታ ቦኦኬያ ማዔሢ ኔ ዔራጎዳኔ»  
ጌዒኔ። 31 ላምዖንሢ ዋሊ ፑርቲሳዓ ጌዒ ጫአቄ ቤዞ ማዔሢሮ ዩኖ  
ቤዜሎኮ ሱንፃ ቤርሳቤ \* ጌይንቲኔ።

32 ዩኖ ፔቱሞ ጫአቄሞ ቤርሳቤይዳ ዔያታ ጫአቄሢኮ ጊንፃ  
ካአቲ ዓቤሜሌኬና ዒዛኮ ያሎ ዓሶ ዓይሢ ፒኮሌና ፒሊሰጼኤሜ  
ዓጮ ማዒ ዴጎዴኔ፤ 33 ዩካፓ ዓብራሃሜ ቤርሳቤይዳ ታማርሰኬ  
† ጌይንታ ማሢ ቱካዖ ናጎጊና ባይቁዎዖ ናጎጋ ያኦሲ ማዔ ናጎጊና  
ናጎጋ ጎዳሢ ዒኢካ ዘጊ ካሸኬኔ፤ 34 ዓብራሃሜ ዒኢካ ፒሊሰጼኤሜ  
ዓጮይዳ ማርጌ ዎዴ ሾኦቹሞና ናጎጊኔ።

## 22

### ዓብራሃሜ ፔኤኮ ናኣዚ፣ ዩሳአቄ ሹካንዳጉዲ ዓይሢንቲሢ

1 ዩያ ቢያ ባኮኮ ጊንፃ ያኦሲ ዓብራሃሜ ዒዛም ዓይሢንታቶዎ  
ዓይሢንቱዋቲያ ዛጌኔ፤ ዛጎሮ ጋዓዖ «ዓብራሃሜ!» ጌዒ ዔኤላዛ  
ዓብራሃሜ «ዮ» ጌዒ ዩሄኔ።

2 ያኦሲ ዓብራሃሜም፡- «ኔኤኒ ናሸካ ኔኤኮ ፔቲ ናዓሢ \* ዩሳአቄ  
ዔኪ ሞኦሪያ ጌይንታ ዓጮ ዓኣዲጋፓ፣ ዒኢካ ታ ኔና ፔቲ ዳዎ  
ጌሜሪዳ ኔኤኮ ናዓሢ ሹኪ ታሚና ሚቹ ዒንጎ ዒንጊሢ ማሂ ታአም  
ሺኢሹ» ጌዒኔ።

\* 21:31 21:31 ቤርሳቤ ጌይዖ፡- ዔብሪ ዓሶ ሙኡቹና «ቤዔርሺባዒ» ጌይንታያ ማዓዛ  
«ጫአቄሞ ዋአሢ ዔቲ» ሃሣ ጊንሢ «ላንካይ ዋአሢ ዔቲ» ጌይሢኬ። † 21:33 21:33  
ታማርሰኬ ፔቶዎ ያደቁዎ ዳውሌ ሜኤጃ ማላ ዳማ ማሢኬ። 22:1 22:1 ዔብ.  
11:17-19። \* 22:2 22:2 ፔቲ ናዓሢ ጋዓዛ፡- ዔብሪ ዓሶ ሙኡጮ ማፃኣፕይዳ  
ጌይንቲሢጉዲ ዓኮ ጫአቄሞ፡ ጌሪኬ ማፃኣፕይዳ ጌይንቲኔ (ዮሃ. 3:16፤ ማር. 9:7)  
ዛጌ። 22:2 22:2 ያኦሲ. ዓሃኬ 3:1።



3 ዓብራሃሜ ዚሮ ጉቴሎ ዓሚ ዔቃታ ታሞ ዔኤህሂ ሚቸንደ ሃንዲሎ ቆይ ሃራና ጫኣና፡ ዒዛና ዋላ ፔኤኮ ናቦ ዪሳኣቄና ዒዛኮ ማዳ ዓሳይዳፓ ለምዎ ዓሲ ዔኪ ያኦሲ ዒዛም ዳቄ ቤዞ ዓኣዳኒ ኬሰኬኔ። 4 ዩካፓ ሃይህሳ ኬሎና ዓብራሃሜ ሃኬና ዛጊ ቤዜሎ ዴንቃ፡ 5 ዒዛም ማዳዘንሂም፡- «ዒንህሂ ሃራሂ ኮራ ሃካ ዴዐቀቴ፤ ታኣና ናቦና ሴኬያ ዓኣዲ ያኦሲም ዘጊ ካሽኪ ኑ ማዓንዳኔ» ጌዔኔ።

6 ዩካፓ ዓብራሃሜ ዒንጎ ባኮ ሚቸንደ ሃንዲሎ ዔኪ ናቦ ዪሳኣቄ ኬዲሲ፡ ዒዚ ታሞና ዓፓሮና ዔኪ ለምዎንሂ ዋላ ዓኣዳንቴ፡ 7 ጎይያይዳ ዪሳኣቄ፡- «ዓዴ!» ጌዒ ዔኤላዛ፡ ዓዴ፡- «ታ ናዓሃ፡ ዮ!» ጌዒ ዩሄኔ፤ ዪሳኣቄ ጊንህ፡- «ሃይሾ፡ ታሞንታ ሃንዲሎንታ ኑ ዔኬኔ፤ ማዓዛ ያኦሲም ዒንጋኒ ሹኮንደ ማራዒሂ ዓንካዳዎ?» ጌዒ ዓብራሃሜ ኮራ ያኦጮኔ።

8 ዓብራሃሜ፡- «ታ ናዓሂዮ! ሹኮንደ ማራዒሂ ያኦሲ ፔኤሮ ጊኢጊሻንዳኔ» ጋዓ፡ ለምዎንሂ ዋላ ጎይያ ዓኣዳኔ።

9 ያኦሲ ዳቄ ቤዞ ዓብራሃሜ ሄሌ ዎዶና ሚቸ ዒንጊ ካኣሽኮንደ ቤዞ ሹጮና ኮሺ ሃንዲሎዎ ዔኤታንዳጉዲ ዒኢካ ዓጊ ጊኢጊሺ፡ ፔኤኮ ናቦ ዪሳኣቄያ ቱኪ፡ ጊኢጊሻና ሃንዲሎ ዐ-ፃ ላይሄኔ። 10 ዩካፓ ናቦ ቲቃኒ ዓፓሮ ዔኪ ኩጮ ዳጊዴኔ፤ 11 ጋዓንቴ ናንጊና ናንጋ ጎዳኮ ኪኢታንቻ ጫሪንጫፓ፡- «ዓብራሃሜ! ዓብራሃሜ!» ጌዒ ለሚ ዔኤላዛ፡ ዓብራሃሜ «ዮ!» ጌዔኔ።

12 ናንጊና ናንጋ ጎዳኮ ኪኢታንቻሂ ዓብራሃሜም፡- «ናዓሂ ካኣሚፖ፤ ዓይጎዎ ዒዛይዳ ማዲፖ፤ ኔኤኒ ያኦሲ ዒጊጫያታሂ ታኣኒ ዔሬኔ፤ ዓይጎሮ ጌዔቶ ፔቴ ናቦ ታኣም ዒንጊፓ ኔ ጊንሂም ጌይባኣሂሮኬ» ጌዔኔ።

13 ዓብራሃሜያ ኮይሎ ሃንጋ ሴካ ዛጌ ዎዶና ፔቴ ማራይ ጉራና ካይዚ ቡኡራና ዓርቀንቲ ዓኣያ ዴንቃ፡ ዓኣዲ ማራዒሂ ዔኪ ናቦ ቤዞ ሹኪ ሚቸ ዒንጎ ካኣዙ ካሽኬኔ። 14 ዓብራሃሜ ዬኖ ቤዜሎ፡- «ናንጊና ናንጋ ጎዳ ጊኢጊሻኔ»† ጌዒ ሱንያ ጌህሂሂሮ፡ ሃኖ ሄላዎ ዓሳ፡- «ዬኖ ናንጊና ናንጋ ጎዳሂኮ ዲኮይዳ፡ ናንጊና ናንጋ ጎዳ ጊኢጊሻኔ» ጋዓኔ።

15 ናንጊና ናንጋ ጎዳኮ ኪኢታንቻሂ ለሚ ዓብራሃሜ ዔኤላዎ፡- 16 «ናንጊና ናንጋ ጎዳ ኦኤም ሚርጌ ዓንጅ ዒንጋንዳሂ ታ ታ ሱንያና ጫኣቃኔ» ጋዓኔ፤ ሃያ ኔ ማዳሂሮ ሃህ ፔቴ ናዓሂያ ታኣም ዒንጋኒ ኔ ዒይባኣሂሮ፡ 17 ታ ኔኤኮ ዜርያ ጫሪንጫ ዙኣጋሂጉዲ፡ ባዘ ዓጫ

22:9 22:9 ያይ. 2:21። † 22:14 22:14 ናንጊና ናንጋ ጎዳ ጊኢጊሻኔ ጌይያ፡- ዔብሪ ዓሶ ሙኡጮና «ያሂዌ ዪሪዔ» ጌይንታኔ። 22:16 22:16 ዔብ. 6:13-14።

ማእሻሎጉዲ ሚርገሻንዳኔ፤ ኔኤኮ ዜርፃ ዔያቶ ዒፃ ሞርኮ ባሺ ካታሞ ዔያቶሲ ዔካንዳኔ። 18 ታኣኮ ዓይሢፃ ኔ ኩንሣሢሮ ዓጮ ዴራ ቢያ ኔ ዜርፃና ዓንጂንታንዳኔ» ጌዔ።

19 ዩካፓ ዓብራሃሚ ዒዛሞ ማዳዞንሢ ኮይላ ማዒ ዴንዳፃ ዔያቶና ሞላ ቤርሳቤ ዓጮ ዓኣዲ፣ ዒኣካ ናንጌ።

**ናኮሬ ጎፆ ዓሲሰኬያኮ ዜርፃ**

20 ዩካፓ ሚልካ ጎፆዜላ ዓብራሃሚኮ ዒሾ ናኮሬሞ ናይ ሾዔሢ ዓብራሃሚ ሞይዜ፤ ዔያታኣ፡- 21 ቶይዳሢ ዑፃ፣ ጌኤዛሢ ቡዜ፣ ዓራሚኮ ዓዶ ቁሙዔኤሌ፤ 22 ኬሴዳ፣ ሃዞ፣ ፒልዳሼ፣ ዪዲላፔ ጎፆሢንታ ቤቱዔኤሌላንታኬ። 23 ቤቱዔኤሌ ጎፆሢ ዒርቢቃ ጎፆዞ ሾዔ፤ ሚልካ ዩንሢ ሳሎ ናኣቶንሢ ዓብራሃሚኮ ዒሾ ናኮሬሞ ሾዔ። 24 ሬዑማ ጌይንታ ናኮሬኮ ጊንፃ ማቕሰከና ናኮሬሞ ሃሣ ፃባሢ፣ ጌሃሚ፣ ቱሃሼና ማዒካ ጎፆሰኬንሢ ሾዔ።

# 23

**ሳኣራ ሃይቁም ዓብራሃሚ ዱኡፖ ቤዞ ሻንቁሢ**

1 ዓብራሃሚኮ ማቕ ሳኣራ ፃኤታና ለማታሚ ለንካይ ለዔ ናንጌሢኮ ጊንፃ፣ 2 ካኣና ኔ ዓጮይዳ ዓኣ «ዓርባዒ ካታሞ» ጌይንታፓታፃ ጊንፃፓ ኬብሮኣኔ ጌይንቲ ካታሞይዳ ሃይቁ፤ ዓብራሃሚያ ሳኣራ ሃይቁሢሮ ሚርጌና ፆዪ ዩኤካፃ፣ 3 ማቕኮ ሌዛ ዓኣ ቤዛፓ ዔቁ ሂታ ዓሶ ኮራ ዴንዲ፡- 4 «ታኣኒ ዒንሢ ባኣካ ሙኬ ሾኣቹ ዓሲታሢሮ፣ ሃዳራቲ ዱኡፒ ቤሲ ታኣሞ ሻንቁፎቲ፤ ታኣኮ ማቕ ታ ዒኣካ ዱኡካንዳኔ» ጌዔ።

5 ሄኤቲ ዓሳ ዒዛሞ ማሃፃ፡- 6 «ኦ ጎዳሢፃ፣ ሂንዳ ሞይዜ፤ ኔኤኒ ኦኡኮ ባኣካ ዴኤፒ ካራዚጉዴያ ማዔሢሮ፣ ኦኡኮ ዱኡፖ ቤዛፓ ኮሺ ቤሲ ዶኦሪ ዱኡኬ፤ ኦ ቢያሢ ኔኤኒ ኔ ማቕ ዱኡካንዳ ቤሲ ዒንጋንዳያኬ» ጌዔ።

7 ዩካፓ ዓብራሃሚ ሄኤቲ ዓሶ ቤርታ ቶኣኮ ሂርኪዲ ዚጋፃ፡- 8 «ታ ማቕ ሃይካ ታ ዱኡካንዳጉዲ ዒንሢ ታኣሞ ጌዔቶ ፆሃሬ ናኣዚ ዔፕሮኣኔኮ፣ 9 ጎዠ ዛጳ ዓኣ ማክጶላ ጌይንታ ዴፍ ዔታ ዓኣ ቤዜሎ ታኣሞ ዒ ሻንቁንዳጉዲ ዒዛ ፆኦፎሞቲ፤ ዩና ቤዜላ ታኣኮ ዱኡፒ ቤሲ ማዓንዳጉዲ ዒንሢ ቤርታ ዒ ጌዔ ሚኣሼና ታና ሻንቁሲሱሞቲ» ጌዔ።

---

22:17 22:17 ዔ.ብ. 11:12። 22:18 22:18 ዳኪ. ማዶ 3:25። 23:4 23:4 ዔ.ብ. 11:9፤ ዳኪ. ማዶ 7:16።

10 ዬኖ ዲ ጋዓ ቤዜሎኮ ዓዳሢ ዔፕሮኦኔ ፔ ቶኦኪና ካታሞ ጌላ ካራ ዓሳ ቡኪንታ ቤዛ ሃንጎ ሄኤቲ ዓሶና ዋላ ዴዒ ዓኣዖ፡ ዲኢካ ዓኣ ዓሳ ቢያ ዋይዛንቴ፡- 11 «ጎዳሢዮ ዋይዜ! ጎዜሎና ዬኖ ቤዜሎና ዋላ ታ ኔኤም ዲንጌኔ፤ ኔ ማእራፓ ሃይቄ ዓሶ ኔ ዴኡካንዳጉዲ ታኣኮ ዜርፆ ማዔ ሄኤቲ ዓሶ ቤርታ ታ ኔኤም ዲንጌኔ» ጌዔኔ።

12 ዓብራሃሜ ጋዓንቴ ሄኤቲ ዓሶ ቤርቶይዳ ላሚ ቶኦኮ ሂርኪዲ ዚጋዖ፡ 13 ቢያሢ ዋይዛንቴ ዔፕሮኦኖ፡- «ሃዳራ ዋይዜ፤ ቤዛ ታኣኔ ታኣሮ ማሂ ሻሻንቃንዳኔ፤ ቤዛኮ ኮይሳሢ ታጊዳፓ ዔኬ፤ ታኣኔ ታ ማቾ ዲኢካ ዴኡካንዳኔ» ጌዔኔ።

14-15 ዔፕሮኦ ዲማና፡- «ጎዳሢዮ ቤዜላ ያይደና ዛላና ኪሎ ማዓ ማዓ ሹቹ ቢራ ኬሳንዳያኬ፤ ዬና ኔኤና ታኣናናም ዓይጎ ማዓንዳይ? ኔኤሮ ዓሴሎ ዴኡኮ» \* ጌዔኔ። 16 ዓብራሃሜ ዴሮ ቤርታ ዔፕሮኦኔ ጌዔሢ ኮሺኬ ጌዒ ያይደና ዛላና ኪሎ ማዔ ሹጮ ቢሮ ዲንጌሢሮ፡

17 ሜሚሬ ጎዖ ቤዜሎኮ ዓባ ኬሰካ ዛሎና ማክጶላ ጌይንታ ዔፕሮኦኔ ቤዜላ ዓብራሃሜ ቤሲ ማዔኔ፤ ዬኖ ቤዜሎይዳ ዓኣ ባካ ጎሺ ቤሲ፡ ዔቴ ዓኣ ዴኔ ቤሲንታ ሚሢያ ዓኣያኬ።

18 ዬማና ዬካ ዓኣ ሄኤቲ ዓሳ ቢያ ዬና ቤዜላ ዓብራሃሜ ቤሲ ማዔሢ ዔሬኔ።

19 ዬካፓ ካኣናኔ ዓጫ ዓኣ ዬኖ ቤዜሎይዳ ዓብራሃሜ ፔኤኮ ማቾ ሳኣራ ዴኡኮኬ፤ 20 ሄኤቲ ዓሶሮ ማዔ ጎዛ ጋሮይዳ ዓኣ ዔቶ ቤዛና ዋላ ዓብራሃሜኮ ዴኡፔ ቤሲ ማዔኔ።

# 24

## ዪሳኣቄና ዲርቢቃናኮ ዔፖ

1 ዓብራሃሜ ሚርጌና ጋርቹኔ፤ ናንጊና ናንጋ ጎዳሢያ ዲዚ ናንጌ ዋዶ ቢያይዳ፡ ቢያ ባኣዚና ዲዛ ዓንጃኔ፤ 2 ዓብራሃሜ ዲዛኮ ማእራ ዓኣ ባኮ ቢያ ዋሃያ ማዒ ሚርጌ ለዔ ናንጌ፡ ዲዛም ማዶ ማዶ ዓሲሰኬያ ዔኤላዖ፡- «ኔኤኮ ኩጮ ታ ጉባዛ ባኣካ ጌሢጋፓ \* 3 ታኣኔ ሃሢ ዋላ ናንጋ ሃያ ካኣናኔ ዓሶኮ ዉዴሮ ናኣቶይዳፓ ታኣኮ ናዓሢም ላኣሊ ኔኤኔ ማዢሱዋጉዲ ጫሪንጮና ሳዖናኮ ጎዳ ማዔ ያኡዛሢ ሱንጎዖና ታኣም ጫኣቄ፤ 4 ጋዓንቴ ታ ሾይንቴ ዓጮ ዓኣዲጋፓ ዬካ ዓኣ ታ ያጶ ባኣካፓ ታ ናኣዚ ዪሳኣቄም ላኣሊ ማዢሱ» ጌዔኔ።

\* 23:14-15 23:14 ሚእሻ ዲቢታንቴ ያዲ ጌይ ሹሌዒሲ ጌሰተንቴሢ ዬኖ ዋዶና ሻንቹዖ ጎይፃ ያዲ ማዓሢሮኬ። \* 24:2 24:2 ኔኤኮ ኩጮ ታኣኮ ጉባዛ ባኣካ ጌሢ ጌይፃ፡- ላኣሚንቴዋ ዶዲ ጫኣቄም ማዒያ ዔርዛያኬ።

5 ማደ ማደ ዓሢያ ማሃዖ፡- «ጎዖንቴ ታ ዒዛሞ ያኦጫ ናዔላ ታኣና ዎላ ሃያ ዓጮ ሙኮ ዒዳቶሾ? ኔኤኮ ናኣዚ ኔ ሾይንቴ ዓጮ ማዒ ዓኣዳ ጎዖንድ?» ጌራ ያኦጮኔ።

6 ዓብራሃሜ ጋዓንቴ ዒዛሞ፡- «ዓይጎ ባኣዚ ማዔቶዎ ታኣኮ ናዓሢ ታ ዓዶ ዓጮ ማሃ ኔ ዔኪ ዓኣዲዎጉዲ ኔና ዔሬ፤ 7 ናንጊና ናንጋ ጎዳ ማዔ ጫሪንጮ ያኦዛሢ ታና ታ ዓዶ ማኣሮና ሾይንቴ ዓጮናይዳፕ ሃይካ ዔኪ ሙኪ ሃያ ዓጮ ታ ዜርዖም ዒንጋንዳኔ ጌራ ታኣም ጫኣቄሢ፡ ሃሢ ዬያ ዓጮይዳፕ ታ ናዓሢም ላኣሊ ኔ ዴንቃንዳጉዲ ፔኤኮ ከኢታንቻሢ ኔኤኮ ቤርታ ዳካንዳኔ። 8 ናዔላ ኔኤና ዎላ ሙካኒ ናሽከባኣቶ ሃያ ታ ኔና ጫኣቄጎ ጫኣቄማፕ ኔኤኒ ዙላ ማዓንዳኔ፤ ያዲ ማዔቶዎ ታኣኮ ናዖ ዓይጎ ጎይሢናኣ ማዖም ዔኪ ዓኣዲፕ» ጌዔኔ። 9 ዬካፕ ማደ ማደሢ ኩጮ ፔኤሲ ፔ ጎዳ ዓብራሃሜኮ ጉባዞ ባኣካ ጌሢ፡ ዓብራሃሜ ዓይሢ ባኮ ቢያ ኩንሢኒ ጫኣቄኔ።

10 ዬካፕ ዓብራሃሜኮ ማኣራ ማደ ማደሢ ማኣሮይዳፕ ዓሲም ዒንጋኒ ኮሺ ኮሺ ማዔ ባኣዚ ታጾ ጋኣሎና ጫኣኒ ዓባ ኬሰኪ ጌላሢኮ ኬዶ ዛሎና ማሶፖታሚያይዳ ናኮሬ ጌይንታ ዓሢ ናንጋ ካታም ዓኣዳኔ። 11 ዒኢካ ካታምኮ ዙላ ዓኣ ዔቶ ዎኣዖ ሙኪ ዒዚ ሄላዖ ጋኣላሢ ጉምዓቲ ሃውሻንዳጉዲ ዔቄሴኔ፤ ዬያ ዒ ማደሢ ዓባ ጌሊ ጎዓ ዓማኒ ዑኬም፡ ላኣሊ ዎኣሢ ዴዓኒ ዎርዚ ኬዶ ዎይይዳኬ፤ 12 ማደ ማደ ዓሢ ዓማና ሂዚ ጌራ ሺኣቄኔ፡- «ታ ጎዳሢ ዓብራሃሜኮ ጎዳ ማዔ ያኦዛሢዮ! ታኣኮ ማሊዖ ኩንሢ ታ ጎዳ ዓብራሃሜም ኔኤኮ ናንጊና ናንጋ ናሹም ፔጋሲ ዔርዜ። 13 ሃኣዛጌ፡ ሃሢ ታ ሃያ ዔቶ ዎኣዖ ዓጫ ዔቄ ዓኣኔ፤ ካታምይዳፕ ዎኣዖ ዴዓኒ ዉዴሮ ናኣታ ሙካዛ፡ 14 ዔያቶይዳፕ ፔቴ ዉዴሮ ናይ ኮራ፡- ሄኣኮ ዎኣዖ ጉዛፕ ዎኣሢ ታና ዑሹቴራ» ታ ጋዓዛ፡ «ዑሽኩዎይ፤ ኔኤኮ ጋኣላሢያ ዑሽካንዳጉዲ ዎኣዖ ታ ኔኤም ዴዓንዳኔ» ዒዛ ታኣም ጌዔቶ ኔ ዓይላሢ ዩሰኣቄም ላኣሊ ማዓንዳጉዲ ዬና ኔኤኒ ዶኦሪዜሎ ማዖንጎ፤ ዬያይዲ ታ ጎዳ ዓብራሃሜም ኔኤኮ ናንጊና ናንጋ ናሹም ኔ ፔጋሲ ዳቄሢ ታኣኒ ዔራንዳኔ።»

15 ሂዚ ጌራ ሃጊ ሺኣቄ ዒ ጋፑዎንቴ ዒርቢቃ ጎዖዜላ ዎኣሢ ጉሲ ባሲ ሙኬኔ፤ ዒዛኣ ዓብራሃሜኮ ዒሹ፡ ናኮሬ ፔ ማቾ ማላካይዳፕ ሾዔሢ ባኣቱዔኤሌ ናይኬ። 16 ዒርቢቃ ኩሙሢ፡ ሃሃ ማዛጲ ዉዴሮ ናይኬ፤ ዒዛ ዔቶ ዎኣዖ ዴዒሢኮ ጊንፃ ፔ ማኣሮ ባንሢ ማዒ ዴንዶ ዔቄኔ። 17 ዓብራሃሜም ማደሢ ሩኡሪና ዒዛ ኮራ ዓኣዲዖ፡- «ኔኤኮ ጉዛፕ ዎኣሢ ታና ዑሹቴራ» ጌዔኔ።

18 ዲዛ፡- «ታ ጎዳ፣ ዓይጌ ዓኣዖ ዑሽኩዋይ» ጌራ ጉዞ ጌኤታፓ ኬይሲ ዑሽኩም ዛላሲ ዓርቄ። 19 ዓሢ ዑሽኪ ዴኤቦ ዛኣሪሢኪ ጊንፃ፡- «ኔኤኮ ጋኣላሢማኣ ታኣኒ ዋኣዖ ዲዓንዳኔ፤ ዔያቶም ጊዳንዳያ ሄላንዳኣና ዑሽኩንጎ» ጌራ፡ 20 ቤዞማና ጉዛፓ ዋኣዖ ጋኣላሢ ዑሽኪ ጎንጎይዳ ቶባዖ ጋኣላሢ ቢያ ዑሽኪ ሚሽካንዳያ ሄላንዳኣና ዔታፓ ዋኣዖ ሩኡሪ ሩኡሪ ዲዒሢ ዓርቄ። 21 ዓሢያ ናንጊና ናንጋ ጎዳ ዒዛኮ ሃንቲዖ ጊኢጊሹያ ማዔቴ ዔራኒ ዒዛ ማዳ ባኮ ቢያ ዚቲዮ ጌራ ዛዛጋ፤

22 ዩካፓ ጋኣላሢ ዑሽኪ ጊዳዛ ዓሢ ዋርቄይዳፓ ዲይንቴ ኮሺ ሚዛጰ፡ ሲኢዲዳ ዓኣሃያ፡ ደንጎ ጊራኣሚ ማዓ ጉዳቾ ሲኢዲ ዒዛም ዓኣሣኔ፤ ሃሃ ዒዛኮ ላምዖ ኩጮይዳ ላምዖ ዋርቄጋዊ ዴኤፒ ዔኪ ዓኣሃያ፡- 23 «ኔኤኒ ዖ ናይዳይ? ሃዲራ ታኣም ኬኤዜ፤ ታናንታ ታኣና ዋላ ዓኣ ዓሶንታም ዋይሢ ቤሲ ኔ ዓዶ ማኣራ ጰዳንዳ?» ጌራ ዖኣጮኔ።

24 ዲዛ ማሃዖ፡- «ታኣኒ ባኣቱዔኤሌ ናይኬ፤ ባኣቱዔኤሌኮ ዓዴ ናኮሬኬ፤ ዒንዳ ዒዛኮ ሚልካ ጌይንታያኬ፤ 25 ኑ ማኣሮይዳ ሚርጌ ቆልሞ ሙዓ ጎሶንታ ሚልዚ ዖሃንታ ዓሲ ዋርቃ ቤሲያኣ ዓኣኔ» ጌዔ።

26 ዓሢ ዒማና ጉምዓቲ ዚጊ ናንጊና ናንጋ ጎዳ ካኣሽካዖ፡- 27 «ታ ጎዳሢም ጮኣቄ ጮኣቄምና ናንጊና ናንጋ ናሹምና ካፔ ታ ጎዳሢ ዓብራሃሜኮ ጎዳ ማዔ ዖኣዛሢ ጋላቲንቶንጎ፤ ሴካ ሃንጋ ጌይሲ ዲሲሱም ታ ጎዳሢኮ ዒሹንሢ ባንሢ ታና ዔኪ ሙኬሢ ዒዛኬ» ጌዔ።

28 ዩማፓ ናዔላ ማኣሪ ጰሽኪ ዓኣዳዖ ማዔ ባኮ ቢያ ዒዛኮ ዒንድንታ ዒንድና ዋላ ዓኣ ዓሶንታም ቢያ ኬኤዜ። 29 ዒርቢቃኮ ዒሹ ላኣባ ጎዖሢ ዓብራሃሜም ማዶ ማዶ ዓሢ ዓኣ ዔቶ ዋኣዖ ባንሢ ጰሽኪ ዓኣዳ። 30 ዒርቢቃኮ ዒሹ፡ ላኣባ ዓሢ ባንሢ ዓኣዳሢ ጌኤዴላ ሲኢዲ ዓኣሢ ባኮና ኩጮ ዓኣሢ ጋዎና ዛጌሢ፤ ጊንሃ ሃሃ ዓሢ ዒርቢቃም ጌዔ ባኮ ዒዛ ኬኤዜም ዋይዜሢ። ዓሢ ዔቶ ዋኣዖ ዓጮ ሃጊ ጋኣላሢና ዋላ ዔቄ ዓኣንቴ ዒዚ ዴንቄ። 31 ዩያር ላኣባ ዓሢ ኮራ፡- «ሃይ ኔ፡ ናንጊና ናንጋ ጎዳ ዓንጄ ዓሢዮ! ሃኒ ሙኬ ማኣሪ ኑ ዓኣዳም፤ ሃካ ዋኣዖ ዓጮ ኔ ዓይጎር ዔቄይ? ኑ ማኣራ ኔ ሃውሻንዳ ቤሲ ዓኣኔ፤ ኔኤኮ ጋኣላሢማኣ ዋርቃኒ ጊኢጊንቴ ቤሲ ዓኣኔ» ጌዔ።

32 ዩካፓ ላኣባና ዋላ ዒ ዔያቶ ማኣሪ ዓኣዳ፤ ዒርቢቃኮ ዒሹ፡ ላኣባ ጋኣላሢ ዑያይዳ ዓኣ ጮኣኖ ቡላዖ ጎሶንታ ሚሎ ዖሆንታ ጋኣላሢም ዒንጌ፤ ዩካፓ ዓብራሃሜም ማዶ ማዳሢና ዒዛና ዋላ

ዓላ ዓሰናም ቶኮ ዔያታ ማሰታንዳ ዋላሢ ዔኪ ሙኬኔ። 33 ዬያቶ ሸኡጮም ካሣ ሸኢካዛ ዓብራሃሚም ማደ ማደ ዓሢ፡- «ታ ሙኬ ባኮ ዛሎ ኬኤዙዋቶ ካሣ ሙዓዓኬ» ጌዔኔ። ላኣባ ዒማና፡- «ዓይጌ ዓላቶ፡ ኬኤዙዋቶ» ጌዔኔ።

34 ዒዚ፡- «ታኣኒ ዓብራሃሚም ማደ ማደያኬ፤ 35 ናንገና ናንጋ ጎዳ ሚርጌ ታ ጎዳሢ ዓብራሃሚ ዓንጃኔ፤ ያርጎቹ ዓሲያ ዒዛ ማሃኔ፤ ሚርጌ ማራይ፡ ዋኣሪንታ ባይንታ፡ ቢራንታ ዋርቁንታ፡ ማደ ማደ ዓቲንቁንታ ላኣለንታ፡ ጋኣሎንታ ሃሬያ ሚርጌ ዒዛም ዒንጌኔ። 36 ታ ጎዳሢ ማቻ ሳኣራ ጋርቹቦ ዓቲንቁ ናይ ዒዛም ሸዔኔ፤ ታ ጎዳሢያ ዒዛኮ ዓላ ቆሎ ቢያ ዬያ ናዓሢም ደካልሴኔ። 37-38 ታ ጎዳ፡ ዓብራሃሚ፡- «ታኣኒ ዔያቶና ዋላ ናንጋ ካኣናኔ ዓሶ ዉዱር ናኣቶ ባኣካፓ ታ ናዓሢም ላኣለ ኔ ማክሱዋጉዲ፤ ጋዓንቲ ታ ዓዶ ማኣር ዓሰና ታ ዒጊኖና ኮራ ዓኣዲ ታ ናዓሢም ላኣለ ማክሱ» ጌዒ ታና ጮኣቁሴኔ።» 39 ታኣኒ ታ ጎዳሢ ኮራ፡- «ናዔላ ታኣና ሙካኒ ናሽኪባኣቶ ዋዶንዶይ?» ጌዒ ያኦጮዛ፤ 40 ዒዚ ሂዚ ታኣም ጌዔኔ፡- «ቢያ ዋዶና ታ ዒዛም ማደ፡ ናንገና ናንጋ ጎዳሢ ፔኤኮ ኪታንቻሢ ኔኤና ዋላ ደካንዳኔ፤ ሃንቲፃኣ ኔኤም ኮሽኬያ ማዓንዳጉዲ ዒ ጌኢጊሻንዳኔ፤ ዬያይዲ ኔኤኒ ታ ዓዶ ማኣርና ታ ዒጊኖና ባኣካፓ ታ ናኣዚም ላኣለ ማክሱ ዒንጋኒ ደንዳዓኔ፤ 41 ጮኣቁማፓ ዙላ ኔኤኒ ማዓንዳሢ ታ ዒጊኖ ኮራ ኔ ዓኣዳዛ ዔያታ፡- ናዔሎ ኔኤም ኑ ዒንጋዓ ጌዒ ላኣኔቶ ሌሊኬ።»

42 «ዬካፓ ሃኖ ዔቶ ዋኣቦ ዓጮ ሙካቦ ታ ሂዚ ጌዒ ሸኢቁኔ፡- ታ ጎዳሢ ዓብራሃሚኮ ጎዳ ማዔ ያኣዛሢዮ! ሃዳራ ታ ሙኬ ባኮ ዛሎ ኔኤኒ ታኣም ጌኢጊሻንዳጉዲ፤ 43 ሃኣዛጌ ሃይካ ዔቶ ዋኣቦ ዓጮ ታኣኒ ዔቁኔ፤ ፔቴ ዉዱር ናይ ዋኣሢ ዱዒኒ ሙካኣና፡ ሃዳራ ጉዛፓ ደካ ዋኣሢ ታና ዑሹ» ጌዒ ታኣኒ ያኦጮንዳኔ፤ 44 ዒዛኣ ሳይጌ ዓላቦ ዑሽኩዋይ፤ ኔኤኮ ጋኣላሢማኣ ታ ዱዓንዳኔ» ጋዓያ ማዔቶ፡ ዬና ታ ጎዳሢ ናኣዚኮ ማቻ ማዓንዳጉዲ ኔኤኒ ዶኦሪዬሎ ማፖንጎ። 45 ዬማ ጌዒ ዒኖና ሸኢጲያ ታኣኒ ጋፒሱዋንቲ ዒርቢቃ ዋኣሢ ጉሲ ባሲ ሙካቦ፡ ዔታፓ ዋኣቦ ዱዒ ኬሰካዛ፡ ታኣኒ ዒናኣ፡ ሃዳራ ደካ ዋኣሢ ታና ዑሹቴራ» ጌዔኔ። 46 ዒዛ ጉዞ ጌኤታፓ ዑኬና ኬይሲ ዛላሳቦ፡- «ዓይጌ ዓላቦ፡ ዑሽኩዋይ፤ ታ ኔኤኮ ጋኣላሢያ ዱይ ዑሻንዳኔ» ጌዔኔ፤ ዬያር ታናንታ ታኣኮ ጋኣላሢንታ ዋኣቦ ዑሽኬኔ። 47 ታኣኒያ «ኔ ያ ናይዳይ?» ጌዒ ያኦጮኔ። ዒዛ፡- «ታኣኒ ናኮሪ ናኣዚ ባኣቱዔኤሌ ናይኬ፤ ዒንዳ ዒዛኮ ሚልካ ጋዓዜሎኬ» ጌዔኔ። ዬካፓ ሲኢዳ ጉዳቻ፡ ኩጮ ታ ዒዛኮ ጋዊ ዓኣሢኔ፤ 48 ዬካፓ ጉምዓቲ

ዚህ ናንገና ናንጋ ጎዳ ካላሸካየ፡ ታ ጎዳሢ ዓብራሃሜኮ ጎዳ ማዔ ያኦዛሢ ታኦኒ ጋላቴኔ፤ ዓይጎሮ ጌዔቶ ታ ጎዳሢኮ ናኦዛም ማቾ ማዓንዳ ላኦሊ ታ ዴንቄ ቤዞ፡ ታ ጎዳሢኮ ዒሾ ማኦሪ ፒዜ ማዔ ጎይሢና ዔኪ ሙኬሢ ታና ዒዛኬ። 49 ዓካሪ ታ ጎዳሢኮ ሃዳሮ ጎኔና ዒንሢ ዔኪ ዒዛ ዎዛሳኒ ናሽካያ ማዔቴ ታኦም ኬኤዙዎቴ፤ ናሽኩዎያ ዒንሢ ማዔቴያ ጎኑም ታኦም ኬኤዙዎቴ፤ ታ ዴንዲ ሜሌ ኮዎም» ጋዓዛ፡ 50 ላኦሳና ባኦቴዔኤሌና፡- «ሃይ ባካ ናንገና ናንጋ ጎዳዴገ ሙኬያ ማዔሢሮ፡ ኦኦኒ ላኦጋኒ ዳንዳዑዎሴ፤ 51 ዒርቢቃ ኦራ ሃናሾ፤ ሃይሾ፡ ዒዛ ዔኪ ዓኦ፤ ናንገና ናንጋ ጎዳ ፔ ቶኦኪና ኬኤዜሢሢጉዲ ኔ ጎዳኮ ናኦዚ ማቾ ዒዛ ማዎንጎ» ዔያታ ጌዔኔ። 52 ዓብራሃሜም ማዶ ማዳሢ ዬያ ዎይዜ ዎድና ጉምዓቲ ዚህ ናንገና ናንጋ ጎዳ ካሸኬኔ፤ 53 ዎርቄና ቢራ ዓንገናይዳገ ማዢናጥ ፓልዎ፡ ዬያጉዲ ሃሃ ዓፒላኦ ኬሲ ዒርቢቃም ዒንጌኔ፤ ዒዛኮ ዒሾና ዒንድናም ሚርጌ ሚኢሾም ሻንቸንታያ፡ ናሻ ማኦዎዎ ዒንጌኔ። 54 ዬካገ ዒብራሃሜም ማዶ ማዳሢና ዒዛና ዎላ ዓኦዛንሢ፡ ሙዒ ዑሽኪ ዒኢካ ዎርቄኔ፤ ዚሮ ጉቴ ዔቃዎ ዓብራሃሜም ማዶ ማዳሢ፡- «ዓካሪ ታ ጎዳሢ ባንሢ ማዒ ታኦኒ ዴንድም» ጌዔኔ።

55 ዒርቢቃኮ ዒሾና ዒንድና ጋዓንቴ፡- «ናዔላ ታጳ ኬሊ ጉዴያ ኦኦና ዎላ ዴዎንጎ፤ ዬካገ ኔኦና ዎላ ዓኦ፤ ዒዛ ዳንድዓኔ» ጌዔኔ።

56 ዒዚ ጊንሢ፡- «ሃዳራቴ፡ ታና ናጊሲፖቴ፤ ናንገና ናንጋ ጎዳሢ ታኦኒ ሙኬ ባኮ ዛሎ ኮሾሢሮ ዑከና ታ ጎዳሢ ባንሢ ታ ማዒ ዴንድም» ጌዔኔ።

57 ዔያታኦ፡- «ሂዴቶ ናዔሎ ኦ ዔኤሊጋገ ዒዛ ጋዓ ባኮ ኦ ዎይዘም» ጌዔኔ። 58 ዬያሮ ዒርቢቃ ዔያታ ዔኤላዎ፡- «ሃያ ዓሢና ዎላ ዓኦ፤ ኔኤኒ ኮዓ?» ጌዒ ዒዛ ያኦጫዛ ዒዛ፡- «ሂዮ፡ ታ ዓኦ፤ ጎዳኔ» ጌዔኔ።

59 ዬካገ ዔያታ ዒርቢቃ ዒዛ ዘሪ ዲቻዜሎ ፔኤና ዔኪ፡ ዓብራሃሜም ማዶ ማዳሢንታ ዒዛና ዎላ ዓኦ ዓሶና ዓኦ፤ ዳንድጉዲ ዔልቃማዎ፡- 60 «ኔኤኒ ኦ ጌኤዴላ ሚርጌ ዴሬኮ ዒንድ ማዔ፤ ኔኤኮ ዜርዓ ኔ ሞርኮኮ ካታም ባሽሢና ዔኮንጎ» ጌዒ ዒርቢቃ ዓንጃኔ። 61 ዬካገ ዒርቢቃንታ ዒዛ ጊንዎ ዓኦ፤ ዒዛም ማዶ ማዶ ላኦ፤ ጎዳሢንታ ጋኦላሢ ቶጊ ዓብራሃሜም ማዶ ማዶ ዓሢና ዎላ ዓኦ፤ ኔ።

62 ዒማና ዩሳኦቄ «ቢዔርላሃይሮዒ (ታና ዛጋ ናንገና ናንጋ ያኦሲ)» ጌዒንታ ዴዔ ቦቆሊ ዎኦሢ ዓኦ ቤሲ፡ ዳውሌ ሙኪ ኔጌቤ ጎዎ ቤዘይዳ ዴዒ ዓኦ። 63 ፔቴ ኬሊ ጎዓ ሃባርታንቴ ቦኦሎ ፔጎይዳ

ሴካ ሃንጋ ሃንቲ ሃንቲ ዒዚ ፔ ማሊሢ ዳ ዓኣዖ ጋኣላ ሃኬና ሙካያ ደንቄ።<sup>64</sup> ዒርቢቃ ዩሳኣቄ ዳንቃዖ ዒዛ ቶጌ ጋኣላሢ ዳገ ኬዲ፡-  
<sup>65</sup> «ሃይሴኩ፡ ቦኦሎ ፔጎይዳ ኑ ባንሢ ሙካሢ ዖናዳይ?» ጌዒ ዓብራሃሚም ማዶ ማዳሢ ኮራ ዖኦጫዛ፡ ዒዚ፡- «ታኣኮ ጎዳሢ፡ ዩሳኣቄኩ» ጌዔ። ዩያሮ ዑኩና ዒዛ ፔኤኮ ዓኣፖ ካሮ ፔኤኮ ቶኣኮ ዖሸና ባኮና ካንቄ።<sup>66</sup> ዓብራሃሚም ማዶ ማዳሢያ ዒዚ ደንዲ ማዳ ባኮ ቢያ ዩሳኣቄም ኬኤዜ።<sup>67</sup> ዩካፓ ዩሳኣቄ ቤርታ ዒንዳ ሳኣራ ናንጋ ዓፕሎና ማዢንቲ ማኣሮ ዒርቢቃ ዔኪ ጌሌ፤ ማቸዎ ዒዛኮ ዒዛ ማዔ፤ ዩሳኣቄ ዒርቢቃ ናሽኩ። ዩያይዲ ዒንዶ ሃይቦ ዛሎና ሄሌ ሲዮይዳፓኣ ዒዚ ደዴ።

## 25

**ሜሌ ዓብራሃሚ ዜርዖ**  
*(1ዖኦሲ. ዓሃኬ 1:32-33)*

<sup>1</sup> ሳኣራ ሃይቄሢኮ ጊንፃ ዓብራሃሚ ሜሌ ኬፀራ ጌይንታ ላኣሊሰኬና ዔኬ፤<sup>2</sup> ዒዛኣ ዚምራ፤ ዮቁሻ፤ ሚዳ፤ ሚዲያሚ፤ ዩሽባቄ፤ ጎታ ሹሃ፤ ጎዖሰኬንሢ ዓብራሃሚም ሾዔ።<sup>3</sup> ዮቁሻ፤ ጎዖሢ ሳባኔና ዳዳ፤ ጎዖዞንሢ ሾዔ፤ ዳዳ፤ ጎዖሢኮ ዜርዖ ዓሽራ ዓሶ፤ ሌፀሻ ዓሶና ዔማ ዓሶናኬ።<sup>4</sup> ሚዲያሚ ናኣቶንሢ ዔፓ፡ ዔፔሬ፡ ሃናኬ፡ ዓቢዳዒና ዓልዳዓ ጎዖዞንሢ ማዓዛ ዩንሢ ቢያ ኬፀራ ናኣቶኬ።

<sup>5</sup> ዓብራሃሚ ፔኤኮ ዓኣ ቆሎ ቢያ ዩሳኣቄ ዳካልሴ፤<sup>6</sup> ሜሌ ላኣሎይዳፓ ዒዛም ሾይንቲ ናኣቶም ጋዓንቲ ዓብራሃሚ ሃይቁባኣዖ ኮይሳ ባኣዚ ዒንገ፤ ዒዛኮ ናኣዚ ዩሳኣቄይዳፓ ሃኪሲ ሴካ ዓባ ኬሰካ ዛሎ ባንሢ ዳኬ።

**ዓብራሃሚኮ ሃይቦ**

<sup>7</sup> ዓብራሃሚ ናንጌ ለዓ ጄኤታና ላንካይታሚ ደንጎኬ፤<sup>8</sup> ዩያይዲ ዓብራሃሚ ጊዳያ ዖደሲ ለዔ ናንጌ ጋርቼዖ ሃይቄ፤<sup>9</sup> ናኣታ ዒዛኮ ዩሳኣቄና ዒሰማዔኤሌና ማክጶላ ጌይንታ ዳኖ ዔታ ዓኣ ቤዜሎይዳ ዒዛ ዱኡኬ፤ ዩይ ዳኖ ዔታ ዓኣ ቤዛ ሚሚሬ ጎዖ ቤዜሎኮ ዓባ ኬሰካ ባንፆና ሄኤቲ ዜርዖሢ ዖሃሬ ናኣዚ ዔፕሮኦኔ ጎዢ ጋራ ዓኣዞኬ፤<sup>10</sup> ዩና ቤዜላ ዓብራሃሚ ሄኤቲ ዓሢዳፓ ሻንቄ ዱኡፖ ቤዜሎታሢሮ ዓብራሃሚያ ዒዛኮ ማቻ ሳኣራ ዱኡኪንቲ፤ ዳኖ ዔታ ዓኣ ቤዜሎይዳ ዱኡቲ።<sup>11</sup> ዓብራሃሚ ሃይቄሢኮ ጊንፃ

---

25:10 25:10 ማዢ. ማፃ 23:3-16።



ያኑሲ ዒዛኮ ናኣዚ ዪሳኣቄ ዓንጃኔ፤ ዪሳኣቄያ ቢዔርላሃይሮዒ ጌይፃ «ታና ዛጋ ናንገና ናንጋ ጎዳሢ» ጌይንታ ቦቆሎ ዓጫ ናንጋኔ።

**ዒሰማዔኤሌ ዜርፆ**  
**(1ያኑሲ. ዓሃኬ 1:28-31)**

12 ዓጋኣሮ ጌይንታ ሳኣራኮ ማዶ ማዶ ገብፄ ዓጮ ለኣሌላ ዒብራሃማም ሾዔ ናኣዚ ዒሰማዔኤሌ፤ 13 ሃይፓ ዴማ ፔኤኮ ሌዖ ሌዖ ጉዴያ ጌሢንቲ ፓይዲንታ ናኣቶ ሾዔኔ፤ ዔያታኣ፡ ኔባዮቲ፡ ቄዳሬ፡ ዓዲባዔኤሌ፡ ማቢሳማ፡ 14 ሚሽማዔ፡ ዲማ፡ ማሳ፡ 15 ሃዲዴ፡ ቲማ፡ ዪፀሬ፡ ናፕሽንታ ቄዳማ ጎዖዘንሢ። 16 ዩንሢ ዒሰማዔኤሌ ናኣቶንሢ ታጰ ላምዖ ቶይደኮ ቤርታኣ ማዖንሢ፤ ሱንፃ ዔያቶኮ ዔያታ ናንጌ ካታሞና ቤዘና ዔኤሊንታኔ። 17 ዒሰማዔኤሌያ ለዓ ዒዛኮ ጃኤታና ሃይሢታሚ ለንካይ ማዓዛ ሃይቄኔ፤ 18 ዒሰማዔኤሌ ዜርፆ ገብፄ ዓጮኮ ዓባ ኬሰካ ዛሎና ዓሶኦሬ ዓጮ ዓኣዳ ጎይፃ ሃዊላና ቤሹሬ ጌይንታ ዓጮ ባኣካ ናንጋያ ማዓዛ፡ ናንጋ ዔያቶኮ ሃንጎ ዒብራሃማ ዜርፆና ዋላ ፑርቲ ዋሊፓ ሃኪኬ።

**ዔኤሳዎና ያይቆኦቤናኮ ሾይንቶ**

19 ዒብራሃማ ናኣዚ ዪሳኣቄ ዛሎ ሃይሳ ያዲኬ፤ ዒብራሃማ ዪሳኣቄ ሾዔኔ። 20 ዪሳኣቄ ባኣቲዔኤሌ ናዎ ዒርቢቃ ዔካኣና ሌዓ ዒዛኮ ያይዲታሚኬ፤ ዒርቢቃኮ ዓዶ ባኣቲዔኤሌና ዒሾ ለኣባና ሜሶፖታሚያይዳ ናንጋ ዓራማ ዓጪ ዓሲኬ፤ 21 ዒርቢቃ ዘኣኮ ማዔሢሮ ዪሳኣቄ ዒዛ ዛሎ ናንገና ናንጋ ጎዳ ሺኢቃዛ፡ ጎዳሢ ዒዛኮ ሺኢጲያ ዋይዜም ዒርቢቃ ጎጰዴኔ፤ 22 ዒዛ ሜንቴ ጎጰዳዛ ናኣታ ጎጰ ጋራ ዋለና ሃዒንቲሢ ዓርቄሢሮ ዒዛ፡ «ሃያጉዴ ባኣዚ ዋይታዛ ታገዳ ማዲንታኒ ዳንዳዔይ?» ጌዒ ናንገና ናንጋ ጎዳ ሺኢቄሢ ዓርቄኔ። 23 ናንገና ናንጋ ጎዳሢያ ዒዘም፡- «ኔኤኮ ጎጰ ጋርይዳ ላምዖ ዴሬ ዓኣኔ፤

ዋለም ዋይዙዋያ ላምዖ ዜርሢ ኔ ሾዓንዳኔ፤  
ፔቴይ ባጋሢዳፓ ባሻያ ማዓንዳኔ፤

ቶይዲ ጌኤዚኮ ዓይሌ ማዓንዳኔ» ሢዚ ጌዔኔ።

24 ሾይጫ ዓርቄ ዎዶና ሜንቴ ዓቲንቄ ናይ ዒዛ ሾዔኔ። 25 ቤርታ ሾይንቲሢኮ ማላሢ ዘቄ፡ ዑፃኣ ጋፓኔና ማዔሢሮ «ዔኤሳዎ»\* ጌይንቲኔ። 26 ላምዓሳሢ ሾይንታኣና ዔኤሳዎኮ ዲንገርዡ ዓርቄ

---

25:23 25:23 ሮሜ 9:12። \* 25:25 25:25 ዔኤሳዎ ጌይፃ፡- ዒብራይ ዓሶ ሙኡቸና «ጋፓኔ ሚርጌያ» ጌይሢኬ።

ሾይንቴሢሮ «ያይቆኦ»† ጌይንቴኔ። ናኦታ ሾይንታኣና ሌዓ ዪሳኣቄኮ ላሂታሚኦ።

**ዔኤሳዎኮ ቶይዲሞ ሻንቹዖ**

27 ዪሳኣቄኮ ላሞዖ ናኦቶንሢ ዲጩኔ፤ ዔኤሳዎ ካይካ ፔኤቂ ኬሞ ናሽካያ ማዓዛ፣ ያይቆኦ ጋዓንቴ ማኣሪዳ ፔኤቃ ዚቴኦ።

28 ዪሳኣቄ ዔኤሳዎ ባሽ ናሽካኔ፤ ዓይጎሮ ጌዔቶ ዔኤሳዎ ኬማሢና ቦዖ ዓሽኪ ሙኡዛሢሮኦ። ዒርቢቃ ጋዓንቴ ያይቆኦ ናሽካኔ።

29 ፔቴ ኬለና ዔኤሳዎ ካዮ ኬማሢዳፓ ሚርጌ ናይዲንቲ ሙካንቴ ጌኤዚ ያይቆኦ ሲንጊሮና ዞቄ ዎፄ ዎፄ፤ 30 ዔኤሳዎ ያይቆኦ ኮራ፡- «ታ ኮሺ ናይዲንቴሢሮ ሃያ ዞቄ ዎዖ ታና ሙኡዜቴራ» ጌዔኔ። ዬያሮኦ ዔኤሳዎ ዔደኦሚ ‡ ጌይንቴሢ።

31 ያይቆኦ ዒማና፡- «ቤርታዲ ቶይዲሞ ኔኤኮ ታኣሞ ሻንቹ» ጌዔኔ።

32 ዔኤሳዎ ማሃዖ፡- «ታና ናያ ዎዳኔ፤ ቶይዲማ ታኣሞ ዓይጎ ዎኦታንዲይ?» ጌዔኔ። 33 ያይቆኦ ጊንሢ፡- «ያዲታቶ ቶይዲሞ ኔ ታኣሞ ሻንቹንዲሢ ቤርታዲ ጫኣቄ» ጋዓዛ፣ ዔኤሳዎ ጫኣቄ ቶይዲሞ ያይቆኦ ሻንቹኔ።

34 ዬካፓ ያይቆኦ ሲንጊሮ ዎዖ ካሢና ዔኤሳዎሞ ዒንጋዛ፣ ዒዚያ ሙዒ ዑሽኬሢኮ ጊንፃኣፓ ዔቂ ዓኣዳኔ፤ ዬያይዲ ዔኤሳዎ ፔኤኮ ቶይዲሞ ቦሂ ሺለዒሴኔ።

# 26

**ዪሳኣቄኮ ጌራራ ዓጮይዳ ናንጊዖ**

1 ዓብራሃሚ ዓኣ ዎደና ኬሰኬ ናዮጉዲ ናይዚ ዓጮይዳ ላሚ ኬሰኬሢሮ፣ ዪሳኣቄ ፒሊሰፄኤሚ ካኣቲ ዓብሚሌኦ ዓኣ ዓጮ ጌራራ ዓኣዳኔ። 2 ናንጊና ናንጋ ጎዳ ዪሳኣቄሞ ቤርታ ፔጋዲ ጴዲ፡- «ጊብፄ ዓጮ ዓኣዲፖ፤ ኔ ናንጋንዳጉዲ ታ ኬኤዛ፣ ሃኖ ዓጮይዳ ዳዔ፤ 3 ዒኢካ ናንጌ፤ ታኣኒ ኔኤና ዎላ ማዒ፣ ኔና ዓንጃንዳኔ፤ ሃያ ዓጮ ኔኤና ኔ ዜርዖናም ታ ዒንጋንዳኔ፤ ዬያይዲ ኔ ዓደ ዓብራሃሚም ታ ጫኣቄ ጫኣቄሞ ኩንሣንዳኔ፤ 4 ኔኤኮ ዜርዖ ጫሪንጫ ዠኦጋሢጉዲ ታ ሚርጊሻንዳኔ፤ ሃሣ ሃያ ዓጮ ቢያ ታ ዔያቶም ዳካልሳንዳኔ፤ ዓጫ ዓኣ ዳራ ቢያ ኔ ዜርዖና

† 25:26 25:26 ያይቆኦ ጌይዖ፡- ዔብራ ዓሶ ሙኡቸና «ዲንጊሮሺ ዓርቃያ» ጌይሢኦ።  
‡ 25:30 25:30 ዔደኦሚ ጌይዖ፡- ዔብራ ዓሶ ሙኡቸና «ዞቄ» ጌይሢ ማዓዛ፣ ዔኤሳዎ ጌሢንቴ ሰንፃ ዒዞናኦ። 25:33 25:33 ዔብ. 12:16።

ዓንጃንታንዳኔ። 5 ኔና ታ ዓንጃህ ኔ ዓዳ ዓብራሃሜ ታአም  
ዓይህንታያ ማዒ ታ ዒዛም ዒንጌ ዋሳ ቢያ ዒዚ ካፔህሮኬ»  
ጌዔኔ።

6 ዩያሮ ዩሳአቄ ጌሬራ ዓጮይዳ ዳንዲ ናንጌኔ፤ 7 ዩኖ ዓጮ  
ዓሳ ዩሳአቄ ኮራ፡- «ዒርቢቃ ኔኤኮ ዓይጎዳይ?» ጌዒ ያኦጫዛ፣  
ዒዚ፡- «ታአኮ ዒዛ ጌሮኬ» ጌዔኔ፤ ዩያ ዒዚ ጌዔህ ዒርቢቃ  
ሚዛጸታህሮ ዩኖ ዓጮ ዓሳ ዒዛ ሚዛጸሞሮ ዒዛ ዋዲዋጉዲ  
ዒጊጮኖህሮኬ። 8 ዩካፓ ዩሳአቄ ዩኖ ዓጮይዳ ሚርጌ ዋዴ  
ዴዔህኮ ጊንፃ ፒሊስጻኤሜ ካአቲ ዓቤሜሌኬ ፔጋሮይዳ ዓአዖ  
ኬኤዖኮ ፑልቶ ካሮና ዛጋንቴ ዩሳአቄ ዒርቢቃና ማቸጉዲ ዑያ ዓርቂ  
ዓማላንቴ ዴንቄኔ፤ 9 ዩያሮ ካአቲ፣ ዓቤሜሌኬ፣ ዩሳአቄ ዔኤሊሳዖ፡-  
«ሃይሾ ዒርቢቃ ኔኤኮ ማቸኬ! ሂዳዖ ኔኤኔ ዒዛ ታአኮ ጌሮኬ  
ጌዔህ ዓይጎሮዳይ?» ጌዒ ያኦጫኔ።

ዩሳአቄያ ማሃዖ፡- «ዒዛ ታአኮ ማቸኬ ታ ጌዔቶ ዓሳ ታና ዋዳንዳኔ  
ጌዒ ታ ዒጊጮኖህሮኬ» ጌዔኔ።

10 ካአቲ ዓቤሜሌኬ፡- «ሃይ ኔ ኑጊዳ ማዳ ባካ ዓይጌንዳይይ? ኑ  
ዓሶይዳፓ ፔቲ ዓሲ ያዲ ኔ ጌዔህሮ ማቸ ኔኤኮ ዒኢሳኒ ዳዳንዳዓኔ፤  
ዩያና ኑና ኔ ጎማሴዖ ዓቴኔ፤» 11 ሄሊሳዖ ሃህ ዓቤሜሌኬ፡- «ሃያ  
ዓህና ማቸና ካአማ ዓሲ ሃይቃንዳኔ» ጌዒ ዴሮም ኮሺ ላቴኔ።

12 ዩሳአቄያ ዩኖ ዓጮሎይዳ ጎሺ ጎሽካዛ፣ ናንጊና ናንጋ ጎዳ  
ዒዛ ዓንጃህሮ ዩኖ ሎይዳ ሚርጌ ሃአኮ ዒዚ ካህኔ፤ 13 ቆሎይዳ  
ቆሎ ቃሲንቴ ቃሲንቴ ዒዛም ዓአዴህሮ ሚርጌና ዒ ዖርሳጮኔ።  
14 ሚርጌ ማራይ፣ ዋአሪ፣ ባይንታ ዩያጉዲ ሃህ ሚርጌ ማዳ ዓሲያ  
ዒዛኮ ዓአህሮ ፒሊስጻኤሜ ዓሳ ቁኢራሞ ዒዛ ዓርቄኔ። 15 ዩያሮ  
ዩሳአቄኮ ዓዴ ዓብራሃሜ ሳዛና ዓአንቴ ዓብራሃሜኮ ማዳ ዓሳ ቦኦኬ  
ዋአዖ ዔቶ ቢያ ፒሊስጻኤሜ ዓሳ ሲንህኔ።

16 ዩኖ ዋዶና ካአቲ ዓቤሜሌኬ ዩሳአቄም፡- «ኔ ኑ ጊዳፓ ዳልጊ፣  
ዳዲ ዳዲ ዓአዴህሮ፣ ኑ ዓጮ ሃሺ ኬሰኬ» ጌዔኔ። 17 ዩያሮ ዩሳአቄ  
ዩኖ ቤዜሎ ሃሺ ጌሬራ ዓጮኮ ዶኦጮይዳ ዴንኪ፣ ዒኢካ ዴዔኔ።  
18 ዓብራሃሜ ሳዛና ዓአዖ ቦኦኪሴ ዋአዖ ዔቶ፣ ዓብራሃሜ ሃይቄህኮ  
ጊንፃ ፒሊስጻኤሜ ዓሳ ሲንህህ፣ ዩሳአቄ ላሚ ቦኦኪሳዖ ዓዴ ጌህ  
ሱንዖና ዩያ ዔቶ ዔኤሌኔ።

19 ዩሳአቄም ማዳ ማዳ ዓሳ ዶኦጮይዳ ዋአህ ዔቲ ቦኦካዖ  
ሚርጌና ዓልቃ ዋአህ ዴንቄኔ፤ 20 ጌሬራ ዓጮኮ ቆልሞ ሄንቃ ናአታ  
ጋዓንቴ «ሃይ ዋአዖ ኑኡሮኬ» ጌዒ ዩሳአቄኮ ቆልሞ ሄንቃ ናአቶና  
ዛሎ ማዢህሮ ዩሳአቄ ዩኖ ዔቴሎ «ዑራ» ጌይ ጌህኔ።

21 ሃሣ ዪሳአቄኮ ማዳ ዓሳ ማሌ ዋአሣ ዔቲ ቦኦካዛ፣ ዬኖይዳአ ሃሣ ዣላ ዔቄሣረ ዪሳአቄ ዬኖ ዔቲሎም «ዒደሣ» ጋዓ ሱንሣ ጌሣኔ። 22 ዬካፓ ደጫዖ ማሌ ዋአሣ ዔቲ ቦኦካዛ፣ ዬኖ ዔቲሎ ዛሎና ዣላ ዔቄባአሣረ «ሃይሾ ዓካሪ ናንገና ናንጋ ጎዳ ዳልጊ ቤሲ ኑኡም ዒንጌኔ፤ ሳይይዳ ኑ ማርጋንዳኔ» ጋዓዖ ዬኖ ቤዜሎ «ዳልጊ ቤሲ» \* ጌዒ ሱንሣ ጌሣኔ።

23 ዬካፓ ዪሳአቄ ሌካ ቤርሳቤ ጌይንታ ዓጮ ኬሰኬኔ፤ 24 ዬኖ ዋንቲሎ ናንገና ናንጋ ጎዳ ዒዛም ፔጋዲ ጴዳዖ፡- «ታኣኒ ኔኤኮ ዓዶ ዓብራሃማ ያኦሲኬ፤ ታ ኔኤና ዋላ ማዔሣረ ዒጊጨፕ! ታአም ማዳሣ፡ ዓብራሃማም ታ ጫአቄ ጎይዖና ታ ኔና ዓንጃንዳኔ፤ ዜርዖዋ ታ ኔኤኮ ማርጊሻንዳኔ» ጌዔኔ። 25 ዪሳአቄ ዬካ ያኦሲም ዒንጎ ባኮ ዒንጊ ካኣሽኮ ቤሲ ሹቹና ኮሺ፣ ዒኢካ ዚጊ ናንገና ናንጋ ጎዳ ካኣሽካዖ፣ ናንጎ ቤዘዋ ዒዛይዳ ማሃኔ፤ ዒዛም ማዳ ማዳ ዓሳ ሃሣ ማሌ ዋአሣ ዔቲ ቦኦካኔ።

**ዪሳአቄና ካኣቲ ዓቤማሌኬናኮ ዋላ ጫአቄዖ**

26 ካኣቲ ዓቤማሌኬ ዒዛ ዘራሣ ዓሁዙቲና ያሎ ዓሶ ዓይሣ ፐኮሌና ዋላ ዪሳአቄ ያኦጫኒ ጌራራ ዓጮ ሙኬኔ፤ 27 ዪሳአቄ ዒማና፡- «ሃያኮ ቤርታ ታና ዒንሣ ዒደ ዒንሣ ዓጫፓ ኬሴኔ፤ ሃሣ ሃኖ ታና ዘጋኒ ዓይጋ ዒንሣ ሙኬይ?» ዔያቶ ኮራ ጌዔኔ።

28 ዔያታ ማሃዖ፡- «ናንገና ናንጋ ጎዳ ኔኤና ዋላ ዓአሣ ጎኔና ኑ ዔራሣረ፣ ኑ ኔኤና ዋላ ኮሹሞና ናንጋኒ ጫአቄሣረ ማሌኔ፤ ኔ ኑኡና ጫአቃንዳጉዲ ኑ ኮዓሣ፤ 29 ኔ ዑፃ ኑ ፑርታ ባኣዚ ማዲባአሣጉዲ ኔኤኒያ ኑኡም ቢያ ዋዶና ፑርታ ባኣዚ ማዲንዱዋጉዲኬ፤ ዓይጎር ጌዔቶ ኔጊዳ ኑ ዓይጎዋ ፑርቲም ማዳ ማዲባኣሴ፤ ኑ ዓጮይዳፓ ኔ ኬሰኬሣያ ኮሹሞናኬ፤ ናንገና ናንጋ ጎዳ ኔና ዓንጃሣ ኑና ቢያሣም ዔርቲኔ» ጌዔኔ። 30 ዬካፓ ዪሳአቄ ዔያቶም ማርጌ ሙኡዚንታ ዑሽያ ጊኢጊሻዛ፣ ዔያታ ሙዒ ዑሽኬኔ። 31 ዚር ጉቲሎ ዓማ ዔቃዖ ዔያታ ዋላ ጫአቄኔ፤ ዬካፓ ዪሳአቄ ዔያቶ ዳኬም ኮሺና ዔያታ ዓኣዳኔ።

32 ዬኖ ኬሎና ዪሳአቄም ማዳ ዓሳ ሙኪ ዔያታ ቦኦኬ ዋአዖ ዔቶ ዛሎ ዒዛም ኬኤዜኔ፤ ዔያታ ኬኤዛዖ፡- «ዋአሣያ ኑ ዳንቄኔ» ጌዒ ዋዛ ሃይሴ ኬኤዜኔ። 33 ዒዚ ዬኖ ዔቲሎኮ ሱንፖ «ጫአቄም»

\* 26:22 26:22 ዳልጊ ቤሲ ዬኖ ጌይዖ፡- ዔብራ ዓሶ ሙኡጮና «ሪሆሶቲ» ጌይንታ።  
26:26 26:26 ማዢ ማፃ 21:22።

ጌራ ጌህህረ ካታሜሎኮ ሱንፃ ሃኖ ሄላንዳኣና «ቤርሳቤ»† ጌራ ዔኤሊንታኔ።

**ዔኤሳዎ ሜሌ ፃጰይዳፓ ላኣሎ ዔኬህ**

34 ዔኤሳዎኮ ለዓ ጎይዲታሚ ማዓዛ ቢዔሬኮ ናዎ ዮዲቶ ጎዎዘና ዔሎኔ ናዎ ባሰማቲ ጎዎዘና ዒዚ ዔኬኔ፤ ዩንህሂ ላምጎንህሂ ሄኤቲ ዓሶ ፃጰኬ። 35 ዩንህሂ ላኣሎንህሂ፡ ዒዘኮ ዓዶ ዪሳኣቄና ዒንዶ ዒርቢቃናም ቢያ ዎዴ ኮሽኩዎያ ማዒ ማሊሲ ማሊሲ ናንጋያ ማዔኔ።

# 27

**ዪሳኣቄ ፔኤኮ ናኣዚ ያይቆኦቤ ዓንጃህ**

1 ዪሳኣቄ ዓኣፒ ባይቂ ጋርቻዎ ፔኤኮ ናኣዚ ቶይዲ፡ ዔኤሳዎ፡- «ታ ናዓሂዮ!» ጌራ ዔኤላዛ፡ ዒዚያ «ዮ!» ጌዔኔ።

2 ዪሳኣቄ ዩካፓ፡- «ኔኤኒ ታና ዘጋሂጉዲ ታጋርቹኔ፤ ሃህ ሃይቃኒያ ታ ዑኬኔ፤ 3 ኔ ኬማህ ኬማ ዓኣዛ ዔኪ ካዮ ዓኣዲጋፓ ሰዎ ኬሚ ዎዲ ዓሽኮ ታኣም ዔኪ ሙኪ፡ 4 ታኣኒ ናሽካ ጎይዎጉዴያ ዓኣዲሲ ካህ ገኢጊሹ፤ ታ ሙዔህኮ ጊንፃ ሃይቃንዳሂኮ ቤርታ ጋፒንህሂ ዓንጃ ታ ኔኤም ዒንጋንዳኔ» ጌዔኔ።

5 ዪሳኣቄያ ፔኤኮ ናኣዚ ዔኤሳዎም ጋዓሂ ቢያ ዒንዴላ ዒርቢቃ ዎይዘኔ፤ ዩካፓ ዔኤሳዎ ኬማህ ዴንዳዛ፡ 6 ፔኤኮ ናኣዚ ያይቆኦቤም፡- «ዓዴ ዔኤሳዎም፡ 7 ሰዎ ኬሚ ዎዲ ዔኪ ሙኪ ታ ናሽካ ጎይዎጉዴያ ዓኣዲሲ ካህ፤ ታኣኒ ሃይቁዎያ ናንገና ናንጋ ጎዳ ቤርታ ኔና ዓንጃንዳኔ» ሂዚ ጋዓንቲ ታ ዎይዘኔ። 8 ዓካሪ ታናዓሂዮ! ታ ኔኤም ጋዓሂ ዎይዘ፡ ታ ዓይህ ባኮዎ ማዴ፤ 9 ኔ ዓዴ ናሽካ ጎይዎጉዴያ ዓኣዲሲ ታ ዒዛም ሙኡዚ ገኢጊሻንዳጉዲ፡ ቆልዎ ባኣካፓ ዓኣዲ ላምጎ ማሊ ዋናናይ ዔኪ ታኣም ሙኪ፤ 10 ኔኤኒ ዩካፓ ታ ገኢጊሹ ሙዮ ዔኪ ዓዴ ሙዓንዳጉዲ ዒንገኔ፤ ኔ ዩያይዴቶ ኔ ዓዴ ሃይቃንዳሂኮ ቤርታ ኔና ዓንጃንዳኔ» ጌዔኔ። 11 ያይቆኦቤ ጋዓንቲ ዒንዶ ኮራ፡- «ታ ቶይዲ፡ ዔኤሳዎኮ ዑፃ ጋፓኔናኬ፤ ታ ዑፃ ጋዓንቲ ጉሪ ጋፓኔ ባኣያኬ፤ 12 ጎዎንቲ ዓዴ ታና ዓርቂ ዘገጋፓ ታ ዒዛ ገቫህሂ ዔሬቶ ዓንጃይዳፓ ጋዳማ ታ ዔካንዳሂ ኔ ዔሩዋዓዳ?» ጌዔኔ።

13 ዒንዳ ማሃዮ፡- «ታ ናዓሂዮ! ኔ ጋዳማ ታኣም ማጎንጎ፤ ሃህ ታ ኔኤም ኬኤዛማ ማዴ፤ ዴንዲ ዋናቶንህሂ ዔኪ ሙኪ» ጌዔኔ።

† 26:33 26:33 ቤርሳቤ ጌይፃ፡ ዔብሪ ዓሶ ሙኡቸና «ጫኣቁም ጌሎና ዎኣህሂ ዔኔ» ጌይህኪ።

14 ዬያሮ ያይቆኦቤ ዓኣዲ ዋናቶንሢ ሲዘም ዔኪ ሙካዛ፣ ዒዛ ዓዴ ናሽካማ ጉዴያ ዓኣፃ ካሣ ካሣኔ፤ 15 ዒዘኮ ናኣዚ ቶይዲ ዔኤሳዎኮ ዓሶ ባኣካ ኬሰካፃ ማይንቶ ሶንቾ ዓፒሎዋ ጌሦና ቤዛፓ ዔኪ ያይቆኦቤ ዒዛ ማይሴኔ። 16 ዋናናኣቶኮ ዒልፆዋ ኩጮ ዑያና ባቃኖ ዙሎና ጋፓና ባኣ ቤዘ ማይሴኔ። 17 ዬካፓ ዒዛ ገኢጊሼ ኮዦ ዓሽኮ ካሦ ዒዘኮ ናኣዚ ያይቆኦቤም ዒንጌኔ።

18 ያይቆኦቤ ዓዶ ኮራ ሙካፃ፡- «ዓዴ!» ጌዔኔ።

ዒዚያ «ዮ! ኔኤኒ ታ ናዓሦ ፆናዳይ?» ጌዔኔ።

19 ዬካፓ ያይቆኦቤ፡- «ታ ኔኤኮ ናኣዚ ቶይዲ ዔኤሳዎኬ፤ ኔኤኒ ታና ዓይሣሢ ጉዴያ ታ ማዴኔ፤ ሂንዳ ታና ዓንጃኒ፣ ዔቂጋፓ ታ ኬማሢዳፓ ዔኪ ሙኬ ዓሽኮ ሙዔ» ጌዔኔ።

20 ዪሳኣቄ፡- «ታ ናዓሢዮ! ዋይቲ ዑኩና ኔ ዴንቃኒ ዳንዳዔይ?» ጋዓዛ፣ ያይቆኦቤ ማሃፃ፡- «ናንገና ናንጋ ጎዳ፣ ኔኤኮ ፆኦዛሢ ታና ማኣዳሢሮ ዑኩና ታ ዴንቃኒ ዳንዳዔይ» ጌዔኔ።

21 ዪሳኣቄ ገንሣ፡- «ሂንዳ ታባንሢ ሙኬ፣ ታ ኔና ዓርቂ ዛጎም፤ ጎኔ ሃሢ ኔ ዔኤሳዎዳ?» ጌዔኔ። 22 ያይቆኦቤ ዓዶ ባንሢ ሙካዛ፣ ዓዴ ዓርቂ ዛጋፃ፡- «ዑኡዛ ኔኤኮ ያይቆኦቤሲ ማላኔ፤ ኩጮ ቃሳ ጋዓንቴ ዔኤሳዎሲ ማላኔ» ጌዔኔ። 23 ዒዘኮ ኩጮ ቃሳ ዔኤሳዎሲ ማሌም ዪሳኣቄ ናኣዚ ያይቆኦቤ ዱማሲ ዔራኒ ዳንዳዒባኣሢሮ ዓንጃኒ ገኢጊንቴሰካፓ፡- 24 «ጎኔ፣ ኔ ታ ናኣዚ ዔኤሳዎዳ?» ጌዒ ለሚ ፆኦጫዛ፣ ዒዚያ፡- «ሂዮ! ታናኬ» ጌዔኔ።

25 ዬካፓ ዪሳኣቄ፡- «ታ ናዓሢዮ! ሂንዳ ኔ ዔኪ ሙኬ ዓሽኮ ታኣም ሽኢሹ፤ ታ ሙዔሢኮ ገንፃ ኔና ዓንጃንዳኔ» ጋዓዛ፣ ያይቆኦቤ ሙፆ ሽኢሹ ዋይኔይዳፓ ኮሾና ዑሹያ ዒንጌኔ። 26 ዬካፓ ዓዳሢ፣ ዪሳኣቄ፡- «ታ ናዓሢዮ! ሃኒ ሙኪ ታና ሄርቄ» ጌዔኔ። 27 ያይቆኦቤ ባንሢ ሙኪ ሄርቃዛ፣ ዪሳኣቄ ያይቆኦቤኮ ማኣዓሢ ሲንቃፃ፡- «ታ ናዓሢኮ ሳውማ

ናንገና ናንጋ ጎዳ ዓንጃ ጎሺ ሳውሞ ጉዲኬ፤

28 ፆኦሲ ጫሪንጫፓ ሎጪሳ ፆልኬ ኔኤም ዒንጎንጎ፤

ጎዦ ኔኤሲ ሚርጌና ካፃያ ማሆንጎ፤

ኔኤኮ ሃኣኮና ዋይናፓ ኮሾ ዑዦዋ ኔኤም ዒ ሚርጊሾንጎ፤

29 ዓጫ ኔኤም ዋርቆንጎ፤ ዴራኣ ኔኤም ዓይሢንታያ ማፆንጎ፤

ኔ ዒጊኖኮ ቢያ ዑፃ ማዔ፤

ኔ ዒንዶ ናኣታ ቢያ ኔኤም ሂርኪ ጌዒ ዚጎንጎ፤

ኔኤም ጋዳንቃዞንሢ ፆኦሲ ጋዳንቃንዳኔ፤

ኔና ዓንጃዞንሢ ዒዚ ዓንጃንዳኔ»

ጌራ ዓንጃኔ።

ዔኤሳዎ ፔ ዓዶ ዩሳኣቄ ኮራ ዓንጃ ሸኢቁህ

30 ዩሳኣቄ ያይቆኦቤ ዓንጃዛ፣ ያይቆኦቤ ዓዶ ቤርታፓ ከኬሰካኣና ዔኤሳዎ ከመሢራፓ ማዒ ሙከኔ። 31 ዒዚያ ፔ ዛሎና ዓኣሢ ካህ ጊኢጊሺ ዓዶም ሸኢሻዖ፡- «ዓዴ! ታና ዓንጃኒ ሂንዳ ዔቁጋፓ ታ ኔኤም ዔኪ ሙከኔ ከመሢራ ዓሸኮ ሙዔ» ጌዔኔ።

32 ዩሳኣቄ ዒዛ ኮራ፡- «ኔኤኒ ያናዳይ?» ጋዓዛ፣ ዒዚ፡- «ታ ኔኤኮ ናኣዚ ቶይዲ ዔኤሳዎከ» ጌዔኔ።

33 ዩሳኣቄ ዲቃቲ ሚርጌና ጎጋይቂ ጎጋይቂ፡- «ሂዳዖ ቤርታ ታኣም ከመሢራ ዓሸኮ ዔኪ ሙከኔህ ያናዳዖ? ሃይማ ሃሢ ኔኤኮ ቤርቶማካ ታ ሙዒ፣ ጋፒንሢ ዓንጃ ታ ዒዛ ዓንጃኔ፤ ዓንጃኣ ማይ ዒዛር ማዒ ናንጋንዳኔ» ጌዔኔ።

34 ዔኤሳዎ ዬያ ዋይዜ ዎዶና ዑኡዞ ዳጊዲ ዒናፓ ዬኤካዖ፡- «ዓዴ፣ ታናኣ ዓንጃ!» ጌዔኔ።

35 ዩሳኣቄ ማሃዖ፡- «ኔኤኮ ጌኤዚ ሙኪ ታና ጌሺ ኔኤኮ ዓንጃ ዔኪኔ» ጌዔኔ።

36 ዔኤሳዎ ጊንሣ፡- «ዒዚ ታ ባኮ ዉኡቃንቴ ሃና ላምዓሶከ፤ ሱንፃ ዒዛኮ ያይቆኦቤ \* ጌይንቴህ ፒዜከ፤ ሃያኮ ቤርታ ቶይዲም ታኣኮ ዔኪኔ፤ ሃህ ታኣኮ ዓንጃዎ ሳርቲ ዔኪኔ፤ ማዔቶዎ ኔ ታኣም ዓይሴ ዓንጃ ፔቲታዖ ባኣዓዳ?» ጋዓዛ፣ 37 ዩሳኣቄ፡- «ታ ዒዛ ኔኤኮ ጎዳቲ ማዓንዳጉዲ፣ ዒዛኮ ዒጊና ቢያ ዒዛም ማዳንዳጉዲ፣ ታ ዓንጃኔ፤ ሃህ ሃኣኮና ዒዛኮ ዎይናፓ ኮሻ ዑኡና ዒዛም ሚርጋንዳጉዲ ታ ጌዔኔ፤ ዓካሪ ታናዓሢዮ! ኔኤም ታ ዓይጎ ማዳኒ ዳንዳዓይ?» ጌዔኔ።

38 ዔኤሳዎ ጊንሣ፡- «ታ ዓዳሢዮ! ኔኤኮ ዓንጃማ ፔቲ ሌሊዳ? ሃዳራ ታናኣ ዓንጃቲራ» ጌራ ዬኤኪሢና ዓዶ ሜታሴኔ።

39 ዩሳኣቄ ፔኤኮ ናኣዚም ሂዚ ጌዔኔ፡-

«ዓንጃ ኩሜ ዓኣዔ ዓጮይዳፓ ሃኪ ኔ ናንጋንዳኔ፤ ጫሪንጫፓ ያልኬያ ኔ ዴንቃዓኪ፤

40 ጨንቻ ዓፓሮና ዒጊቺ ቡሪ ሙዒ ሙዒ ኔ ናንጋንዳኔ፤

ኔ ጌኤዚም ኔ ማዳያ ማዓንዳኔ፤

ዒዛ ኔ ዒዲ ማኬ ዎዶና፣ ዒዚ ኔና ሜታሴ ዎይሃሢዳፓ ኔ ከሰካንዳኔ።»

---

27:29 27:29 ማዢ. ማፃ 12:3። \* 27:36 27:36 ያይቆኦቤ ጌይፃ፡- ዔብሪ ዓሶ ሙኡቸና «ጌሻያ» ጌይሢኪ። 27:36 27:36 ማዢ. ማፃ 25:29-34። 27:38 27:38 ዔብ. 12:17። 27:39 27:39 ዔብ. 11:20። 27:40 27:40 ማዢ. ማፃ 36:8፤ 2ካኣቶ. ማ 8:20።

41 ዓዴ ያይቆኦቤ ዓንጃሢር ዓኤሳዎ ኮሺ ያይቆኦቤ ዓዴ፡ ፔ ዓኔሩ፡- «ጫክ ጌዔ! ዓዴ ዑኩ ኩሊዳ ሃይቃንዳኔ፤ ሲዩያ ጋፔሢኮ ጊንፃ ታ ጌኤዚ ያይቆኦቤ ታ ዎዳንዳኔ» ጌዒ ዚርቁኔ።

42 ጋዓንቴ ዒንዳ ዒርቢቃ ዓኤሳዎ ጌዒ ዚርቃሢ ዎይዜሢር፡ ያይቆኦቤ ዓኤሳዎ፡- «ኔ ዎይዜ፤ ኔ ዒሼ ዓኤሳዎ ኔና ዎዲ ኮሞ ዔካኒ ማለኔ፤ 43 ሃሢ ታ ናዓሢዮ፡ ታ ኔኤም ጋዓ ባኮ ማዴ፤ ዓቁጋፓ ካኣራኣኔ ዓጮይዳ ናንጋ ታ ዒሾ ለኣባ ኮራ ቤቴ፤ 44 ዒሾኮ ዳጋ ማዓንዳኣና ዒኢካ ዴዔ፤ 45 ዒዛኮ ዳጋ ማዔቶ ኔ ዒዛ ማዴ ባኮ ዒዚ ዎላንዳኔ፤ ዩካፓ ዓሲ ዳኪ ታ ኔና ዓኪ ዩይሲሳንዳኔ፤ ዒንሢ ለምዓሢ ፔቴ ኩሊዳ ሃይቁጋፓንዳጉዲ ታ ኮዑዎቤ» ጌዔኔ።

**ዩሳኣቁ ፔኤኮ ናኣዚ ያይቆኦቤ ለኣባ ኮራ ዳኬሢ**

46 ዒርቢቃ ዩሳኣቁ ኮራ፡- «ዓኤሳዎ ዓኬ ሄኤቴ ዜርዮ ለኣሎንሢዳፓ ዓቁያና ታ ኦኡናዴኔ፤ ያይቆኦቤያ ሃሢ ሃኖ ሄኤቴ ዓሶ ዜርዓፓ ፔቴ ለኣሊ ዓኬቶ ማይ ታ ሃሃይቃቶ ቃራኬ» ጌዔኔ።

**28**

1 ዩሳኣቁ ፔኤኮ ናኣዚ ያይቆኦቤ ዓኤሊ ጌሰታዎ ሂዚ ጌዒ ዓይሣኔ፡- «ካኣና ኔ ዓጮ ዉዱር ናኣታፓ ኔ ለኣሊ ዓኩዎጉዲ፤ 2 ሜሶፖታሚያ ዓጮይዳ ዓኣ ኔ ማዎ ባኣቱዓኤሌ ኮይላ ዓኣዲጋፓ ዒኢካ ኔ ዓሶ ለኣባኮ ዉዱር ናኣታፓ ፔቴ ዓኬ፤ 3 ቢያ ባኣዚ ዳንዳዓ ያኣዛሢ ኔና ዓንጃንጎ፤ ሚርጌ ናይያ ኔኤም ዒንጎንጎ፤ ሚርጌ ዴሬኮዎ ሃሢ ዓዶ ኔና ዒ ማሆንጎ፤ 4 ዒዚ ዓብራሃሜ ዓንጃሢጉዲ ኔኤና ኔ ዜርዖና ዓንጃንጎ፤ ሃኖ ዓብራሃሜም ዒ ዒንጌ፡ ኔኤኒያ ሃሢ ሙኩ ሾኦቹ ማዒ ናንጌ ቤዞ ኔ ዓጪ ማሂ ኔኤም ዒዚ ዒንጎንጎ።»

5 ዩሳኣቁ ያይቆኦቤ ሂዚ ጌዒ ዳካዛ ያይቆኦቤያ ሜሶፖታሚያ ዳኔ ናንጋ ዓሶ ለኣባ ኮራ ዓኣዴኔ፤ ለኣባ ያይቆኦቤና ዓኤሳዎናኮ ዒንዶ ዒርቢቃኮ ዒሾኬ፤ ዒዞኮ ዓዴ ሶኦሪያ ዓጪ ዓሲ ባኣቱዓኤሌ ጎያኮ።

**ዓኤሳዎኮ ለሚ ለኣሎ ዓኪያ**

6 ዩሳኣቁ ያይቆኦቤ ዓንጃሢና ለኣሊ ኮዎም ጌዒ ሜሶፖታሚያ ዓጮ ዳኬሢ ዓኤሳዎ ዔሬኔ፤ ዩሳኣቁ ያይቆኦቤ ዓንጃዮ፡- «ካኣና ኔ ዓጮ ዉዱር ናኣታፓ ለኣሊ ዓኪ።» ጌዔሢያ ዒዚ ዎይዜኔ፤ 7 ሃሢ ያይቆኦቤ ዓዶና ዒንዶናም ዓይሢንቴ ሜሶፖታሚያ ዓጮ ዓኣዴሢያ ዒ ዔሬኔ፤ 8 ዩያ ቢያና ዩሳኣቁ ካኣና ኔ ዓጮ ዉዱር ናኣቶ ናሽኩዎኣሢያ ዓኤሳዎ ዴንቁኔ፤ 9 ዩያር ዩያኮ ቤርታ ዒ ዓኬ

28:4 28:4 ማዢ. ማጻ 17:4-8።



ላኣሎይዳ ቃሲ ዓብራሃሜ ናኣዚ፡ ዒሰማዔኤሌ ኮይላ ዓኣዲ ማሌ ዒሰማዔኤሌኮ ናዎ ማሂላቶ ጎዎዞ ዔኬኔ፤ ዒዛኣ ናባዮቴ ጎዎሂኮ ጌርኬ።

**ያይቆኦቤ ቤኤቴኤሌ ጌይንታ ቤዛ ዓውታዳ ዓውቶ**

10 ያይቆኦቤ ቤርሳቤ ጎዎ ዓጩሎ ሃሺ ካኣራኣኔ ዓኣዲኒ ዔቄኔ፤

11 ዩካ ጎይፃ ዒ ዓኣንቴ ዓባ ጌላዛ ፔቴ ቤሲ ሄሊ ሃውሻዎ፡ ሹቹ ኬሬ ጌሂ ላሂ ገንዔኔ፤ 12 ዩካፓ ዒዚ ፔ ዓውቶና ሳዓፓ ጫሪንቹ ሄላ ሳና ዛጌኔ፤ ዒማና ሳኖ ጊዴና ያኦሲኮ ከኢታንቻ ለካ ኬሰከ ሊካ ኬዲ ጋዓኔ። 13 ናንጊና ናንጋ ጎዳ ዒዛ ኮራ ዔቃዎ፡ «ታኣኒ ኔኤኮ ማዎ ዓብራሃሜና ዓዶ ኔኤኮ ዪሳኣቁናኮ ያኦዛሂ ማዔ ናንጊና ናንጋ ጎዳኬ፤ ኔኤና ኔ ዜርዎናም ማዓንዳጉዲ ሃያ ኔ ላሄ ቤዛ ታ ኔኤም ዒንጋንዳኔ፤ 14 ዜርዎ ታ ኔኤኮ ሳዓ ማኣሻላጉዲ ሚርገሻንዳኔ፤ ዔያታ ቢያ ዛሎና ፔኤኮ ዓጮ ዳልገሻንዳኔ፤ ኔናንታ ኔ ዜርዎንታይዳፓ ዔቄያና ሳዎ ዴራ ቢያ ዓንጂንታንዳኔ።

15 ዒጊጪፖ! ታ ኔኤና ዎላኬ፤ ኔ ዓኣዲ ቤዛ ቢያይዳ ታ ኔና ካፓንዳኔ፤ ሃንጋ ሃያ ዓጮዎ ሃጊ ታ ኔና ኮሺና ዔኪ ማሃንዳኔ፤ ታ ኔኤም ጫኣቄ ጫኣቁዎ ቢያ ታ ኔኤም ኩንሣንዳኔ፤ ፔቴታዎ ታ ኔና ሃሻዓኬ» ጌዔኔ።

16 ያይቆኦቤ ገንዓሰካፓ ጰጫዎ፡- «ናንጊና ናንጋ ጎዳ ጎኔ ሃኖ ቤዛ ዓኣኔ፤ ታኣኒ ጋዓንቴ ዔሪባኣሴ» ጌዔኔ። 17 ሚርጌና ዒዚ ዒጊጪጫሂር፡- «ሃይ ዎዚ ዒጊቻ ቤሲዳይ? ሃይ ያኦሲ ማኣሪ ማዓንዳያ ኮይሳኔ፤ ጫሪንጮ ጌልዛ ካሬላኣ ሃኖኬ» ጌዔኔ።

18 ዒዚ ዚር ጉቴሎ ጉቴ ዓሚ ዔቄ፡ ዎንቴ ከር ጌሂ ሹጩሎ ዩና ቤዜላ ጌኤሺ ማዔሂ ዔርዛ ማላታ ማዓንዳጉዲ ዳኣባዎ፡ ሹጩሎ ያኦሲም ዲማሳኒ ዑያይዳ ሪሚቶ ዛይቶ ዎሃኔ። 19 ሃሃ ዩኖ ቤዜሎ «ቤኤቴኤሌ»\* ጌዒ ሱንሂ ጌሃኔ፤ ዩኖ ቤዜሎኮ ሱንፃ ዩያኮ ቤርታ ሎኣዛ ጌይንታኔ።

20 ዩካፓ ያይቆኦቤ፡- «ታኣና ዎላ ማዒ፡ ታ ዓኣዲ ጎይያይዳ ኔ ታና ካፒ፡ ታኣም ኮይሳ ሙኡዚንታ ማኣዎንታ ኔኤኒ ዒንጌቶ፤ 21 ታ ዓዶ ማኣሪያ ኔ ታና ኮሺ ማሃቶ፡ ኔኤኒ ታኣኮ ጎዳ፡ ሃሃ ያኦሲ ማዓንዳኔ፤ 22 ሃይ፡ ታኣኒ ማላታ ማዓንዳጉዲ ደቄ ሹጫ ሃጊ ሴካ ቤርታ ያኦሲ ማኣሪ ማዓንዳኔ፤ ኔ ታኣም ዒንጋ ባኮኮ ታጳሂዳፓ ፔቴማ ታ ኔኤም ዒንጋንዳኔ» ጌዒ ናንጊና ናንጋ ጎዳም ናኣቤኔ።

**28:12** 28:12 ዮሃ. 1:51። **28:13** 28:13 ማዢ. ማፃ 13:14-15። **28:14**

28:14 ማዢ. ማፃ 12:3፤ 22:18። \* **28:19** 28:19 ቤኤቴኤሌ ጌይዎ፡ ዒብራ ዓሶ ሙኡቸና «ያኦሲ ማኣሪ» ጌይሂኬ።

# 29

## ያይቆኦቤኮ ላኣባ ኮይላ ሄሊያ

1 ያይቆኦቤ ዓኣዲ ጎይሣ ዓባ ኬሰካ ዛሎና ዓኣ ዓጮ ሄሌኔ፤  
 2 ዩካ ቦኣሎይዳ ዒ ፔቴ ዋኣሢ ዔቴ ዴንቄኔ፤ ዩኖ ዒቶ ዋኣጂሎ  
 ዓጫ ማራይ ሃይሣ ቤሲ ፓቂንተ፣ ፓቂንተ ዔቂ ዓኣኔ፤ ዩይ ቆልማ  
 ዋኣፆ ዑሽካሢ ዩኖ ዔቴሎይዳፓ ማዓዛ ዔቴሎ ካሮ ዎዶ ፑኡፒ  
 ሹቹ ዓኣኔ፤ 3 ቆልማ ቢያ ቡኬሢኮ ጊንፃ ሄንቃ ናኣታ ዔቶ ካሮ  
 ዎዶና ሹጫሢ ቡምባልሲ ዋኣፆ ዑሽኔ፤ ቆልማ ዔያታ ዑሹሢኮ ጊንፃ  
 ሹጫሢ ዔቶ ካሮ ጊንሣ ዎዶኔ።

4 ያይቆኦቤ ቆልማ ናኣቶ ኮራ፡- «ዔ ናይዮቴ፣ ዒንሢ ዎካፓ  
 ሙኬይ?» ጌዒ ያኦጮኔ።

ዒያታ ማዓ፡- «ኦኡኒ ሙኬሢ ካኣራኣኔ ዓጮይዳፓኬ» ጌዔኔ።

5 ዒዚ፡- «ናኮራኮ ናኣዚ ናዖ ላኣባ ዒንሢ ዔራ?» ጌዒ ዔያቶ  
 ያኦጮኔ።

ዒያታ፡- «ሂዮ፣ ኦ ዒዛ ዔራኔ» ጌዔኔ።

6 ያይቆኦቤ «ዒዚ ዎዚ ኮሺዳ?» ጋዓዛ፣ ዔያታ፡- «ሂዮ፣ ኮሺኬ፤  
 ሃሢ ዒዛኮ ናኣ ራኣሂላ ሃና ሴካሾ ማራይ ዒሺ ሙካኔ» ጌዔኔ።

7 ያይቆኦቤ ዔያቶ ኮራ፡- «ቆልማ ዓርሢኒ ሳዓ ሃጊ ርኦሪታሢሮ  
 ዓካሪ ቆልማ ዒንሢ ዓይጎሮ ዋኣፆ ዑሽ ሄንቁዎይ?» ጌዔኔ።

8 ዔያታ፡- «ቆልማ ሄንቃ ናኣታ ቢያ ቆልማ ቡኩሳንዳሢኮ ቤርታ  
 ዓይጎ ባኣዚያ ኦ ማዳኒ ዳንዳዑዋሴ፤ ቢያሢ ሙኬሢኮ ጊንፃ  
 ሹጫሢ ዎሊ ዑፃ ኦ ኮላሲ ሸኢሻዖ ዑሻኔ» ጌዔኔ።

9 ያይቆኦቤ ዔያቶና ዎላ ጌሰታ ጎይሣ ዓኣንቴ ራኣሂላ ዓዶኮ  
 ማራይ ሄንቃያታሢሮ ማራቶ ዔኪ ሙኬኔ። 10 ያይቆኦቤ ዒዛኮ ዓቦ፣  
 ላኣባኮ ማራቶ ራኣሂላ ዒሺ ሙካሢ ዛጋዖ ዔቶ ካሮ ባንሢ ዓኣዲ

ካሮ ዎዶና ሹጫሢ ቡምባልሳዖ ማራቶ ዑሹኔ። 11 ዩካፓ ራኣሂሎ  
 ሄርቄኔ፤ ሚርጌ ዎዘይዳፓ ዔቁያና ዩኤካዖ፡- 12 «ታኣኒ ኔኤኮ ዓዶ

ጌሮ ዒርቢቃናይኬ» ጋዓዛ፣ ዒዛ ዓዶም ኬኤዛኒ ጳሽኬኔ። 13 ላኣባ  
 ፔኤኮ ጌኤዶ ናኣዚ፣ ያይቆኦቤኮ ሙኪያ ዎይዚ ጎይሣ ዓካኒ ዑኬና  
 ዓኣዳዖ፣ ኮንቂ ሄርቄሢኮ ጊንፃ ማኣሪ ዔኪ ሙኬኔ፤ ያይቆኦቤያ

ማዔ ባኮ ቢያ ላኣባም ኬኤዜኔ፤ 14 ላኣባ፡- «ጎኔና ኔ ታኣኮ ዑኬ  
 ዓሽኪ ዒጊኒኬ» ዒዛም ጌዔኔ። ያይቆኦቤያ ፔቴ ዓጊኒ ማዓያ ዓቦ  
 ኮራ ዴዔኔ፤

## ያይቆኦቤ ራኣሂሎና ሊያና ዔካኒ ላኣባም ማዳ ማዶ

15 ላኣባ ያይቆኦቤ ኮራ፡- «ኔ ታኣኮ ዒጊኒ ማዔሢሮ ጉሪ ኔ  
 ታኣም ማዳንዳያ ኮይሉዋሴ፤ ዓካሪ ኔ ማዳ ማዶኮ ዓይጎ ኔኤም ታ

ዲንጎንደይ?» ጌዔኔ። 16 ላኣባኮ ላምዎ ዉዲር ናይሰከንሣ፣ ሚሹላ ሊያ ጌኤዳላ ራኣሄሎ ጌይንታያ ዓኣኔ። 17 ሊያኮ ዓኣፓ ለምፓቲያ ማዓዛ ራኣሄላ ጋዓንቲ ዔጸና ቢያ ሚርጌ ሚዛጲ ናሻያኩ።

18 ያይቆኦቤ ራኣሄሎ ዔካኒ ሚርጌ ናሽኩሣር ዓቦ ኮራ፡- «ራኣሄሎ ኔ ታኣም ዲንጌቶ ላንካይ ለዔ ታ ኔኤም ማዳንዳኔ» ጌዔኔ።

19 ላኣባ፡- «ሂዮ፣ ማሌ ዓሲም ታ ዲዛ ዲንጋሣፓ ኔኤም ታ ዲንጌቲ ቃራኩ፤ ማታ ባኣሴ፣ ታ ኮራ ናንጌ» ጌዔኔ። 20 ዩያር ያይቆኦቤ ራኣሄሎ ዔካኒ ላንካይ ለዔ ማዳኔ፤ ያዲ ዲዚ ናንጌ ማዳቶዎ ራኣሄሎ ዲ ኮሺ ናሽኩሣር ናንጌ ዎዳ ዲዛም ዳካ ኬሊ ለሊ ማዲ ጴዴኔ።

21 ዩካፓ ያይቆኦቤ ላኣባ ኮራ፡- «ኔ ታኣም ጌዔ ለዓ ኩሚሣር ናዎ ኔኤኮ ታኣም ዲንጌ» ጌዔኔ። 22 ዩያር ላኣባ ዔፒ ኬሊ ማንሣ፣ ሙኡዚና ዑሺና ጊኢጊሻዎ ኮይላ ዓኣ ዓሺና ቢያ ዔኤሌኔ። 23 ጋዓንቲ ሳዓ ዓማዛ ላኣባ ራኣሄሎ ዲንጎ ሃሻዎ ያይቆኦቤም ሊያ ዲንጋዛ ያይቆኦቤ ዲዛ ዔኩኔ፤

24 ላኣባ ዲዛኮ ዚሊፓ ጎዎ ማዳ ማዳ ላኣሌሎ ሊያም ማዳንዳጉዲ ዲንጌኔ። 25 ያይቆኦቤ ዲዛ ዔራዎዎ ዎላ ዎርቂ ዚር ጉቲሎ ሊያ ማዔሣ ዔራዎ ላኣባ ኮራ ዴንዲ፡- «ሃይ ኔ ታኣም ማዳ ባካ ዓይጎደይ? ታ ኔኤም ማዳሣ ራኣሄሎ ዔካኒቱዎዳ? ሂዳዎ ኔ ታና ዓይጋ ጌሹይ?» ጌዔኔ።

26 ላኣባ ዲማና፡- «ሚሻ ለዑዎንቲ ጌኤዳ ለዓኒ ኑ ዓጪ ዳምቤቱዎሴ፤ 27 ሃሣ ሊያኮ ዔፖ ቦንቻ፣ ላንካዎ ኬላ ጋፓንዳኣና ካፒ፤ ዩካፓ ኔ ላንካይ ለዔ ታኣም ማዳንዳኔ ጌዔቶ ራኣሄሎ ታ ኔኤም ዲንጋንዳኔ» ጌዔኔ።

28 ያይቆኦቤ ላኣባ ጌዔሣ ኮሺኬ ጌዒ ሊያና ዎላ ዔፖኮ ቦንቻ ላንካዎ ኬሎ ዑኡቱም ዴዔሣኮ ጊንፃ፣ ላኣባ ናዎ ራኣሄሎ ያይቆኦቤም ዲንጌኔ። 29 ዩካፓ ባኣላ ጎዎ ማዳ ማዳ ላኣሊሰኩና ናዎ ራሄሎም ማዳያ ማዓንዳጉዲ ላኣባ ዲንጌኔ። 30 ያይቆኦቤ ራሄሎ ዔካዎ ሊያይዳፓ ባሽ ናሽኩኔ፤ ዩካፓ ላንካይ ለዔ ላኣባም ማዳኔ።

**ያይቆኦቤኮ ናኣቶ ሾይዎ**

31 ሊያ ራኣሄሎጉዲ ናሽኪንቲባኣሣ ናንጊና ናንጋ ጎዳ ዴንቃዎ ናይ ዲዛ ሾዓንዳጉዲ ኮሺኔ፤ ራኣሄላ ጋዓንቲ ዘኦኮ ማዔኔ፤ 32 ሊያ ጎጳዲ ዓቲንቁ ናይ ሾዓዎ፡- «ናንጊና ናንጋ ጎዳ ታኣኮ ማታሣ ዛጌኔ፤ ዓካሪ ሃይፓ ሴካ ዓኒ ታና ናሽካንዳኔ» ጌዒ ሱንፃ ናዓሣኮ ርኦቤኤሌ

\* ጌይ ጌህኔ። 33 ሃሃ ዒዛ ጎጳጳ ዓቲንቄ ናይ ሾዓዖ፣ «ታኣኒ ናሽኪንጉባኣሂ ጎዳ ዋይዜኔ፤ ሃያ ናዓሂያ ሃሃ ታኣሞ ዒንገኔ» ጋዓዖ ሱንዖ ሰሞኦኔ † ጌይ ጌህኔ። 34 ለሚ ሃሃ ጎጳጳ ዓቲንቄ ናይ ሾዒ፣ «ዓካሪ ሃይሃ ዓቲንቄ ናይ ታ ዒዛሞ ሾዒሂሮ ታ ዓኒ ታኣና ዋላ ናሹሞና ዓርቁንቴያ ማዓንዳኔ» ጋዓዖ ሱንዖ ለዊ ‡ ጌዔኔ። 35 ሃሃ ዒዛ ጎጳጳ ዓቲንቄ ናይ ሾዒ፣ «ዓካሪ ታኣኒ ናንገና ናንጋ ጎዳ ጋላታንዳኔ» ጋዓዖ ሱንዖ ዪሁዳ § ጌይ ጌህኔ። ዬካፓ ሾይፃ ዒዛኮ ዒቄኔ።

### 30

1 ራሄላ ያይቆኦም ፔቲታዖ ናይ ሾዒኒ ዳንዳዒባኣሂ ዔሬ ዋዶና ሚሾ ቁኢሬኔ፤ ዬያሮ ያይቆኦ ኮራ፡- «ናይ ታኣሞ ዒንገ፤ ሃንጎ ታ ሃይቃንዳኔ» ጌዔኔ።

2 ያይቆኦ ራሄሎ፡- «ናይ ታኔኤም ዒንገኒና ላኣጋኒ ዳንዳዒ ያኦሲ ታ ኔ ኮራ ማላ?» ጌዒ ጎሬኔ።

3 ዒዛ ማሃዖ፡- «ታኣሞ ማዳዜሎ ባኣላ ሃኣዛጌ፤ ዒዛ ታ ዛሎ ናይ ታኣሞ ሾዓንዳጉዲ ዒዛ ዔኬ፤ ዬያይዲ ዒዛ ዛሎና ታኣኒ ናይ ዒንዶ ማዓንዳኔ» ጌዔኔ። 4 ዒዛ ዬያ ጋዓዖ ባኣላ ያይቆኦም ማሾ ማሂ ዒንጋዛ፣ 5 ባኣላ ጎጳጳ ያይቆኦም ዓቲንቄ ናይ ሾዔኔ። 6 ዬካፓ ራኣሄላ፡- «ያኦሲ ታኣሞ ዋጌኔ፤ ሺኢጲዖ ታኣኮ ዋይዚ ዓቲንቄ ናይ ታኣሞ ዒንገኔ» ሂዚ ጋዓዖ ናዖኮ ሱንዖ ዳኣኔ \* ጌዒ ጌህኔ። 7 ሃሃ ራኣሄሎኮ ማዳዜላ ባኣላ ጎጳጳ ያይቆኦም ዓቲንቄ ናይ ሾዔኔ፤ 8 ራኣሄላ «ታ ሚሾና ሚርጌ ማሹንቦ ዓርቁ ዒዛ ታ ባሽኔ» ጌዒ፣ ናዖኮ ሱንዖ ኒፕታኣሌኤሜ † ጌዔኔ።

9 ሊያ ሃሃ ዒዛኮዋ ሾይፃ ዔቄሂ ዔራዖ ዒዛሞ ማዳዜሎ ዚሊፓ ያይቆኦም ማሾ ማሂ ዒንጋዛ፣ 10 ሊያም ማዳዜላ ዚሊፓ ያይቆኦም ዓቲንቄ ናይ ሾዔኔ። 11 ሊያ ዒማና፡- «ታ ዋዚጉዳ

---

\* 29:32 29:32 ሮኦቤኤሌ ጌይፃ፡- ዔብሬ ዓሶ ሙኡቸና «ሬዐቤኔ» ጌይንታያ ማዓዛ ቡሊፃ፡- «ሂዮ፤ ዓቲንቄ ናይ» ሃሃ ገንሃ «ታኣኮ ሜቶ ዛጌኔ» ጌይሂከ። † 29:33 29:33 ሲሞኦኔ ጌይፃ፡- ዔብሬ ዓሶ ሙኡቸና፡- «ዋይዜኔ» ጌይሂከ። ‡ 29:34 29:34 ለዊ ጌይፃ፡- ዔብሬ ዓሶ ሙኡቸና «ዓርቁንታንዳኔ» ጌይሂከ። § 29:35 29:35 ዪሁዳ ጌይፃ፡- ዔብሬ ዓሶ ሙኡቸና «ጋላታ» ጌይሂከ። \* 30:6 30:6 ዳኣኔ ጌይፃ፡- ዔብሬ ዓሶ ሙኡቸና «ታኣሞ ዋጌኔ» ጌይሂከ። † 30:8 30:8 ኒፕታኣሌኤሜ ጌይፃ፡- ዔብሬ ዓሶ ሙኡቸና «ናፕታሊ» ጌይሂ ማዓዛ «ማሹሞቦ» ጌይሂከ።

ባለቲና ዓኣያዳይ!» ጋዓዖ ሱንዖ ዒዛኮ ጋኣዳ ቆ ጌዒ ጌህኔ።  
12 ሊያም ማዳዘላ ዚሊፓ ያይቆኑቤም ላሚ ሜሌ ዓተቁ ናይ ሾዔኔ። 13 ሊያ ሃሃ፡- «ሚርጌ ታና ዎዛሴኔ፤ ሃይፓ ሴካ ላኣላ ቢያ ታና ዎዛዳ ላኣሌሎ» ጋዓንዳኔ» ጋዓዖ ሱንዖ ናዖኮ ዓሴኤሬ § ጌዒ ጌህኔ።

14 ዛርጋህ ጮኦር ዎዶና ያይቆኑቤኮ ናኣዚ፡ ሮኦቤኤሌ ካዮ ዓኣዳዖ ማንዳሪክሴ \* ጌይንታ ሚሂኮ ቡኒ ዳንቁ፡ ዒንዶ ሊያም ዔኪ ሙኩኔ፤ ራኣሃላ ሚሾ ሊያ ኮራ፡- «ሃዳራ ኔ ናዓ ዔኪ ሙኩ ማንዳሪክሶ ቡኖ ታኣም ዒንጌቴራ» ጌዔኔ።

15 ሊያ ማሃዮ፡- «ታኣኮ ዓኒ ኔ ሳርቴህ ዳካዛ ሃሃ ታኣኮ ናዓ ታኣም ዔኪ ሙኩ ማንዳሪክሶ ቡኖ ኔኤኒ ሳራኒ ኮዓ» ጋዓዛ፡ ራኣሃላ፡- «ኔኤኮ ናዖኮ ማንዳሪክሶ ቡኖ፤ ታኣም ዒንጌ፤ ሃኖ ዒባኒ ያይቆኑቤ ኔ ኮራ ዎርቆንጎ» ጌዔኔ።

16 ዬኖ ዎንቴሎ ያይቆኑቤ ሶኣፓፓ ማዓኣና ሊያ ጋራፓ ዒዛ ባንህ ኬሰካዮ፡- «ታኣኮ ናዖኮ ማንዳሪክሶ ቡኖና ታ ኔና ሻንቁሂር ሃኖ ዒባኒ ኔ ዎርቆንዳሂ ታኣና ዎላኬ» ዒዛም ጌዔኔ፤ ዬኖር ዒዚ ዬኖ ዎንቴሎ ዒዛና ዎላ ዎርቁ።

17 ያኦሲያ ሊያኮ ሺኢጲዖ ዎይዜሂር ሊያ ጎጳዳዖ ያይቆኑቤም ደንጋሳ ዓተንቁ ናይ ሾዔኔ። 18 ሊያ፡- «ታኣም ማዳዘሎ ታ ዓኒም ታ ዒንጊዮና ያኦሲ ታኣም ታ ማዶ ዛሎ ጨጌኔ» ጋዓዖ ሱንዖ ናዖኮ ዪሳኮኦሬ † ጌዒ ጌህኔ። 19 ሊያ ሃሃ ላሚ ጎጳዳዖ ያይቆኑቤም ላሃሳ ዓተንቁ ናይ ሾዔኔ፤ 20 ዒዛ፡- «ያኦሲ ታኣም ኮሺ ዒንጊሂ ዒንጌሂር ላሆ ዓተንቁ ናይ ታ ዒዛም ሾዔኔ፤ ዓካሪ ታ ዓኒ ታና ቦንቻንዳኔ» ጋዓዖ ሱንዖ ናዖኮ ዛብሎኦኔ † ጌዒ ጌህኔ። 21 ዬካፓ ዉዱር ናይ ሾዓዖ፡ ሱንዖ ዒዛኮ ዲኢና § ጌዒ ጌህኔ።

22 ያኦሲ ሃሃ ራኣሃሎም ማሊ፡ ሺኢጲዖ ዒዛኮ ዎይዚ ናይ ሾዓንዳጉዲ ማሃኔ። 23 ዬካፓ ዒዛ ጎጳዳዖ ዓተንቁ ናይ ሾዔኔ፤ ሾዓዖ ዒዛ፡- «ያኦሲ ዓተንቁ ናይ ታኣም ዒንጌኔ፤ ጨሽኪንቲዮ ዎ ታኣኮ

‡ 30:11 30:11 ጋኣዳ ጌይዮ፡ ዔብሬ ዓሶ ሙኡቸና «ኮሺ ባለቲ» ጌይሂከ።  
§ 30:13 30:13 ዓሴኤሬ ጌይዮ፡ ዔብሬ ዓሶ ሙኡቸና «ዓሼኤሬ» ጌይሂ ማዓዛ «ዎዛ» ጌይሂከ። \* 30:14 30:14 ማንዳሪክሴ ጌይንታ ሚጻሎኮ ቡኖ ራኣሃላ ኮዔሂ ዬኖ ዎዶና ዬኖ ሚጻሎኮ ቡኖ ላኣላ ዔኬቴ ዑሰካ ዓሲ ዓታንዳጉዲ ማሃኔ ጌይ ዓሳ ጉሙርቃሂርኬ። † 30:18 30:18 ዪሳኮኦሬ ጌይዮ፡ ዔብሬ ዓሶ ሙኡቸና «ላቢሂ ዛላ ዒንጎ ባኣዚ ጌይሂከ። ‡ 30:20 30:20 ዛብሎኦኔ ጌይዮ፡ ዔብሬ ዓሶ ሙኡቸና «ቦንቻሂ» ጌይሂከ። § 30:21 30:21 ዲኢና ጌይዮ፡ ዔብሬ ዓሶ ሙኡቸና «ዎጌኔ» ጌይሂከ።

ዓይሴኔ፥ 24 ሃሃ ማሌ ዓቲንቁ ናይያ ታኣሞ ዒንጎንጎ» ጋዓ፥ ሱንፆ ዒዛኮ ዮሴፕ \* ጌዒ ጌህኔ።

ያይቆኦሴ ማዶ ዛሎሮ ዒዛሞ ዒንጎ ባኮ ዛላ ላኣባና ሞላ ማርሚህ

25 ራኣሄላ ዮሴፕ ጎፆ ናዓሂ ሾዔሂኮ ጊንፃ ያይቆኦሴ ላኣባ ኮራ፡- «ታ ሾይንቲ ዓጮ ማዓንዳጉዲ ታና ዳኬ፤ 26 ኔኤሞ ማዲ ታ ዳንቁ ላኣሎንሂና ናኣቶንሂና ታኣሞ ዒንጌ፤ ሞያይዲ ታ ኔኤሞ ማዴቴያ ኔ ዔራኔ» ጌዔኔ።

27 ላኣባ ዒማና፡- «ኔ ዛሎና ናንጊና ናንጋ ጎዲ ታና ዓንጃሂ ዲማ ጎይሂና ታ ዔራሂ ታ ኔኤሞ ኬኤዛኒ ኮዓኔ፤ 28 ኔኤሞ ኮይሳሂጉዲያ ታኣሞ ኬኤዜ ታ ኔኤሞ ጨጋንዳኔ» ጌዔኔ።

29 ያይቆኦሴ ዒዛሞ፡- «ሞያይዲ ታ ኔኤሞ ማዴቶ፥ ሃሃ ቆልማ ኔኤኮ ታ ሄንቁያና ሞኣዲ ሚርጌቶፍ ኔ ዔራኔ፤ 30 ታ ሙኩሞንቲ ቤርታ ኔኤኮ ዓኣ ዳኮ ቆልሞንሂ ሃሂ ኮሺ ሚርጌኔ፥ ታ ሄሌ ቤዘይዳ ቢያ ናንጊና ናንጋ ጎዲ ዓንጃ ኔኤሞ ዒንጌ፤ ማይ ሃይፓ ሴካ ታ ማኣሮ ዓሶሞ ማዓ ባኣዚ ታ ዳንቃንዳያ ኮይሳኔ» ጌዔኔ።

31 ላኣባ፡- «ሂዴቶ ዓይጎ ታ ኔኤሞ ጨጎንዳይ?» ጌዒ ዒዛ ያኦጫዛ፥ ያይቆኦሴ ሂዚ ጌዔኔ፡- «ታ ኔኤሞ ጋዓ ፔቲ ባኣዚሰከማ ሌሊ ኔ ታኣሞ ማዴቶ ቆልሞ ታ ኔኤኮ ሄንቁያ ሃሻዓኬ፤ 32 ዬና ዓይጎዳይ ጌዔቶ ሃኖ ታ ኔኤኮ ቆልሞ ባኣኮ ዓኣዳፆ ፆዳሎና ቦርጮ ሞኣሮና ካርያ ማራቶና ቁሪ ዲማሳንዳኔ፤ ዔያታኣ ታ ኔኤሞ ማዴሂ ዛሎ ታኣሞ ማዓንዳኔ፤ † 33 ዬያይዲ ታኣኮ ጎኑሞና ጉሙርቁንቲያና ሴካ ቤርታ ዔርታንዳኔ፤ ታ ኔኤሞ ማዴ ዛሎ ኔ ታኣሞ ዒንጊ ሙካ ሞዶና ፆዳላ ማዒባኣያና ቦርጫ ማዒባኣ ሞኣሪ ኔ ዳንቁቴ፥ ዬያጉዲ ሃሃ ካርሂ ማዒባኣ ማራይ ኔ ዳንቁቴ ዉኡቁንቲያታሂ ኔ ዔራኒ ዳንዳዓኔ።»

34 ላኣባ፡- «ዔኤዔ ኔ ጌዔሂ ኮሺኬ» ጌዔኔ። 35 ጋዓንቲ ዬኖ ኬሎና ላኣባ ጎኦሾ፡ ሃሃ ቦርጫ ማዔ ኮላቶና ቦኦሬ ፆዳላ ማዔ ሞኣሮ ዒንዶ ቢያ ኬሴኔ፤ ዬያጉዲ ሃሃ ካርሂ ማዔ ማራይ ቢያ ዲማሲ ዓቲንቆ ናኣቶና ሄንቁሴ። 36 ዬካፓ ላኣባ ቆልሞ ዒሺ ሃይሃ ኬሊ ጎይሂ ማዓያ ያይቆኦሴይዳፓ ሃኪ ዓኣዳኔ፤ ያይቆኦሴ ጋዓንቲ ላኣባኮ ዓቲ ቆልሞ ሄንቁያ ዓርቁ።

37 ያይቆኦሴ ዒማና ሊቤንጎታ ሌውዜንጎታ ዔርሞኔ ጌይንጎ ሚሂ ማሊባኣያ፥ ዓኣዔ ኮኣሎ ዔካፆ ኮኣሎንሂኮ ጋሮይዳ ቦኦሬሂ

\* 30:24 30:24 ዮሴፕ ጌይፆ፡ ዔብሬ ዓሶ ሙኡቕና «ታኣሞ ቃሶንጎ፤ ሃሃ ጊንሃ «ታጊዳፓ ሸኢሸኔ» ጌይሂኬ። † 30:32 30:32 ዬኖ ሃራኔ ዓጮይዳ ፆዳላና ቦርጫ ሞኣሪና ሃሃ ካርሂ ማራይና ዓኣያቲሞሴ።

ጴዳንዳጉዲ ቦርጫሲ ቁኡር ጴዳኔ። 38 ዩካፓ ቆልማ ዋኣዎ ዑሽካኒ ሙካኣና ቤርታ ቤርታ ዔያቶም ጴዳንዳጉዲ ዋኣዎ ዑሽ ጎንጋሎይዳ ጌሄኔ፤ ዓይጎር ጌዔቶ ቆልማ ዋኣዎ ዑሽካኒ ሙካ ዎዶና ቤኤሊንታያ ማዔሢርኩ። 39 ዬያር ቆልማ ቤኤሊንታኣና ቦርጫሶና ኮኦሎ ዛጋዎ ጎኦሾ፣ ቦርጫ ሃሃ ያዳላ ማዔ ዋናናይንታ ማራ ናይያ ሾዔኔ። 40 ያይቆኦቤ ዩንሢ ዋኣሮንሢና ማራቶንሢና ዲማሴኔ፤ ሃንጎ ዓቲ ቆልሞ ላኣባኮ ያዳሎና ካርዎ ማዔዘንሢናኮ ቤርታ ቤርታ ማሃ ዔቁሴኔ፤ ዩያይዲ ያይቆኦቤ ፔ ቆልሞ ማርጊሼኔ፣ ሃሃ ላኣባ ቆልሞይዳፓኣ ዲማሴኔ።

41 ኮሺ ማዔ ቆልሞንሢ ቤኤሊንታ ዎዶና ያይቆኦቤ ቦርጫሲንቲ ኮኦሎንሢ ዔያታ ዑሽካ ባኮኮ ቤርታ ጌሃዛ ቆልማ ዩያ ዛጋኔ። 42 ጋዓንቲ ዩንሢ ኮኦሎንሢ ላቤያ ማዔ ፑርቶ ቆልሞ ቤርታ ጌሁዋሴ፤ ዩያይዲ ላቤያ ማዔ ቆልማ ላኣባሞ ማዓዛ፣ ዶዶ ቆልማ ጋዓንቲ ያይቆኦቤም ማዔኔ። 43 ዩያይዲ ያይቆኦቤ ማርጌ ያርጎጩኔ፤ ማርጌ ቆልሞንታ ዒዛም ማዳ ላኣሊንታ ዓቲንቁንታ፣ ሃሃ ማርጌ ጋኦሎንታ ሃሬንታ ዒዛኮ ዓኣያ ማዔኔ።

# 31

## ያይቆኦቤ ላኣባ ኮራፓ ዓኣሺንቲ ቤቴሢ

1 ላኣባኮ ዓቲንቆ ናኣታ፡- «ያይቆኦቤ ኑ ዓዶ ቆልሞ ዔኬኔ፤ ሃያ ቆሎ ቢያ ዒ ዳንቁሢ ኑ ዓዶይዳፓኩ» ጌዒ ጌዒ ኬኤዛሢ ያይቆኦቤ ዋይዜኔ። 2 ሃሃ ላኣባ ዒዛ ቤርታኣሲጉዲ ናሽኩዋኣሢ ዒ ዔሬኔ። 3 ዒማና ናንጊና ናንጋ ጎዳ ያይቆኦቤም፡- «ኔ ዓዶንሢ ኔ ዒጊኖና ዓጮ ባንሢ ማዒ ዳንዴ፤ ታኣኒያ ኔኤና ዎላ ማዓንዳኔ» ጌዔኔ።

4 ዩያር ያይቆኦቤ ቆልማ ሄንቃ ቦኦሎ ባንሢ ሙካንዳጉዲ ዒዛኮ ላኣሎ ራኣሄሎና ሊያና ዔኤሊሴኔ፤ 5 ዔያታ ሙካዛ ዒ ሂዚ ዔያቶም ጌዔኔ፡- «ዒንሢኮ ዓዴ ማናኣሲጉዲ ታና ናሽኩዋኣሢ ታ ዔሬኔ፤ ጋዓንቲ ታ ዓዶኮ ያኦዛሢ ታኣና ዎላ ዓኣኔ፤ 6 ዎልቆ ታኣሲ ማጩንቲዎዎ ዒንሢኮ ዓዶም ታ ዶዲ ማዳሢ ዒንሢያ ዔሬኔ፤ 7 ዒዚ ጋዓንቲ ታ ዒዛም ማዳ ዛሎ ዒንጎ ባኮ ቤዛ ቤዛ ላኣሚ ላኣሚ ታጶ ማይንቲ ታና ጌሼኔ፤ ማዔቶዎ ዒ ታጊዳ ፑርታ ማዳንዳጉዲ ያኦሲ ዓይሢባኣሴ፤ 8 ላኣባ ታኣም ሪዳሎ ቆልማ ቢያ ኔ ማዳሢ ዛሎ፣ ኔኤም ማዶንጎ ጌዔ ዎዶና፣ ቆልማ ቢያ ያዳላ ሾዔኔ፤ ሃሃ ጊንሢ ማሊያ ሺርሺ ሪኦሾ ቆልማ ቢያ ኔ ማዳሢ ዛሎ፣ ኔኤም ማዶንጎ ጋዓዛ፣ ቆልማ ቢያ ጎኦሾ ሾዔኔ፤ ዩያይዲ ማርጌና ዒ ላኣሚ ላኣሚ ሺሬቶዎ፣ 9 ያኦሲ ዒንሢ ዓዶ፣ ላኣባኮ ቆልሞ ዩያይዲ ዔኪ ታኣም ዒንጌኔ፤ 10 ቆልማ ቤኤሊንታኒ ኮዓ ዎዶና ቆልሞኮ ዑዮ

ከሰከ ዑኡጋህ ጎኡሾ፡ ያዳላ፡ ሃሃ ቦርጫ ኮላይንታ ዓዴ ማራይንታ ማዓህሂ ዓውቲና ታ ዛጌኔ።»

11 «ዩይያ ዓውቶና ያኦሲኮ ኪኢታንቻ ታና ሃይቆኦቤ!» » ጌዒ ዔኤላዛ ታኣኒያ «ዮ!» ጌዔኔ። 12 ዩካፓ ዒዚ ታኣም ከኤዛዎ፡ «ቆልሞ ዑፃ ከሰከ ዑኡጋ ኮላቶና ዓዴ ማራቶ ያዳሎንታ ቦርጮንታ ሃሃ ጎኡሾ ማዓህሂ ዛጌ፤ ላኣባ ኔኤም ማዴ ፑርቶ ባኮ ታ ዛጌህረ ሃያ ማዴህሂ ታናከ፤ 13 ሃያኮ ቤርታ ጳቂሥህሂ ማፃም ጌዒ ዳኣቦ ኔ ዳኣቢ፡ ዛይቶ ሞሂ ሃሃ ናኣቦፍ ናኣቢ ቤዜሎ ቤኤቴኤሌይዳ ኔኤና ካኣሜ ናንገና ናንጋ ጎዳ ማዓ ያኦዛህሂ ታናከ፤ ሃህያ ሃያ ዓጮይዳፓ ዑኩና ከሰከ ኔ ሾይንቲ ዓጮ ማዒ ዴንዴ» ጌዔኔ።

14 ራኣሄሎና ሊያና ዔያቶኮ ዓኒ፡ ያይቆኦቤም፡- «ኑ ዓዴይዳፓ ኑ ዳካላንዳ ባኣዚ ዓይጌያ ባኣሴ፤ 15 ዒዚ ኑና ዛጋህሂ ፃንጎ ዓኣፒናከ፤ ቤርታ ዒ ኑና ሻንቹኔ፤ ሃሃ ኑ ዛሎ ኔ ማዲ ዔኬ ባኮፍ ቢያ ባይዜኔ፤ 16 ሃህ ያኦሲ ኑ ዓዴይዳፓ ዔኪ ኔኤም ዒንጌ ቆላ ቢያ ኑኡና ኑ ናኣቶናም ማዓህረ፡ ያኦሲ ኔና ዓይህ ባኮ ቢያ ማማዴ» ጌዔኔ።

17-18 ዩያር ያይቆኦቤ ካኣናይዳ ናንጋ ዓዴ ባንህሂ ማዒ ዓኣዳኒ ጊኢጊንቲኔ፤ ናኣቶና ላኣሎና ጋኣላህሂ ቶጊሲ ሜሶፖታሚያይዳ ዓኣዎ ዒ ዴንቄ ቆሎንታ ቆልሞፍ ቢያ ዒሺ ዓኣዴኔ። 19 ዩማና ላኣባ ማራቶኮፓፓፍ ዑፃፓ ታይዚ ዔካኒ ዓኣዴያታህረ፡ ዒዚ ባኣ ቤዛይዳ ናኣ ራኣሄላ ዒዛኮ ማኣራ ካኣሽኮ ያኦዛ ዉኡቂ ዔኪ ዓኣዴኔ። 20 ያይቆኦቤ ቤታህሂ ላኣባም ከዙዋዎ ጌሺ ዴንዴኔ፤ 21 ያይቆኦቤ ፔኤኮ ቆልሞንህሂ ዔካዎ ራኡሪና ከሰከ፡ ዔፕራዒሴ ጎዎ ዋርና ፒንቄ ጌሜሪ ሚርጌ ዓኣ፡ ጌሌዓዴ ጌይንታ ዓጮ ዓኣዴኔ።

**ያይቆኦቤ ቤቲ ዓኣዳዛ ላኣባ ጊንዎ ኮዒ ዓኣዴህ**

22 ያይቆኦቤ ዓኣሺንቲ ዓኣዴህ ላኣባ ሃይሃ ከሊኮ ጊንፃፓ ዋይዛዎ፤ 23 ፔኤኮ ዒጊናና ዋላ ያይቆኦቤ ጊንዎ ኮዒ ዓኣዴኔ፤ ለንካይ ከሊ ያይቆኦቤ ሃንቲህኮ ጊንዎ ጌሌዓዴይዳ ዒዛ ዒ ሄላኒ ዑኩኔ። 24 ዩኖ ዋንቲሎ ያኦሲ ላኣባም ዓውቲና፡- «ያይቆኦቤ ዑፃ ፑርታ ማዓቶዋ ኮሺ ፔቲ ባኣዚታዎ ኔ ጎዑዋጉዲ ኔና ዔሬ» ጌዔኔ። 25 ያይቆኦቤ ጌሌዓዴይዳ ዓፒላና ማዢ ማኣር ደቂ ዴንኪ ዴዒ ዓኣንቲ ዒ ሙኪ ሄሌኔ፤ ዩካፓ ላኣባና ዒዛኮ ዒጊናና ዔያቶኮፍ ዓፒሎ ማኣር ደቂ ዒኢካ ኮይላ ዴንከኔ።

26 ዩካፓ ላኣባ ያይቆኦቤ ኮራ፡- «ዓይጎር ኔ ታና ሃያይዲ ጌሺይ? ታ ናኣቶ ያልዚና ዴዒ ዔኪ ዓኣዳጉዲ ዓይጋ ኔ ዔኪ ዓኣዴይ? 27 ታኣም ከዙዋዎ ዓኣሺንቲ ቤቲዎና ዓይጋ ታና ኔ ጌሺይ? ዋንዴ



ኔ ታአም ከኤዜቶ ካራቤና ጎኦላና ዔኪ ኮርጊ ኮርጊ ዋዛና ታ ኔና ጎይህ ዓኣሣንዳንቴኬ። 28 ታኣኒ ታኣኮ ናኣቶንታ ናኣቶኮ ናኣቶንታ ሄርቂ ዳኩዋጉዲ ኔ ማዳህሂ ሃይ ዳቢንቴኬ፤ 29 ፑርታ ባኣዚ ታ ኔጊዳ ማዳኒ ዳንዳዓያታንቴ፤ ዋንቴ ዓውቲና ኔ ዓዶ፤ ያኣዛህ፡- ሃይቆኦቤ ዑፃ ፑርታ ማዕቶዋ ኮሺ ፔቴ ባኣዚታፃ ኔ ጎዑዋጉዲ፡ ጌቢ ታአም ላቴኔ። 30 ኔ ሸይንቴ ዓጮ ማዒ ዓኣዳኒ ማርገና ኮቢ ታጊዳፓ ኔ ፓቂንቴህ ታ ዔራኔ፤ ማዓዛ ታኣኮ ማኣራ ታ ካኣሸካ ያኦዞ ኔ ወኡቂህ ዓይጌንዳርዳይ?» ጌዔኔ።

31 ያይቆኦቤ ማሃ፡- «ኔኤኮ ናኣቶ ታ ዑፃፓ ኔ ዔካንዳያናንዳኔ ጌቢ ታ ዒጊጩህረኬ፤ 32 ጋዓንቴ ኑ ባኣካፓ ኔኤኮ ካኣሸኮ ያኦዞ ዔኪ ጴዳ ዓሲ ዓኣቶ ሃይቆንጎ፤ ሃህሂ ሃንህሂ ኑኡኮ ዒጊኖንህ ኔኤኮ ማርካ ማሂፓፓ ኔ ባኣዚ ማዕ ባኮ ቢያ ኮቢ ዔኪ» ጌዔኔ፤ ያይቆኦቤ ዬያ ጌዔህ ዒዛኮ ማቻ ራኣሄላ ዓዶኮ ካኣሸኮ ያኦዞ ወኡቂ ዔኬህ ዔሪባኣህረኬ።

33 ዬካፓ ላኣባ ያይቆኦቤንታ ሊያንታ ላምፃ ዒዞም ማዳ ላኣሎንህንታኮ ጋሮ ጌሊ ኮዔሰካፓ ፔቴታፃ ዔኤቢ ዳንቂባኣሴ፤ ጋፒንፃይዳ ራኣሄሎ ጋሮ ጌሌኔ፤ 34 ራኣሄላ ጋዓንቴ ዓዶኮ ካኣሸኮ ያኦዞ ዔኪ ጋኣላህ ቶጎ ማኢሾ ደማ ዓኣቶ ዑፃ ደዔህረ፡ ላኣባ ጋሮይዳ ዓኣ ባኮ ቢያ ኮባፃ ፔቴታፃ ዳንቂባኣሴ። 35 ዬማና ራኣሄላ ዓዶ ኮራ፡- «ኑ ዓደ! ታኣኮ ዑህ ፑርቴህረ ታ ዔቃኒ ዳንዳዒባኣሴ፤ ታና ቆፃፖ» ጌዔኔ። ዬያሮ ላኣባ ቢያ ቤዞ ኮቢ ዒዛኮ ካኣሸኮ ያኦዞ ዳንቃኒ ዳንዳዒባኣሴ።

36 ዒማና ያይቆኦቤ ላኣባ ኮራ፡- «ዓካሪ ታ ዓይጎ ፑርቴሴይ? ሂንዳ ሃያይዲ ኔ ታና ዳውሳህሂ ዓይጎ ታ ዋኑቴምዳይ? 37 ታኣኮ ማሆ ባኣካፓ ኔ ባኣዚ ኔ ዓይጎ ዳንቂይ? ኔ ዳንቂ ባኣዚ ዓኣያታቶ ኑኡኮ ዒጊኖ ቤርታ ሺኢሹ፤ ዔያታ ኔኤና ታኣናይዳፓ ፑርታህ ያናታቶዋ ኑኡም ዋጎንጎ። 38 ኔኤና ዋላ ታ ላማታሚ ሌዔ ናንጌ ዋደይዳ ማራቶና ዋኣሮና ኔኤኮ ቡሌ ዋዴ ባኣሴ፤ ኔኤኮ ቆልሞይዳፓ ፔቴ ማራናይታፃ ታ ሹኪ ሙዒ ቤቂባኣሴ፤ 39 ኔኤኮ ማራቶይዳፓ ፔቴ ቦፃ ሙዔቶ ታ ጨጎኣፓዓቴም ታ ዳቢንቴና ሙይንቴባኣሴ ጌቢ ታ ኔኤም ከኤዛኒ ኔ ቤርቶ ዔኪ ሙኪ ቤቂባኣሴ፤ ዋንታታቶዋ ሮኦራ ወኡቂንቴ ቆልሞ ዓኣቶ ኔ ታና ጨጨጊሳኔ። 40 ማርገ ዋዴና ሮኦሪ ሩኡጳና ዋንቶ ጎቃይሳ ጨኢዦና ታ ማርገ ማታዳኔ፤ ቃራ ጊንፃዋ ታ ጊንዔ ዋዴ ባኣሴ። 41 ኔኤና ዋላ ታ ዬያይዲኬ፤ ላማታም ሌፃ ዓኣህህሂ፤ ዬያ ላማታም ሌፃኮ ታጳ ያይዶ ሌፃ ኔኤኮ ናኣቶ ዔካኒ፤ ዓቴ ላሆ ሌፃንህ ታ ማዳህሂ ኔጊዳፓ ቆልሞ ዔካኒኬ፤ ያዲ ማዕቶዋ ታ ኔኤም ማዳህሂ ዛሎ ዒንጎ ባኮ ቤዛ ቤዛ ታጳ ማይንቴ ኔ ላኣሜኔ።

42 ታ ዓዲ ዩሳኣቄ ዒጊጫ ዓብራሃሜኮ ያኦዛሢ ታኣና ዎላ ማዒባኣቶ ኩቺ ጉሪ ኔ ታና ዳካንዳንቴኬ፤ ሃሢ ጋዓንቴ ታኣኮ ሜታሢና ላቢያና ዛጊ ዋንቴ ያኦሲ ኔና ዓውቶና ጎሬኔ» ሂዚ ጌዒ ዳጋዲ ጎሬንቴኔ።

**ያይቆኦቤና ላኣባና ዎላ ጫኣቄ ጫኣቄዎ**

43 ላኣባ ያይቆኦቤም፡- «ሃንሢ ኔኤኮ ላኣሎንሢ ታ ናኣቶኬ፤ ዔያቶኮ ናኣታኣ ታ ናይኬ፤ ሃይ ቆልማ ሃሢ ታኣርኬ፤ ጎኩሞምታቶ ሃይ ጴዳ ባካ ቢያ ታኣርኬ፤ ጋዓንቴ ታኣኮ ናኣቶና ዔያቶኮ ናኣቶና ዓይሳኒ ዓይጎ ባኣዚያ ታ ማዳኒ ዳንዳዒባኣሴ፤ 44 ዬያር ኔኤና ታኣና ዎላ ኑ ፑርቱዋጉዲ ጫኣቄሞ ኑ ጫኣቃንዳኔ፤ ዬያ ጫኣቄሞኮ ማርካ ማዒ ናንጋንዳጉዲ ሹቺ ኑ ቡኩሲ ኩሊ ዳኣቦ ዳኣቦም» ጌዔኔ።

45 ዬያር ያይቆኦቤ ፑኡፒ ሹቺ ዔኪ ማላታ ማዓንዳጉዲ ዳኣቦ ዳኣቤኔ። 46 ዩካፓ ዒዚ ማኣር ዓሶ ቢያ፡- «ሹቺ ቡኩሱዋቴ» ጋዓዛ፡ ዔያታ ሹጮ ቡኩሲ ኩሊሢኮ ጊንፃ ኮይላ ዴዒ ሙኡዚ ሙዔኔ። 47 ላኣባ ዬኖ ቤዜሎኮ ሱንፆ «ዪጋርሳሃዴታ»\* ጌዒ ጌሣዛ፤ ያይቆኦቤ ጊንሣ ሃሢ «ጌሌዓዴ» ጌዒ ጌሣኔ። 48 ላኣባ ዒማና፡- «ዓካሪ ሃኖ ሃይ ሹጮ ኬኤላ ኔኤና ታኣናና ባኣካ ማርካኬ» ጌዔኔ፤ ጌሌዓዴ † ጌዒ ዔኤሌንቴሢያ ዬያርኬ። 49 ላኣባ ጊንሣ፡- «ዓካሪ ሃይካፓ ኑ ዴማዳ ዎደና ያኦሲ ኔኤና ታኣና ካፖንጎ» ጌይ ዬኖ ቤዜሎኮ ሱንፆ «ሚፂጸ»‡ ጌዒ ላማሲ ጌሣኔ። 50 ላኣባ ቃሳዎ፡- «ታ ናኣቶ ኔ ሜታሴቴ፤ ሃሢ ሜሌ ላኣሊያ ኔ ዔያቶ ዑፃ ዔኬቶ፤ ታ ዔራኒ ዳንዳዒባኣታቴያ ያኦሲ ኑኡኮ ማርካታሢ ኔ ዋሊፖ።

51 ኑኡኮ ባኣኮይዳ ታ ቡኩሴ ሹጮና ዔቂሴ ዳኣቦ ሃኣዛጌ፤ 52 ታኣኒ ኔና ያላኒ፤ ኔኤኒያ ሃሢ ታና ያላኒ ሃያ ሹጮ ኩሎና ዳኣቦና ኮርሳ ያኦኪ ፔቴያኮ ዓጮ ጌሎዋጉዲ፤ ሃይ ኩሎና ሹጮንታ ጸቂሥሢም ጌዒ ጌሢንቴ ዳኣባ ኑ ባኣካ ማርካኬ። 53 ዬያ ኑ ካፑዎፆ ሃሹቶ ዓብራሃሜንታ ናኮሬንታኮ ያኦሲ፤ ዔያቶኮ ዓዳሢ ያኦሲያ ፑርታ ሜቶ ኑጊዳ ዓጎንጎ!» ጌዔኔ። ዩካፓ ዒዛኮ ዓዴ፤ ዩሳኣቄ ዒጊጫ ያኦዛሢ ሱንፆና ዬያ ቢያ ካፓኒ ያይቆኦቤ ጫኣቄኔ። 54 ዬኖ ዲኮ ዑያይዳ ያይቆኦቤ ያኦሲም ማቺ ዒንጎ ባኮ ዒንጊ ካሽኬኔ፤ ሃሢ ጊንሣ ዓሶ ቢያ ሙኡዚ ሙዓንዳጉዲ ዔኤሌኔ፤ ዓሳ ሙዔሢኮ ጊንፃ ዬኖ ዋንቴሎ ዒኢካ ዎርቄኔ። 55 ዚር ጉቴሎ ላኣባ ጉቴ ዓሚ ዔቃፆ

\* 31:47 31:47 ዪጋርሳሃዴታ ጌይ፡- ዓራሜ ሙኡቺና «ማርካ ኬኤሌ» ሃሢ ጊንሣ «ማርካ ዳኣቦ» ጌይሢኬ። † 31:48 31:48 ጌሌዓዴ ጌይ፡- ዓብሬ ዓሶ ሙኡቺና «ማርካ ኬኤሌ» ሃሢ ጊንሣ «ማርካ ዳኣቦ» ጌይሢኬ። ‡ 31:49 31:49 ሚፂጸ ጌይ፡- ዓብሬ ዓሶ ሙኡቺና «ሴኤላ» ጌይሢኬ።

ናኣቶና ዒዛኮ ናኣቶኮ ናኣቶና ሄርቁ፣ ዓንጂ ኮሺ ዴዑዋቴ ጌዔሰካፓ ፔ ማኣሪ ማዒ ዓኣጳኔ።

### 32

#### ያይቆኦቤኮ ዔኤሳዎና ዎላ ካአሚዮር ገእጊንቶ

1 ያይቆኦቤ ጎይዖ ዓኣጳጳይዳ ዓኣንቴ ያኣሲኮ ከኢታንቻ ጎይዖ ዒዛና ካአሚኔ። 2 ዒዚ ዔያቶ ዴንቃዖ «ዖኦሲ ዴንኪ ዴዔ ቤሲ» ጌዒ ዬኖ ቤዜሎኮ ሱንዖ ማሂናይሜ \* ጌዒ ገህሄ።

3 ዬካፓ ያይቆኦቤ ዔዴአሚ ዓጮይዳ ሴዒሬ ጌይንታ ዓጮሎይዳ ናንጋ ዒዛኮ ቶይዲ ዔኤሳዎ ባንሢ ከኢታ ዓሲ ቤርታሲ ዳኬኔ፤ 4 ሂዚ ጌዒ ዒዚ ዔያቶ ዓይህኔ፣ «ታ ጎዳ፣ ዔኤሳዎም ሂዚ ጌዒ ኬኤዙዋቴ፡- ሕ ዓይላህ፣ ታኣኒ፣ ያይቆኦቤ ሃይማ ሄላንዳኣና ናንገህሂ ለኣባና ዎላ ማዔህ ታ ኔኤም ኬኤዛኒ ኮዓኔ፤ 5 ሃኣዛጌ፣ ሃህሂ ታኣኮ ሚርጌ ባይ፣ ሃሬ፣ ዎኣሪንታ ማራይንታ፤ ሃህ ዬያጉዲ ታኣም ማዶ ማዶ ዓቲንቁንታ ለኣለንታ ዓኣኔ፤ ዓካሪ ሃያ ታ ኔኤም ከኢቶ ዳካህ ኔኤና ታ ቡካኒ ኮዒኬ።»

6 ከኢቶ ዓሶንህያ ዴንዲ ሄሊ ያይቆኦቤ ባንሢ ማዒ ሙካዖ፡- «ኔ ቶይዲ ዔኤሳዎ ኮራ ኑ ዓኣጳጳ፣ ዒዚ ኔኤና ዎላ ካአሚኒ ሙከህዲ ዓኣኔ፤ ዒዛና ዎላ ያይዶ ጻኤታ ዓሲያ ሙካኔ» ጌይ ኬኤዜኔ። 7 ያይቆኦቤ ዬያ ዋይዜ ዎዶና ሚርጌ ዒጊጩ ሜታዳዖ ዒዛና ዓኣ ዓሶ ለምዖ ቤሲ ፓቁ፣ ሃህ ዬያጉዲ ማራቶንታ ዎኣሪንታ ጋኣላህንታ ቢያ ለምዖ ቤሲ ፓቁ ፓቁ ዔቁሴኔ። 8 ዬያ ዒ ማዶህ «ዔኤሳዎ ጎዖንቴ ሙከ ዛሎ ባይዜቶ፣ ፔቴ ዛላታዖ ቶላኒ ዴንዳዓኔ» ጌዒ ማለህናኬ።

9 ዬካፓ ያይቆኦቤ፡- «ታ ዓዶንህ ዓብራሃሜና ዩሳኣቁና ያኣዛህዮ! ታኣኮ ሺኢጲዖ ዋይዜ፤ ናንጊና ናንጋ ጎዳህዮ! ሕኤኮ ሸይንቶ ዓጮ፣ ኔ ዒጊኖ ባንሢ ማዒ ዴንዴ፤ ዒኣካ ታ ኔኤም ኮሺ ማዓንዳጉዲ ማሃንዳኔ» ኔ ታኣም ጌዔኔ። 10 ታና ኔኤኮ ዓይላህም ሃያ ጉዴያ ኮሹሞና ጉሙርቁንህና ኔ ዳዋኒ ኮይሱዎያታንቴኬ፤ ሃያኮ ቤርታ ዮርዳኖሴ ዎሮና ፒንቁ ታ ሙካኣና ታኣኮ ኮኣላዶ ኮኣሎማፓ ዓታዛ ፔቴታዖ ዓኣ ባኣዚ ባኣሴ፤ ሃህ ጋዓንቴ ለምዖ ቤሲ ፓቁንቴ ፃጲ ታ ዔኪ ማዔኔ። 11 ታናንታ ለኣለጎንታ ናኣቶንታ ዓይሱዎዖ ኑና ዔኤሳዎ ባይዛንዳኔ ጌዒ ታ ዒጊጫህሮ ታ ቶይዲ ዔኤሳዎይፓ ኔ ታና ዓውሳንዳጉዲ ታ ኔና ሺኢቃኔ፤ 12 ሐሺ ባኣዚ ታ ኔኤም ማዶንዳኔ፤ ዜርዖዎ ኔኤኮ ፓይዲንታኒ ዴንዳዒንቱዎ ባዘ

\* 32:2 32:2 ማሂናይሜ ጌይዖ፡- ዔብሬ ዓሶ ሙኡቲና «ለምዖ ዴንኪ ዴዖ ቤሲ» ጌይህኬ።

ዓጩ ዓኣ ማኣሻሎጉዲ ታ ሚርገሻንዳኔ» ኔ ጌዔህ ጳቂህ» ሂዚ ጌዒ ሺኢቄኔ።

13 ያይቆኦቤ ዬኖ ቤዘይዳ ዋርቂ ጉቴ ዓሚ ዔቃየ ዓኣ ባኮ ቢያይዳፓ ቶይዲ ዔኤሳዎም ዒንጋኒ ቁሪ ገኢገሺኔ፤ 14 ዬያይዲ ለምየ ዌኤታ ዋኣሪ ዒንዴና ለማታሚ ኮላይ፣ ለምየ ዌኤታ ዒንዴ ማራይና ለማታሚ ዓዴ ማራይ፣ 15 ሃይህታሚ ዳንህህ ጋኣሎ ናኣቶና ዋላ፣ ሃህ ያይዲታሚ ዒንዴ ባይና ታጳ ዚያ ጌማይ፣ ለማታሚ ዒንዴ ሃሪና ታጳ ዓዴ ሃሪና ማሂ ቁሪኔ፤ 16 ዬንህ ቆልሞንህ ቶኦኪና ቶኦኪና ዲማሳየ ዬያ ፓቂንቴ ቆልሞ ዒሻንዳጉዲ ህንቃ ናይ ጌህኔ፤ ዬንህ ህንቃዘንህም፡- «ታኣኮ ቤርታ ዓኣዲዎቴ፤ ቆልሞኮ ባኣካ ሃኬ ሃኬ ቤሲ ዓኣያ ማዓንዳጉዲ ማሂጋፓ ዒንህ ገንየ ገንየ ዓኣዲዎቴ» ጌዔኔ። 17 ቤርታ ዓኣዲ ህንቃህም፡- «ታ ቶይዲ ዔኤሳዎ ጎይፃ ዒንህና ካኣሚ «ኔ ዓንኮ ዓሲዳይ? ዋካ ኔ ዴንዳይ? ሃይ ኔ ዒሻ ቆልማ ያኦርዳይ?» ጌዒ ኔና ያኦጩያ ማዔቶ፣ 18 «ሃይ ቆልማ ኔ ዓይላህ ያይቆኦቤርኬ፤ ዒዚ ሃያ ዳኬህ ታ ጎዳ፣ ዔኤሳዎም ዒንጉዎቴ ጌዒኬ፤ ሃይሾ ዒዚ፣ ያይቆኦቤ ኦኡኮ ገንየ ሙካኔ» ጌዒ ኬኤዜ» ጌዔኔ። 19 ዬካፓ ለምዓሶና ሃይህሶና ፓቂንቴ ቤዛ ዓኣዘንህና፣ ሃህ ዓቴ ቆልሞ ህንቃዘንህም፡- «ዒንህያ ዔኤሳዎ ዴንቄቶ ዒማ ጌይ ኬኤዙዎቴ፤ 20 «ባሺ፤ ኔ ዓይላህ፣ ያይቆኦቤ ገንየ ሙኪ ሙኪ ዓኣኔ» ጌዒ ዒዛም ኬኤዙዎቴ» ጌዔኔ። ዬያ ዒዚ ጌዔህ «ታኣኒ ሄላንዳህኮ ቤርታ ታ ዒዛም ዳኬ ባኮና ዳጎ ታ ዒዛኮ ሽሚሳንዳያናንዳኔ፤ ገንፃፓ ዒዚ ታኣና ካኣማኣና ዎዛዲ ታና ጎይህ ሞኦኪ ዔካንዳኔ» ጌዒ ማሊህናኬ። 21 ዬያይዲ ዒሾም ዒንጎንዳ ባኮ ያይቆኦቤ ቤርታሲ ዳኬህኮ ገንፃ ዳንኪ ዒኣካ ዔያታ ዴዔ ቤዛ ዎርቄኔ።

**ያይቆኦቤኮ ያኦሲና ዎላ ማሹንባህ ዓርቂፃ**

22 ዬኖ ዋንቴሎ ያይቆኦቤ ዔቃየ ለምየ ዒዛኮ ማሹንህና ገንፃኣ ማሹንህ ማዔ ለምየንህንታ ዒዛኮ ታጳ ፔቶ ናኣቶዎ ዔኪ ያኣቦቄ ዎርና ፒንቄኔ። 23 ዔያቶ ዎርና ዒዚ ፒንህህኮ ገንፃ ዒዛኮ ዓኣ ሜሆ ቢያ ፒንህኔ። 24 ዒዚ ጋዓንቴ ዎር ሱካ ፔኤር ዓቴኔ፤

ዬካፓ ዬኖ ዋንቴሎ ሳዓ ካራንዳያ ሄላንዳኣና ፔቴ ዓሲ ማሹንቦ ዒዛ ዓርቃኣና ዎርቄኔ። 25 ዬይ ዓህ ያይቆኦቤ ዓጋኒ ባሺንታዎ ቶኮኮ ጉባዞ ቃኣቶ ጳርቄኔ፤ ዬማና ያይቆኦቤ ማሹምባህ ዓርቃኣና ቃኣታ ጉባዞና ካኣማ ካራፓ ቶሌኔ፤ 26 ዬካፓ ዓህ፡- «ሳዓ ካራኒ ዑኬህር

32:12 32:12 ማዢ. ማፃ 22:17።

ታና ሃሼ» ጋዓዛ፡ ያይቆኦቤ፡- «ኔ ታና ዓንጂባኣቶ ታ ኔና ሃሻዓኬ» ጌዔኔ።

27 ዓሢ ዒማና፡- «ሱንፃ ኔኤኮ ያናዳይ?» ጋዓዛ፡ ዒዚ «ሱንፃ ታኣኮ ያይቆኦቤኬ» ጌዔኔ።

28 ዓሢ ጊንሣ፡- «ሃይፓ ሴካ ኔኤኮ ሱንፃ ያይቆኦቤ ጌይንቶፓ፤ ያኦሲንታ ዓሲንታ ማሹምቦና ኔ ባሼሢረ ሱንፃ ኔኤኮ <ዒሰራዔኤሌ>† ጌይንቶንጎ» ጌዔኔ።

29 ያይቆኦቤ ዓሢ ኮራ፡- «ኔ ሱንፃ ያናዳይ?» ጋዓዛ፡ ዓሢ፡- «ኔ ታኣኮ ሱንፃ ዔራሲ ኮዓሢ ዓይጎርዳይ?» ጋዓዓ ያይቆኦቤ ዓንጃኔ። 30 ያይቆኦቤ ዒማና፡- «ያኦሲኮ ቤርታ ዔቂ ዛጌ፡ ሃይሾ ሹምፖና ታ ዓኣኔ» ጌዒ ዩያይዳፓ ዔቂያና ዩኖ ቤዜሎኮ ሱንፃ «ጲኢኒዔኤሌ»‡ ጌዒ ጌህኔ። 31 ያይቆኦቤ ጲኢኒዔኤሌፓ ዓቂ ዓኣዳኣና ዓባ ያርቄኔ፤ ዩማና ጉባዛ ዒዛኮ ጳርቄንቴሢረ ዒዚ ዋካልቃኔ። 32 ዩያሮ ዒሰራዔኤሌ ዓሳ ሃኖ ሄላንዳኣና ቆልሞኮ ጉባዛ ካኣማ ካራ ዓኣ ቃኣቶ ዓሽኮ ሙዑዋሴ፤ ዓይጎር ጌዔቶ ያይቆኦቤ ዓሢና ዋላ ማሹንባሢ ዓርቃኣና ዓሢ ዒዛኮ ጉባዛ ጳርቄሢረኬ።

### 33

#### ያይቆኦቤኮ ዔኤሳዎና ዋላ ካኣሚያ

1 ያይቆኦቤ ሃኬና ዔኤሳዎ ያይዶ ጄኤታ ዓሲና ዋላ ሙካሢ ዴንቃዎ ፔኤኮ ናኣቶ ዛሎ ሊያና ዋላ፡ ዛሎ ራኣሄሎና ዋላ ሃሣ ዓቴዘንሢ ለምዎ ዒዛኮ ማዶ ማዳ ላኣሎንሢና ዋላ ማሃ ፓቄኔ።

2 ቤርታሲ ለምዎ ዒዛኮ ጊንፃኣ ማሹንሢና ዔያቶኮ ናኣቶና ዳኬኔ፤ ሄሊሲ ሊያና ዒዞ ናኣቶና ዳኬኔ፤ ሃይሣሲ ራኣሄሎና ናኣዚ ዮሴፔና ቢያፓ ጊንፃ ሙካንዳጉዲ ማሃዎ፡ 3 ዒዚ ቢያሢኮ ቤርታ ዓኣዲ ቶይዲ ዔኤሳዎ ኮይላ ዑካዎ፡ ሳዎ ባንሢ ሄርኪ ጌዒ ላንካይ ማይንቴ ዚጊ ቦንሹ ዔኤሊሢ ዔኤሌኔ፤ 4 ዔኤሳዎ ጋዓንቴ ዒዛና ካኣማኒ ዒዛ ባንሢ ጳሽካዎ፡ ባቃኖ ፔ ኩጮና ማሪ ዓርቄ ሄርቄንታዎ ለምዎንሢ ዋዛፓ ዔቂያና ዩኤኬኔ፤ 5 ዔኤሳዎ ያይቆኦቤኮ ጊንፃ ሙካ ላኣሎና ናኣቶና ዴንቄ ዎዶና፡- «ሃንሢ ኔኤና ዋላ ዓኣዘንሢ ዓይጎ ዓሲዳዎ?» ጌዒ ያኦጫዛ፡ ያይቆኦቤ ማሃዎ፡- «ታ ጎዳሢየ! ሃንሢ ያኦሲ ፔ ኮሹሞና ታኣም ዒንጌ ታ ናኣቶኬ» ጌዔኔ። 6 ዩካፓ

32:26 32:26 ሆሴ. 12:3-4። † 32:28 32:28 ዒሰራዔኤሌ ጌይፃ፡- ዔብሬ ዓሶ ሙኡቹና «ያኦሲና ዋላ ማሹምቦ ዓርቃያ» ጌይሢኬ። 32:28 32:28 ማኸ. ማፃ 35:10። 32:29 32:29 ሱኡጎ. ማፃ 13:7-18። ‡ 32:30 32:30 ጲኢኒዔኤሌ ጌይፃ፡- ዔብሬ ዓሶ ሙኡቹና «ያኦሲ ዓኣፒ ካራ» ጌይሢኬ።

ያይቆኑቤኮ ጊንፃኣ ማቸንሢ ዒያቶኮ ናኣቶና ዋላ ሙኪ ዒዛ ቦንቸ ዒኤሊሢ ዒኤሌኔ። 7 ሃሣ ሊያና ዒዛኮ ናኣቶና፤ ጋፒንፃ ዮሴፔና ራኣሂሎና ዋላ ሙኪ ቦንቸ ዒኤሊሢ ዒኤሌኔ።

8 ዒኤሳዎ ያይቆኑቤ ኮራ፡- «ቤርታ ቤርታ ዒሺንቲ ዓኣዳንቴ ታ ዛጌ ቆልማ ዓይጎዳይ?» ጌዒኔ።

ያይቆኑቤ ማሃዮ፡- «ታ ጎዳሢዮ! ዬይ ኔኤና ዋላ ቡካኒ ኔኤም ታ ዳኬያኬ» ጌዒኔ።

9 ዒኤሳዎ ጊንሣ፡- «ታ ጌኤዛሢዮ! ታኣም ጊዳ ቆሎ ዓኣኔ፤ ኔኤሲ ኔኤም ማዖንጎ» ጌዒኔ።

10 ያይቆኑቤ ጋዓንቴ፡- «ያዲ ማዖፓ፤ ጎኔና ኔ ታና ናሽካቶ ሃዳራ ታ ኔኤም ዒንጋ ባኮ ዒኬ፤ ኔ ታና ናሹሞና ዛጌሢሮ፤ ኔ ዓኣፖ ካሮ ዛጊዖ ፆኦሲ ዓኣፒ ካራ ዛጋያ ማሂ ታ ፓይዳኔ። 11 ዬያሮ ሃዳራ ሃያ ታ ኔኤም ዒንጌሢ ዒኬ፤ ፆኦሲ ፔ ኮሹሞና ታኣም ኮይሳ ባኣዚ ቢያ ዒንጌኔ» ጋዓዖ ያይቆኑቤ ዒዚ ዒንጋ ባኮ ዒኤሳዎ ዒካንዳጉዲ ዒናፓ ሺኢቁሢሮ ዒኤሳዎ ዒኬኔ።

12 ዒኤሳዎ፡- «ዓካሪ፤ ሂንዳ ቢሩዋቴ፤ ጋዓንቴ ታ ኔኤኮ ቤርታ ዓኣዳንዳኔ» ጌዒኔ።

13 ዬካፓ ያይቆኑቤ፡- «ናኣታ ላባያታሢ ታ ጎዳሢዮ ኔ ዒራኔ፤ ዳንሢሣ ቆልሞንታ ዋናናኣቶንታ፤ ሃሣ ናኣሪ ናኣቶ ዛሎ ማላንዳያ ታና ኮይሳኔ፤ ፔቴ ኬሊታዖ ሩኡሪና ጉኡዲ ዒያቶ ዒሸናቶ ቆልማ ቢያ ኩዳንዳኔ። 14 ዬያሮ ሃዳራ ታ ጎዳሢዮ ኔኤኒ ቤርታዲ ዓኣዳ፤ ታኣኒያ ጊንፃ ኔኤኮ ታሢ ታሢ ሙካንዳኔ፤ ቆልሞና ናኣቶና ዙንሢ ዒኬ ሰዒራይዳ ኑ ዋላ ካኣማንዳኔ» ጌዒኔ።

15 ዒኤሳዎ ያይቆኑቤም፡- «ሂዴቶ፤ ታኣና ዋላ ዓኣ ዓሶይዳፓ ዳካ ዓሲ ኔ ኮራ ታ ዓይሳንዳኔ» ጌዒኔ።

ያይቆኑቤ ጋዓንቴ፡- «ታ ጎዳሢዮ፤ ኔኤና ዋላ ታ ቡኬያፓዓቴም ማሌ ዓይጌያ ታኣም ኮይሱሞሌ» ጌዒኔ። 16 ዬያሮ ዒኤሳዎ ዬኖ ኬሎና ጎይፆ ኬሰኪ ሰዒራ ማዒ ዓኣዳኔ። 17 ያይቆኑቤ ጋዓንቴ ሱኮቴ ጌይንታ ቤሲ ዓኣዳዖ ዒኢካ ፔኤኮ ማኣሪ ማዢ፤ ባኣቶኮዎ ባርታ ዲርቄኔ፤ ዬያሮ ዬኖ ቤዜሎኮ ሱንፃ ሱኮቴ \* ጌይንቴኔ።

18 ሜሶፖታሚያይዳፓ ያይቆኑቤ ካኣናኔ ዓጮ ማዒ ዓኣዳዖ፤ ሴኬሜ ጌይንታ ካታሜሎ ኮሺና ሄሌኔ፤ ዒኢካ ካታሞኮ ቤርቶ ዛሎና ዓኣ ቡሎጊደይዳ ዲንኪ ዴዒኔ። 19 ዒዚ ናንጎሮ ዓፒላፓ ማዢና ማኣሮ ዶቄ ቤዞ ሴኬሜ ዓዶ፤ ሃሞሬ ማኣሮ ዜርዖይዳፓ

\* 33:17 33:17 ሱኮቴ ጌይፃ፡- ዒብራ ዓሶ ሙኡቸና «ዛምፖ ማኣሪ» ጌይሢኬ።

ጭታ ሹቺ ቢራና ተዓ ሻንቄኔ፤ 20 ዒኢካ ዒዚ ያኦሲም ዒንጎ ባኣዚ ዒንጎንዶ ቤሲ ሹቺና ኮሻዎ «ዒሰራዔኤሌ ያኦሲ ማዔ ናንገና ናንገ ጎዳ» ጌዒ ዩኖኮ ሱንዖ ጌሄኔ።

# 34

## ያይቆኦቤ ናዎ ዲኢናኮ ዓሲና ዓርቁንቲዎ

1 ፔቴ ኬሊ ሊያ ያይቆኦቤም ሾዔ ዲኢና ጌይንታ ወዲሮ ናዔላ ዔያታ ናንገ ካኣናኔ ዓጮይዳ ዓኣ ላኣሎ ዛጋኒ ኬሰከኔ፤ 2 ዩኖ ዓጮ ሱኡጋሢ፣ ሂዋዌ ዓጮ ዓሢ፣ ሃሞሬ ናኣዚ፣ ሴኬሜ ዒዞ ዴንቃዎ ዎልቁና ዓርቁኔ፤ 3 ዒዞኮ ሚዛጰማፓ ዔቁያና ዒዞ ዒ ኮሺ ናሽኬኔ፤ ዩያሮ ናዔላ ዒዛ ናሽካንዳጉዲ ናሹሞ ዑኡሲና ጌሺሢ ሃይሴ ዒ ጌሰቲኔ። 4 ዩካፓ ዒዚ ፔ ዓዶ ኮራ፡- «ሃኖ ናዔሎታ ዔኮሞ» ጌዔኔ።

5 ያይቆኦቤ ፔኤኮ ናዎ ዲኢና ዓሲ ዎልቁና ዓርቁሢ ዎይዜኔ፤ ጋዓንቲ ዒዞኮ ጌርሲንሢ ቆልሞና ሶኣፔሢሮ ዔያታ ማዓንዳያ ሄላንዳኣና ዚቲዮ ጌዒ ካፔኔ፤ 6 ዩካፓ ሴኬሜኮ ዓዴ ሃሞሬ ያይቆኦቤና ጌሰታኒ ሙከኔ፤ 7 ዒማ ኬሎና ያይቆኦቤኮ ናኣታ ባኣቶ ሄንፃፓ ሙካዎ ማዲንቲ ባኮ ዎይዚ ሚርጌ ዲቃቲኔ፤ ሴኬሜ ያይቆኦቤኮ ናዎ ዓርቁያና ዒሰራዔኤሌ ዴሮ ዳውሲሴሢሮ ሚርጌና ዔያታ ዳጋይኔ፤ ዓይጎሮ ጌዔቶ ዩያጉዴ ባኣዚ ማዲንታንዳያ ኮይሱዎያታሢሮከ። 8 ሃሞሬ ጋዓንቲ ዔያቶ ኮራ፡- «ታ ናዓሢ፣ ሴኬሜ ዒንሢኮ ናዔሎ ሚርጌና ናሽኬሢሮ ዒዛም ዒንጉዎቲራ፤ 9 ኑቤና ኑኡና ዒንሢናኮ ባኣካ ዔፔ ዛላና ጫኣቁሞ ኑ ጫኣቆም፤ ኑኡኒ ዒንሢኮ ወዲሮ ናኣቶ ዔኬም ዒንሢያ ኑ ወዲሮ ናኣቶ ዔኮዎቲ፤ 10 ዩያይዲ ኑ ዓጮይዳ ኑኡና ዎላ ዒንሢ ናንጋኒ ዳንዳዓኔ፤ ዒንሢ ኮዔ ቤሲ ሃንቲ፣ ኮርሞዎ ኮርሚ ኮርሚ ዖርጎጪ ናንጋኒ ዒንሢ ዳንዳዓኔ» ጌዔኔ።

11 ሴኬሜ ገንሣ ፔ ዛሎና ዲኢናኮ ዓዶና ጌርሲንሢናም፡- «ታ ማሊዎ ዒንሢ ኩንሢቶ ዒንሢ ኮዔ ባኣዚ ቢያ ታ ዒንሢም ማዳንዳኔ፤ 12 ዑኡቲሎ ዛሎ ዒንሢ ኮዒሢጉዴያ ማጋጩ ታና ያኦጩዎቲ፤ ዒዞ ታ ዔካንዳጉዲ ዒንሢ ጌዔቶ ዒንሢ ኮዔ ባኣዚ ቢያ ታ ዒንሢም ዒንጋኒ ገኢገንቲያኬ» ጌዔኔ።

13 ሴኬሜ ያይቆኦቤ ናኣቶኮ ጌር ዲኢና ዎልቁና ዓርቁሢሮ ዔያታ ሴኬሜና ዒዛኮ ዓዶ ሃሞሬናም ጌሺሢና ሂዚ ጌዒ ማሄኔ፡- 14 «ኑ ጌር ዓቲንቲ ቤርቲ ቲቁንቲባኣ ዓሲ ዔካንዳጉዲ ኑ ኮዑዎሴ፤ ያዲ

† 33:19 33:19 ጭታ ሹቺ ቢራ ጋዓዛ፡- ዩኖ ዎዶና ጭታ ማራይ ሻንቃኒ ዳንዳዓ ሚኢሺ ጉዴያኬ። 33:19 33:19 ዒያ. 24:32፤ ዮሃ. 4:5።

ማዕዳቶ ዩይ ኦኡም ፑኡፒ ዳውሲንቲኬ፤ 15 ዒዞ ኦኡኒ ኔኤም ዒንጋኒ ዳንዳዒሳ ፔቲ ጎይሢ ሌሊ ዓኣኔ፤ ዩና ዓይጎዳይ ጌዔቶ ኔናጎታ ኔ ዓጮ ዓቲንቆንታ ቢያ ኦኡዲ ዓቲንቶ ቤርቶ ቲቁንቲያ ማዕዳቶኬ።  
 16 ያዲ ማዕዳቶ ዒንሢ ኦ ዉዲር ናኣቶ፣ ኦኡኒያ ዒንሢ ዉዲር ናኣቶ ዔካንዳኔ፤ ፔቲ ዴሬ ማዕዳቶ ኦ ዋላ ናንጋንዳኔ። 17 ኦኡኮ ማሊያ ዒንሢ ዔከባኣቶ፣ ዓቲንቶ ቤርቶ ዓቲንሢ ቲቁንቲባኣቶ ኦ ጌሬሎ ኦ ዔከ ዓኣዳንዳኔ።»

18 ዩና ጌኤዞ ዔኤዒያ ጫኣቁሚላ ሃሞሬና ናኣዚ ሴኬሚናም ኮሺ ማሊ ጰዴኔ፤ 19 ሴኬሚ፣ ያይቆኦቤኮ ናሞ ሚርጌና ናሽኬሢር ጌይንቲ ባኮ ቢያ ማዳኒ ፔቲታ? ኔገባኣሴ፤ ዒዚ ፔ ዓዶ ማኣራ ሚርጌ ቦንቲንታያኬ።

20 ዩያር ሃሞሬና ናኣዚ ሴኬሚና ካታሞ ጌሎ ካራ ዓኣ ዓሳ ቡካ ቤዞ ዓኣዳያ፣ ካታሞይዳ ናንጋ ዓሶም፡- 21 «ሃንሢ ዓሶንሢ ኦኡና ዋላ ናንጋሢ ኮሹሞናኬ፤ ሃና ዓጮሎይዳ ኦኡና ዋላ ዔያታ ናንጎንጎ፤ ሃሢ ዔያታ ኮዔሢጉዲ ሃንቶንጎ፤ ሃይሾ! ዓጮሎ ኦኡና ዔያቶናም ገዳንዳያኬ፤ ዔያቶኮ ዉዲር ናኣቶ ኦ ዔኮም፤ ኦ ዉዲር ናኣቶም ኦኡኒ ዔያቶም ዒንጎም። 22 ጋዓንቲ ሃንሢ ዓሶንሢ ኦኡና ዋላ ናንጋኒና ኦኡና ዋላ ፔቲ ዴሬ ማዓኒ ኮዓሢ ኦኡኒ ዓቲንቃ ቢያ ዔያቶጉዲ ዓቲንቶ ቤርቶ ቲቁንታኒ ዔኤዔቶኬ። 23 ኦ ዩያዴቶ ዔያቶኮ ቆልማ፣ ባኣታ ሚሌ ዓኣ ባካ ቢያ ኦኡም ማዓንዳኔ፤ ዩያር ዔያቶና ዋላ ኦ ፔቲ ማዖም፤ ዔያታ ኦኡና ዋላ ናንጎንጎ» ሂዚ ጌዔኔ። 24 ካታሚሎይዳ ናንጋ ዓሳ ቢያ፤ ሃሞሬንታ ዒዛኮ ናኣዚ ሴኬሚንታ ጌዔ ማሊያ ዋይዚ ዔካያ ዓቲንቃ ቢያ ፔኤኮ ዓቲንቶ ቤርቶ ቲቁንቲኔ።

25 ሃይሢሳ ኬሎና ዓቲንቆኮ ቢያ ዓቲንቶ ቤርቶ ቲቆና ከፃ ፓፀ-ዋንቲ፣ ያይቆኦቤ ናኣቶይዳፓ ላምያ፣ ዲኢናኮ ጌርሲንሢ ሲሞኦኔና ሌዋና ፔኤኮ ጩንቻ ዓፓር ዓፓር ዓርቃያ ያኣኒያ ዔያቶ ዔሩዋንቲ ካታሞ ሳዞ ጌሊ ዓቲንቆ ቢያ ዋዴኔ። 26 ሃሞሬንታ ናኣዚ ሴኬሚያ ዓይሱሞ ዓፓርና ዋዴሢኮ ጊንፃ ጌር ዲኢና ሴኬሚ ማኣራጌሊ ዔያታ ዔከ ዓኣዴኔ። 27 ዓቲ ያይቆኦቤኮ ናኣታ ሃይቁ ዓሶ ማኣራ ጌሊ ጌሊ ዔያቶ ጌኤዴላ ዋልቁና ዓርቁንቲ ካታሚሎ ጉቤ ቡሬኔ። 28 ማራታ፣ ዋኣራ፣ ባኣታ፣ ሃራኣ፤ ዩያጉዲ ካታሞ ጋርጎታ ዙሎንታይዳ ዓሶኮ ዓኣ ባኮ ቢያ ቡሪ ዔኬኔ። 29 ላኣሎንታ ናኣቶንታ ዔያታ ዲዒ ዔከ፣ ፔቲ ፔቲ ዓሶ ማኣርይዳ ዴንቁ ቆሎ ቢያ ቡሬኔ።

30 ያይቆኦቤ ፔኤኮ ናኣቶ ሲሞኦኔና ሌዋናም፡- «ታ ዑፃ ዒንሢ ፑኡፒ ሚቶ ዔከ ሙኬኔ፤ ሃሢ ሃያ ዒንሢ ማዴሢ ዛሎና ሃና ዓጮ ናንጋ ካኣናኔ ዓሶንታ ፔርዜ ዓጮ ዓሳኣ ቢያ ታና ዒፃንዳኔ፤ ኦኡኒ



ፓይዲና ዳካ ዓሲኬ፤ ዔያታ ፔቴ ማዒ ኑና የሌቶ ታኣና ታ ማኣር ዓሲና ኑ ፓፔኔ ገይሢኬ» ገዔኔ።

31 ዔያታ ጋዓንቴ፡- «ዓይጎ ባኣዚ ማዔቶዎ ኑ ገኤዴላ ዘኦሰካ ኮኦማ ላኣሊጉዲ ዎልቄና ዓርቂንታዛ ዛገ ኑ ገባኒ ዳንዳዑዎሴ» ገዔኔ።

### 35

#### ያይቆኦቤኮ ቤኤቴኤሌ ማዒያ

1 የኦሲ ያይቆኦቤም፡- «ሃሢ ዔቂ ቤኤቴኤሌ ዓኣዲጋፓ ዒኢካ ናንገ፤ ማና ኔ ቶይዲ ዔኤሳዎይዲፓ ዓኣሺንቴ ኔ ዓኣዴያና ኔኤም ጴዴ የኦዛሢ፡ ታኣም ዒንጎ ባኣዚ ዒንገ ካኣሽኮ ቤሲ ሹቸና ዒኢካ ኮሺ» ገዔኔ።

2 ዬያር ያይቆኦቤ ዒዛኮ ማኣር ዓሲና ዒዛና ዎላ ዓኣ ዓሲናም፡- «ዒንሢ ኮራ ዓኣ ሜሌ የኦዛ ቢያ ባይዙዎቴ፤ ዒንሢያ ገኤሹዎቴ፤ ሃሢ ገኤሺ ዓፒላ ማይንቱዎቴ፤ 3 ሃካፓ ኑ ዔቂ ቤኤቴኤሌ ዓኣዳንዳኔ፤ ሃያኮ ቤርታ ታ ሜታዴ ዎዶና ታና ማኣዴሢና ታ ዓኣዴ ቤዘ ቢያይዲ ታ ኮራፓ ዲማዲባኣ የኦሲም ዒንጎ ባኣዚ ዒንገ ካኣሽኮ ቤሲ ዒኢካ ታ ኮሻንዳኔ» ገዔኔ። 4 ዬያር ዔያቶኮ ካኣሽኮ ሜሌ የኦዛ ቢያ ዔኪ ሙኪ ያይቆኦቤም ዔያታ ዒንገኔ፤ ዬያጉዲ ሃሢ ዔያቶኮ ዎዮይዲ ዓኣሦና ጉዴቻሢያ ቢያ ኬሲ ዒዛም ዒንጋዛ፤ ዒዚ ዬያ ቢያ ዓኣጎ ሴኬሜ ዓጮይዲ ዓኣ ሻኣቦ ዴማ ዲኡኬ።

5 ዬካፓ ያይቆኦቤንታ ናኣቶንታ ዬኖ ቤዘ ሃሺ ዴንዳኒ ዔቂኔ፤ የኦሲ ዬኖ ዓጮይዲ ዓኣ ዓሲ ዑፃ ዒገቹዎና ዲቃቲሢና ገልዜሢር የኦኒያ ዔያቶ ዳውሳኒ ጫርቂባኣሴ። 6 ያይቆኦቤ ዒዛና ዓኣ ዓሲና ዎላ ሎኦዛ ዴንዲ ሄሌኔ፤ ዬና ቤዜላ ቤኤቴኤሌኬ፤ ዒዛ ዓጮላ ካኣናኔይዲ ዓኣ ቤሲኬ። 7 ያይቆኦቤ ዒኢካ የኦሲም ዒንጎ ባኣዚ ዒንገ ካኣሽኮ ቤሲ ኮሻጎ «ዔልቤኤቴኤሌ»\* ገዒ ሱንሢ ገሢኔ፤ ዓይጎር ገዔቶ ቤርታ ዒዚ ዒሹ ኮራፓ ዓኣሺንቴ ዓኣዴያና የኦሲ ዒዛና ካኣሜሢ ዬና ቤዜሎይዲ ማዒሢርኬ። 8 ዒኢካ ዒርቢቃኮ ማዴ ማዴ ዲቦራ ጎጎዛ ሃይቂኔ፤ ዒዛ ቤኤቴኤሌኮ ዓባ ኬሰኪ ገላሢኮ ደኦሎ ዘሎና ዓኣ ሻኣባሢ ዴማ ዲኡቴሢር፤ ዬይ ማፃሢ ዬኤፒ ሻኣቢ ገይንቴ። 9 ያይቆኦቤ ሜሶፖታሚያ ዓጫፓ ማዔ ዎዶና የኦሲ ዒዛም ላሚ ጴዲ ዒንጄኔ። 10 ሃሢ ገንሢ፡- «ሃሢ ሱንፃ ኔኤኮ ያይቆኦቤኬ፤ ሃካፓ ሴካ ጋዓንቴ ሱንፃ ኔኤኮ ዒሰራዔኤሌ

35:1 35:1 ማዢ. ማፃ 28:11-17። \* 35:7 35:7 ዔልቤኤቴኤሌ ገይፃ፡- ዔብራ ዓሲ ሙኦቸና «ቤኤቴኤሌ የኦሲ» ገይሢኬ።

ጌይንታንዳኔ፥ ያይቆኦቤ ጌይንቲ ኔ ዔኤሊንታዓኩ» ጌዒ፥ ያኦሲ ያይቆኦቤኮ ሱንዖ «ዒሰራዔኤሌ» ጌዒ ጌህኔ።

11 ለሚ ሃሣ ያኦሲ ያይቆኦቤም፡- «ቢያ ባኮ ዳንዳዓ ያኦዛሢ ታናኩ፤ ሚርጌ ናይ ሾዔ፤ ዜርፃኣ ኔኤኮ ሚርጎንጎ፤ ሚርጌ ዴሬኮ ዓዶ ማዔ፤ ካኣታ ኔ ዜርፃፓ ኬሰኮንጎ፤ 12 ኔ ማዖ ዓብራሃማና ኔ ዓዶ ዪሳክቆናም ታ ዒንጌ ዓጮ ኔኤም ታ ዒንጋንዳኔ፤ ሃኖ ዓጩሎ ኔኤኮ ገንፃፓ ሙካ ዜርፃም ታ ዒንጋንዳኔ» ጌዔኔ።

13 ያኦሲ ያይቆኦቤና ዎላ ጌሰታዖ ዬኖ ቤዛፓ ሌካ ዔቂ ዓኣዴኔ።

14 ያይቆኦቤ ያኦሲና ዎላ ጌሰቲ ቤዛይዳ ማላታ ማዓንዳጉዲ ሹቺ ዳኣባዖ ሹጩሎ ያኦሲም ዲማሳኒ ዎይይዳፓ ኮሾና ዑሺንታ ዛይቲያ ሹጮ ዑያይዳ ዎሃኔ፤ 15 ያይቆኦቤ ያኦሲ ዒዛና ጌሰቲ ቤዜሎኮ ሱንዖ «ቤኤቴኤሌ» ጌዒ ጌህኔ።

**ራሃሎኮ ሃይቦ**

16 ያይቆኦቤና ማእሮ ዓሶና ቤቴዔኤሌ ዓጮ ሃሺ ዓኣዴኔ፤ ዬማና ዔያታ ዔፕራታ ጎዖ ቤዜሎ ሄላኒ ዑካዛ ራኣሃሎ ሾይቺ ዓርቄኔ።

17 ሾይዖ ዒዞ ሚርጌና ሚታሴ ዎዶና ዒዞ ዓርቂ ዓኣ ላኣሌላ «ራኣሃሌ፥ ማሌ ዓቲንቄ ናይ ኔ ሾዓንዳሢሮ ዒጊጪፖ ዶዴ!» ዒዞም ጌዔኔ። 18 ዒዛ ጋዓንቲ ሃይቃኒ ሳዛ ጋሽካዖ ሃይቃንዳሢኮ ቤርታ ናዓሢኮ ሱንዖ «ቢኒዖኦኒ»† ጋዓዛ፥ ዓዳሢ ጊንሣ «ቢኢኒዓሚ»‡ ጌዔኔ።

19 ዬማፓ ቤዞማና ራኣሃላ ሃይቄ፥ ዔፕራታ ዓኣዳ ጎይዖ ዓጫ ዲኡቴኔ፤ ዬና ቤዜላ ሃኖ ቤኤቴሌሃሚ ጌይንታዞኩ። 20 ያይቆኦቤ ማቾ ራኣሃሎኮ ዲኡፖ ዑፃ ማላታ ማዓንዳጉዲ ሹቺ ዳኣቤኔ። ዬይ ዳኣባ ሃኖ ሄላንዳኣና ዬይ ራኣሃሎ ዲኡፖታሢ ዔርዛኔ። 21 ዬካፓ ያይቆኦቤ ዓኣዲ ዔዴሬ ጌይንታ ሹጮና ዳጊሲ ኮሾና ቤዞኮ ሶ ሱካ ዓፕላፓ ማዢና ማእሮ ደቂ ዒኢካ ዲንኪ ዳዔኔ።

**ያይቆኦቤ ናኣቶ (፲ዖኦሲ. ዓሃኬ 2:1-2)**

22 ያይቆኦቤ ዬኖ ዓጩሎይዳ ናንጋንቲ፥ ዒዛኮ ናኣዚ ቶይዲ ሮኦቤኤሌ ዒዛኮ ገንፃኣ ማቾ፥ ባኣላና ዎላ ላሃሢ ዒ ዎይዜኔ። ያይቆኦቤኮ ዓቲንቆ ናኣታ ታጶ ላምዖኩ። 23 ያይቆኦቤ ማቾ

---

35:10 35:10 ማዢ. ማፃ 32:28። 35:12 35:12 ማዢ. ማፃ 17:4-8።  
35:15 35:15 ማዢ. ማፃ 28:18-19። † 35:18 35:18 ቢኒዖኦኒ ጌይዖ፡- ዔብራ  
ዓሶ ሙኡቺና «ሲዮ ናዓሢ» ጌይሢኩ። ‡ 35:18 35:18 ቢኢኒዓሚ ጌይዖ፡- ዔብራ  
ዓሶ ሙኡቺና «ቢኢኒዓሚ» ጌይሢ ማዓዛ ቡሊዖ «ኮሺ ባለቲ ዓኣ ናዓሢ» ጌይሢኩ።  
35:22 35:22 ማዢ. ማፃ 49:4።

ሊያ ናኣታ፡- ቶይዳሢ ርክቤኤሌ ማዓዛ ሃንጎዋታ ሲሞኑኔ፥ ሌዌ፥ ዩሁዳ፥ ዩሳኮኔሬንታ ዛብሎኦኔንታኑ።<sup>24</sup> ራኣሄሎ ናኣታ፡- ዮሴፔና ቢኢኒዓሜናኩ።<sup>25</sup> ራኣሄሎም ማዶ ማዶ ባኣላ ናኣታ፡- ዳኣኔና ኒፕታኣሌኤሜናኩ።<sup>26</sup> ሊያም ማዶ ማዶ ዚሊፓ ጎይዜሎ ናኣታ፡- ጋኣዴና ዓሴኤሬናኩ። ዩንሢ ዓቲንቆ ናኣቶንሢ ያይቆኦ ማሰፖታሚያዳ ዓኣንቲ ሾይንቲያኩ።

**ዩሳኣቄኮ ሃይቦ**

<sup>27</sup> ያይቆኦ ኩብሮኦኔ ዓጫ፥ ሚሚሬይዳ ናንጋ ፔ ዓዶ ዩሳኣቄ ኮራ ዓኣዳኔ፤ ዩና ቤዛ ዓብራሃሚና ዩሳኣቄና ናንጌ ቤዘኩ።  
<sup>28</sup> ዩሳኣቄ ጭኦታና ሳሊታሚና ሌዔ ናንጋዎ፥<sup>29</sup> ሚርጌ ጋርቺ ሃይቃዛ ዒዛኮ ናኣታ ዔኤሳዎና ያይቆኦና ዒዛ ዲኡኩኔ።

**36**

**ዔኤሳዎ ዜርዖ**

(1ዖኦሲ. ዓሃኬ 1:34-37)

<sup>1</sup> ዔዶኦሚ ጌይንቲ ዔኤሳዎ ዜርዖኮ ሾይንቶ ሃይሳ ሃይማፓ ዴማ ዓኣሢ ጉዳያኩ፤<sup>2</sup> ዔኤሳዎ ካኣናኔ ዓጮ ላኣሎይዳፓ ላኣሊ ዔኩኔ፤ ዔያታ ሄቲ ዓሢ ዔሎኔ ጌይንታሢኮ ናዎ ዓዳ ጎይዜሎና ሂዋዌ ዜርዖሢ ጸባዖኔ ናኣዚ ዓና ጎይሢ ሾዔ ያሆሊባማ ጌይንታዜሎንታ፥<sup>3</sup> ኔባዮቲ ጌሮ ማዔ ዒሰማዔኤሌ ናዎ ባሰማቲ ጎይዘንታኩ።<sup>4</sup> ዓዳ ዔኤሳዎም ዔልፓዜ ሾዔኔ፤ ባሰማቲ ሬዑዔኤሌ ጎይሢ ሾዔኔ፤<sup>5</sup> ያሆሊባማ ሃሢ ዩዑሻኔ፥ ያዒላሚንታ ቆሬንታ ሾዔኔ። ዩንሢ ቢያ ዔኤሳዎኮ ካኣናኔ ዓጮይዳ ሾይንቲ ናኣቶኩ።

<sup>6</sup> ዩካፓ ዔኤሳዎ ፔኤኮ ላኣሎና ዓቲንቆና ዉዲሮ ናኣቶና፤ ሃሢ ዒዛኮ ማኣሮይዳ ዓኣ ዓሶ ቢያ፥ ባኣቶንታ ዓኣ ቆሎንታ ቢያ፥ ካኣናኔ ዓጮይዳ ዓኣዖ ዒ ቆሌ ባኮ ቢያ ዔኩ ጌኤዚ ያይቆኦ ኮራፓ ሃኪ ዴንዴ።<sup>7</sup> ዩያ ዒ ሃኪ ዴንዴሢ ዒዛና ጌኤዚናኮ ሚርጌ ቆሎ ዓኣሢሮ፥ ዔያታ ዴንኪ ዴዔ ዓጮላ ዔያቶ ላምዓሢም ጌዲባኣሢሮኩ፤ ላምዖንሢኮ ሚርጌ ቆልሞ ዓኣሢሮ ዎላ ዔያታ ናንጋኒ ዴንዳዒባኣኩ።<sup>8</sup> ዩያሮ ዔዶኦሚ ጌይንቲ ዔኤሳዎ ዲኮ ዓጮ ሴዒሬ ጌይንታዘይዳ ዴዔኔ።

<sup>9</sup> ዲኮ ዓጮ ሴዒሬይዳ ናንጋ ዔዶኦሚ ዓሶኮ ቤርታኣ ዓዳሢ ማዔ ዔኤሳዎ ዜርዖ ሃይፓ ዴማ ፓይዲንታዘንሢኩ፤<sup>10</sup> ዔኤሳዎ ማቾ ዓዳይዳፓ ዔልፓዜ፤ ባሰማቶይዳፓ ሬዑዔኤሌ ሾዔኔ።

35:27 35:27 ማዢ. ማፃ 13:18። 36:2 36:2 ማዢ. ማፃ 26:34። 36:3 36:3 ማዢ. ማፃ 28:9።

11 ዔልፓዜኮ ናኣታ፡- ቲማኔ፣ ያማሬ፣ ፃፖ፣ ጋዒታሜና ቁናዜንታኩ።

12 ዔኤሳዎ ናኣዚ ዔልፓዜኮ ቲዒሚና ጌይንታ ጊንፃኣ ማቐሰኪና ዓኣኔ፤ ዒዛ ዔልፓዜም ዓማሌቄ ጎዖሢ ሾዔኔ፤ ዩንሢ ሲያ ዔኤሳዎ ማቐ ዓዳኮ ናኣዚ ናኣቶኩ። 13 ሬዑዔኤሌኮ ናኣታ፡- ናሃቴ፣ ዜራሄ፣ ሻማንታ ሚዛንታኩ፤ ዩንሢ ዔኤሳዎ ማቐ ባሰማቶኮ ናኣዚ ናኣቶኩ።

14 ዓናኮ ናዎ ፃባዖኔኮ ናኣዚ ናዎ ማዔ ያሆሊባማ ዔኤሳዎም ሾዔ ናኣታ፡- ዩዑሻ፣ ያዒላሚንታ ቆራሄንታኩ።

15 ዔኤሳዎኮ ናኣዚ ቶይዲ ዔልፓዜ ማኣሮ ዓሶ ቶይዲ፡- ቲማኔ፣ ያማሬ፣ ፃፖ፣ ቁናዜ፣ 16 ቆራሄ፣ ጋዒታሚንታ ዓማሌቁንታኩ፤ ዩንሢ ዔይዳሚ ዓጮይዳ ዔልፓዜ ማኣሮ ዓሶኮ ቶይዲንሢ ማዓዛ፣ ዔያታ ዔኤሳዎ ፔ ማቐ ዓዳይዲፓ ሾዔዘንሢ።

17 ዔኤሳዎ ናኣዚ ሬዑዔኤሌ ጎዖሢ ማኣሮ ዓሶ ቶይዲ፡- ናሃቴ፣ ዛራሄ፣ ሻማንታ ሚዛንታ ማዓዛ፣ ዩንሢ ዔይዳሚ ዓጮይዳ ሬዑዔኤሌ ማኣሮ ዓሶኮ ቶይዲንሢ፤ ዔያታኣ ዔኤሳዎ ፔ ማቐ ባሰማቶይዲፓ ሾዔዘንሢ።

18 ዔኤሳዎኮ ማቐ ያሆሊባማፓ ሾይንቲ ቶይዲንሢ፡- ዩዑሼ፣ ያዒላሚንታ ቆራሄንታኩ፤ ዩንሢ ዓና ናዎ ማዔዜሎ ያሆሊባማፓ ሾይንቲ ዔኤሳዎ ዜርዖኮ ቶይዲንሢ። 19 ዩንሢ ሲያ ዔይዳሚ ጌይንቲ ዔኤሳዎ ናኣቶና ዒዛ ማኣሮኮ ቶይዲ ማዔዘንሢ።

ሴዒሬ ዜርዖ (1ዖኦሲ. ዓሃኬ 1:38-42)

20 ዔይዳሚ ዓጮይዳ ናንጋ ሴዒሬኮ ናኣቶ ማዔ ሆሬ ዓጮ ዓሶኮ ቶይዲንሢ፡- ሎፃኔ፣ ሾባሌ፣ ፃባዖኔ፣ ዓና፣ 21 ዲሾኔ፣ ዔፃሬንታ ዲሻኔንታኩ።

22 ሎፃኔ ሆሬና ሄማሚ ጎዖ ቶኦኮኮ ቤርታኣ ማዓሢኩ። ሎፃኔኮ ቲሚናዔ ጌይንታ ጌርሰኪና ዓኣኔ።

23 ሾባሌኮ ናኣታ፡- ዓሊዎኔ፣ ማናሃቴ፣ ዔባሌ፣ ሲፖና ያናሚ ጌይንታዘንሢ።

24 ፃባዖኔ ናኣታ፡- ዓያና ዓናናኬ፤ ዩይ ዓና ጎዖሢ ፔ ዓዶኮ ሃሬ ሄንቁቤቃ ዓሲ ናንጉዎ ደውሎይዳ ፃባላ ዋኣሢ ዓልቃ ቤሲ ዳንቁኔ።

25 ዓና ናኣዚ ዲሾኔ ጌይንታኔ፤ ዉዲሮ ናዔላ ያሆሊባማ ጌይንታኔ።

26 ዲሾኔ ናኣታ፡- ሄሚዳኔ፣ ዔሽባኔ፣ ሃቲራኔና ኬራኔናኩ።

27 ዔፃሬ ናኣታ፡- ቢሊሃኔ፣ ዛዒዎኔና ዓቃኔናኩ። 28 ዲሻኔ ናኣታ፡-

ዑዲና ዓራኔናኩ። 29 ሆሬ ዓጮ ዓሶኮ ቶይዳ ሃይካፓ ሊካ ፓይዲንጎተዞንሢኩ፤ ሎፃኔ፣ ሾባሌ፣ ጂባዖኔ፣ ዓና፣ 30 ዲሾኔ፣ ዔፄሬንጎታ ዲሻኔንጎታኩ፤ ዩንሢ ቢያ ሆሬ ዜርዖ ማዔ ሴዒሬ ዓጮ ቶይደንሢኩ።

ዔይደሪ ማጮ ካኣቶ  
(1ፆኦሲ. ዓሃኬ 1:43-54)

31 ዒሰራዔኤሌ ዓጮይዳ ካኣታ ካኣታዲሢ ዓርቁዋንቴ ቤርታሲ ዔይደሪ ማጮይዳ ካኣታዳ ካኣታ ሃይፓ ደማ ፓይዲንጎተዞንሢኩ፤

32 ቢዖሬ ጎዖሢኮ ናኣዚ ባኣኣኣቁ ዔይደሪ ማጮይዳ ካኣታዳ፤ ዒዚ ካኣታዳ ካታሚላ ዲኒሃባ ጌይንጎኔ።

33 ባኣኣኣቁ ሃይቁሢኮ ጊንፃ ቡዲራ ጌይንጎ ዓጪ ዓሲ ዜራሄ ጎዖሰኬያኮ ናኣዚ፣ ዮባቤ ዒዛ ቤዛ ካኣታዳ።

34 ዮባቤ ሃይቁሢኮ ጊንፃ ቴማኔ ዓጮ ዓሢ ሁሻሚ ዒዛ ቤዛ ካኣታዳ።

35 ሁሻሚ ሃይቃዛ ሚዲያሚ ዓሶ ሞዓኣቤ ቦኦይዳ ዖሎና ባሾ ባዳዳ ናኣዚ፣ ሃዲዳ ዒዛ ቤዛ ካኣታዳ፤ ዒ ካኣታዳ ካታሚላ ዓዊቴ ጌይንጎኔ።

36 ሃዲዳ ሃይቁሰካፓ ማሰሬቃ ጌይንጎ ዓጮ ዓሢ፣ ሳሚላ፣ ዒዛ ቤዛ ካኣታዳ።

37 ሳሚላ ሃይቃዛ ዋር ዓጫ ዓኣ ሪሆቦቴ ጌይንጎ ቤዜሎይዳ ሾይንቴ ሻዑሌ ዒዛ ቤዛ ካኣታዳ። 38 ሻዑሌ ሃይቁሰካፓ ዓከቦሬ ናኣዚ፣ ቤዓልሃናኔ ጎዖሢ ዒዛ ቤዛ ካኣታዳ።

39 ዓከቦሬ ናኣዚ ባዓኣሌሃናኔ ሃይቃዛ ሃዳሬ ጎዖሢ ዒዛ ቤዛ ካኣታዳ፤ ዩይ ካኣታዳ ካታሚላ ፓዑ ጌይንጎኔ፤ ማቻ ዒዛኮ ሚዛሃቤ ናኣዚ፣ ማዲሬዳ ሾዔያ ሚሃፃቤሎ ጌይንጎሰሚናኩ።

40 ሃንሢ ሃይፓ ደማ ዓኣ ዔኤሳዎ ዜርዖኮ ቶይደንሢ፣ ፔኤኮ ዜርዖ ሱንዖና ሃሃ ናንጋ ቤዛ ሱንዖና ዔኤሊንጎኔ፤ ዩያታ፡- ቴሚናዔ፣ ዓልዋ፣ ዮቴቴ፣ 41 ዖሆሊባማ፣ ዔላ፣ ፒና፣ 42 ቁናዜ፣ ቴማኔ፣ ሚቢዖሬ፣ 43 ሚግድዔኤሌና ዔራሚናኩ። ፔኤኮ ፔኤኮ ናንጎ ቤዛ ሱንዖና ዔኤሊንጎ ዔይደሪ ማጮ ዓሶ ቶይደንሢ ዩንሢኩ፤ ያዒ ማዓዛ ዔኤሳዎ ዩያቶ ዔይደሪ ማጮ ዓሶኮ ዓዲሢኩ።

### 37

ዮሴፔና ዒዛኮ ጌርሲንሢና

1 ያይቆኦ ቤያኮ ቤርታ ዒዛኮ ዓዳ ናንጌ ካኣናኔ ዓጮይዳ ናንጌ። 2 ያይቆኦ ዜርዖኮ ሃይሳ ሃይፓ ደማ ኬኤዚንጎሢ ጉዲኩ፤ ዮሴፔኮ ሌዓ ታጶ ላንካይ ሌዔ ማዔ ዋደና ዓደኮ ላኣሎ ባኣላና

ዚሊፓና ጌይንታዞንሚፓ ሾይንቴ ዒዛኮ ጌርሲንሚና ዎላ ማራይንታ ዎኣሪንታ ሄንቃኔ፤ ዒማና ጌርሲንሚ ማዳ ፑርቶ ባኮ ቢያ ዓደም ሙኪ ሙኪ ዒ ኬኤዛኔ።

3 ዒሰራዔኤሌ ሃንጎና ኣቶይዳፓ ቢያ ባሼ ዮሴፔና ሸካኔ፤ ዓይጎሮ ጌዔቶ ጋርቹዎ ዒዛ ዒ ሾዔሚሮኬ፤ ዬያሮ ሚዛጲ ኩቹና ሙካ ዓፒላ ዒዛም ሲኬኔ። 4 ጌርሲንሚ ዔያቶኮ ዓዴ ዔያቶይዳፓ ዑሣ ዓኣጳ ዮሴፔና ሸካሚ ዔራዎ ቁኢሪ ዒዛ ዒጻኔ፤ ኮሺ ዑኡሲና ዒዛና ጌሰታኒያ ዔያታ ኮዑዎሴ።

5 ፔቴ ዓቢ ዋንቴ ዮሴፔ ዓውቲ ዓውታዳዎ ጌርሲንሚም ኬኤዛዛ፤ ዔያታ ዒዛ ቤርታኣሰካፓ ባሼ ዒጻኔ። 6 ዒዚ ዔያቶም ኬኤዛዎ፡- «ታና ዓውታሴ ዓውቲ ታ ዒንሚም ኬኤዛም፤ 7 ኑ ቢያሚ ጎሺ ጋርካ ዔልዓና ኣራናርቃንቴ፤ ታና ኣራ ፒዝ ጌዒ ዔቃዛ ዒንሚና ኣራ ጋዓንቴ ታና ኣሮኮ ዓጮ ጉቤ ማንጊ ዔቃዎ፤ ሂርኪ ጌዒ ዚጋኔ» ጌዔኔ።

8 ጌርሲንሚ ማሃዎ፡- «ሂዳቶ ኔ ኦኡኮ ካኣቲ ማዒ ኦና ዎይሣኒ ማላኔ ጌይሚዳ?» ጌዒ ዎኦጮኔ። ዮሴፔ ዓውታዳ ዓውቶና ዔያቶኮ ፑርቶ ማዳዎ ዓደም ኬኤዛሚናሮ ባሼና ዔያታ ዒዛ ዒጻሚ ዓርቄኔ።

9 ዬካፓ ዮሴፔ ማላ ዓውቲ ዓውታዳዎ ጌርሲንሚም፡- «ሃሣ ታ ማላ ዓውቲ ዓውታዳኔ፤ ዓውቶና ታ ዛጌሚ ዓቢና ዓጊኒና፤ ሃሣ ታጾ ፔቴ ዞኦጌ ታኣም ሂርኪ ጌዒ ዚጋንቴኬ» ጌዒ ኬኤዛኔ።

10 ዬያ ጌርሲንሚም ዒ ኬኤዛ ዓውቶ ዓደም ኬኤዛዛ ዓዴ ዎይዛዎ፡- «ሃይ ዎዚጉዴ ዓውቲዳይ? ታናንታ ኔኡኮ ዒንደንታ፤ ሃሣ ኔ ጌርሲንሚንታ ሙኪ ኔኤም ሂርኪ ጌዒ ዚጋንዳያ ማላ?» ጌዒ ዒዛ ጎሬኔ። 11 ዮሴፔኮ ጌርሲንሚያ ዒዛ ዒናፓ ቁኢሪኔ፤ ዓዴ ጋዓንቴ ፔ ዒኖና ዓይጌ ማዓንዳቴያ ማላ ማላ ካፓኔ።

**ጌርሲንሚኮ ዮሴፔ ሻንቹዎ**

12 ፔቴ ኬሊና ዮሴፔኮ ጌርሲንሚ ዓደኮ ቆልሞ ዔኪ ሴኬሚይዳ ሄንቃኒ ዓኣጳኔ፤ 13 ዒሰራዔኤሌ ዮሴፔም፡- «ኔ ጌርሲንሚ ቆልሞ ሄንቃኒ ሴኬሚ ዔኪ ዓኣጳሚ ኔ ዔራኔ፤ ዬያሮ ሃሚ ታ ኔና ዔያቶ ኮራ ዳካኒ ኮዓኔ» ጋዓዛ፤ ዮሴፔ «ዔኤዔ፤ ታ ዴንዳንዳኔ» ጌዔኔ።

14 ዓዴ ጊንሣ ዒዛም፡- «ዓካሪ ዓኣዲጋፓ ኔ ጌርሲንሚንታ ቆልሞንታ ዓኣ ጎይዎ ዛጊ ሙኪ ታኣም ኬኤዛ» ጋዓዎ፤ ዒሰራዔኤሌ ዮሴፔ ኬብሮኦኔ ዶኦጮፓ ዳኬኔ፤ ዬካፓ ዮሴፔ ዓኣዲ ሴኬሚ ሄላዎ፤ 15 ዒኢካ ቦኦላ ዣኣሊ ዓኣንቴ ፔቴ ዓቢ ዒዛ ዴንቁ፡- «ሃይካ ኔ ዓይጎ ኮዓይ?» ጌዒ ዎኦጮኔ።

16 ዮሴፔ ማሃዎ፡- «ታ ጌርሲንሚ ታኣኒ ኮዓኔ፤ ዔያታ ቆልሞ ዔኪ ዎካ ዓኣጳቴያ ኔ ታኣም ኬኤዛንዳ?» ጌዔኔ።

37:11 37:11 ዳኪ. ማዳ 7:9።

17 ዓሢ ዒዛም፡- «ዔያታ ሃይፓ ቤቴን፤ ሐ ደኦታኑ ጎዖ ቤዜሎ ዓኣዳጎዳኔ» ዔያታ ጋዓጎቴ ታ ዋይዜኔ» ጌዔኔ። ዬካፓ ዮሴፔ ጌርሲጎሢ ዓኣዳ ጊንዖ ዓኣዳዖ ደኦታኔይዔ ዔያቶ ዳጎቄኔ።

18 ጌርሲጎሢ ዒዛ ሃኬና ዓኣጎቴ ዳጎቃዖ ዒዛ ዋዳኒ ዘርቴኔ።  
19 ዔያታ ዋሊ ኮራ፡- «ሃኣሶ ዛጉዋቴ፤ ዓውቶ ዓይ ሙከኔ፤ 20 ሃኒ ሙከዋቴ፤ ዒዛ ኑ ዋዳጋፓ ሃያ ዋኣፃባኣ ዘር ዔቶኮ ፔቴይዳ ኬኤሬሰካፓ ለፍታ ሶዖ ዒዛ ሙዔኔ» ጌዒ ሶዖ 0-ፃ ኑ ጌሣጎዳኔ፤ ዬያይዳ ዓካሪ ዒዛኮ ዓውቶ ጋፒንዖ ኑ ዛጋጎዳኔ» ጌዔኔ።

21 ቶይዲ፡ ሮኦቤኤሌ ዬያ ዔያቶኮ ፑርቶ ሃይሶ ዋይዛዖ ዔያቶይዳፓ ዒዛ ዓይሳኒ ኮዒ፡- «ሃሹዋቴ፤ ያዲ ጌይፖፕቴ፤ ኑ ዒዛ ዋዳጎኣቴ ኮሺኬ፤ 22 ዒጎሢ ዒዛ ዋዳሢዳፓ ሃይካ ሶኦላ ዓኣ ዋኣፃባኣ ዘር ዔቶይዳ ጉሪ ዓጉዋቴ» ጌዔኔ። ሮኦቤኤሌ ዬያ ጌዔሢ ዔያታ ዋዳኒ ጋዓሢዳፓ ዓይሰ፤ ዓዶ ባጎሢ ዮሴፔ ዳካኒ ማሊኬ። 23 ዮሴፔ ጌርሲጎሢ ኮራ ሙከ ሃላዛ ማዘጳ፤ ኩጮና ሙካ ማኣዔሎ ዒዛ 0-ፃፓ ዔያታ ኬሴኔ፤ 24 ዬካፓ ዔያታ ዒዛ ዓርቂ ዔኪ ዋኣፃ ባኣ ፃኣዶ ዘር ዔታ ኬኤሬኔ።

25 ያዲ ዔያታ ማዳሰካፓ ሙዖ ሙዓኒ ዳዔኔ፤ ሙዖ ዔያታ ሙዓ ጎይሣ ዓኣዖ ዒሰማዔኤሌ ዓጮኮ ኮርሞ ዓሳ ሃኬና ዬዓጎቴ ዳጎቄኔ፤ ዬያታ ኮርማሢ ዓሳ ፔኤኮ ጋኣላሢዳ ዲማ ዲማ ሙኡዚም ማዓ ሳውቃ ዳኤሻ፤ ቤላሴ ጌይጎታ ቲሺጎታ ኬርቤጎታ ጫኣኒ ጌሌዓዳ ዓጫፓ ጊብፂ ዓጮ ዓኣዳኔ።

26 ዒማና ዮሴፔኮ ዒሺ፤ ዪሁዳ ሃጎጎ ጌርሲጎሢም፡- «ኑ ጌኤዛሢ ኑ ዋዳ ሃይሶ ዒዛኮ ኑኡኒ ዓኣቶቶ ዓይጎ ኑኡም ዋኦታጎዳይ?  
27 ዒዛይዳ ኑ ሜቶ ሃሊሳሰካፓ ሃጎሢ ዒሰማዔኤሌ ዓጮ ኮርሞ ዓሶጎሢም ኑ ሻጎቶቶ ኮሺኬ፤ ዓይጎር ጌዔቶ ዒዚ ኑኡኮ ጌኤዚ ማዔሢርኬ» ጋዓ ማሊሢ ሺኣሻዛ ጌርሲጎሢ ኮሺኬ ጌዔኔ።  
28 ሚዲያሜ ዓጫፓ ማዔያ ኮርሞ ኮርማ ዓሳ ዒኣካ ሙከኔ፤ ዒሰማዔኤሌ ዓጮ ዓሶጎሢ ዬኖ ቤዘና ዓኣዳኣና ዮሴፔኮ ጌርሲጎሢ ዔታፓ ዮሴፔ ጎቶ ኬሳዖ ዬጎሢ ዒሰማዔኤሌ ዓጮ ዓሶጎሢም ለማታሚ ሹቶ ቢራም ሻጎቶኔ፤ ኮርሞ ዓሶጎሢያ ዒዛ ዔኪ ጊብፂ ዓጮ ዓኣዳኔ። \*

29 ዬካፓ ቶይዲ፡ ሮኦቤኤሌ ዔቶ ቤዘ ሙከ ዮሴፔ ባኣሢ ዛጋዖ ዬኤኪ ዓፒሎ ፔኤኮ ዳርዜኔ፤ 30 ሃጎጎ ጌርሲጎሢ ኮራ ዒ ሙከ፡-

\* 37:28 37:28 ሚዲያሜ ዓሶና ዒሰማዔኤሌ ዓሶና ጌይጎቴዘጎሢ ፔቴ ዒጎሢ ዓሶጎሢኬ (ሱኦጎ ማፃ. 8:24-26) ዛጌ። 37:28 37:28 ዳኪ. ማዶ 7:9።

«ዓካሪሾ፣ ናዓሢ ኑ ዓገ ሴዛ ባኣሴ! ማይ ታ ዎዚም ዓኣዴቴ ኮሺዳይ?» ጌዔኔ።

31 ዩካፓ ፔቴ ዋኣሪ ሹካዎ ዮሴፔኮ ዓፒሎ ሱጉያይዳ ዔያታ ዓገኔ። 32 ዩኖ ሚርጌና ሚዛጳ ዓፒሎሎ ዔኪ ዔያቶኮ ዓዶ ኮራ ዓኣዳዎ፡- «ሃኣዛገ፣ ሃይማ ኑ ዴንቁኔ፤ ኔ ናዎ ዓፒሎታቴያ ማሌታቴያ ዛጌ» ዔያታ ጌዔኔ።

33 ዓዴ ፔኤኮ ናዎ ዓፒሎታሢ ዔራዎ፡- «ጎኔ ሃይ ዒዛ ዓፒሎኬ፤ ፔቴ ፑርታ ስዎ ዒዛ ዎዴኔ፤ ታ ናዓሢ ዮሴፔ ስዎ ዳርዚ ሙዔኔ» ጋዓዎ፣ 34 ፔኤኮ ማኣዓሢ ዩኤኪ ዳርዚ፣ ሲዩ ፓቲሌያ ማይንቲ ሚርጌ ከሊ ዩኤኬኔ። 35 ዓተንቆና ዉዲሮ ናኣቶና ቢያ ዓዶ ዶዲሻኒ ሙኩኔ፤ ዒዚ ጋዓንቲ፡- «ታ ሃይቁ፣ ሃይቁ ዓሳ ዴንዳ ሴዛ ዴንዳንዳያ ሄላንዳኣና ታ ናዓሢ ዛሎ ታ ዩኤካንዳኔ» ጌዒ ዶዲያ ዒፁ፣ ናዓሢ ዛሎ ዎዩሢ ዓርቁኔ።

36 ዩማና ሚዲያማ ዓሶ ማዔዞንሢ ገብፄ ዓጮይዳ ጰዲፓራም ዮሴፔ ሻንቼኔ፤ ጰዲፓራ ገብፄ ዓጮ ካኣቲ ዴማ ማዳ ቢታንታ ዓኣ ዓሶይዳፓ ፔቴሢ ማዔያ፣ ካኣቲ ማኣሮ ካፓ ዓሶኮ ሱኡጌኬ።

# 38

## ዪሁዳና ቲዒማኣሮና

1 ዩኖ ዎዶና ዪሁዳ ጌርሲንሢዳፓ ዲማዲ ሂራ ጌይንታ ዓዲላማ ዓጮ ዓሢ ኮራ ዓኣዲ፣ ዒኢካ ናንጌኔ። 2 ዒኢካ ዒዚ ካኣናኔ ዓጮ ዓሢ፣ ሹዓኔ ጎዎሢኮ ዉዲሮ ናይሰኬኖ ዴንቃዎ ዒዞ ዔኬኔ። 3 ዒዛ ጎጳዲ ዓተንቁ ናይ ሾዔኔ፤ ሱንዎ ዓሶኮ ዔኤሬ ጌዒ ጌሢኔ። 4 ላሚ ሃሃ ጎጳዲ ዓተንቁ ናይ ሾዓ፣ ሱንዎ ዎናኣኔ ጌዒ ጌሢኔ። 5 ገንሃ ሃሃ ዓተንቁ ናይ ሾዒ፣ ሱንዎ ሹኤላ ጌዒ ጌሢኔ፤ ዩያ ናዓሢ ዒዛ ሾዔሢ ዪሁዳ ዓክዚቤ ጌይንታ ሴዞይዳ ናንጋ ዎዶናኬ።

6 ዪሁዳ፣ ፔኤኮ ናኣዚ ቶይዲ ዔኤሬም ቲዒማሮ ጎዎ ዉዲሮ ናይሰኬኖ ዴንቃዛ፣ ዔኤሬ ዒዞ ዔኬኔ፤ 7 ናንገና ናንጋ ጎዳ ዔኤሬኮ ዒና ፑርታ ማዔሢሮ ዛገ ዒዛ ዎዴኔ። 8 ዪሁዳ ፔኤኮ ናኣዚ፣ ዔኤሬኮ ጌኤዚ ዎናኣኔም «ዴንዲ፣ ኔ ዔሾ ማቾ ዔኬ፤ ዎጎ ጎይዎጉዲ ኔ ዒሾም ፃጰ ማዓ ናይ ሾዔ» ጌዔኔ። \* 9 ሾይንታ ናኣታ ዒዛም ማዑዋኣሢ ዎናኣኔ ዔራዎ ዒሾ ማቾና ላሃ ዎዶና ቢያ ጎጳሳ ዜርዎ ሳዓ ላኣላኔ። 10 ናንገና ናንጋ ጎዳ ዩይ ፑርታ ማዶ ማዔሢ ዛገሢሮ ዒዛኣ ዎዴኔ። 11 ዩካፓ ዪሁዳ ፔኤኮ ናኣዚ ማቾ ቲዒማኣሮም «ታ ናኣዚ ሹኤላ ጰሾርታንዳያ ሄላንዳኣና ኔ ዓዶ

\* 38:8 38:8 ዩኖ ዎጎ ላሚ. ዎጎ 25:5ይዳ ዛገ።



ማአሪ ዓአዲጋፓ ዓሲ ሃይቄ ለአሊ ማዒ ናንጌ» ጌዔኔ። ይያ ዒዚ ጌዔሢ ዒዛኮ ናአዚ ሃንጎ ጌርሲንሢጉዲ ሃይቃንዳኔ ጌዒ ማሊ ዒጊጩሢረኬ፤ ይያሮ ቲዒማአሪ ዓአዲ ፔኤኮ ዓዶ ማአሪ ደዔኔ።

12 ሚርጌ ሌዔ ደዔሢኮ ጊንፃ ሹዓ ጎዖሢ ናአ፣ ዪሁዳ ማቻ ሃይቄም ዪሁዳ ሲዮ ጋፒሴሢኮ ጊንፃ ፔኤኮ ለጋሢ ዓዲላአሜ ዓጮ ዓሢ ሃራና ዎላ ዒዛኮ ማራቶ ዑፃፓ ጋፓኖ ታይዛ ዓሳ ዓአ ቤዛ ቲሚና ዓጮ ዓአዳኔ። 13 ዪሁዳኮ ናአዚ ማቻ፣ ቲዒማአሮም ዓሳ፡- «ኔኤኮ ማዔ፣ ዒዛኮ ማራቶ ጋፓኖ ታይዛ ዓሳ ኮራ ቲሚና ዎታኔ» ጌዒ ኬኤዜኔ። 14 ይያሮ ቲዒማአሪ ዓሲ ሃይቄያ ማዒያ ዔርዛ ዓፒሎ ሃሺ ዓአፖ ካሮዎ ሻአሻሢ ካንቃዎ፣ ቲሚና ዓአዳ ጎይዎ ዓጩ ዔናይሜ ጎዖ ካታዎ ጌሎ ካራ ደዔኔ፤ ይያ ዒዛ ማዳሢ ዪሁዳ ናአዚ፣ ሼኤላ ጳሾርቲንቲ ዒዞ ዒዛም ዒንጋሲ ዒዞኮ ማዔ ዪሁዳ ናሽኩዎአሢ ዔራሢረኬ።

15 ዒዛ ዓአፖ ካሮ ፔኤኮ ሻአሻሢ ካንቁ ዓአንቲ ዪሁዳ ደንቃዎ፣ ዓሲባአ ዞአሰካ ኮኦማ ለአሊ ዒዛም ማላዛ፣ 16 ዒዛኮ ናአዚ ማቻታሢ ዔራዎዎ ዒዛ ጎይዎ ዓጩ ደዒ ዓአንቲ ዒዞ ባንሢ ሙካዎ፡- «ዔናአ፣ ታ ኔኤና ለሆም» ጌዒ ያኤጫዛ፣ ዒዛ፡- «ኔ ጌዔሢ ታ ኩንሢቶ ታአም ኔ ዓይጎ ዒንጋንዳይ?» ጌዔኔ፤ 17 ዒዚ ዒማና፡- «ቆልሞ ባአካፓ ዎናናይ ታ ኔኤም ዒንጋንዳኔ» ጋዓዛ፣ ዒዛ «ኮሺኬ፤ ያዲ ማዔቶዎ ዎናናዮ ኔኤኒ ዳካንዳያ ሄለንዳአና ዓይሢ ማዓ ባአዚ ታአም ዒንጌ» ጌዔኔ።

18 ዒዚ፡- «ሂዳቶ፣ ዓይሢ ማዓ ባአዚ ዓይጎ ታ ኔኤም ዒንጎንዳይ?» ጌዔኔ።

ዒዛ፡- «ኔ ሱንፆ ዔርዛ፣ ኔ ሱንፆና ዲይንቲ ዢኢራሢ፣ ቲኮ ባኮና ዎላ፤ ሃሢ ጊንሢ ኔኤኮ ኮኦሎዎ ታአም ዒንጌ» ጌዔኔ።

ይያሮ ዒዚ ዒዛ ያኤጫ ባኮ ቢያ ዒንጋዮ ዒዞና ለሄም ዒዛ ጎጳዳኔ። 19 ዪካፓ ዒዛ ሻአሻሢ ዓአፖ ካራፓ ዔኪ፣ ዓሲ ሃይቄሢ ዔርዛ ዓፒሎ ተ ማይንቲኔ።

20 ዪሁዳ ዎናናዮ ዒንጋንዳያ ሄለንዳአና ጌዒ ዓይሢ ባኮ ማሂሳኒ ዎናናዓሢ ዔኪ ዒዛኮ ለጋሢ ዓዲላሜ ዓጮ ዓሢ ዑፃ ለአሊሎም ዳኬኔ፤ ዓሢ ጋዓንቲ ለአሊሎ ደንቃኒ ዳንዳዒባአሲ። 21 ዓሢ ዒኢካ ናንጋ ዓሳ ኮራ፡- «ዔናይሜ ጌሎ ካራ ደዓ፣ ዞኦዛ ኮኦማ ለአሊላ ሃይፓ ዓንኮ ዓአዳይ?» ጌዒ ያኤጫዛ፣ ዓሳ ማሃዎ፡- «ሃያ ፐርደይዳ ይያፐዳ ዞኦሰካ ኮኦማ ለአሊ ባአሴ» ጌዔኔ። 22 ይያሮ ዓሢ ዪሁዳ ኮይላ ማዒ ሙካዎ፡- «ይዮ ለአሊሎ ታ ደንቃኒ

† 38:19 38:19 ዓሲ ሃይቄሢ ዔርዛ ዓፒሎ፡- ይዮ ዓፒሎ ማአዓ ለአላ ካአናኔ ዓሶኮ ካአሽኮ ያኦደያ ዞኦሰካ ኮኦማ ለአሊኬ ጌይንታኔ።

ዳንዳዒባኣሴ፤ ዒኢካ ናንጋ ዓሳ፡- «ዩያጉዳ ዘኣሰካ ኮኣማ ላኣሊ ሃይካ ባኣሴ» ታኣም ጌዔኔ» ጌይ ኬኤዜኔ። 23 ዪሁዳ ዒማና፡- «ታ ዒዞም ዋናናይ ዳኬንቴ፣ ኔኤኒ ዒዞ ዳንቃኒ ዳንዳዒባኣሚሮ፣ ዓሲ ኑና ሚኢጩዋጉዳ ዒዞ ዓይፆ ዔኬ ባኮንሚ ፔኤሮ ማሃ ዔዔኮንጎ» ጌዔኔ።

24 ዩካፓ ሃይሃ ዓገኒ ማዓኣና ዓሳ፡- «ኔኤኮ ናኣዚ ማቻ፣ ቲዒማኣራ ዓሲና ላሂ ጎጳዳኔ» ጌዒ ዪሁዳም ኬኤዜኔ። ዩያሮ ዪሁዳ፡- «ጉርዳፓ ዙሎ ዔኪ ኬሲ ታሚና ሚቹ ዒዞ ዎዲዎቴ» ጌዔኔ።

25 ዒዞ ዓርቁንቲ ጉርዳፓ ዙሎ ኬሰካዎ፡- «ታኣኒ ጎጳ ዔኬሚ ሃንሚ ባኮንሚኮ ዓደይዳፓኬ፤ ሃኖ ሱንፆ ዔርዛ ዠኢሬሎና ቱኮ ባኮና፣ ሃሃ ሃኖ ኮኣሌሎና ፆኣርታቴያ ዔሬ» ጌዒ ዒዞኮ ማዎ፣ ዪሁዳም ዳኬኔ።

26 ዪሁዳ ዒዞ ዳኬ ባኮንሚ ፆኣር ማዔቴያ ዔራዎ፡- «ታ ናኣዚ፣ ሹኤላም ታ ዒዞ ዒንገባኣሚሮ ዒዞ ታጊዳፓ ባሹ ፒዜ ማዔኔ» ጌዔኔ፤ ዩማፓ ላሚ ዒ ዒዞና ላሂባኣሴ።

27 ሹይፆ ኬላ ዒዞኮ ዑካዛ ጎጳ ጋራ ሜንቴ ናይ ዓኣሚ ዔርቱኔ።

28 ሹይፆ ዒዞ ዓርቁም ዒዞ ባናኣና ሜንቶ ናኣቶንሚዳፓ ፔቴሂኮ ኩጫ ቤርታ ኬሰኬም ዓርቁ ሹይዣ ላኣሌላ ዘቁፓቲሌ ናዎኮ ኩጫ ቱካዎ፡- «ሃይ ቤርታ ኬሰኬሚኬ» ጌዔኔ። 29 ጋዓንቴ ዩይ ኩጮ ገንሃ ማሃዛ፣ ጌኤዛሚ ቤርታዲ ሹይንቴኔ፤ ዓርቁ ሹይዣ ላኣሌላ፡- «ዎይቲ ኔ ኮርሳ ኬሰኬይ?» ጌዔኔ። ዩያሮ ቤርቶ ናዓሂኮ ሱንፆ፡- «ፓርሴ»፤ ጌይንቴኔ። 30 ዩካፓ ቤርታ ዘቁ ፓቲሎ ኩጫ ቱኮናሚ ሹይንታዛ፣ ሱንፆ ዒዞኮ ዛራሃ ስ ጌይንቴኔ።

# 39

## ዮሴፔና ጲዲፓራ ማቾና

1 ኮርሞ ኮርማ ዒሰማዔኤሌ ዓጮ ዓሳ ዮሴፔ ገብፆ ዔኪ ዓኣዲ ዒኢካ ገብፆ ዓጮ ካኣቲኮ ዳማ ማዒ ማዲ ዓሳይዳፓ ፔቴሂ፣ ጲዲፓራም ሻንቹኔ፤ ጲዲፓራ ገብፆ ዓጮ ካኣቲ ካፓ ዓሳኮ ሱኡገኬ። 2 ናንገና ናንጋ ጎዳ ዮሴፔና ዎላ ዓኣሚሮ ገብፆይዳ ዒዞ ዎይሃሚ ማኣራ ዒ ናንጋኣና ቢያ ባካ ዒዞም ኮሸኬኔ። 3 ናንገና ናንጋ ጎዳ ዮሴፔና ዎላ ዓኣሚና ማዶ ቢያ ዒዞም ኮሸሂ ዛጋዎ፣ 4 ዒዞ ዎይሃ

‡ 38:29 38:29 ፓርሴ ጌይፆ፡- ዔብሬ ዓሶ ሙኡቹና «ፓሬፅ» ጌይሚ ማዞ «ዎልቁና ኮርሳ ኬሰኬኔ» ጌይሂኬ። ስ 38:30 38:30 ዛራሃ ጌይፆ፡- ዔብሬ ዓሶ ሙኡቹና «ዳንኪ ዘቁ» ጌይሚ ማዓኒ ዳንዳዓያኬ። 39:2 39:2 ዳኪ ማዶ 7:9።

ጲጲፓራ ዮሴፕስ ማደና ዋዛጴኔ፤ ዬያር ፔኤኮ ዳማ ናሽኪንታ ዑኩ ማዲ ማደያ ማሂ ዒዛ ደኦሬኔ፤ ፔኤኮ ማኣር ዓሶ ዓይሣያ፣ ሃሣ ዓኣ ቆሎ ቢያ ዑፃጲ ዛጋንዳ ቢታንቶ ዒዛሞ ዒንገኔ። 5 ያጲ ማዔ ከላፓ ዓርቃዎ ናንገና ናንጋ ጎዳ ዮሴፕ ዛሎና ዬያ ገብፄ ዓሢኮ ማኣር፣ ቆሎንታ ጎዡና ዒዛኮ ዓኣ ባኮ ቢያ ዓንጃኔ። 6 ዬያር ጲጲፓራ ዓኣ ቆሎ ቢያ ዮሴፕ ቢታንቶ ዳማ ማሂኔ፤ ጲጲፓራ ዒማና ሙዎ ሙዓማፓ ዓታዛ ዓይጎሞ ዔራ ባኣዚ ባኣያ ማዒ፣ ዒዛ ዑፃ ቢያ ባኮ ሃሼኔ። ዮሴፕስ ዔጶና ማላሢያ ሚርጌ ሚዛጲያኩ። 7 ናንገቤቃ ማኣር ዓደኮ ማቻ ዮሴፕ ዛገ ላሃኒ ዓፃጲዎ፡- «ሃኒ ሙኩ፤ ኑ ዋላ ላሆሞ» ዒዛ ኮራ ጌዔኔ። 8 ዮሴፕ ጋዓንቴ ዬያ ማደኒ ኮይባኣሢር ሂዚ ዒዛሞ ጌዔኔ፡- «ታ ጎዳሢ ቢያ ባኮ ታ ወይሣንዳጉዲ ታኣሞ ዒንገኔ፤ ዒዛኮ ማኣርይዳ ዓኣ ቆሎ ቢያኮ ዓይጎሞ ዒ ዔራ ባኣዚ ባኣሴ፤ ዓኣ ባኮ ቢያ ዒዛሞ ታ ወይሣንዳጉዲ ታኣሞ ዒንገኔ። 9 ታ ጎዳሢኮ ሃይካ ማኣራ ዓኣ ቆሎ ቢያይዳ ታገዳፓ ባሼ፣ ታኣኮ ዑፃ ዓኣይ ባኣሴ፤ ኔ ሌሊ ዓታዛ ዒ ታኣሞ ዒንገባኣ ባኣዚ ዓይጌያ ባኣሴ፤ ዬይያ ኔኤኒ ዒዛኮ ማቾ ማዔሢርኩ፤ ዓካሪ ሃያጉዳ ፑርታ ጎሜ ያኣሲ ቤርታ ታ ዋዲ ማደንዳይ?» 10 ዒዛ ዬኖ ቢያ ኬሊ ጋዓንቴ ዮሴፕ ዒዛና ላሂፃ ዓቴሞ ዒዛኮ ዓጮ ሙካኒያ ኮዒባኣሴ።

11 ፔቴ ኬሊ ዮሴፕ ማደር ጋር ጌላንቴ ጋርይዳ ፔቴታዎ ሜሌ ማዳ ዓሲ ባኣያ ማዔኔ። 12 ዒማና ዒዛኮ ጎዳሢ ማቻ ዓፒሎ ዒዛኮ ማሪ ዓርቃዎ፡- «ታኣና ዋላ ላሂ» ጋዓዛ፣ ዒዚ ጋዓንቴ ዒዛኮ ዒዛ ዓርቄ ዓፒሎ ዒዛ ኩጫ ሃሺ ጋራፓ ጳሽኪ ዙሎ ኬሰኬኔ። 13 ላኣሌላ ዒማና ዓፒሎ ፔኤኮ ዒዚ ዒዛኮ ኩጫ ሃሺ ጳሽኪ ኬሰኬሢሢ ዛጌ ዋደና፣ 14 ዒዛኮ ማደ ዓሶ ዔኤላዎ ዔያቶሞ፡- «ሃኣዛጉሞቴ፤ ታ ማኣር ዓዳ ዔኪ ሙኩ ዔብሬ ዓሢ ኑና ደውሲሳኒ ታኣኒ ዓኣ ቆልዎ ጌሊ ታና ዓርቃኒ ጋዓዛ፣ ታኣኒ ጋዓንቴ ዑኡዞ ጳጊዲ ዒላቴኔ፤ 15 ታና ጌላ ጎንዳ ዓሲ ዋይዚሳኒ ታ ዒላቴሢ ዒ ዋይዛዎ ፔኤኮ ዓፒሎ ታ ኮይላ ሃሺ ጳሽኪ ኬሰኬኔ» ጌዔኔ።

16 ዮሴፕ ወይሃ፣ ማኣር ዓዳ፣ ሙካንዳያ ሄላንዳኣና ዒዛኮ ዓፒሎ ዒዛ ፔ ኮራ ዓርቄኔ። 17 ዬካፓ ማኣር ዓዳ ሙካካ ማዔ ሃይሶ ሂዚ ጌዒ ፓይዲ ፓይዲ ዒዛ ኬኤዜኔ፡- «ኔኤኒ ዔኪ ሙኩ ዔብሬ ዓሢ ታኣና ላሃኒ ታኣኒ ዓኣ ቆልዎ ጋር ጌሊ ኑና ደውሲሳኒ ጌዔንቴ፣ 18 ዓሲ ታና ዓውሳንዳጉዲ ዑኡዞ ጳጊዲ ታ ዒላታዛ ፔኤኮ ዓፒሎ ታ ኮራ ሃሺ ጳሽኪ ኬሰኬኔ።»

19 ዮሴፕ ወይሃሢ ዒዛኮ ማቻ «ኔኤኮ ማደሢ ታና ሂዳኔ» ጌዒ ዒዛሞ ኬኤዜ ሃይሶ ወይዛዎ ሚርጌና ደጋዲ፣ 20 ዮሴፕ ዔኪ ዳንዲ ካኣቲ ዓሶ ቴኪሳ ቴኤዞ ማኣሪ ጌልዚ ቴኤሴኔ። ጋዓንቴ ዮሴፕ ቴኤዞ

ማእራ ዓላ ዋደና፣ 21 ናንጊና ናንጋ ጎዳ ዒዛና ዋላ ማዒ ዒዛ ዓንጃሢሮ ቱኡዞ ማእሮኮ ሱኡጋሢ ዒዛ ማደና ዋዛደኔ። 22 ዬያሮ ቱኡዞ ዓሶ ቢያና ቱኡዞ ማእራ ማደንጎ ባኮና ቢያኮ ዑፃ ዒዛ ቢቴ ማሂ ደኦሬኔ፤ 23 ናንጊና ናንጋ ጎዳ ዮሴፔና ዋላ ማዒ ማደ ባካ ቢያ ዒዛም ኮሽካንዳጉዲ ማሂሢሮ ቱኡዞ ማእሮ ሱኡጋሢ ዮሴፔ ዋይሣ ባኮ ዛሎና ዓይጎ ማዕቶዋ ሂርጉዋሴ።

# 40

## ዮሴፔ ቱኡዞ ዓሶኮ ዓውቶ ቡሊሢ

1 ዮሴፔ ቱኡዞ ማእራ ቱኡቴ ዓላንቴ ገብጫ ዓጮ ካአቴኮ ዑዠ ዑሻ ዓሶና ካሦ ሙኡዞ ዓሶናኮ ዋእና ማዒ ማደ ላምዖ ዓሲሰከንሢ ፑርጋ ባአዚ ማደ ካአቴ ደጋሴኔ። 2 ካአቴ ዬንሢ ማደዞንሢ ዑፃ ኮሽ ደጋደኔ። 3 ዬያሮ ዮሴፔ ቱኡቴ ዓላ፣ ካፓ ዓሶኮ ሱኡጋሢ ቱኡዞ ማእራ ደኪ ዔያቶ ዒኢካ ቱኪሴኔ። 4 ቱኡዞ ማእሮ ዋይሣሢ ዬንሢ ዓሶንሢ ዔኪ ዮሴፔም ዒንጋዛ፣ ሃንጎ ቱኡዞ ዓሶና ዋላ ሚርጌ ዋዴ ዔያጎ ቱኡቴ ዴዔኔ፤ ዮሴፔያ ዔያቶም ኮይሳ ባአዚ ዒንገ ዔያቶ ማእደኔ።

5 ዬንሢ ካአቴ ማእራፓ ቱኡቴ ላምዖንሢ ቱኡዞ ማእራ ዓአዖ ፔቴ ዋንቴ ዓውቴ ዓውጎደኔ፤ ዬያቶኮ ዓውጎ ዔያጎ ዓውጎደሢ ጎይዖ ጉዴያ ዲማ ዲማ ቡሊሢ ዓአያኮ።

6 ዮሴፔ ዚሮ ጉቴሎ ዔያጎ ዓላ ጋሮ ጌሊ ላምዖንሢ ዖዶ ዴዒ ዓላንቴ ዛፓዖ፡- 7 «ዒንሢ ሃኖ ዓአፒ ካራ ቱኪሢ ዓይጎሮደይ?» ጋዓዛ፣ 8 ዔያጎ ማሃዖ፡- «ኵኡኒ ቢያሢ ዓውቴ ዓውጎደንቴ፣ ዓውቶ ኵኡም ቡላ ዓሲ ባይቄኔ» ጌዔኔ።

ዮሴፔ ዒማና፡- «ዓውቴ ቡላንዳጉዲ ደንደዒሳሢ ያኦሲ ማዕሢሮ ዒንሢኮ ዓውቶ ጎአም ኬኤዙዋቴ» ጌዔኔ።

9 ዑዠ ዑሻሢ ፔኤኮ ዓውቶ ሂዚ ጌዒ ኬኤዜኔ፡- «ጎአኒ ዓውቶና ፔቴ ዋይኔ ዴንቄኔ፤ 10 ዬኖ ዋይኔሎኮ ሃይሦ ካአፒ ዓአኔ፤ ዋላዠኣ ዒዞኮ ዋርቃዖ ዑኪና ቡኔኔ፤ ዬካፓ ዓሚ ካፄኔ፤ 11 ካአቴኮ ዑዠ ዑሸኮ ዓንጋ ጎ ኩጫ ዓላንቴ ጎአኒ ዋይኔሎኮ ዓአፖ ዔኪ ዓንጎ ጋራ ጩኡጲ ካአቴም ዒንጋያ ጎና ደዋኔ።»

12 ዓሢ ኬኤዜሢ ዮሴፔ ዋይዛዖ ሂዚ ዒዛም ጌዔኔ፡- «ዓውቶኮ ቡሊፃ ያአዴ ማዓንደኔ፤ ዋይኔሎኮ ሃይሦ ካአፖ ኔ ዛጌሢ ሃይሦ ኬሊ ጌይሢኬ፤ 13 ሃይሦ ኬሊኮ ገንፃ ካአቴ ኔና ቱኡዞፓ ቡላንደኔ፤ ኔኤኮ ደቢንቶ ቢያ ዓቶም ጌዒ ቤርጎ ኔ ማደአና ዓላ ኔኤኮ ፑኡፓቶ ማሂ ኔኤም ዒንጋንደኔ፤ ቤርጎ ኔ ዑዠ ዑሻ ዋደና ማደሢጉዲ

39:21 39:21 ዳኪ. ማደ 7:9።

ካኣቲኩ ዑሽኩ ባኮ ዒዛም ኔ ዒንጋንዳኔ። 14 ጋዓንቴ ቢያ ባካ ኔኤም ኮሽኬሢኩ ጊንፃ ታና ማሊ ጳቂሢ፣ ማኣዳዎ፤ ካኣቲም ኬኤዚ ታና ሃይፓ ቱኡዞ ማኣራፓ ቡሊሴ፤ 15 ዓይጎር ጌዔቶ ታኣኒ ዔብሬ ዓጫፓ ሃይካ ሙኬሢ ናሽኪቱዋንቴ ሻንቸንቴኬ፤ ሃሃ ታ ሃይካ ሙካዖ ቱኡዞ ማኣራ ቱኡቴሢ ዓይጎዋ ፑርቲሱዋዖኬ።»

16 ካሃ ሙኡዛ ዓሶኮ ሱኡጋሢ ዮሴፔ ዑዠ ዒንጋሢኩ ዓውቶ ቡሊያ ኬኤዚሢ ኮሽ ማዔሢ ዛጋዖ ፔኤኮ ዓውቶ ዮሴፔም ሂዚ ጌዒ ኬኤዚኔ፡- «ታ ዓውታ ያኣጴኬ፤ ሃይሃ ለኤማቴና ቶኦኮይዳ ካሃ ታ ኬዳኔ፤ 17 ቢያሢኩ ዑፃ ዓኣ ለኤማቴሎጋራ ካኣቲም ጊኣጊሾና ዲማ ዲማ ሙኡዚ ዓኣንቴ፣ ካፒ ካሃ ለኤማታፓ ሶዲ ሶዲ ሙዓያ ታና ዳዌኔ።»

18 ዮሴፔ ዒዛም፡- «ዓውቶኮ ቡሊያ ያዲ ማዓንዳኔ፤ ሃይሃ ለኤማታ ሃይሃ ኬሊኬ፤ 19 ሃይሃ ኬሊጋርካ ካኣቲ ቱኡዞ ማኣራፓ ኔና ኬሲ ቶኦኮ ኔኤኮ ቲቂሴሢኩ ጊንፃ ሚሢ ዑሢዳ ኔና ሱጻም ካፒ ዓሽኮ ኔኤኮ ሙዓንዳኔ» ጌዔኔ።

20 ዮሴፔ ጌዔ ጎይዖማፑዲ ሃይሃሳ ኬሎና ካኣቲኮ ሸይንቶ ኬሎ ማዔሢር ዒዛኮ ደማ ዲማ ደማ ወይሃ ዓሶም ቢያ ሙኡዚና ዑሽና ጊኣጊሻዖ፣ ዬና ኬሎና ዑዠ ዑሻ ዓሶና ካሃ ሙኡዛ ዓሶናኮ ዋኣናንሢ ቱኡዞ ማኣራፓ ኬሲ ዬያ ቢታንታ ዓኣ ዓሶኮ ቤርቶ ሽኢሽኔ። 21 ዬካፓ ዑዠኮ ሱኡጋሢ ቤርታኣ ማዶ ቤዞ ጌልዜኔ፤ ዬያር ካኣቲ ዑዠ ዑሽካ ዓንጎና ዑዠ ዒንጊዖ ዒ ዓርቄኔ። 22 ካሃ ማኣራ ሱኡጋሢ ጋዓንቴ ሱጻሲሴኔ፤ ቢያ ባካ ዮሴፔ ዔያቶ ፔቴ ፔቴሢኩ ዓውቶ ቡሊሢ ጎይዖ ማዔኔ።

23 ዑዠ ዑሻ ሱኡጋሢ ጋዓንቴ ዮሴፔም ማሊባኣሴ፤ ዮሴፔ ዒዛም ሃዳርሲ ኬኤዚ ባኮዋ ቢያ ዒ ዋሌኔ።

# 41

## ዮሴፔ ካኣቲኮ ዓውቶ ቡሊሢ

1 ዮሴፔ ላምዖ ዓሶንሢኩ ዓውቶ ቡሊንቴ ላምዖ ለዔኮ ጊንፃ ጊብጻ ዓጮ ካኣቲ ዓውቲ ዓውታዳኔ፤ ዒዚ ዓውቶና ዓባዬ ጌይንታ ፑኡፓ ዋራሢ ዓጮ ዔቂ ዓኣዖ፣ 2 ለንካይ ዲቺ ዒንዳ ባይ ዋራፓ ኬሰኪ ማኣቲ ሄንቃንቴ ዛጌኔ፤ 3 ሄሊሳዖ ሃሃ ኮሽ ዖኦፔ ማሌ ለንካይ ዒንዳ ባይሰኬንሢ ዋራፓ ኬሰኪ ቤርታ ዋራፓ ኬሰኬ ባኣቶንሢ ኮይላ ዓቄኔ። 4 ዬካፓ ዖኦፔ ባኣቶንሢ ዲጮንሢ ዔኤዳዛ፣ ካኣቲ ጊንዓሰካፓ ጴጮኔ። 5 ላሚ ሃሃ ዒ ላሃፓ ጊንዓዛ፣ ማሌ ዓውቲ ዒዛ ዓውታሴኔ፤ ዒዚ ዓውቶና ፔቴ ሚይዳ ለንካይ ዑፔና ቃራ ካጻ ሚይ ዛጌኔ፤ 6 ሄሊሳዖ ሃሃ ሚርጌ ሎኦዳዳያና ቦኦላፓ ዔቂ ዓባ ኬሰካ

ዛሎ ዠባርና ሄርቂንቴ ሴያናዴ ፔቴ ሜይዳ ለንካይ ዑፔና ፑርቂ ሜይ ዛጌኔ፤ 7 ለንካዎ ሎኦዳዴ ዑፖ ሜያንሢ ለንካዎ ዓንዲር ዑፖ ሜያንሢ ዔኤዳዛ፡ ካኣቴ ገንዓሰካፓ ጴጪ፡ ዓውቴ ዓውታዳሢ ዔሬኔ። 8 ዚር ጉቶ ላሃፓ ዒ ዔቃኣና ማሊፃ ካኣቴ ሜታሴሢር ገብፆ ዓጫ ማርሾ ማርሻ ዓሶንታ ዔር ዓሶንታ ቢያ ዔኤሊ ዓውቶ ዒዛኮ ዒ ኬኤዜኔ፤ ጋዓንቴ ዒዛኮ ዓውቶ ቡሊፆ ዔሪ ኬኤዛኒ ዳንዳዔ ዓሲ ፔቴታፆ ባኣያ ማዔኔ።

9 ዓሚና ዑዠ ዑሻ ዓሶኮ ሱኡጋሢ ካኣቴም ሂዚ ጌዔኔ፡- «ታኣኒ ደቢ ማዴ ባኣዚ ሃኖ ታ ጳቂሢኔ፤ 10 ካኣቴዮ፡ ኔኤኒ ታኣና ካሃ ሙኡዛ ዓሶኮ ሱኡጋሢና ዑፃ ዳጋዲ ካፓ ዓሶኮ ሱኡጋሢ ማኣራ ኔኩና ቴኡሴያና፤ 11 ፔቴ ዋንቴ ኑ ላምዓሢ ዲማ ዲማ ዓውቴ ዓውታዳኔ፤ ኑ ዓውቶኮ ቡሊፃኣ ዲማ ዲማኬ። 12 ቴኡዛ ዓሶኮ ሱኡጋሢም ማዳያ ፔቴ ዳጌ ዔብሬ ዓሲ ኑኡና ዋላ ቴኡዛ ማኣራ ቴኡቴ ዓኣፆ፡ ኑኡኮ ዓውቶ ኑ ዒዛም ኬኤዛዛ ዒዚ ኑኡም ቡሊኔ። 13 ቢያ ባካ ዒ ኑኡም ጌዔሢፕዴያ ማዔኔ፤ ታና ኔኤኒ ቤርታ ታ ማዳ ቤዞ ገንሃ ማሃፆ፡ ካሃ ሙኡዛ ዓሶኮ ሱኡጋሢ ጋዓንቴ ኔ ሱፃኔ።»

14 ዬያር ኔፕዎፆ ዓሳ ዮሴፔ ዔኪ ሙካንዳፕዲ ካኣቴ ዓይሃዛ፡ ዔያታ ዒዛኮ ቶኣኮ ሜኤዲ ሜሌ ጌኤሺ ማኣፆዎ ማይሲ ካኣቴ ቤርቶ ሺኢሽኔ። 15 ካኣቴያ ዮሴፔ ኮራ፡- «ዓውቴ ታ ዓውታዳንቴ ፆኣኒያ ቡላኒ ዳንዳዒባኣሴ፤ ጋዓንቴ ኔኤኮ ዓውቴ ቡላ ዔራቶ ዓኣሢ ታ ዋይዜኔ» ጌዔኔ።

16 ዮሴፔ ማሃፆ፡- «ካኣቴዮ! ታኣኮ ዓውቴ ቡላኒ ዔራቶ ባኣሴ፤ ገኢጋ ቡሊሢ ዒንጋኒ ዳንዳዒሢ ፆኣሲኬ» ጌዔኔ።

17 ካኣቴ ሂዚ ጌዔኔ፡- «ታኣኒ ዓውቴና ዓባዬ ዎር ዓጫ ዔቂ፡ 18 ለንካይ ዲቺ ዒንዴ ባይ ዎራፓ ኬሰኪ ማኣቴ ሄንቃንቴ ዛጌኔ፤ 19 ሄሊሳፆ ኮሺ ፆኦፔ ለንካይ ዒንዴ ባይ ዎራፓ ኬሰኬኔ፤ ዬንሢ ባኣቶንሢፕዲ ዒሃ ባይ ገብፆ ዓጮይዳ ዛገታ ቤቂባኣሴ። 20 ፆኦፔ ዒሃያ ማዔ ባኣቶንሢ ቤርታ ኬሰኬ ዲጮ ባኣቶንሢ ዔኤዳኔ። 21 ዬያታ ዔኤዳሢፕኮ ገንፃ ቤርታ ዓኣማ ጎይፆ ፆኦፓሢር ዲጮንሢ ዔኤዳያ ማሂ ዔራኒ ዳንዳዒንቴዎያ ማዔኔ፤ ዒማና ገንዓሰካፓ ታ ጴጪኦኔ። 22 ሃሃ ላሚ ዓውቴና ፔቴ ሜይዳ ለንካይ ዓንዲርቂ ቃራ ካፆ ዑፔና ዓኣ ሜይ ታ ዛጌኔ፤ 23 ሄሊሳፆ ሚርጌ ሎኦዳዲ፡ ቡኣሊ ዠባሪ ሄርቂ ሲያናሴ፡ ለንካይ ዑፔይዳ ዓኣ ሜይ ታ ዛጌኔ፤ 24 ሎኦዳዴ ዑፓ ዓኣ ሚዎንሢ ሚዛጶንሢ ዔኤዳኔ፤ ዬያ ታና ዓውታሴ ዓውቶ ማርሾ ማርሻ ዓሶም ታ ኬኤዜንቴ ፔቴታፆ ዓውቶ ታኣኮ ዔያታ ቡላኒ ዳንዳዒባኣሴ።»

---

41:8 41:8 ዳኣኔ. 2:2።

25 ዮሴፔ ዲሞና ካኣቲሞ ሂዚ ጌዔኔ፡- «ለምዎ ዓውቶንሂኦ ቡሊፃ ፔቴኬ፤ ያኦሲ ሃጊ ማዓንዳ ባኮ ቤርታሲ ኔና ዳዌኔ፤ 26 ለንካዎ ዲጮ ባኣቶንሂና ለንካዎ ኮዡ ዓኣፖ ዓኣፔ ሜዎንሂ ለንካይ ለዔ ጌይሂኬ፤ ለምዎንሂኦ ቡሊፃ ፔቴኬ። 27 ዔያቶኮ ጊንፃፓ ኬሰኬ ለንካዎ ያኣፖ፤ ዓሂ ባኣቶንሂና ለንካዎ ሎኦዳዳ ቦኣሎ ዠባራ ሲያናሴ ሜዎንሂኦ ቡሊፃ ፔቴኬ፤ ዬይ ለንካይ ኪሊንኮ ሉማ ለዔ ማዓንዳኔ ጌይሂኬ። 28 ቤርታ ታ ኔኤም ኬኤዜሂጉዲኬ፤ ያኦሲ ሃጊ ማዓንዳ ባኮ ቤርታሲ ኔኤም ዔርዜኔ፤ 29 ጊብፄ ዓጮ ቢያይዳ ለንካይ ለዔ ሚርጌ ሚሺ ማዓንዳኔ። 30 ዬካፓ ለንካይ ለዔ ኪሊንኮ ሉማ ማዓዛ፤ ዓጮ ቢያ ሉማሂና ባይቃንዳሂር ዬንሂ ቤርታ ሚዡ ለንካዎ ሌዎንሂ ዋሊንታንዳኔ። 31 ሄሊሳ ኪሊንኮ ሉማሂ ዋዳ ሚርጌ ሚታሳያ ማዓንዳሂር ሚዡ ዋዳ ፔቴታዎ ጎኔ ማዒባኣያ ማላንዳኔ። 32 ለሚ ለሚ ኔኤኮ ዓውታዲፃ ዔርዘሂ ያኦሲ ቱኬ ማሊፃ ዓቱዋያ ማዔሂና ዑኬ ኬሊዳ ኩማንዳሂኬ።»

33 ዮሴፔ ኬኤዛዎ፡- «ዓካሪ ዔራቶና ማሊሂና ዓኣ ዓሲ ዓጮ ዋይሂንዳጉዲ ዶኦሬ፤ 34 ለንካዎ ሚዡ ሌዎንሂና ካፄ ሃኣኮኮ ደንጎ ያኣራፓ ፔቴ ዔኪ ዔኪ ኮናይዳ ዓርሂሳንዳ ቢቲ ዶኦሪ ዶኦሪ ጌሂ። 35 ዔያታ ዬንሂ ለንካዎ ሚዡ ሌዎንሂዳ ዔካ ሃኣኮ ቢያ ካታማ ካታማ ኮናይዳ ዓርሂ ካፓንዳጉዲ ቢታንቶ ዔያቶም ዒንጌ። 36 ዬይ ቡኬ ሃኣካ ጊብፄ ዓጮይዳ ሴካ ሃጊ ቤርታ ሙካንዳ ለንካዎ ሌዎ ኪሊንኮ ሉማሂና ዓጮ ባይቁዋጉዲ ካፒሂ ማዓንዳኔ፤ ያዲ ማዲንቴቴ ዓጮላ ባይሲንታፓ ዓታንዳኔ።»

**ዮሴፔኮ ጊብፄ ዓጮይዳ ሱኡጌ ማዒ ዶኦሪንቲዎ**

37 ዮሴፔኮ ማሊፃ ካኣቲንታ ካኣቲና ዋላ ማዳ ቢቶ ዓሶንታም ቢያ ኮሺ ማዒ ጴዳኔ፤ 38 ካኣቲ ዬያ ዓሶም፡- «ያኦሲ ዓያና ዮሴፔይዳ ዓኣኔ፤ ዒዛይዳፓ ባሺ ዓሲ ፔቴታዎ ኑ ዳንቃዓኬ» ጌዔኔ። 39 ዬያር ካኣቲ ዮሴፔም ሂዚ ጌዔኔ፡- «ሃያ ቢያ ኔኤም ፔጋሲ ጌኤሺ ዳዌሂ ያኦሲኬ፤ ያ ጊዳፓኣ ባሺ ዒናና ዓኣያና ዔራ ኔ ማዔሂ ዔርቴያኬ፤ 40 ዬያር ኔና ታ ዓጮይዳ ዋይሂ ዓሲ ማሂ ዶኦሪ ታኣኒ ጌሂንዳኔ፤ ዓሳ ቢያ ኔኤም ዋርቃያ ማዓንዳኔ፤ ታጊዳፓ ዓታዛ ያኣኒያ ኔኤኮ ዑፃ ማዓንዳይ ባኣሴ። 41 ሃኣዛጌ፡ ሃሂ ማይ ታ ኔና ጊብፄ ዓጮ ቢያይዳ ዋይሂያ ማሂ ቢታንቶ ዒንጌ።» 42 ዬካፓ ካኣቲ ቢታንቶ ዒዛኮ ዔርዘ ማላፓ ዓኣ ዠኢራሂ ፔ ኬኤላፓ ኬሲ ዮሴፔ ኬኤላ ዓኣሄኔ፤ ኮሺ ቦኦሬ ሻሎና ዲይንቴ ዓፒላኣ ማይሴኔ፤ ባቃዶይዳ ሃሂ ዋርቁፓ ኮሺንቴ ዳኤፒ ቁንቴያ ማይሴኔ። 43 ሃሂ ጊንሃ

41:40 41:40 ዳኪ. ማዶ 7:10። 41:42 41:42 ዳኣኔ. 5:29።

ካአቴ ፔ ዴዓ፣ ሳርጌሎ ያይቶኮ ለምዓሳዞይዳ ዮሴፔ ዴይህኔ፤ ካአቴ ካፓ፣ ቦንቸንታ ዓሢ ዲማና ቤርታ ዓኣዲ ዓኣዲ፡- «ጎይያ ጌሢጋፓ ሂርኪ ጌረ ዳዲ ባዑቀቴ!» ዓሶም ጋዓኔ፤ ዮሴፔኮ ጊብፄ ዓጮይዳ ዎይሃያ ማዒፃ ዔርቴሢ ዬያይዲኬ። 44 ካአቴ ኬኤዛያ፡- «ታኣኒ ካአቴ ማዔቶዎ ጊብፄ ዓጮ ቢያ ዑፃ ኔ ጌረባኣንቴ ዓይጎ ዓሲያ ማዎም ፔቴ ባኣዚ ማዳኒ ዳንዳዒንዲዎሴ» ጌዔኔ። 45 ካአቴ ዮሴፔም «ፃፕናት ፓዒና» ጋዓ ሱንሢ ጌሃዎ፣ ዓሲናቴ ጌይንታ ጰይፓራኮ ናዎ ማቾ ማሂ ዲዛም ዒንጌኔ፤ ጰይፓራ ያኣኔ ጌይንታ ካታሜሎኮ ቄኤሶ ሱኡጋሢኬ፤ ዮሴፔ ዲማና ጊብፄ ዓጮ ቢያ ሃንቴኔ።

46 ዮሴፔ ካአቴ ማኣራ ማዶ ዓርቃኣና ሌዓ ዲዛኮ ሃይሢታሚኬ፤ ዮሴፔ ካአቴ ማኣራፓ ኬሰኪ ኬሰኪ ጊብፄ ዓጮ ቢያ ሃንጥ ዛጋኔ፤ 47 ለንካዎ ሚዦ ሌዎንሢዳ ጊብፄ ዓጮ ሚርጌ ሃኣኮ ካፄኔ። 48 ጊብፄ ዓጮ ዬንሢ ለንካዎ ሚዦ ሌዎንሢዳ ካታማ ካታማ ቡኩሶና ሃኣካ ዬያ ካታም ኮይሎይዳ ጎሽኪንቴ ጎኾይዳፓኬ። 49 ዬያይዲ ዮሴፔ ባዞ ዓጮ ዓኣ ማኣሻሎጉዴ፣ ሚርጌ ሃኣኮ ቡኩሶኔ፤ ሃኣኮኮ ሚርጉም ማኪ ዔራኒ ዒ ማሌዎ ሃኣካ ጉቶ ሚርጌሢሮ ዬዮ ማሊፄሎ ሃሼኔ።

50 ለንካዎ ኪሊንኮ ሉማሢ ሌዓ ጌላንዳሢኮ ቤርታ ጰይፓራ ናኣ ዓሲናታ ለምዎ ዓቴንቄ ናይ ዮሴፔም ሾዔኔ፤ 51 ዮሴፔ ዲማና «ያኦሲ ታና ሄሌ ሜታሢንታ ታኣኮ ዒጊኖንታ ታና ዋሊሲሴኔ» ጋዓዎ፣ ቤርታ ሾይንቴ ናዓሢኮ ሱንያ ሚናኣሴ \* ጌረ ጌህኔ፤ 52 ዬያጉዲ ሃሃ «ሜታሢ ታና ሄሌ ዓጮይዳ ያኦሲ ታና ዳልጊሼኔ» ጋዓዎ፣ ለምዓሳ ናዓሢኮ ሱንያ ዔፕሬኤሜ † ጌይ ጌህኔ።

53 ዬካፓ ጊብፄ ዓጮ ለንካዎ ሚዦ ሌዓ ጋፔኔ፤ 54 ዮሴፔ ቤርታ ኬኤዜሢሃጉዲ ለንካዎ ኪሊንኮ ሉማሢ ሌዓ ጌሊሢ ዓርቃዛ፣ ሜሌ ዓጮይዳ ቢያ ሉማ ማዔቶዎ ጊብፄ ዓጮ ጋዓንቴ ጌዳ ቡኩሶና ሃኣኮ ዓኣኔ። 55 ዬካፓ ኪሊንኮ ሉማሢ ጊብፄ ዓጮ ቢያ ሄላዛ ዴራ ካአቴ ኮራ ሙካዎ፡- «ሙኡዚ ኦኡም ዒንጌ» ጌረ ዒላቴኔ፤ ዬያር ካአቴ፡- «ዮሴፔ ኮይላ ዓኣዲጋፓ ዒዚ ዒንሢም ጋዓ ባኮ ማዳዎቴ» ጌረ ዔያቶ ዓይህኔ።

56 ጊብፄ ዓጮ ኪሊንኮ ሉማሢ ዳልጊ ዴንዳሢሮ ዮሴፔ ኮኖ ቢያ ቡሊ ሃኣኮ ጊብፄ ዓሶም ሻንቸሲሴኔ። 57 ዓጮ ቢያይዳ ኪሊንኮ

---

\* 41:51 41:51 ሚናኣሴ ጌይዎ፡- ዔብሬ ዓሶ ሙኡቸና «ዋሊ» ጌይህኬ።  
 † 41:52 41:52 ዔፕሬኤሜ ጌይዎ፡- ዔብሬ ዓሶ ሙኡቸና «ላሚ ናይ ዒንጌ» ጌይህኬ።  
 41:54 41:54 ዳኪ. ማዶ 7:11። 41:55 41:55 ዮሃ. 2:5።



ሉማሢ ደዳሢሮ ደማ ደማ ዓጮ ዓሳ ዮሴፔይዳፓ ሃኣኮ ሻንቃኒ ጊብፄ ዓጮ ሙኬኔ።

# 42

## ዮሴፔኮ ዒሾንሢ ጊብፄ ዓጮ ዓኣዳሢ

1 ያይቆኦ ጊብፄ ዓጮይዳ ሃኣኮ ዓኣሢ ዋይዛዎ ናኣቶም፡- «ዋሊ ዛጊ ዴይይዳፓ ፔቴ ባኣዚ ማዲዋቴ፤ 2 ጊብፄ ዓጮይዳ ሃኣኮ ዓኣሢ ታ ዋይዜኔ፤ ኪሊንኮ ሉማሢ ኑና ኩርሱዋንቴ ዒኢካ ዓኣዲ ሃኣኮ ኑኡም ሻንቁዋቴ» ጌዔኔ። 3 ዬያሮ ታጶ ዮሴፔኮ ጌርሲንሢ ሃኣኮ ሻንቃኒ ጊብፄ ዓጮ ዓኣዳኔ። 4 ጋዓንቴ ዮሴፔኮ ዒንዳ ሾዔ ናዓሢ፤ ቢኢኒያሜ ጌርሲንሢና ዋላ ጊብፄ ዓጮ ያይቆኦ ዳኪባኣሴ፤ ዓይጎሮ ጌዔቶ «ፑርታ ባኣዚ ዒዛ ሄላንዳኔ» ጌዒ ሂርጊ ዒጊጩሢሮኬ። 5 ካኣናኔ ዓጮይዳ ሉማሢ ደዳሢሮ ያይቆኦኮ ናኣታ ሃንጎ ሜሌ ዓሶና ዋላ ሃኣኮ ሻንቃኒ ጊብፄ ዓጮ ዓኣዳኔ።

6 ዮሴፔ ጊብፄ ዓጮ ካኣቲኮ ዴማ ማዒ ዋይሣያ ማዒሢሮ ኮይላ ዓኣ ዓጮ ቢያይዳፓ ሙካ ዓሶም ሃኣኮ ዒ ሻንቃኒ፤ ዬያሮ ዮሴፔኮ ጌርሲንሢ ዒዛ ቤርታ ሙካዎ ባሊቶ ሳዎ ሄሊሲ ዘጊ ቦንቾ ዔኤለሢ ዔኤሌኔ። 7 ዮሴፔ ፔኤኮ ጌርሲንሢ ዴንቃዎ ዔሬኔ፤ ጋዓንቴ ዔያቶ ዔሩዋያ ማሊ ዳጋና፡- «ዓንካፓ ዒንሢ ሙኬይ?» ጌዒ ዔያቶ ያኦጩኔ።

ዔያታ ማሃዎ፡- «ሃኣኮ ሻንቃኒ ካኣናኔ ዓጩፓ ኑ ሙኬኔ» ጌዔኔ።

8 ዮሴፔ ፔኤኮ ጌርሲንሢ ዔሬያ ማዔቴያ ዔያታ ዒዛ ዔሪባኣሴ፤ 9 ሚና ዔያቶ ዛሎ ዓውታዳ ዓውታ ዒዛም ጳቃዛ፡- «ዒንሢ ኑኡኮ ዓጪ ሙሪ ሙኬ ዓሲኬ፤ ዒንሢ ሙኬሢ ዓጩኮ ኑኡኮ ላቢፃ ዋኖ ዛሎናታቴ ሙራኒ ሙኬ ዓሲኬ» ዔያቶ ኮይላ ጋዓዛ፤ 10 ዔያታ፡- «ኑ ጎዳሢዮ! ኑኡኒ ዓጪ ሙሪ ሙኬ ዓሲቱዋሴ፤ ኑ ኔኤኮ ዓይላ ሃይካ ኑ ሙኬሢ ሃኣኮ ሻንቃኒኬ» ጌዔኔ። 11 «ኑኡኒ ቢያሢ ፔቴ ዓሲ ናይኬ፤ ኑኡኒ ሃሣ ጉሙርቁንታያኬ፤ ኑኡኒ ዓጪ ሙሪ ሙኬ ዓሲቱዋሴ» ጌዔኔ።

12 ዮሴፔ ዔያቶ ኮይላ፡- «ዔይዔ! ዒንሢ ሙኬሢ ዓጩኮ ላቢፃ ዋኖ ዛሎና ማዔቴያ ዛጋኒ ሙሪ ሙኬ ዓሲኬ» ጋዓዛ፤ 13 ዔያታ ማሃዎ፡- «ኑኡኒ ኔኤኮ ዓይላ ካኣናኔ ዓጮይዳ ናንጋ፤ ፔቴ ዓሲሰኬያ ናይ ማዔያ ኑ ታጶ ላምዎኬ፤ ጋዓንቴ ፔቴ ኑ ጌኤዛሢ ሃይቁኔ፤ ጋፒንዮ ኑኡኮ ጌኤዛሢ ሃሢ ዓደና ዋላ ማኣራ ዓቴኔ» ጌዔኔ።

42:2 42:2 ዳኪ ማዶ 7:12። 42:9 42:9 ማዘ. ማፃ 37:5-10።

14 የሴፔ ገንሣ ሂዚ ዔያቶም ጌዔኔ፡- «ሃይሹ፡ ታ ጌዔሢጉዲ ጎኔ ዒንሣ ዓጪ ሙሪ ሙኬ ዓሲኬ! 15 ዓካሪ ዒንሣከ ጎኑማ ዔርታንዲሢ ያዲኬ፤ ዒንሣከ ጋፒንፆ ጌኤዛሢ ዒንሣ ዔኪ ሙካንዲያ ሄለንዳኣና ካኣቲ ሃይቆ! ታ ዒንሣ ሃሻዓኬ፤ 16 ሃሢ ዒንሣዳፓ ፔቲ ዓኣዲ ዒንሣከ ጌኤዛሢ ዔኪ ሙኮንጎ፤ ዒንሣ ኬኤዜ ባኮኮ ጎኑማ ዔርታንዲያ ሄለንዳኣና ሃንጎዋታ ዒንሣ ሃይካ ቱኡሲ ማርካ ደዓንዳኔ፤ ዒንሣ ጌዔሢጉዲያ ማዒባኣያታቶ ጋዓንቲ ካኣቲ ሃይቆ! ጉቤሢ ዒንሣ ሙሪ ሙኬ ዓሲኬ» ጋዓፆ፡ 17 ዔያቶ ዒ ሃይሣ ከሊ ቱኪ ዳይሣኔ።

18 ሃይሣሳ ኬሎና የሴፔ ዔያቶም ሂዚ ጌዔኔ፡- «ታኣኒ ያኦሲ ዒገጫ ዓሲታሢረ ፔቲ ጎይሣና ታ ዒንሣከ ሸምፖ ዓውሳኒ ማሌኔ፤ 19 ዒንሣ ጎኔ ጉሙርቁንታ ዓሲ ማዔታቲ ዒንሣዳፓ ፔቲ ሃይካ ቱኡዞ ማኣራ ዓቶንጎ፤ ሃንጎዋታ ሃኣኮ ዔኪ ዒንሣከ ናይዲንቲ ዒገሮም ዓኣዲዋቲ። 20 ዩካፓ ዒንሣከ ጌኤዛሢ ዔኪ ታኣም ሙኩዋቲ፤ ያዲ ማዔቶ ዒንሣ ኬኤዜ ባካ ቢያ ጎኔ ማዔሢ ዔርታንዳኔ፤ ሃይቢፓኣ ዒንሣ ዓታንዳኔ» ጋዓዛ፡ ዔያታ ዬይ ጌኤዛ ኮሺኬ ጋዓፆ፡ 21 ዋላ ሂዚ ጌዒ ጌሰቲኔ፡- «ጎኔና ሚና ኑ ጌኤዛሢ ዑያይዳ ኑ ማደ ፑርቶ ባኮ ዛሎ ኮይሳ ማቶ ሃሢ ኑ ዔኪዳ ዓኣኔ፤ ዒዚ ታና ሃሹዋቲራ» ጌዒ ማታዲ ሺኢቁያና ዒዛኮ ሺኢዲያ ኑ ዋይዚባኣሢጉዲ ሃሢ ኑ ዑያይዳ ሃይ ማታሢ ሃላሢ ዬያ ዛሎናኬ።»

22 ርኦቤኤሌ ዔያቶም፡- «ታ ዒንሣም ናየ ዑፆ ፑርታ ባኣዚ ሄሊሲፖቲ» ጌዒ ኬኤዛኣና ዒንሣ ጋዓንቲ ታኣም ዋይዚባኣሴ፤ ሃኣዛጉዋይ፡ ሃሢ ኑ ዒዛ ዋደሢረ ኮማ ኑኡም ማሃንታሢ» ጌዔኔ። 23 የሴፔ ዔያታ ዬያ ጋዓ ባኮ ቢያ ዋዋይዛኔ፤ ዔያታ ጋዓንቲ የሴፔና ጌሰታሢ ዬና ዓጮ ሙኡጮ ዔራ ዓሲና ማዔሢሮ፡ ዔያታ ጋዓ ባኮ የሴፔ ዋይዛሢ ዔያታ ዔሪባኣሴ። 24 የሴፔ ዒማና ዔያቶይዳፓ ዲማዲ ዴንዲ ዬኤኬኔ፤ ላሚ ሃሣ ዔያቶ ኮይላ ሙኪ ዔያቶና ጌሰቲሰካፓ ሲሞኦኔ ዔያቶ ባኣካፓ ዔኪ ቱኬኔ።

**የሴፔኮ ጌርሲንሣ ካኣናኔ ዓጮ ማዒ ዓኣዲሣ**  
 25 የሴፔ ዒዛም ማደ ዓሲ፡- «ሃንሣ ዓሲንሣም ዔያቶኮ ሱርባ ሃኣኮ ኩንሣጋፓ ሚኢሸ ዔያቶኮ ማሃ ሱርቦ ካራ ካራ ያሺ ጌሢ፡ ጎይዎኮዋ ዔያቶም ጋላ ዒንጉዋቲ» ጌዒ ዓይሣኔ። ዓሳ ዬያ ዓይሣንቲ ጎይዎ ማደሰካፓ፡ 26 የሴፔኮ ጌርሲንሣ ሻንቁ ሃኣኮ ሃሮና ጫኣኒ ዴንዲ ዔቁኔ።  
 27 ጎይዎ ዔያታ ዓኣዲቤቃ ፔቲ ቤሰካ ዋርቃኒ ቡኬ ቤዛ ዔያቶይዳፓ ፔቲ ፔኤኮ ሃኣኮይዳፓ ፔ ሃራሢ ሙኡዛኒ ሱርቦ ካር

ቡላዛ ዒዚ ጨጌ ሚኒሻ ዒኒካ ምሽገቲ ዓኣያ ዴንቄ። 28 ዒዚ ገርሲንሚሞ፡- «ታ ሚኒሻ ገንሚ ማዕኔ፤ ሃኣዘገወቲ፤ ሱርባገ ታ ዴንቄ» ገዒ ከኤዛዛ፤ ቢያሚ ዒገጩ ዲቃታ፡- «ፆኦሲ ኑገዳ ዓይጎ ባኣዚ ዔኪ ዩዓኒ ሃያ ማዳይ?» ዋሊ ኮይላ ገዔ።

29 ዩካገ ካኣና፤ ዓጮይዳ ዓኣ ዓዶ ያይቆኦ ኮራ ዔያታ ሄሊ፤ ዔያቶይዳ ማዕ ባኮ ቢያ ሂዚ ገዒ ከኤዛ፤ 30 «ገብፃ ዓጮ ዋይህ ሱኡጋሚ ታኣኮ ዓጮ ዒንሚ ሙራኒ ሙኬ ዓሲኬ» ገዒ ኑ ዑፃ ጎሪንቲ፤ 31 ኦኡኒ ማሃ፡- ሉ ጉሙርቁንታ ዓሲኬ፤ ዓጩ ሙሪ ሙኬ ዓሲቱዋሴ፤ 32 ኦኡኒ ፔቲ ዓሲ ናይ ማዕ፤ ታጳ ላምፆ ናይኬ፤ ፔቲህ ኦኡኮ ሃይቄ፤ ጋፒንፆ ገኤዛህ ኦኡኮ ሃህ ዓዶና ዋላ ካኣና፤ ዓጩ ማኣራ ዓቲ።» ገዔ። 33 ዓህ ኦኡም ሂዚ ገዔ፤ «ዒንሚ ጉሙርቁንታ ዓሲ ማዕህ ታ ዔራንዳህ ታ ጋዓ፤ ፔቲ ባኣዚ ዒንሚ ማዳቶኬ፤ ዩናኣ ዒንሚዳገ ፔቲ ሃይካ ታ ኮራ ዓቶንጎ፤ ዓቲዘንሚ ዒንሚኮ ናይዲንቲ ማኣር ዓሳም ሃኣኮ ዔኪ ዓጮ ማዑዋቲ፤ 34 ዒንሚኮ ጋፒንፆ ገኤዛህ ዔኪ ታኣም ሙኩዋቲ፤ ያዲ ዒንሚ ማዳቲ ዒንሚ ጉሙርቁንታ ዓሲና ዓጩ ሙሪ ሙኪባኣ ዓሲታህ ታ ዔራንዳ፤ ሃህ ዒንሚኮ ሃካ ዓቲ ገርሲያ ታ ማሂ ዳካንዳ፤ ሃያ ዓጮይዳኣ ዒንሚ ኮዔህጉዲ ኮርማኒ ዳንዳዔ።»

35 ዓዶም ዔያታ ዩያ ከኤዚ ጋፒሴህኮ ገንፃ ሃኣኮ ዔያታ ሱርባገ ማሃና ፔቲ ፔቲህኮ ሱርባ ጋራ ሚኒሻ ምሽገ ገሃሃህ ዲዳ፤ ዩያር ዔያቶንታ ዔያቶኮ ዓዶንታ ማዕ ሚኒሻ ዛጋፆ ሚርገና ዒገጩ። 36 ዩማና ዔያቶኮ ዓዳህ፡- «ናኣቶ ቢያህዳገ ታና ዒንሚ ዓይሳኒ ኮዓ? ዮሴፔ ባኣሴ፤ ሃህ ሲሞኦኔ ዒንሚ ዓይሴ፤ ሃህ ቃሲ ዒንሚ ቢኢኒያሜ ዔኪ ዓኣዳኒ ኮዓ፤ ታ ዓይጎ ሜቶይዳ ከዳይ!» ገዔ።

37 ዩያ ዋይዘፆ ሮኦኬሌሌ ዓዶም ሂዚ ገዔ፤ «ቢኢኒያሜ ማሂ ታ ዔኪ ሙኪባኣቲ ታኣኮ ላምፆ ዓቲንቆ ናኣቶንሚ ዔኪ ዋዳ፤ ታና ዓርቄ፤ ታ ዒዛ ዔኪ ኔኤም ሙካንዳ።»

38 ያይቆኦ ዒማና፡- «ዓይጎ ማዕቶዋ ዒንሚና ዋላ ታ ዳካዓኬ፤ ዒዛኮ ቶይዲ ቤርታ ሃይቄ፤ ዓቲህ ሃህ ዒዛ ሌሊኬ፤ ጎይፆ ዒዛ ዑፃ ፔቲ ባኣዚ ሄሌቶ ጋርቻቶና ታና ዒንሚ ኦኡናሲ ዋዲሻንዳ።» ዔያቶም ገዔ።

# 43

## ዮሴፔ ገርሲንሚኮ ቢኢኒያሜ ዔኪ ገብፃ ዓጮ ዓኣዲፆ

- 1 ካኣና፤ ዓጮይዳ ኪሊንኮ ሉማህ ሚርገና ዶዲ ዶዲ ዓኣዳ፤
- 2 ያይቆኦ ማኣር ዓሳ ገብፃይዳገ ዔኪ ሙኬ ሃኣኮ ሙይ ኩርሳዛ

ዔያቶሶ ዓዴ፡- «ሃሃ ገንሃ ገብፄ ዓኣዲ፡ ዳካ ሃኣኮ ኩኡሞ ሻንቁዋቴ» ገዔኔ።

3 ዪሁዳ ጋዓንቴ ዓደሞ ሂዚ ገዒ ማሃኔ፡- «ዓሢ ኩኡሞ <ዓንሢኮ ገኔዛሢ ሲንሢ ሴኪ ሙኪባኣቶ ታ ቤርታ ሲንሢ ጴዲዋጉዲ» ገዒ ኮሺ ላቴኔ፤ 4 ዪያሮ ኩ ገኔዚ ኩኡኒ ሴኪ ዓኣዳንዳጉዲ ኔ ገዔቴ ዓኣዲ ኩ ሃኣኮ ሻንቁ ዓይሢያዋ ኔኤኮ ኩ ኩንሃንዳኔ። 5 ኩ ገኔዚ ኩኡና ዓኣደሞ ኔ ዓይሡዋያ ማዔቶ ኩኡኒያ ዪካ ዓኣዳዓኬ፤ ዓይጎሮ ገዔቶ <ዓንሢኮ ገኔዚ ሲንሢ ሴኪ ሙኪባኣቶ ታ ቤርታ ሲንሢ ጴዲዋጉዲ» ጎሮና።።»

6 ዒሰራዔኤሌ ዒማና፡- «ሜሌ ኩኡኮ ገኔዚ ዓኣኔ» ገዒ ሲንሢ ኬኤዚያና ሃያጉዴ ማታሢ ዓይጋ ሲንሢ ታኣሞ ሴኪ ሙኩይ?» ገዔኔ።

7 ዔያታ፡- «ዓሢ ኩናንታ ኩ ማኣሮ ዓሰንታ ዛሎ ኮሺ ደዲሺ ያኦጩኔ፤ <ዓንሢኮ ዓዴ ሳዛና ዓኣ? ሜሌ ገርሲ ማዓያ ሲንሢኮ ዓኣ?» ገዒ ኩና ያኦጩኔ፤ ኩኡኒያ ዒዛኮ ያኦጩያሞ ኮይሳሢ ማሂ ኬኤዘኔ፤ ዓካሪ ዓሢ <ዓንሢኮ ገኔዚ ሲንሢ ሴኪ ሙኪባኣቶ» ጋዓንዳሢ ዋዲ ኩ ዔራንዳያ ዓቴይ?»

8 ዪሁዳ ዓደሞ ሂዚ ገዔኔ፡- «ናዓሢ ታና ጉሙርቂ ኩኡና ዋላ ዳኬ፤ ዑኮ ሃሢ ኩ ኬሰኮም፡ ያዲ ማዔቶ ኩናንታ ኔናንታ ኩኡኮ ናኣቶንታ ኪሊንኮ ሉማሢፓ ኩ ዓታንዳኔ። 9 ናዓሢ ታኣሞ ሃሺ፤ ዒዛይዳ ማዓ ባኣዚና ቢያ ታ ያኦጩንታንዳኔ፤ ኮሺና ታ ዒዛ ሴኪ ሙኪባኣቴ ታ ናንጎ ዋደ ቢያይዳ ዳቢንታ ታ ዑፃ ማያም። 10 ሄኤዶ ሄሊ ኩ ናገሳኣያታቴ ላምዒ ማይንቴ ኩ ሄሊ ማዔያ ናንዳኔ።።»

11 ዪካፓ ዓዳሢ፡ ያይቆኣቤ፡- «ማይ ሲንሢኮ ዓኣዲፃ ዓቴዋያ ማዔቴ ዪና ዓጮ ዋይሃ ሱኡጋሢሞ ኩ ዓጮ ዓኣ ኮዢ ባካፓ ዪይያ፡- ቤሌሴ፡ \* ዔኤሰ፡ ዲማ ዲማ ሳውቃ ዳኤሻ፡ ኬርቤ፡ ቴሚሪ ሚያ ዓኣፓ፡ ለውዜ ገይንታ ሚያኮዋ ዓኣፖ ሲንገ ዋዛሳኒ ሴኪ ዓኣዲዋቴ። 12 ሃሃ ሃያኮ ቤርታ ሲንሢኮ ሱርቦ ካራ ማዒ ሙኩ ሚኢሻ ዳቢንቴና ማዓንዳሢሮ ዪያንታ ቃሲ ሚኢሹያ ሴኪ ዓኣዲዋቴ። 13 ማይ ዋይታንዳይ ሲንሢኮ ገኔዚ ሲንሢ ሴኪ ሲንሢ ኮራ ዑኩና ዓኣዲዋቴ። 14 ቢኢኒያሜንታ ሃንጎ ሲንሢኮ ገርሲያ ማሂ ሲንሢሞ ሲንጋንዳጉዲ ቢያ ባኣዚ ዳንዳዓ ያኦሲ ዪያ ዓሢኮ ዒና ሲንሢሞ ሚጩንታያ ማሆንጎ። ታኣኒ ታ ዛሎና ናኣታፓ ዓቴቶዋ ማይ ታ ዋይታንዳይ፤ ታኣሞ ዓዓጎና ባኣዚዋይ» ገዔኔ።

\* 43:11 43:11 ቤሌሴ ገይንታ ሚጻላ፡- ቦኣቢ ማላያ ዓኣፖ ዓሲ ሙሙዓ ማሢኬ።

15 ይህ ያይቆኑቤኮ ናኣታ ዲንጎንዶ ባኮንታ ሚኢሾቀ ቃሲ ዔኪ ቢኢኒያሚና ዋላ ገብፄ ዓጮ ዴንዲ ዲኢካ ሄላየ ዮሴፔ ቤርቶ ሺኢኬኔ። 16 ዮሴፔ ዲዛኮ ጌኤዚ፣ ቢኢኒያሚ ሃንጎ ዲዛኮ ጌርሲንሢና ዋላ ዓኣሢ ዴንቃየ ማኣሮይዳ ዲዛሞ ማዳ ዓሶ ዓይሢ ማዳሳሢ ዔኤሊ፡- «ሃንሢ ዓሶንሢ ጋሮ ዔኪ ዓኣዴ፤ ዓባ ሳዛ ማዓኣና ታኣና ዋላ ዔያታ ሙዖ ሙዓንዳሢሮ ቆልማፓ ፔቴ ሹኪ፣ ካሢ ገኢጊሼ» ጌዔኔ።

17 ማዳ ዓሶ ማዳሻሢ ዮሴፔ ዲዛሞ ከኤዜሢጉዲ ዲዛኮ ጌርሲንሢ ዔኪ ጋሮ ዓኣዴኔ። 18 ዮሴፔኮ ጌርሲንሢ ዮሴፔ ማኣሮ ባንሢ ዔያቶ ዔኪ ዓኣዳዋኣና ሚርጌ ዲጊጨኔ፤ ዔያታ ዲማና «ሃይካ ኑና ዔኪ ሙኮሢ ቤርታ ኑኡኮ ሱርቦ ጋሮይዳ ጳዴ ሚኢሾሮ ማዕቀዖ ዓታዓ፣ ይህ ኑ ሚታኣ ከዴኔ፤ ሃሮቀ ኑኡኮ ዔኪ ኑና ዔያቶኮ ካራሚ ማሃንዳኔ» ጌዲ ሂርጌኔ።

19 ዮሴፔኮ ማኣሪ ጌላኒ ዔያታ ዑካየ ይህ ማኣሮይዳ ማዳ ዓሶ ዓይሢ ማዳሻሢ ሂዚ ጌዔኔ፡- 20 «ኑ ጎዳሢየ! ሃያኮ ቤርታ ሃኣኮ ሻንቃኒ ኑ ሃይካ ሙኬያኬ፤ 21 ማኣሪ ኑ ማዓኣና ጎይፃ ዋርቃኒ ኑ ቡኬ ቤሰካ ሱርቦ ኑኡኮ ኑ ቡላንቴ ኑና ፔቴ ፔቴሢኮ ሚኢሾ ፓጨሱዋየ ሱርቦ ካራ ያሺ ዓጎናና ኑ ዴንቄሢሮ ሃኣዛጌ፤ ሃሢ ኑ ማሂ ዔኪ ሙኬኔ። 22 ሃሢያ ሃኣኮ ኑ ሻንቃንዳ ሚኢሾ ቃሲ ኑ ዓርቄኔ፤ ዲማና ኑኡኮ ሚኢሾ ማሂ ሱርቦ ጋራ ያኑኒ ዓጌቴያ ኑ ዔራዋሴ።»

23 ይህ ማኣሮይዳ ማዳ ዓሶ ዓይሢ ማዳሻሢ፡- «ይህ ዛሎና ሚታዲ ዲጊጨፖቴ፤ ዲንሢንታ ዲንሢኮ ዓዶ ያኣሲ ይህ ዲንሢኮ ሚኢሾ ዲንሢ ሱርባ ማሂ ዓጌያ ናንዳኔ፤ ዲንሢኮ ሚኢሾ ጋዓንቴ ታኣኒ ዔኪናኣኮኬ» ዔያቶም ጌዔኔ። ይካፓ ዋንዴ ሃኒ ዓቴ ሲሞኣኔ ዔያቶ ኮራ ዔኪ ሙኬኔ።

24 ማኣሮይዳ ማዳ ዓሶ ዓይሢ ማዳሻሢ ዮሴፔኮ ጌርሲንሢ ዮሴፔ ማኣሪ ዔኪ ጌልዛየ ቶኮ ማሰታንዳ ዋኣሢያ ዲንጊ፣ ዔያቶኮ ሃሮማኣ ሙዖ ባኣዚ ዓጌኔ። 25 ዮሴፔና ዋላ ሙዓንዳሢ ዔያቶም ከኤዚንቴሢሮ ዮሴፔ ሙካንዳያ ሄላንዳኣና ዲዛሞ ዲንጎንዶ፣ ዳኪንቴ ባኮ ዔያታ ገኢጊሼኔ።

26 ዮሴፔ ሙኪ ማኣሪ ጌላዛ፣ ጌርሲንሢ ዲዚ ዓኣ ቆልዖ ጌሊ ዔያታ ዲንጋኒ ዔኪ ሙኬ ባኮ ዲዛሞ ዲንጋየ ሊካ ሳየ ባንሢ ሂርኪ ጌዲ ዚጊ ቦንሻ ዔኤሊሢ ዔኤሌኔ። 27 ዲዚ ዲማና፡- «ዲንሢ ኮሺ ሙኪያ?» ጌዲ ያኦጌሢኮ ጊንፃ፡- «ይይ ዲንሢ ታኣም ከኤዜ ጋርሻ ዓዳሢ ዋዚዳይ ሃኖ ሄላንዳኣና ሳዛና ዓኣ?» ጌዲ ዔያቶ ያኦጌኔ፤

28 ዔያታ ማሃዖ፡- «ኔ ዓይላሢ፡ ኑ ዓዴ ሃኖ ሄላንዳኣና ሳዛና ዓኣኔ፤ ዒዚ ኮሺ ኮሺኬ» ጋዓዖ፡ ሊካ ሳዖ ባንሢ ሂርኪ ጌዒ ዒዛ ቦንቺ ዘጎኔ።

29 ዮሴፔ ፔ ዒንዶ ናዓሢ ማዔ፡ ዒዛኮ ጌኤዚ ቢኢኒያሚ ዴንቃዖ፡- «ኦኦኮ ጌኤዚ ዓኣኔ፡ ጌዒ ዒንሢ ታኣሞ ከኤዜሢ ሃይ ዒዛዳ?» ጋዓዖ፡ «ታ ናዓሢዮ፡ ያኦሲ ኔና ዓንጆሞ» ጌዔ። 30 ዮሴፔ ፔኤኮ ጌኤዚ ዛጋዛ ዋልቃ ዒዛኮ ጌሌሢር ዔያቶኮ ቤርታፓ ቆልዖ ጋር ማዒ ጌሊ ኮሺ ዩኤኬ።

31 ዩካፓ ዓቢዖ ማሰቲ፡ ፔና ዶዲሻዖ ሙዖ ሺኢሻንዳጉዲ ዓይሢ።

32 ሙዖ ሂዲ ሺኢሻና፡- ዒዛሞ ዲማ፡ ጌርሲንሢሞ ዲማ፡ ዒኢካ ሙዓ ጌብፃ ዓጮ ዓሶማኣ ዲማ ጌኢጊሺንቴ፤ ያዲ ዲማሲ ጌኢጊሺንቴሢ ጌብፃ ዓጮ ዓሳ ዔብሬ ዓጮ ዓሶና ዋላ ሙዖ ቦሂሳያ ማሂ ፓይዳሢርኬ። 33 ዮሴፔኮ ጌርሲንሢ ቶይዲፓ ዴንዲ ጋፖ ጌኤዚ ሄላንዳኣና ዋሊ ቤቂ ዴዔ፤ ዔያታ ዋይቲ ዴዒ ዓኣቴያ ዔያታ ዴንቃዖ ዲቃቲ ሄርሺ፡ ዋሊ ሴካና ሃንጋና ዛጎ። 34 ዮሴፔሞ ዒንጎና ሙዖይዲፓ ዔኪ ዔኪ ዔያቶሞ ዒንጊንቴ፤ ቢኢኒያሚሞ ጋዓንቴ ሃንጎቶይዲፓ ዑሣ ዓኣጴ ዒንጊንቴ፤ ዩያይዲ ዮሴፔና ዋላ ሚሽካንዲያ ሄላንዳኣና ሙይ ዑሽኪ ዔያታ ዋዛጴ።

# 44

## ባይቄ ዑዡ ዑሽኮ ዓንጌሎ

1 ዮሴፔ ዒዛኮ ማዶ ዓሶ ዓይሢ ማዲሻ ሱኡጋሢ ሂዚ ጌዒ ዓይሢ፡- «ዔያቶኮ ሱርባ ዓርቃሢ ጉዴያ ኩንሢ፤ ፔቴ ፔቴ ዓሶኮ ሚኢሸዋ ሱርቦ ካራ ማሂ ጊንሢ ዓጌ። 2 ታኣኮ ዑዡ ዑሽኮ ቢር ዓንጎና ኮሺንቴ ዓንጌሎ ዔኪጋፓ ዳኮ ጌኤዛሢኮ ሱርቦ ካራ ዓጌ።» ዮሴፔ ማኣራ ማዶ ዓሶኮ ሱኡጋሢ ዮሴፔ ጌዔማጉዲ ማዶ።

3 ጉቴ ዓሚ ዲማ ዓሳ ዮሴፔኮ ጌርሲንሢ ሃር ጫኣኒሲ ዳኬ። 4 ካታማፓ ኬሰኪ ዳካ ሃጊ ዔያታ ዓኣዳኣና ዮሴፔ፡ ማዶ ዓሶኮ ሱኡጋሢሞ፡- «ዩንሢ ዓሶንሢ ጊንዖ ዑከና ዓኣዲ ዔያቶ ዓርቄ፤ ዔያቶ ዴንዲ ሄላዮ፡ ዒንሢሞ ኮሺ ማዲንቴሢ ዛሎ ፑርታ ዒንሢ ማሄሢ ዓይጎርዳይ? 5 ታ ጎዳኮ ዑዡ ዑሽኮ ዓንጎ ዒንሢ ዓይጎር ውኡቄይ? ዩና ዓንጌላ ታጎዳሢ ዑሽኮ ዑሽካያና ዓኣሸንቴ ባኣዚ ቢያ ዒዛና ዛጊ ዔራያ ማዔሢ ዒንሢ ዔራዋዓዳ? ሃይ ዒንሢ ፑርቲሴ ባካ ሚርጌ ዴኤሢ ባኣዚኬ» ዔያቶሞ ጌዔ» ጌኤ።

6 ይያ ማኣሮይ ወይን ዓሰኮ ሱኡጋሢ ወይን ዮሴፔኮ ገርሲንሢ ሃላዎ፡ ገይንቴሢ ጎይያ ዔያቶም ኬኤዘኔ፤ 7 ዔያታ ዒዛ ኮይላ፡- «ኑ ጎዳሢዮ! ወይን ኔ ሃዚ ጋዓይ? ኩኤኒ ይያጉዳ ባኣዚ ማዲባኣሢ ኑ ጫኣቃንዳኔ፤ 8 ሃያኮ ቤርታ ኩኡኮ ሱርቦ ጋራ ጴዳ ማኢሽታዎ ኑ ኩኡኮ ዓጮ ካኣናኔይዳፓ ማሂ ዔኪ ሙኬሢ ኔ ዔራኔ፤ ሂዳዎ ሃሢ ኔ ጎዳ ማኣራፓ ማኢሽ ማዔቶ ዋርቄ ኑ ወኡቃንዳሢ ዓይገንዳርዳይ? 9 ኩገዳፓ ፔቴ ዬኖ ባኬሎ ዔኪ ጴዳቶ ሃይቆንጎ፤ ዓቴዞንሢ ኩኤኒ ኔኤኮ ካራሚ ማዓንዳኔ» ገዔኔ።

10 ዒዚ ዒማና፡- «ኮሺኬ፤ ዒንሢ ገዔማ ጎይያ ማዎንጎ፤ ጋዓንቴ ዬኖ ዓንጌሎ ዔኬ ዓሢ ሌሊ ታኣኮ ካራሚ ማዓንዳኔ፤ ዒንሢ፡ ሃንጎታታ ጋዓንቴ ሜታ ባኣዎ ዓኣዳንዳኔ» ገዔኔ። 11 ይያር ዑኬና ጫኣና ቡሊ ኬሣዎ ፔቴ ፔቴሢ ፔኤኮ ሱርቦ ቡሌኔ። 12 ዮሴፔኮ ማዲሢ ቶይዲሰካፓ ዓርቃዎ ወይን ገይኪሲ ሃላንዳኣና ቢያሢ ሱርቦ ጋር ካኣሺ ካኣሺ ዑዠ ዑሽኮ ዓንጌሎ ኮዓዎ፡ ጋፔይዳ ዓንጌሎ ቢኢኒያሜ ሱርቦ ጋራፓ ወይንቄ። 13 ዮሴፔኮ ገርሲንሢ ይያ ዛጌ ወደና ፔኤኮ ዓፒሎ ዳርዚ ዬኤካዎ ሱርቦ ቢያ ጫኣኒ፡ ገንሣ ካታም ማዔኔ።

14 ዪሁዳና ገርሲንሢና ዮሴፔ ባንሢ ሙኪቤቃ ዒዚ ሃገ ማኣራ ዓኣንቴ ወይንቄ ካኣማዎ፡ ዒዛ ቤርታ ሎኣሜኔ። 15 ዮሴፔ ዔያቶ ኮይላ፡- «ሃይ ዒንሢ ማዲ ባካ ዓይገንዳይይ? ታጉዳ ቦንቹንቴ ዓሲ ዳማ ዔራቶና ዓኣሽንቴ ባኣዚ ቢያ ማሊ ዛገ ዔሪንዳዎያ ዒንሢም ማሊያ?» ጋዓዛ፤ 16 ዪሁዳ ማሃዎ፡- «ዓካሪ ኑ ጎዳሢም ኑ ዓይጎ ኬኤዛንዳይ? ኩና ገይሻንዳ ባኣዚ ኑ ኬኤዛኒ ፔቴታዎ ዳንዳዑዋሴ፤ ዓይጎር ገዔቶ ያኦሲ ኑ ማዲ ፑርቱም ኔኤም ፔጋሴኔ፤ ዓካሪ ዑዠ ዑሽኮ ዓንጌላ ጴዳሢ ሌሊቱዋንቴ ቢያሢ ኩኤኒ ኔኤኮ ካራሚ ማዓንዳኔ» ገዔኔ።

17 ዮሴፔ ዒማና፡- «ይያ ታ ፔቴታዎ ማዲዓኬ፤ ዑሽኮ ዓንጌላ ጴዳ ዓሢ ሌሊ ታኣኮ ካራሚ ማዓንዳያ ኮይሳኔ፤ ዓቴዞንሢ ኮሺና ዒንሢኮ ዓዳሢ ባንሢ ወይንዳኒ ዳንዳዓኔ» ገዔኔ።

**ዪሁዳኮ ቢኢኒያሜ ዛሎ ዮሴፔ ሺኢቂዎ**

18 ዪሁዳ ዮሴፔ ባንሢ ዑኪጋፓ ሃዚ ገዔኔ፡- «ታ ጎዳሢዮ! ሃዳራ ፔቴ ባኣዚ ኔ ዋይዛንዳጉዳ ታ ኔና ሺኢቃኔ፤ ዋዚ ኔ ካኣቴጉዳ ቦንቹንታያ ማዔቴያ ሃዳራ ታና ጎሪፖ። 19 ታ ጎዳሢዮ! ሃያኮ ቤርታ ሲንሢኮ ዓዳ ዓኣ? ሜሌ ገይዛቲያ ዒንሢኮ ዓኣ?» ገዒ ኔ ኩና ያኦጩኔ፤ 20 ኩኤኒያ ጋርቹ ኩኡኮ ዓደሰኬያ ዓኣኔ፤ ሃሃ ዒዚ ጋርቻቶና ሸዔ ገይዛቲያ ኩኡኮ ዓኣኔ፤ ይያ ናዓሢኮ ዒሻሢ ሃይቄኔ፤ ዒዛ ዒንዶ ናኣቶኮ ዓቴሢ ዒዛ ሌሊታሢሮ ዓዳ ዒዛ

ሚርገና ርሸካኔ» ኔኤም ኑ ገዔኔ፤ 21 ዩካፓ ኔኤኒ፡- ታ ዘጋንዳጉዲ ዔኪ ሙኩዋቴ» ኑ ኮራ ገዔኔ፤ 22 ኑኡኒያ፡- ሩዓሢ ዓዶ ሃሺ ሙካኒ ዳንዳዑዋሴ፤ ሃሺ ሙኬያ ማዔቴ ዓዶ ሃይቁዋፃ ዓታዓኩ ሂዚ ኔኤም ኑ ገዔኔ። 23 ኔኤኒ፡- ሩዓንሢኮ ገኤዘሢ ሩዓንሢ ዔኪ ሙኪባኣቴ ላሚ ታ ቤርታ ሩዓንሢ ጳዳዓኩ» ገዒ ኑኡም ኮሺ ላቴኔ።

24 «ዩያር ኑኡኒያ ኑ ዓደሢ ሳንሢ ዳንዲ ሄለፃ ኔ ኑኡም ገዔ ባኮ ቢያ ዒዛም ኬኤዜኔ፤ 25 ዩካፓ ዒዚ፡- ሃሢ ጊብዔ ዓጮ ዳንዲ ዳካ ሃኣኮ ኑኡም ሻንቁዋቴ» ገዔኔ። 26 ኑኡኒያ ዒማና፡- «ዩካ ኑ ዓኣዳኒ ዳንዳዑዋሴ፤ ዓደጎር ገዔቶ ኑ ገኤዘሢ ኑኡና ዋላ ዓኣዳባኣቶ ዓሢ ቤርቶ ኑ ሺኢካኒ ዳንዳዑዋሴ፤ ዩካ ኑ ዓኣዳኒ ዳንዳዓሢ ኔኤኒ ኑ ገኤዘሢ ኑኡና ዋላ ዓኣዳንዳጉዲ ዳኬቴ ሌሊኬ» ገዔኔ። 27 ኑ ዓዶ ገንሣ ኑኡም ሂዚ ገዔኔ፡- ታኣኮ ላኣሌላ፡ ራኣሂላ ላምፃ ዓቴንቁ ናይ ሸዔሢ ሩዓንሢ ዔራኔ። 28 ዔያቶይዳፓ ፔቴሢ ሃያኮ ቤርታ ታጊዳፓ ዲማዲ ባይቄኔ፤ ዒ ባይቄሢዳፓ ሃሮ ሂላንዳኣና ታ ዒዛ ዳንቁባኣሢር ፑርታ ቦፃ ሙዔያ ናንዳኔ፤ 29 ሃሢ ሩዓንሢ ሃያ ዔኪ ዓኣዳዘ ፑርታ ባኣዚ ሄሌቶ፡ ታኣኮ ጋርቻቶ ዋዶይዳ ሩዓንሢ ታና ኑኡናሲ ዋዲሻንዳኔ።»

30-31 ሃሢ ዪሁዳ ኬኤዘፃ፡- «ዩያር ጎዳሢዮ! ሩዓሢ ኑ ዔኩዋፃ ዓዶ ባንሢ ዓኣዳቶ ሩዓሢ ኑ ኮራ ባኣሢ ዒ ዳንቃፃ ቤዘና ሃይቃንዳኔ፤ ዓደጎር ገዔቶ ዒዘኮ ሸምፓሢ ናፃ ሸምፓሢና ዋላ ፔቴ ማዔሢርኬ፤ ሃሢ ሚርገ ጋርቻታፓ ዔቄያና ዒዛ ኑ ዲቃሢ ዋዲሺሳንዳኔ። 32 ሃሢ ገንሣ ሩዓሢ ዘሎ ታኣም ሃሺ፡ ታ ዔኪ ዒዛ ሙካንዳኔ፤ ታ ዒዛ ዔኪ ሙኪባኣቶ ታና ፃኦጮ፡ ገዒ ታ ሙኬኔ፤ ሃሢ ሩዓሢ ኮሺና ታ ዔኪ ሙኪባኣቶ ታ ናንጎ ቢያይዳ ዳቢንታ ታ ዑፃ ማፃም» ገዒ ታ ዒዛም ጫኣቄኔ።

33 «ዩያር ታኣኒ ሩዓሢ ዘሎ ኔና፡ ታ ጎዳሢኮ ካራሚ ማዒ ሃይካ ዓታንዳኔ፤ ሩዓሢ ጋዓንቴ ገርሲንሢና ዋላ ዓኣዳንጎ፤ 34 ሩዓሢ ታ ዔኩዋፃ ዋይቴ ዓዶ ባንሢ ማዓንዳይ? ዩያጉዴ ዴኤሢ ሜታ ታ ዓዶ ዑፃ ሄላንቴ ታ ዘጋኒ ኮዑዋሴ» ገዔኔ።

# 45

## ዮሴፔ ፔ ፃኑዋ ገርሲንሢም ፔጋሴሢ

1 ዮሴፔ ፔኤኮ ማዳ ዓሶ ቤርታ ገባኒ ዳንዳዒባኣሢር፡ ማዳ ዓሶ፡- «ቢያሢ ሃካፓ ኬሰኩዋቴ!» ገይ ዙሎ ኬሴኔ፤ ዮሴፔ ፔ ፃኑዋ ገርሲንሢም ኬኤዘኣና ሜሌ ዓሲ ዒዘ ኮራ ባኣሴ። 2 ዒማና

45:1 45:1 ዳኪ ማዶ 7:13።



ዲዚ ዑኡዞ ፔኤሲ ዴጊዲ ገብፆ ዓሳ ዋይዛንዳያ ሄላንዳኣና ዲላተ ዩኤኬኔ፤ ካኣተ ማኣሮይዳኣ ዩይ ሃይሳ ዋይዚንጎቲ።

3 ዮሴፔ ገርሲንሢጎጎ፡- «ታኣኒ ዮሴፔኬ፤ ታ ዓዴ ሃኖ ሄላንዳኣና ሹምፔና ናንጊዳ?» ጋዓዛ፡ ገርሲንሢ ዲ ጌዔሢ ዋይዛያ ኮሺ ዲቃተ ማሂ ከኤዞንዶ ጎይሢ ባይዜኔ።

4 ዮሴፔ ዔያቶ፡- «ሂንዳ ታ ባንሢ ዩዑዋቴ» ገዔኔ፤ ዔያታ ዲዛ ባንሢ ሙካዛ፡ ሂዚ ገዔኔ፡- «ዲንሢ ገብፆ ዓጮም ሻንቹ፣ ታ ዲንሢኮ ገርሲ ዮሴፔኬ፤ 5 ሚና ዩያ ዲንሢ ማፌ ባኮሮ ሃሢ፣ ሳይጎሮ ኑ ዩያይዳይ?» ገዲ ማሊ ሜታዲፖቴ፤ ዋይተ ገዔቴ ያኦሲ ታና ቤርታሲ ሃካ ዳኬሢ ዓሶኮ ሹምፓሢ ታ ዓውሳንዳጉዲኬ።

6 ሳዓ ሉማዴንጎቴ ላምዓሲ ለዔ ማዔኔ፤ ዓሳ ጎሽኪ ሃኣኮ ቡኩሳኒ ዳንዳዑዋ ዶንጎ ለዔ ሃጊ ሙካንዳኔ። 7 ያኦሲ ቤርታሲ ታና ሃይካ ዳኬሢ ዲንሢኮ ሹምፓሢ ሃያጉዴ ዲቃሢ ጎይሢና ዓውሲ፡ ሳያይዳ ዲንሢኮ ዜርሢ ዓታንዳጉዲ ማሌሢሮኬ።

8 «ዩያሮ ሃይካ ታና ዳኬሢ ያኦሲኬ፤ ዲንሢቱዋሴ፤ ያኦሲ ታና ካኣተኮ ዙራ ዓዶ፤ ጊንሢ ዲዛኮ ዓኣ ቆሎ ዑያይዳ ጎዳ ማሂ፡ ሃሢ ገብፆ ዓጮ ቢያ ዋይሢ ዓሲ ታና ማሂ። 9 ሃሢ ዑኬና ታ ዓዶ ኮራ ማዒ ዓኣፎጋፓ ኔኤኮ ናኣዚ፡ ዮሴፔ ኔኤም፡- «ያኦሲ ገብፆ ዓጮ ቢያ ዋይሢ ዓሲ ታና ማሂ፤ ዩያሮ ኔጉዋያ ታ ኮራ ዑኬ ሙኬ፤ 10 ኔኤኮ ናኣቶ፣ ናኣቶኮ ናኣቶ፣ ማራቶ፣ ዋኣሮ፣ ባኣቶንታ ሜሌ ኔኤኮ ዓኣ ባኮ ቢያ ዔኪ ሙኬ፤ ታኣኮ ዑኬ ገኤሴኤሜ ዓጮይዳ ኔ ናንጋንዳኔ። 11 ሃጊ ሴካ ቤርታ ዶንጎ ሉማ ለዔ ዓቲሢሮ ኔኤና ኔ ማኣሮ ዓሶና፡ ሃሢ ቆልሞና ዲንሢ ናይዲንጎቱዋጉዲ ገኤሴኤሜ ዓጮይዳ ገሢ ታ ኔና ሙኡዛንዳኔ» ሂዚ ጋዓኔ፡ ጎዑውዋቴ።

12 ሃሢ ጊንሢ ዮሴፔ ከኤዛያ፡- «ታኣኒ ዮሴፔ ማዔሢ ዲንሢ፡ ሃሢ ኔኤኒ ታ ገኤዚ ቢኢኒያሜያ ዛጊ ጎናሳኒ ዳንዳዔኔ፤ 13 ገብፆ ዓጮይዳ ታኣኮ ዓኣ ፑኤፖ ቦንቾና ዲንሢ ዛገ ባኮ ቢያ ታ ዓዶም ከኤዙዋቴ፤ ሃሢ ዑኬና ዲዛ ሃይካ ዔኪ ዩዑዋቴ» ገዔኔ።

14 ዩካፓ ዮሴፔ ፔ ገኤዚ፡ ቢኢኒያሜኮ ባቃኖ ማሪ ዓርቂ ዩኤካዛ ቢኢኒያሜያ ዲሾ ኮንቂ ዩኤኬኔ፤ 15 ዮሴፔ ጊንሢ ዓቲ ገርሲንሢ ቢያ ሄርቂ ሄርቂ ዩኤኬኔ፤ ዩካፓ ዲዛኮ ገርሲንሢ ዲዛና ዋላ ገሰተሢ ዓርቂ።

16 ዮሴፔ ገርሲንሢኮ ሙኪያ ካኣቱሞ ማኣሮይዳ ዋይዚንታዛ፡ ካኣተንታ ዲዛና ዋላ ማዒ ዋይሢ ዓሳ ዋዛዴኔ፤ 17 ካኣተ ዮሴፔም፡- «ኔኤኮ ገርሲንሢ ሃሮ ጫኣኒ ካኣናኔ ማዒ ዓኣዳንዳጉዲ ከኤዜ፤ 18 ዔያቶኮ ዓዶንታ ማኣሮ ዓሶንታ ዔያታ ዔኪ ሙኮንጎ፤ ታኣኒ

45:11 45:11 ዳኪ. ማዶ 7:14።

ዔያቶም ጊብፃ ዓጮይዳ ኮሺ ማዔ ቤሲ ዶኔሪ ዒንጋንዳኔ፤ ጊዳ ሙኡዚያ ዔያታ ዳንቁ፣ ዋዛና ሃይካ ናንጋኒ ዳንዳዓኔ። 19 ዬያጉዲ ሃሃ ዔያታ ፔኤኮ ላኣሎንታ ናኣቶንታ ዓደንታ ቶጊሲ ዔኪ ሙካንዳ ፓርንታ ሳርጌላ ያይታንታ ሃይፓ፣ ጊብፃ ዓጮፓ ዔኪ ዓኣዲንዳጉዲ ዓይሣ። 20 ጊብፃ ዓጮይዳ ዓኣ ኮዠ ባካ ቢያ ዔያቶም ማዔሣረ ማኣራ ዓቲ ቆሎ ሃሺ ሙኪፆና ያዩ ዔያታ ማሎፓ» ጌዔኔ።

21 ያይቆኦቤ ናኣታ ዔያቶም ኬኤዚንቴማ ጎይያ ማዕኔ፤ ዮሴፔያ ካኣቲ ዓይሣሣ ጎይያ ፓራሣና ሳርጌሎ ያይቶና፣ ሃሃ ጎይያኮዋ ዔያቶም ጋላ ዒንጌኔ፤ 22 ዮሴፔ ፔቴ ፔቴሣሞ ላምዖ ላምዖ ላኣሚ ማኣዖንዶ ማኣዖ ዒንጋዖ፣ ቢኢኒያሚም ጋዓንቴ ዶንጎ ላኣሚ ማኣዖንዶ ማኣዖንታ ሃይሃ ፄኤታ ሹቺ ቢራኣ ዒንጌኔ። 23 ፔ ዓደም ጊብፃ ዓጮይዳ ዓኣ ኮዠ ባኮ ታጶ ሃሪና ጫኣኒሲ ዳኬኔ፤ ሃሃ ጎይያ ሙካዖ ሙዓንዳ ጋላኣ ማሌ ታጶ ዒንዴ ሃሪና ሃኣኮንታ ላኣዳንታ ማሌ ሙኡዚያ ጫኣኒ ዳኬኔ። 24 ዬያይዲ ዒዚ ጌርሲንሣ ዳኮሮ ጋዓዖ፡- «ጎይያይዳ ዋላ ዑራዲፖቴ» ጌዒ ዔያቶ ዘሬኔ።

25 ዮሴፔኮ ጌርሲንሣ ጊብፃይዳፓ ዔቁ ካኣናኔ ዓጮይዳ ናንጋ ዔያቶኮ ዓዶ፣ ያይቆኦቤ ኮራ ዴንዴኔ። 26 ዒኢካ ዴንዲ ሄላዖ ዓዶም፡- «ዮሴፔ ሸምፖና ዓኣኔ፤ ሸምፔና ዓኣያ ማዒያ ሌሊቱዋንቴ ጊብፃ ዓጮ ቢያይዳ ዋይሣ ሱኡጌ ዒ ማዔኔ» ሂዚ ጌዒ ኬኤዚኔ። ዓዶ፣ ያይቆኦቤ ጋዓንቴ ኮሺ ዲቃቴሣረ ዔያታ ጋዓ ባኮ ጎኔኬ ጋዓኒ ዳንዳዒባኣሴ።

27 ጋዓንቴ ዮሴፔ ዒዛም ጌዔ ባኮ ቢያ ዔያታ ኬኤዛዛ፣ ሃሃ ዒዛ ጊብፃ ዓጮ ዔኪ ሙካንዳጉዲ ዮሴፔ ዳኬ ፓራሣንታ ሳርጌሎ ያይቶንታ ዛጋዖ ዒና ዒዛኮ ማዔም ዋዛዴኔ፤ 28 ዬካፓ ያይቆኦቤ፡- «ታ ናዓሣ፣ ዮሴፔ ሸምፖና ዓኣያ ማዔሣ ታ ዔሬሣረ ታኣኒ ሃይቃንዳሣኮ ቤርታ ዴንዲ ዒዛ ዛጋንዳኔ» ጌዔኔ።

# 46

## ያይቆኦቤ ኮ ማኣረ ዓሶና ዋላ ጊብፃ ዓጮ ዓኣዲዖ

1 ያይቆኦቤ ፔኤኮ ዓኣ ባኮ ቢያ ዔኪ ጊብፃ ዓጮ ዓኣዲቤቃ ቤርሳቤ ሄሊ ፔ ዓዶ፣ ዩሳኣቁ ያኦሲም ዒንጎ ባኣዚ ዒንገኒ ካኣሸኬኔ።

2 ዬዮ ቤዜሎይዳ ዲሚና ዒሰራዔኤሌም ያኦሲ ፔጋዲ ጴዳዖ፡- «ያይቆኦቤ! ያይቆኦቤ!» ጌዒ ዔኤላዛ፣ ዒዚ፡- «ዮ! ታ ጎዳሣዮ» ጌዔኔ።

3 ያኦሲ ዒዛም ኬኤዛዖ፡- «ታኣኒ ያኦሲኬ፤ ኔ ዓዶ ያኦዛሣኪ፤ ጊብፃ ዓጮ ዓኣዲያ ዒጊጪፖ፤ ጊብፃ ዓጮይዳ ታ ኔኤኮ ዜርዖ ዴኤፔ ዴሬ ማሃንዳኔ፤ 4 ሃሃ ጊብፃ ዓጮ ታኣኒ ኔኤና ዋላ

ዓሳዳንዳኔ፤ ዜርዎዎ ታ ኔኤኮ ሃያ ዓጮ ገንሣ ማሃ ዔኪ ሙካንዳኔ፤ ኔኔኒ ሃይቃ ዎዶና ኔ ናኣዚ ዮሴፔ ኔና ሱኡዳንዳኔ» ጌዔ።

5 ያይቆኦቤ ቤርሳቤፓ ገብፃ ዓጮ ዓሳዳኒ ዔቁኔ፤ ያይቆኦቤኮ ናኣታ ዔያቶኮ ዓዶ ያይቆኦቤንታ ዔያቶኮ ዳኮ ናኣቶንታ ላኣሎንታ ገብፃ ካኣቲ ዳኬ ፓራሣና ሳርጌሎ ያይቶናይዳ ቶጊሲ። 6 ሃሣ ቆልሞንታ ካኣናኔ ዓጮይዳ ዓኣዎ ዔያታ ዳንቄ ቆሎዎ ቢያ ዔኪ ገብፃ ዓጮ ዓሳዳኔ፤ ዬያይዲ ያይቆኦቤ ማኣሮ ዓሳ ቢያ ዔኪ ዳንዴኔ፤ 7 ዒዛና ዎላ ዓኣዳዘንሣ ዒዛኮ ዓቲንቆ ናኣቶና ዉዲሮ ናኣቶና ናኣቶኮ ናኣቶናኬ።

8 ገብፃ ዓጮ ጌሌ ዒሰራዔኤሌ ናኣቶ ዜርዎኮ ሱንፃ ሃይፓ ዳማ ፓይዳንታዘንሣኬ፤ ያይቆኦቤኮ ናኣዚ፤ ቶይዲ ሮኦቤኤሌ፤ 9 ሮኦቤኤሌኮ ናኣታ፡- ሄኖኬ፤ ፓሉ፤ ሃይሮኔና ካርሚ ጌይንታያኬ። 10 ሲሞኦኔ ናኣታ፡- ዪሙዔኤሌ፤ ያሚኔ፤ ያሃዳ፤ ያኪኔ፤ ያሃራና ካኣናኔ ዓጮ ላኣሎይዳፓ ሾይንቲ ሻዑሌ ጎሣሣንታኬ። 11 ለዊ ናኣታ፡- ጌርሾኔ፤ ቁሃቴንታ ሜራሪንታኬ። 12 ዪሁዳ ናኣታ፡- ዔኤሬ፤ ያናኣኔ፤ ሹኤላ፤ ፓርሴና ዛራሃናኬ፤ ዔኤሬና ያናኣኔና ጋዓንቲ ካኣናኔ ዓጮይዳ ዓኣዎ ሃይቁኔ። ፓርሴ ናኣታ፡- ሃይሮኔና ሃሙለናኬ። 13 ዪሳኮኦሬ ናኣታ፡- ቶላዒ፤ ፑዎ፤ ያሹቤና ሺሞሮኔናኬ። 14 ዪሳኮኦኦኔ ናኣታ፡- ሴሬዳ፤ ዔሎኔና ያሃለዔኤሌናኬ።

15 ዬንሣ ዓቲንቆ ናኣቶንሣና ዉዲሮ ናዎ ዲና ጎሣዘንታ ያይቆኦቤኮ ማቻ ሊያ ሜሶፖታሚያይዳ ዓኣዎ ዒዛሞ ሾዔያኬ፤ ያይቆኦቤ ሊያይዳፓ ሾዔ ናኣቶና ዒዛኮ ናኣቶኮ ናኣቶናኮ ፓይዳ ዎሊ ዑፃ ሃይሣታሚ ሃይሦኬ። 16 ጋኣዳ ናኣታ፡- ፃፖኔ፤ ሃጌ፤ ሹኔ፤ ዒዲባኔ፤ ዔሪ፤ ዓርዳና ዓርዔኤሌናኬ። 17 ዓሴኤሬ ናኣታ፡- ዪሚና፤ ዪሺዎ፤ ዪሺዊንታ ቤራዓንታኬ። ዔያቶኮ ጌሬላ ሴራሆ ጌይንታኔ። ቤራዓ ናኣታ ሃሣ ሄቤርና ማልኪዔኤሌናኬ። 18 ዬንሣ ታጳ ላሞዎንሣ ላኣባ ፔኤኮ ናዎ ሊያም ዒዘ ማኣዳንዳጉዲ ዒንጌ፤ ዚሊፓ ያይቆኦቤም ሾዔ ናኣቶና ናኣቶኮ ናኣቶናኬ። 19 ያይቆኦቤ ራሃሎይዳፓ ሾዔ ናኣቶንሣ ዮሴፔና ቢኢኒያሜናኬ። 20 ዮሴፔ ናኣታ ሚናኣሴና ዔፕሬኤሜናኬ፤ ዬያታ ዮሴፔ ገብፃ ዓጮይዳ ያኦኔ ካታሞ ቁኤሶኮ ሱኡጋሣ፤ ጲዲፓራ ናዎ ዓሲናቶዳፓ ሾዔዘንሣኬ።

21 ቢኢኒያሜ ናኣታ፡- ቤላዔ፤ ቤኬሬ፤ ዓሽቤሌ፤ ጌራ፤ ናሲማኔ፤ ዔሃ፤ ሮሺ፤ ሙፕሜ፤ ሁፕሜና ዓሬዳናኬ። 22 ዬንሣ ታጳ ያይደንሣ ያይቆኦቤ ፔኤኮ ማቻ፤ ራሃሎይዳፓ ሾዔ ናኣቶና ናኣቶኮ ናኣቶናኬ። 23 ዳኣኔ ናኣዚ፡- ሁሺሜኬ። 24 ኒፕታኣሌኤሜ ናኣታ፡- ያሃላዔኤሌ፤

ጉኒ፣ ዩጌራና ሺሌሜና። 25 ዩንሢ ለንካዎንሢ ራሃሎኮ ዓዳ፣ ለአባ ዒዞም ማዳንዳጉዲ ዒንጌ ባኣላይዳፓ ሾይንቲ ያይቆኦቤ ናኣቶና ናኣቶኮ ናኣቶና። 26 ያይቆኦቤና ዎላ ጊብፄ ዓጮ ዓኣዳ ዒዞኮ ዜርፃ ናኣዚንሢ ላኣሎ ሃሾዛ ፓይዳ ላሂታሚ ላሆኑ። 27 ዮሴፔ ጊብፄ ዓጮ ዓኣዎ ሾዔ ላምዎ ዓቲንቆ ናኣቶንሢ ጊዳ ቃሲ ፓይዳዛ ያይቆኦቤኮ ጊብፄ ጌሌ ዜርፃ ዎላ ዑፃ ለንካይታሚኑ።

**ያይቆኦቤና ዒዞኮ ማእሮ ዓሶና ጊብፄ ዓጮይዳ**

28 ጌኤሴኤሜይዳ ካኣሚ ዒዞ ጎይሢ ዔካንዳጉዲ ያይቆኦቤ ቤርታሲ ዮሴፔ ኮራ ዪሁዳ ዳኬኔ፤ ሙኪ ዔይታ ጌኤሴኤሜ ሄላዛ፣ 29 ዮሴፔ ዓደና ካኣማኒ ሳርጌሎ ያይቶ ቶጊ ዒኢካ ሙኬኔ፤ ዮሴፔ ዒኢካ ዓደና ካኣማዎ ዓደኮ ባቃኖ ማሪ ዓርቁ ማርጌ ዩኤኬኔ።

30 ዒሰሪዔኤሌ ዮሴፔም፡- «ኔኤኒ ሸምፖና ዓኣዎ ማዔሢ ታኣኒ ታ ዓኣፒና ዛጊ ጎናሲሢሮ ማይ ታ ሃይቁቶዎ ማታ ባኣሴ» ጌዔኔ።

31 ዩካፓ ዮሴፔ ፔኤኮ ጌርሲንሢንታ ሃንጎ ዓደ ማእሮ ዓሶንታም ሂዚ ጌዔኔ፡- «ታኣኒ ካኣቲ ኮራ ዓኣዲፓፓ ከኣናኔ ዓጮይዳ ናንጋ ታኣኮ ጌርሲንሢንታ ታ ዓደ ማእሮ ዓሶና ታ ኮራ ሙኬኔ፤ 32 ዔይታ ቆልሞ ቆሊ ዔራ ቆልሞ ሄንቃ ዓሲኬ፤ ፔኤኮ ዔይታ ማራታ፡ ዎኣራ፡ ባኣቶንታ ዓኣ ባኮዎ ቢያ ዔኪ ሙኬኔ» ጌዒ ታ ኬኤዛንዳኔ።

33 ዒንሢ ካኣቲ ዔኤሊሲ <ዒንሢ ማዲ ናንጋ ማዳ ዒንሢኮ ዓይጎዳይ?> ጌዒ ያኦጩቶ፡- 34 «ኦኡኒ ኦኡኮ ቤርታኣ ዓደንሢ ጎይዎ ናኣቶይዳፓ ሳርቃዎ ኦ ማዲ ናንጋሢ ቆልሞ ቆሊሢኬ» ጌዒ ኬኤዙዎቲ፤ ቆልሞ ቆላ ዓሲ ጊብፄ ዓጮ ዓሶ ማሊዎና ላኣፓ ዓሲታሢሮ ያዲ ጌዒ ኬኤዚዎና <ጌኤሴኤሜይዳ ናንጉዎቲ> ጋዓ ዓይሥሢ ዒንሢ ዴንቃንዳኔ።»

**47**

1 ዒማና ዮሴፔ ካኣቲ ኮራ ዓኣዳዎ፡- «ታ ዓደና ታኣኮ ጌርሲንሢንታ ፔኤኮ ማራቶንታ ዎኣሮንታ ባኣቶንታ፡ ሃሢ ዔይቶኮ ዓኣ ባኮ ቢያ ዔኪ ካኣናኔ ዓጮይዳፓ ሃይካ ሙኬኔ፤ ሃሢ ዔይታ ዓኣሢ ጌኤሴኤሜይዳኬ» ጌዔኔ። 2 ሃሢ ዒዚ ዒዞኮ ጌርሲንሢንታ ደንጎ ደኦሪ ዔኪ ካኣቲ ቤርቶ ሸኢሸኔ።

3 ካኣቲ ዮሴፔኮ ጌርሲንሢንታ ኮራ፡- «ዒንሢ ማዲ ናንጋ ማዳ ዒንሢኮ ዓይጎዳይ?» ጌዒ ያኦጩኔ። ዔይታ ማሃዎ፡- «ኦኡኒ ኦኡኮ ዓይላ፣ ቆልሞ ቆሊ ናንጋያኬ፤ ሃያኮ ቤርታ ኦኡኮ ዓደንሢያ ማዲ ናንጋሢ ዩያኬ። 4 ካኣናኔ ዓጮይዳ ሉማ ኮሺ ደዴያታሢሮ ቆልሞኮ ኦኡኮ ማኣቲ ባይቁም ዳካ ዎዴ ሃኖ ዓጩሎይዳ ኦኡኒ ናንጋኒ

46:27 46:27 ዳኪ. ማዳ 7:14።

ሙከኔ፤ ዬያሮ ኑና ኔኤኮ ዓይሎ ገኤሴኤሜይዳ ናንጊሹቴራ»  
ጌዔኔ።

5 ካአቲ ዒማና ዮሴፔም ሂዚ ጌዔኔ፡- «ኔ ዓደንታ ኔ ጌርሲንሢንታ  
ሙከያ ማዔቴ፤ 6 ማይ ዓይጌ ዓአዖ ጊብፄ ዓጫ ቢያ ኔኤርከ፤  
ዬያሮ ኔ ዓደንታ ኔ ጌርሲንሢንታ ኮሺ ማዔ ገኤሴኤሜ ዓጩሎይዳ  
ናንጋንዳጉዲ ዳይሢቴራ። ዔያቶ ባአኮይዳ ዲማ ዔራቶና ዓአ ዓሲ  
ዓአያታቶ፤ ታ ቆልሞኮ ዋአና ማዔ ዛጋንዳጉዲ ዔያቶም ዒንጌ።»

7 ዩካፓ ዮሴፔ ፔኤኮ ዓዶ፤ ያይቆኦ ካአቲ ቤርቶ ሺኢሸኔ፤  
ያይቆኦ ዒማና ካአቲ ዓንጃኔ፤ 8 ካአቲ ያይቆኦ ኮራ፡- «ኔኤኮ ለዓ  
ዋአዳዳይ?» ጌዒ ዖኦጩኔ።

9 ያይቆኦ ማሃዖ፡- «ሴካ ሃንጋ ጌዒ ታአኒ ሸኦቹሞና ናንጌ ለዓ  
ጃኦታና ሃይሢታሚናከ። ዬይ ለዓ፤ ቤርታ ታአኮ ዓደንሢ ሴካ ሃንጋ  
ጌዒ ሸኦቹሞና ሃንቴ ለዖይዳፓ ኮሺ ዳካታዖ ማታ ማርጌ ለዔከ።»  
ጌዔኔ። 10 ዩካፓ ሃሃ ያይቆኦ ካአቲ ዓንጃዖ ሳራሢ ከሰከኔ።

11 ዬያይዲ ዮሴፔ ፔኤኮ ዓዶና ጌርሲንሢን ጊብፄ ዓጩይዳ  
ዳይሢኔ፤ ካአቲ ዓይሢ ጎይዖ ጊብፄ ዓጩይዳ ኮሺ ማዔ፤ ራምሴ  
ጌይንታ ካታሞ ኮይላ ዓአ ቤዜሎ ፔ ዓደንሢም ዒንጌ። 12 ዮሴፔ  
ዬኖ ዎዶና ዓዶና ጌርሲንሢንም ዔያቶኮ ናአቶ ማርጌሞ ጎይዖጉይዖ  
ዛጊ ጊዳንዳ ሃአኮ ዒንጌ።

**ከሊንኮ ለማሢ**

13 ለማሢ ኮሺ ደዲ ደዲ ዓአዳሢሮ ዓንካፓ ማዔቶዎ ሃአኮ  
ዴንቃኒ ዳንዳዒንቲ ባአሴ፤ ዬያሮ ጊብፄ ዓጩና ካአና ኔ ዓጩናይዳ  
ዓአ ዴራ ለማሢና ኮሺ ላቤኔ፤ 14 ጊብፄ ዓጩና ካአና ኔ ዓጩና ዴራ  
ዮሴፔ ኮራፓ ሙከ ሃአኮ ሻንቃ ማኢሾ ዒ ቡኩሲ ካአቲኮ ማኢሾ  
ጌሃ ከኤፃ ጌሃኔ። 15 ዬያይዲ ጊብፄ ዓጩ ዓሶና ካአና ኔ ዓጩ  
ዓሶና ሃአኮ ሻንቁ ሻንቁ ፔኤኮ ማኢሾ ጋፒሴሢሮ፤ ጊብፄ ዓጩ ዓሳ  
ቡከንቲ ዮሴፔ ኮራ ሙካዖ፡- «ኑኡኒ ሙዓንዳ ሙኡዚ ኑኡም ዒንጌ፤  
ማኢሾ ኑኡኮ ኑኡኒ ጋፒሴያታሢሮ ለማሢና ኑ ኩዴኔ» ጌዔኔ።

16 ዮሴፔ ዔያቶም፡- «ማኢሻ ዒንሢኮ ጋፔያታቲ ዒንሢኮ ቆልሞ  
ዒንሢ ዔኪ ሙካዛ፤ ቆልሞ ዛሎ ሃአኮ ታ ዒንሢም ዒንጋንዳኔ»  
ጌዔኔ። 17 ዬያሮ ዔያታ ፔኤኮ ቆልሞ ዮሴፔ ኮራ ዔኪ ሙከኔ፤ ዒዚ  
ዔያቶም ፓራሢና ሃሮና ዛሎ፤ ማራቶና ዎአርና ባአቶና ዛሎ ሃአኮ  
ዒንጌ፤ ዬኖ ለዖ ቢያ ዔያቶኮ ቆልሞ ዔኪ ዔኪ ሃአኮ ዒዚ ዔያቶም  
ዒንጌ።

18 ሄሊሴ ለዖ ዒዛ ኮራ ዔያታ ሙካዖ፡- «ኑ ጎዳሢዮ! ኔኤም  
ኑኡኒ ዓአቻ ባአዚ ባአሴ፤ ማኢሻ ኑኡኮ ቢያ ጋፔኔ፤ ቆልሞዎ ኑኡኮ  
ኔኤም ኑ ዒንጌ፤ ዓካሪ ኑ ጎዳሢም ኑኡኒ ዒንጋንዳ ባአዚ ኑ ዑዖና

ኑ ሳዎናይዳፓ ባታዛ ፔቲታዎ ዓአ ባአዚ ባአሴ። 19 ፔቲ ባአዚ ኑኡም ኔ ማዲዎዎ ኑኡኒ ሃይቃንዳያ ሄለንዳአና ዚቲ ጌይ ኑና ዛጊፖ፤ ጎዣአ ኑኡኮ ሃሸና ካይዚ ማዓንዳጉዲ ማሂፖ፤ ኑናንታ ኑ ሳዎንታ ሻንቁ ዔኪ ኑኡም ሃአኮ ዒንጌ፤ ኑኡኒያ ካአቲኮ ካራሚ ማዓንዳኔ፤ ሳዓ ኑኡሲ ዒዛሮ ማዎም፤ ሙኡዚ ኑ ሙዒ ሺምፖና ናንጋንዳጉዲ ሃአኮ ኑኡም ዒንጌ፤ ሃሃ ሳዎ ኑ ዜርቂ ጎሽካንዳጉዲ ዜርሂያ ኑኡም ዒንጌ» ጌዔ።

20 ዮሴፔ ጊብፃይዳ ዓአ ሳዎ ቢያ ካአቲም ሻንቁ፤ ሉማሂ ኮሺ ደዳሂሮ ጊብፃ ዓጮ ዓሳ ቢያ ናሽኪባአዎ ፔ ሳዎ ሻንቻኒ ደንዳዔ፤ ያዲ ማዒያና ሳዓ ቢያ ካአቶሮ ማዔ። 21 ዮሴፔ ጊብፃ ዓጮ ዓሶ ቢያ ካራፓ ዴንዲ ካሮ ሄለንዳአና ካአቲኮ ካራሚ ማሄ። 22 ዮሴፔ ዒማና ቁኤሶ ሳዎ ሌሊ ሻንቁባአሴ፤ ዓይጎሮ ጌዔቶ ቁኤሳ ዬሮ ዎዶና ካአቲ ኮራፓ ዔካ ባአዚ ዓአያ ማዔሂሮ ፔኤኮ ሳዎ ሻንቹባአሴ።

23 ዮሴፔ ዳሮም ሂዚ ጌዔ፡- «ማይ ዓካሪ ዒንሂና ዒንሂኮ ሳዎና ካአቲም ታ ሻንቁሂሮ ዜርሂ ዔኪጋፓ ዒንሂኮ ሳዎይ ዜርቁዎቲ። 24 ጋዓንቲ ሃአካ ቡኩሲንታ ዎዶና ካፃ ሃአኮኮ ደንጎ ያኑራፓ ፔቲማ ዔኪ ካአቲም ዒንሂ ዒንጋኒ ኮይሳ፤ ዓቲ ያይዶ ያኑራ ጋዓንቲ ዒንሂ ሳዎኮ ዜርሂ፤ ሃሃ ዒንሂንታ ዒንሂ ናአቶንታ ማአሮ ዓሶ ቢያሂናኮ ሙኡዚ ማዎንጎ።»

25 ዳራ ዒማና፡- «ኑ ጎዳሂዮ! ኮሺ ባአዚ ኑኡም ኔ ማዲ፡ ሺምፖ ኑኡኮ ኔ ዓውሴሂሮ ቢያሂ ኑኡኒ ካአቲኮ ካራሚ ማዓንዳኔ» ጌዔ። 26 ዬያይዲ ዮሴፔ ካፃ ሃአኮ ቢያይዳፓ ደንጎ ያኑራኮ ፔቲማ ካአቲም ዒንጊንታንዳጉዲ ጊብፃ ዓጮ ሳዎ ዛሎ ዎጌ ኬሴ፤ ዬይ ዎጋ ሃሮ ሄለንዳአና ማዳኔ፤ ካአቲሮ ማዒባአ ሳዓ ቁኤሶ ሳዎ ሌሊኸ።

**ያይቆኦቤ ጋፒንፃ ዶዲሺ ኬኤዜ ባኮ**

27 ዒሰራዔኤሌ ዓሳ ጊብፃ ዓጮ ጌኤሴኤሜይዳ ናንጌ፤ ዒአካ ዔያታ ሚርጌ ቆሎ ዴንቁ ሚርጌ ናይያ ሾዔ።

28 ያይቆኦቤ ታጾ ለንካይ ሌዔ ጊብፃ ዓጮይዳ ናንጌ፤ ሌዓ ዒዛኮ ዒማና ፃኤታና ያይዲታሚ ለንካይ ሌዔ ማዔ። 29 ዒሰራዔኤሌ ሃይቃንዳ ዎዳ ዑካዛ፡ ፔኤኮ ናአዚ ዮሴፔ ዔኤሊሳዎ፡- «ታኣኒ ኔኤም ቦንቹንቲ ዓሲ ማዒ ጾዴቶ፡ ታኣኒ ሃይቃዛ ሃካ ጊብፃ ዓጮይዳ ታና ኔ ዴኡኪንዲዎአያ ማዒ ዮኩጮ ኔኤኮ ታ ጉባዞ ባአካ ጌሂ ጫአቁ። 30 ታ ዓደንሂ ዴኡቲ ቤዛ ታ ዴኡታኒ ኮዓያታሂሮ ታኣኒ ሃይቃዛ ጊብፃ ዓጮፓ ታና ዔኪ ዓአዲ ዔያታ ዴኡቲ ቤዛ ዴኡኩ» ጌዔ።

የሴፔ ዲማና:- «ዔኤዔ፥ ኔ ጌዔ ጎይፆ ታ ማዳንዳኔ» ጌዔ።

31 ዲሰራዔኤሌ:- «ዩያ ኔ ማዳንዳሢ ታኣም ጫኣቂ» ጌዔ።  
የሴፔ ጎኔ ማዳንዳያ ማዒፆ ጫኣቂ ዔርዘኔ፤ ዩካፓ ዲሰራዔኤሌ ላሂ ቤዛ ዓኣፆ ፆኦሲም ዚጊ ጋላቴ።

# 48

## ያይቆኦሴ ዔፕሬኤሜና ሚናኣሴና ዓንጃ ዓንጃ

1 ዳካ ዎዴ ዴዔሰካፓ የሴፔም «ዓዴ ኔኤኮ ሃርጊንቴ» ጋዓ ኪኢታ ሙኩኔ፤ ዩያሮ የሴፔ ፔኤኮ ናኣቶ ሚናኣሴና ዔፕሬኤሜና ዔኪ ዓዶ፥ ያይቆኦሴ ፆኦጫኒ ዓኣዳ። 2 ዒዛኮ ናኣዚ፥ የሴፔ ዒዛ ፆኦጫኒ ሙኩሢ ዲሰራዔኤሌ ዋይዛፆ ሻኣላፓ ሻኣሻቲ ዔቂዴዔ።

3 ያይቆኦሴ የሴፔም «ቢያ ባኮ ዳንዳዓ ፆኦሲ ካኣና ናጫ ሎኣዛ ጎፆ ቤዛ ታኣም ፔጋዲ ጴዲ ታና ዓንጃ፤ 4 ሄርፆ ታ ኔኤኮ ሚርጊሻንዳ፤ ዜርፆ ኔኤኮ ሚርጊ ዴሬ ማዓንዳ፤ ሃሮ ሳዔሎ ኔ ጊንፃፓ ሙካንዳ፥ ኔኤኮ ዜርፆም ናንጊና ዔያቶሮ ማሃታ ዒንጋንዳ» ታኣም ጌዔ።»

5-7 ያይቆኦሴ ቃሳፆ የሴፔም:- «ታ ናዓሦ፥ የሴፔ! ታኣኒ ሃይካ ጊብፃ ዓጮ ሙኩዋንቴ ኔኤኮ ሾይንቴ ላምፆ ናኣቶንሢ ታኣሮኩ፤ ሮኦኤሌና ሰምኦኔናፕዲ ኔኤኮ ዔፕሬኤሜና ሚናኣሴና ማይ ታ ናይኩ፤ ሃያ ታ ማዳሢ ኔ ዒንዶ ዛሎሮኩ። ሃካፓ ሴካ ሜሌ ናይ ኔኤም ሾይንቴቶ ኔኤሮኩ፤ ማዔቶዎ ዔያታ ዓጪ ዴንቃንዳሢ ዔፕሬኤሜና ሚናኣሴ ሱንፆና ዔኤሊንቴኩ። ሜሶፖታሚያይዳፓ ታኣኒ ማዓፆ ካኣና ናጫ ዓኣ ዔፕራታ ሃጊ ታ ዑካኣና ኔ ዒንዳ ራኣሂላ ሃይቃዛ፥ ዒዛ ታኣኒ ዔፕራታ ዴንዳ ጎይፆ ዓጫ ዲኤኩኔ» ጌዒ ኩኤዜ። ዩና ዔፕራታ ጌይንታዛ ሃሮ ቤኤቴሌሂሜ ጎፆ ቤዜሎኩ።

8 ዲሰራዔኤሌ የሴፔኮ ናኣቶ ዴንቃፆ:- «ሃንሢ ናኣቶንሢ ፆናንሢዳይ?» ጌዒ ፆኦጫ።

9 የሴፔ:- «ሃንሢ ሃሮ ዓጫ ታኣኒ ዓኣንቴ ፆኦሲ ታኣም ዒንጌ ናኣቶንሢኩ» ጌዒ ዓዶም ኩኤዜ። ዩካፓ ዲሰራዔኤሌ:- «ሂንዳ ታ ዔያቶ ዓንጃም ታ ባንሢ ዔኪ ዩዔ» ጌዔ። 10 ዲሰራዔኤሌ ጋርቺ ሚርጊ ላቤያ ማዔሢሮ ዓኣፓ ዒዛኮ ኮሺ ዴንቁዋሴ፤ ዩያሮ የሴፔ ፔኤኮ ናኣቶ ዒዛ ባንሢ ደጪሴ፤ ዲሰራዔኤሌ ዔያቶ ኮንቃፆ ሄርቄ። 11 ዩካፓ የሴፔ ኮራ:- «ኔና ታ ላሚ ዛጋንዳ፤ ጌዒ ማለባኣሴ፤ ፆኦሲ ጋዓንቴ ኔና ሌሊቱዋንቴ ናኣቶዎ ኔኤኮ ታና ዳዌ።»

47:30 47:30 ማዢ. ማፃ 49:29-32፤ 50:6። 48:4 48:4 ማዢ. ማፃ 28:13-14።  
48:5-7 48:5-7 ማዢ. ማፃ 35:16-19።

ጌዔኔ። 12 የሴፔ ናኦቶ ፔኤኮ ዒሰራዔኤሌ ጉኡዠ ኮራፓ ሺኢሺ። ሳዖ ባንሢ ሂርኪ ጌዒ ዚጌኔ።

13 የሴፔ ዒዛኮ ላምዖ ናኦቶ ዔኪ ሙካዖ ዔፕሬኤሜ ፔኤኮ ሚዛቆ ዛላ ዒሰራዔኤሌኮ ሻውሎ ዛላ፣ ሚናኦሴ ፔኤኮ ሻውሎ ዛላ ዒሰራዔኤሌኮ ጋባንቴ ሚዛቆ ዛላ ማሂ ዔቁሴኔ። 14 ዒሰራዔኤሌ ጋባንቴ ኩጮ ፔኤሲ ሶንጌ ሃንጌ ጋኦዲ ሚዛቆ ኩጮ ጌኤዛሢ ዔፕሬኤሜ ቶኦካ፣ ሻውሎ ኩጮ ቶይዳሢ ሚናኦሴ ቶኦካ ጌሢኔ።

15 ዩካፓ ዒሰራዔኤሌ ሂዚ ጌዒ የሴፔ ባንጃኔ፡- «ታ ዓደንሢ፣ ዓብራሃሚንታ ዪሳኦቁንታ ጎይዖ ዒዛሲ ሃንቴ ዒዛም ማዴያ፤ ሃሃ ታናኦ ሃሮ ሄላንዳኦና ሺምፔና ዓኦያ ማሂ ሄንቄ ዖኦዛሢ ሃንሢ ናኦቶ ኔኤም ባንጃንጎ።

16 ታና ፑርታ ባኦዚዳፓ ቢያ ካፔ ዖኦሲኮ ኪኢታንቻሢ ዔያቶዋ ካፖንጎ።

ታ ሱንዖንታ ታ ዓደንሢ ዓብራሃሚንታ ዪሳኦቁንታ ሱንዖ ሃንሢ ናኦቶ ዛሎና ዋሊንቱዋያ ማዖም፤ ዜርፃኦ ዔያቶኮ ሳዖይዳ ሚርጎንጎ።»

17 ዓዴ ሚዛቆ ኩጮ ዔፕሬኤሜ ቶኦካፓ ዓደኮ ኩጮ ዔኪ ሚናኦሴ ቶኦካ ጌሢኔ ኩጮ ዓደኮ ሳርቃዖ፡- 18 «ዓዴ! ያዲቱዋሴ፤ ቶይዳሢ ሃያታሢር ሚዛቆ ኩጮ ሃያይዳ ጌሢ» ጌዔኔ። 19 ዓዴ ጋባንቴ፡- «ታ ናዓሢዮ ታ ዔሬኔ፣ ዔሬዖ ታ ዋኦታኔ፤ ሚናኦሴ ዜርፃኦ ጴኤፕ ዴሬ ማዓንዳኔ፤ ማዔቶዋ ዒዛኮ ጌኤዚ ዒዛሲዳፓ ባሺ ማዓንዳኔ፤ ዜርፃኦ ዒዛኮ ጴኤፕ ጴኤፕ ዴሬ ማዓንዳኔ» ጋዓዖ፣ ኩጮ ፔኤሲ ሺኢሺ ዒፄኔ። 20 ዒዛ ኬሎ ዒሰራዔኤሌ ባንጃዖ፡- «ዒሰራዔኤሌ ዓሳ ሃጊ ባንጃ ባንጃ ዋደና ዒንሢ ሱንዖ ጳቂሢ «የኦሲ ዒንሢ ዔፕሬኤሜና ሚናኦሴናጉዲ ማሆንጎ» ጋባንዳኔ» ሂዚ ጌዒ ባንጃኔ።

ዒሰራዔኤሌ ዩያይዲ ዔፕሬኤሜ ሚናኦሴይዳፓ ቤርታሴኔ።

21 ዩካፓ ዒሰራዔኤሌ የሴፔም፡- «ሃይሾ ታ ሃይቃኒ ዑኬኔ፤ ጋባንቴ ዖኦሲ ዒንሢና ዋላ ማዔሢር ቤርታ ዒንሢኮ ዓደንሢ ሳዖ ዒንሢ ዒዚ ዔኪ ማሃንዳኔ፤ 22 ዓምራ ዓሶይዳፓ ታኦኒ ጨንቾ ሳፓርና ዓኦዘና ዖሊ ዔኬ ሴኬሜ፣ ኔ ጌርሲንሢና ዋላ ጊሸቲ ኔኤኒ ዴንቃንዳ ዛሎይዳፓ ዑሣ ዓኦጴ ኔኤም ታ ዒንጌኔ» ጌዔኔ።

# 49

## ያይቆኦፊ ፔኤኮ ናኦቶ ባንጃዖ ጌዔ ባኮ

48:20 48:20 ዔ.ብ. 11:21።



1 ያይቆኦጌ ፔኤኮ ናኣቶ ዔኤላዎ ሂዚ ጌዔኔ፡- «ቢያሢ ሙኪ ቡኪንቱዋቱ፣ ታ ዒንሢ ሃጊ ሄላንዳ ባኣዚ ከኤዛንዳኔ፤»

2 «ዒንሢ፡ ያይቆኦጌ ናኣታ ፔቱሞና ሃጊ ዋይዙዋቱ፤ ዓዳሢ፡ ዒሰራዔኤሌ ዒንሢሞ ከኤዛ ባኮ ኮሺ ዋይዙዋቱ።»

3 «ርእቤኤሌ፡- ኔኤኒ ታ ኔና ዴጋቶ ዎልቄና ዓኣዎ ሾዔ ታኣኮ ኔ ናኣዚ ቶይዲኬ። ታኣኮ ናኣቶይዲፓ ቢያ ቦንቲንታያና ዎልቄና ኮሺ ባሺሢ ኔናኬ።

4 ያኣዴ ማዔቶዋ ኔኤኒ ኩሜ ዲጲጉዲታሢር ቢያሢኮ ዑፃ ማዒ ዎይሣያ ማዒሢ ኔኤሞ ኮይሱዋሴ፤ ዎይቲ ጌዔቲ ታና፣ ዓደኮ ማዶ ማዳ ላኣሌሎ ኔ ዓርቂ ዓርሶዋ ኔ ታኣኮ ዒኢሴኔ።»

5 «ሲሞኦኔና ሌዊና ዎሊኮ ጌርሲንሢኬ፤ ፑርታ ማዶ ማዳኒ ዔያታ ዎልዚ ዓንጋሞ ዔካያኬ።

6 ዔያታ ፔ ዳጎና ሚርጌ ዓቲንቄ ዎዴኔ፤ ጌማቶ ዔያታ ሚኢጪ ዓማላኒ ቲቂ ዎቢሴኔ፤ ዔያቶ ዘርይዳ ታኣኒ ጌላዓ፤ ዔያቶኮ ቡኪንቶይዳኣ ታ ዴዳዓ።»

7 ዴኤፖ ዔያቶኮ ዒጊቻ ዳጋ ዴኤፖ ጎሪንታ ዔያቶኮ ጋዳንቁንቲያ ማዎንጎ። ታኣኒያ ዔያቶ ዒሰራዔኤሌ ዓጮይዳ ቢያ ዜርቃንዳኔ፤ ዴር ባኣኮይዳኣ ታ ዔያቶ ላኣላንዳኔ።

8 «ዪሁዳ! ኔና ኔ ጌርሲንሢ ጋላታያ ማዓንዳኔ፤ ኔ ሞርኮ ኔ ባሻያ ማዓንዳኔ፤ ኔኤኮ ጌርሲንሢ ሂርኪ ጌዒ ቦንቸ ዔኤላሢ ኔና ዔኤላንዳኔ።

9 ዪሁዳ፣ ሃጊ ዲጫ ዓዴ ዘቢኬ፤ ሙዎንዶ ባኮ ኬሚ ጌሊ ዎርቃ ዔቶ ባንሢ ማዓንዳኔ፤ ሃሣ ዒጊጩዎዎ ፔና ሃሺ ላሃንዳኔ፤ ዒዛ ዓጊሢ ዴቻኒ ጫርቃንዳያኣ ዴዳዓኬ።

49:9 49:9 ፓይ. ማፃ 24:9፤ የሃ. ያፔዳ 5:5።

- 10 ዴራ ቢያ ዲዛሞ ዲይሢንታያ ማዓንዳኔ፤  
ናንጊና ዔያቶይዳ ካኦታዳንዳሢ ሙካንዳያ ሄላንዳኦና  
ካኦቱሞ ቢታንቶ ዪሁዳ ማኦራፓ ኬሰካዓኬ።
- 11 ሃሮ ፔኤኮ ዲ ዎይኖ ሚያኮ ፃጶይዳ  
ሃሮ ናዎ ዎይኖኮ ባልጌ ኮኩ ካኦፖይዳ ቱካንዳኔ፤  
ዓፒሎዎ ፔኤኮ ዲ ዎይኖ ዑኩና  
ዲዚ ገልዲማ ገልዲሞዎ ሱጉሢጉዲ ዘቃ  
ዎይኖፓ ጩኤጶና ዑኩና ማሰካንዳኔ።
- 12 ዓኣፓኦ ዲዛኮ ዎይኖ ዑኩይዳፓ ባሽ ዘቃንዳኔ፤  
ዓጫ ዲዛኮ ዲኢቁዳፓ ዑሣ ዓኦጳ ቦኦራንዳኔ።።
- 13 «ዛብሎኦኦ፡ ባዚ ዓቺዳ ናንጋንዳኔ፤  
ዲዛኮ ባዘ ዓጮይዳ ዓኦ ቤዛ ዎኦሢ ካኦሚሌ ሙኪ ዔቃ ቤሲ  
ማዓንዳኔ፤  
ዲዚ ናንጋንዳ ዓጮኮ ዛጶ ዴንዲ ሲዶና ሄላንዳኦናኬ።።»
- 14 «ዪሳኮኦ፡ ጫኦኖ ባኦካ \* ላሂ ሺራ ዶዲ ሃራጉዴያኬ።
- 15 ጋዓንቴ ዲዚ ሃውሻንዳ ቤዘና  
ሳዎና ኮሺ ዎዛሳያ ማዔሢ ዴንቃዎ  
ጫኦኖ ዔካኒ ጌኤቶ ፔኤሲ ሂርኪዳንዳኔ፤  
ካራሚጉዲ ዶዲ፡ ዎልቁ ማዶዎ ማዳንዳኔ።
- 16 ዳኦኦ፡- ዲሰራዔኤሌ ፃጶፓ ፔቴሢ ማዒ ፔ ቶኦኮኮ ጌሰቲ ዎጋያ  
ማዓንዳኔ።።
- 17 ዳኦኦ ሳይሢ ዓቺዳ ዓኦ ሸኦሺ ማዓንዳኔ፤  
ባቁሎ ቶጊ ዓኦዳሢ ባቁሎይዳፓ ሎንሣኒ  
ሳይሢ ፀኦቤ ካራይዳ ካቲ  
ባቁሎኮ ሹቁሎ ዳዓ ዶርባ ሸኦሺ ማዓንዳኔ።።»
- 18 «ናንጊና ናንጋ ሳዳሢዮ!  
ታ ኦኤኮ ዳቁሺያ ካፓንዳኔ።።»
- 19 «ጋኦዴ፡- ቡራ ዓሲ ኮሺ ሜታሳንዳኔ፤  
ዲዚያ ኮጲሲ ዓኦዲ  
ዔያቶ ዳውሳንዳኔ።።»

---

\* 49:14 49:14 ጫኦኖ ባኦካ ጋዓዛ፡- ዪሳኮኦፊኮ ዓጫ ላምዎ ዴካ ባኦካ ዓኦ ዶኦቺ ቤሲ ማዓሢ ዔርዛያኬ።

20 «ዓሴኤራ፡- ሳዖይዳፓ ሚርጌ ሃኣኮ ዴንቃንዳኔ፤  
ካኣቶሞ ዒንጎንደጉዴ ቃራ ካሣኣ ካሣንዳኔ።»

21 «ኒፕታኣሌኤሜ፡- ሜታባኣያ ሃንቲ ሃንቲ ናንጋ  
ሚርጌ ሚዛጺ ናይ ሾዓ  
ጌንዖጉዴያ ማዓንዳኔ።»

22 «ዮሴፔ፡- ዓለቃ ዋኣሢ ዓሽካ ቱኮናያ  
ባልጊ ዴንዳ ካኣፓ ኮጨይዳ ባልጊ ዴንዲ ዓኣፓ ሚሢጉዲ  
ማዓንዳኔ።

23 ዒዛኮ ሞርካ ዒዛ ዳውሲ ዳውሲ ሚርጌና ሜታሳንዳኔ፤  
ሂኢሺናኣ ዔያታ ዒዛ ዲካንዳኔ።

24 ጋዓንቲ ሚርጌ ደዲ ማዔ ያይቆኦቤ ያኦዛሢ ሞልቆና  
ዒሰራዔኤሌ ሃንቃሢና ካፓሢናኮ ደዲሞና

ዒዛኮ ዓኣዛ ባሽ ደዲ ማዓንዳኔ፤  
ሞልቃኣ ዒዛኮ ደዲንዳኔ።

25 ኔኤኮ ዓደ ያኦዛሢ ኔና ማኣዳንዳኔ፤  
ቢያ ባኮ ዳንዳዓ ያኦዛሢ ጫሪንጫፓ ዒርዘ

ሳዖኮ ዴማፓ ዋኣሢ ኔኤሞ ዒንጊ ኔና ዓንጃንዳኔ፤  
ሃሣ ሚርጌ ቆልሞና ናይና ኔኤሞ ዒዚ ዒንጋንዳኔ።

26 ሚናፓ ደዲ ማዔ ናንጋ ዲኮና  
ናንጊና ናንጋያ ማዔ ዓኣ ጌሚርናይዳፓ  
ጴዳ ሞዛሳ ዓንጃ ቢያሢዳፓ፡ ኔ ዓንጃ ባሻያኬ።  
ዓካሪ ሃይ ዓንጃ ቢያ ዮሴፔ ቶኦካ ማዖንጎ፤

ጌርሲንሢ ባኣካ ሱኡጌ ማዔ፡ ዮሴፔ ቶኦካ ኬደንጎ።»

27 «ቢኢኒያሜ፡- ቡሪ ዔካ ያኣዮጉዲኬ፤  
ጉቲ ዓሚ ዒ ኬሚ ዴንቁ ባኮ ፔኤር ሙዓንዳኔ፤  
ዋንቲ ኬሚ ዴንቁሢ ጋዓንቲ ዒዚ ጊሽካንዳኔ።»

28 ዓካሪ ሃኣታ ታጶ ላሞዓሢ ዒሰራዔኤሌ ፃጶኬ፤ ዓዴ ዔያቶ  
ዓንጃዖ ፔቲ ፔቲሢሞ ኮይሳሢጉዴ ዓንጃ ዒንጌሢ ዴያይዲኬ።

**ያይቆኦቤኮ ሃይቦና ዲኡቲያና**

29 ዬካፓ ያይቆኦቤ ፔ ናኣቶ፡ «ታኣኒ ሃይቁ ታ ዒጊና ኮራ  
ዓኣዳንዳ ሞዳ ሄሌኔ፤ ዬያር ሄቲ ዓሢ ዔፕርኦኔ ጎዡ ዓጫ ዔታ ዓኣ  
ቤዛሢዳ፡ ታ ዓደንሢ ዲኡቲ ቤዛ ታናኣ ሞላ ዒኢካ ዲኡኩሞቲ፤

30 ዬይ ዴኖ ዔቶ ቤዛሢ ካኣናኔ ዓጫይዳ ሜሚሬ ጎዖ ቤዛኮ ዓባ  
ኬሰካ ዛሎና ማክጴላይዳ ዓኣሢኬ፤ ዓብራሃሜ ዬያ ዴኖ ዔቶኮ  
ዓኣ ጎዡ ዲኡፕ ቤሲ ማሢ ሻንቁሢ ሄቲ ዓሢ ዔፕርኦይዳፓኬ።

31 ዓብራሃምንታ ማሾ ሳኣራንታ ዩሳኣቄንታ ማሾ ዒርቢቃንታ ዱኡቴህ ቢያ ዒኢካከኔ፤ ታኣኒያ ታ ማሾ ሊያ ዒኢካ ዱኡከኔ።  
 32 ጎዡንታ ዳኖ ዔቶ ቤዘንታ ሻንቄንቴህ ሄቴ ዓሶይዳፓኩ፤ ዬያር ታና ዒኢካ ዱኡኩዋቴ» ጌዒ ዓይህኔ።  
 33 ያይቆኦቴ ፔኤኮ ናኣቶ ዓይህ ጋፔሰካፓ፡ ገንህ ላሃማና ሸምፓህ ዒዛኮ ዱጴኔ።

# 50

1 ዒማና ኮሴፔ ዓደኮ ሌዘይዳ ሎኦማያ ዓኣፖ ካር ሄርቂ ሄርቂ ዩኤከኔ። 2 ዩካፓ ዒዛም ማዳያታያ ዳኤሻ ኮሻ ዓሳ ዓደኮ ሌዘ ዱኡፖም ገኢሊሺ፤ ሙርዑዋያ ማርጌ ዳይህ ዳኤሻናኣ ቲሸኮም ዓይህኔ። 3 ዳኤሻ ኮሻ ዓሳ ሌዘ ዱኡፖም ገኢሊሻኒ ያይዳታሚ ኬሊ ኩርሴኔ፤ ዩኖ ዋዶና ሌሲ ዱኡከንታኒ ገኢሊሻንታህ ያዲ ኬሊዳከ፤ ገብፂ ዓጮ ዓሳ ላንካይታሚ ኬሊ ጉቤ ያይቆኦቴ ዩኤከኔ።

4 ዩኤፓ ጋፓዛ ኮሴፔ ካኣቲኮ ዳማ ማዒ ዋይህ ዓሶ፡- «ሃደራቴ፡ ዒንህ ታኣም ዔኤዓያታቴ፡ 5 <ዓዳ ታኣኮ ሃይቃኒ ዑካያ ካኣናኔ ዓጮይዳ ዒዚ ኮሻ ዱኡፖ ቤዘይዳ ታ ዔኪ ዓኣዲ ዒዛ ዱኡካንዳጉዲ ታና ጮኣቁሴኔ፤ ዩያር ታ ዓደ ታኣኒ ዒኢካ ዔኪ ዓኣዲ ዱኡከ ማዓንዳኔ ጌዒ ኔና ያኡጮኔ» ጌይ ካኣቲም ከኤዙዋቴራ» ጌዔ።

6 ካኣቲ ዩያ ዋይዛያ፡- «ኔኤኒ ጮኣቁ ጎይያ ዳንዲ ኔ ዓደ ዱኡከ» ጌዒ ኮሴፔ ዓይህኔ።

7 ዩያር ኮሴፔ ዓደ ዱኡካኒ ዓኣዳኔ፤ ዒዛና ዋላ ካኣቲኮ ዳማ ማዒ ዋይህ ዓሶንታ ካኣቲ ማኣርይዳ ዓኣ ዳኤፖ ዓሶንታ ማሌ ሃህ ገብፂ ዓጮይዳ ቢታንቶ ዓኣ ዓሲያኣ ዓኣዳኔ። 8 ዩያጉዲ ኮሴፔኮ ማኣር ዓሳ፡ ጌርሲንህ፤ ዒዛኮ ዓደ ማኣር ዓሳኣ ቢያ ኮሴፔና ዋላ ዓኣዳኔ፤ ጌኤሴኤማይዳ ዓቲዞንህ ዳኮ ናኣቶና ማራቶና ዋኣርና ሌሊኩ። 9 ሳርጌሎ ያይቶና ዓኣ ዓሶንታ ፓራህ ቶጊ ዓኣዳ ዓሶንታ ዒዛ ገንያ ዓኣዳኒ ከሰከኔ፤ ዒማና ዒዛና ዋላ ዓኣዳ ዓሶኮ ፓይዳ ኮሻ ዲቢኩ።

10 ዔያታ ዳንዲቤቃ ኮርዳናሴ ዋርኮ ዓባ ከሰካ ዛሎና «ዓፃዴ» ጌይንታ፡ ሃኣኮ ሺርኮ ቆይዳ ሙኪ ሄሌኔ፤ ዒኢካ ዔያታ ዑኡዙ ፔኤኮ ዳጊዲ ዒላቲ ዩኤከኔ፤ ኮሴፔ ዒኢካ ላንካይ ኬሊ ቢያ

---

49:30 49:30 ማኸ. ማፃ 23:3-20። 49:31 49:31 ማኸ. ማፃ 25:9-10፤ 35:29። 49:33 49:33 ዳኪ. ማዶ 7:15። 50:5 50:5 ማኸ. ማፃ 47:29-31።

ፔኤቂ ዩኤኮኔ። 11 ዒዛ ቤዜሎይዳ ናንጋ ካኣናኔ ዓጮ ዓሳ ዓፃዴ ቆይደይዳ ዩኤኪንታ ዩኤፖ ዛጋፖ፡- «ሃይ ጊብፃ ዓጮ ዓሳ ዒኔ ማቂ ዩኤካ ዩኤፓ ዋዚጉዳ ዩኤፕዳይ?» ጌዔኔ። ዩያ ዛሎና ዩኖ ዮርዳኖሴ ቦኦሎይዳ ዓኣ ቤዜሎ ሱንፃ «ዓኣቤኤሌ ማዲራይሜ» ጌይንቲኔ፤ ዩኖኮ ቡሊፃ ዔብሬ ዓሶ ሙኡጮና «ጊብፃ ዓጮ ዓሶኮ ዩኤፖ» ጌይሂኮ።

12 ያይቆኦቤ ናኣታ ዩያይዲ ዓደኮ ዓይሂያ ኩንህኔ፤ 13 ሌዛ ዔያታ ካኣናኔ ዴንዳ ጎይፖ ዓጫ ዓኣ ማሚሬ ጎፖ ቤዘኮ ዓባ ኬሰካ ዛሎና ዔታ ዓኣ ቤዛ ማክጶላይዳ ዲኡኮኔ፤ ዩይ ዴኖ ዔቶ ቤዛሂ ጶዳሂ ዓብራያሜ ዲኡፕ ቤሲ ጌዒ ሃቲ ዓሂ ዔፕሮኔይዳፓ ሻንቁ ጎኩ ዓጫኮ። 14 ዮሴፕ ዓደ ዲኡኮሰካፓ ፔኤኮ ጌርሲንሂና ሃሃ ዒዛ ጊንፖ ዲኡፖሮ ዓኣዴ ዓሶ ቢያሂና ዋላ ጊብፃ ዓጮ ማዒ ሙኡኮኔ።

**ዮሴፕ ፔ ጌርሲንሂኮ ዒኖ ደዲሼሂ**

15 ዓዴ ሃይቁሂኮ ጊንፃ ዮሴፕኮ ጌርሲንሂ ዋሊ ኮራ፡- «ጎፖንቲ ዮሴፕ ኦኡና ዋላ ፑርቲ ዒዛ ዑፃ ኦ ማዴ ጌኖሮ ኦና ኮማኒ ኮዔቶ ኦ ዋይታንዳይ?» ጋዓፖ፡ 16 ዮሴፕም፡- «ኦ ዓዴ ሃይቃንዳሂኮ ቤርታ፡ 17 ኔ ጌርሲንሂ ኔ ዑፃ ፑርታ ባኣዚ ማዲ ዳቤያታቶ ዔያታ ማዴ ፑርቶ ባኮ ዳቢንቲ ማሂ ፓይዲ ዓርቂፖ ጌዒ ኦ ኔኤም ኬኤዛንዳጉዲ ዓይህኔ፤ ዩያሮ ኦኡኒ ኔ ዓደ ፆኣዛሂኮ ዓይላ ኔ ዑፃ ፑርታ ማዴ ባኮ ቢያ ዓቶም ኔኤኒ ጋዓንዳጉዲ ኦ ሺኢቃኔ» ጋዓ ኪኢታ ኬሲ ዳኮኔ። ዩያ ዔያታ ጌዒ ዳኮሂ ዮሴፕ ዋይዛፖ ዩኤኮኔ።

18 ዩካፓ ዒዛኮ ጌርሲንሂ ዒዛ ቤርቶ ፔኤሮ ሺኢካፖ ሂርኪ ጌዒ ቦንቾ ዔኤሊሂ ዔኤሊ «ኦኡኒ ቢያሂ ኔ ካራሚኮ» ጌዔኔ።

19 ጋዓንቲ ዮሴፕ ዔያቶም፡- «ዒጊጫፖቲ፤ ታና ፆኦሲ ቤዘይዳ ፆኦኒ ጌሂይ? 20 ዒንሂ ጎኔና ታጊዳ ፑርታ ማሊሂ ማሌያታንቲ ፆኦሲ ኮሺ ባኣዚ ማሂ ሺርሺኔ፤ ዩያ ዒዚ ማዴሂ ሃሂ ሺምፖና ዓኣ ሚርጌ ዓሶ ዳቂሻኒ ጌዒኮ። 21 ሃሂ ዒንሂ ፔቲታፖ ዒጊታንዳ ባኣዚ ባኣሴ፤ ታኣኒ ዒንሂንታ ዒንሂኮ ናኣቶንታ ሙኡዛንዳኔ» ጌዔኔ። ዮሴፕ ዩያይዲ ኮሺ ዑኡሲና ዒኖ ዔያቶኮ ደዲሼኔ።

**ዮሴፕኮ ሃይቦ**

22 ዮሴፕ ፔኤኮ ዓደ ማኣሮ ዓሶና ዋላ ጊብፃ ዓጮይዳ፡ ሌዓ ዒዛኮ ፃኤታና ታጶ ሌዔ ማዓንዳኣና ናንጌኔ፤ 23 ዒዛኮ ናኣዚ ዔፕራኤሜ ናኣቶንታ ናኣቶኮዋ ናኣቶ ዛጋንዳያ ሄላንዳኣና ዴዔኔ፤ ሚናኣሴ ሸዔ፡ ማኪሪኔ ጎፖሂኮዋ ናኣቶ ፔ ናይ ማሂ ዔኮኔ።

50:13 50:13 ዳኪ. ማዶ 7:16።

24 ዩካፓ ዮሴፔ ገርሲንሢ፡- «ሃይሾ፣ ማይ ታ ሃይቃንዳ ዎዳ ዑኸኔ፤ ያኦሲ ፔኤኮ ማኣዲፆና ዒንሢ ዛጋንዳ፤ ሃያ ዓጩፓኣ ዒንሢ ከሲ ዔኪ ዒብራሃሜንታ ዩሳኣቄንታ ያይቆኦቤንታም ዒንጋኒ ጩኣቄ ዓጩ ማሂ ዳካንዳ። 25 ያኦሲ ዩኖ ዓጩሎ ማሂ ዒንሢ ዳካ ዎደና ታኣኮ ሌዞ ሃይፓ ዔኪ ዓኣዳኒ ታኣም ጩኣቄዎቴ» ጌዒ ዔያቶ ጩኣቄሴ።

26 ዮሴፔ ሌዓ ዒዛኮ ዪኤታና ታጰ ሌዔ ማዓዛ ጊብዪ ዓጩይዳ ሃይቄ፤ ዓሳ ዒዛኮ ሌዞ ሙርዒሱዎፆ ሜልዛ ጴኤሻና ቲሽኪ ዲኡፒም ገኢጊሼሰካፓ ሳኣዲኔ ጋርካ ዓጊ ጌሢ።

---

50:25 50:25 ከሲ. ማፃ 13:19፤ ዒያ. 24:32፤ ዔብ. 11:22።

**ጌሌዢ ማግኒት**

**The Holy Bible in the Maale language of Ethiopia,  
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

**ጌሌዢ ማግኒት**

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

---

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929